



68 H 7



162 K 8

ES
4
6

TEOLOGIA
LITURGICA

162
h
8.

BIBLIOTHECA NAZIONALE

D E
VERO ECCLESIAE SENSU

C I R C A

SACRARUM CÆREMONIARUM USUM,
REVERENDISSIMI EPISCOPI SVESSIONENSIS

• O P U S C U L U M ,

CUI ACCESSIT DISSERTATIO

JOSEPHI ALOYSII ASSEMANI

DE SACRIS RITIBUS

Ad Eminentiſſimum, & Reverendiſſimam Dominum

D. VICTORIUM CAROLUM

A M E D E U M

S. R. E. C A R D I N A L E M

D E L A N C E I S .



ROMÆ MDCCLVII.

Sumptibus Venantii Monaldini Bibliopœ in Via Curſus.

Ex Typographia Joannis Zempel prope Montem Jordanum.
S U P E R I O R U M P E R M I S S U .

FACULTAS ILLUSTRISSIMI, ET REVERENDISSIMI
ROMANI SAPIENTIÆ ARCHIGYMNASII
RECTORIS.

Poterit imprimi si iis videbitur, ad quos pertinet.

*Philippus Maria Pirellius Sacri Consistorii
Advocatus Prætor.*

IMPRIMATUR,

Si videbitur Revmo Patri Magistro Sacri Palatii Apostolici.

*F. M. de Rubeis Patriarcha Constantinopolitanus
Vicegerens.*

A P P R O B A T I O.

Reverendissimo P. F. Josepho Augustino Orsi Sacri Palatii Apostolici Magistro obsequuturus legi Dissertationem *De Sacris Ritibus* a Josepho Aloysio Assemani conscriptam, & sepolita, quæ mihi est, cum clarissimo Auctore, amicitia, cenforem egi; cumque nihil, quod cum Religione, rectaque morum institutione pugnet ea contineri animadverterim, illam equidem probavi, & luce publica dignam duxi.

D. Aloysius Stampa Abbas Oliveranus, promovendorum ad Episcopatum Examinator, & in Collegio Urbano de Propaganda Fide Studiorum Præfectus.

APPRO-

A P P R O B A T I O .

JUbente Reverendissimo P. Magistro Sacri Palatii Apostolici perlegi cum *Opusculum Reverendissimi Episcopi Sveshonenſis de vero Ecclesiæ sensu circa Sacrarum Cæremoniarum usum*, tum *Dissertationem Iosephi Aloyſii Affemani de Sacris Ritibus*. Quæ quidem Opuscula cum nihil contineant a Fide Catholica, & bonis moribus alienum; immo sint piè, docte, ac diligenter perſcripta: ea digna esse arbitror, quæ in lucem emittantur.

Dat. ex Ædibus S. Petri ad Vincula 27. Augusti 1757.

*D. Michael Angelus Monsacratì Abbas,
Congregationis Indicis Consultor.*

I M P R I M A T U R .

Fr. Vincentius Elena Magister Socius Revm̃i P. Magistri Sacri Palatii Apostolici Ordinis Prædicatorum.

JOSE-

(1)

JOSEPHI ALOYSII ASSEMANI

DE RITIBUS SACRIS

DISSERTATIO

AD EMINENTISSIMUM, ET REVERENDISSIMUM DOMINUM

D. VICTORIUM CAROLUM

A M E D E U M

S. R. E. CARDINALEM

D E L A N C E I S.

I.



Quantum fuerit Sacrorum, ac Religionis observatrix Roma Ethnica, neminem profectò latet, PRINCEPS EMINENTISSIME, ac REVERENDISSIME, nam præterquamquod omnium gentium serviebat erroribus, Juvenes suos ad vetus Tusciæ Oppidum *Cære* dictum mittere consueverant Romani, ut Sacris informarentur; Ex quo verò singulari

Dei beneficio, & Sanctorum Apostolorum Petri, ac Pauli opera meretrix hæc magna, & babylon Dei veri Religiosa cultrix, ac veræ Religionis Sedes effecta est, & magistra, ad ipsam gentes omnes confluunt, ut Christianis Sacris ac Religione informetur, & ipsa de omnium gentium moribus, dogmatis, ac religione, ritibusque cognoscit. De Urbe hac igitur Christiani nominis Principe optime mereri dicendi sunt, quicumque in hoc Religionis indefectibile ærarium suam conferunt Symbolam. In quorum album non immerito referri cum possint, qui Interpretum officio fungentes, ea quæ exteris linguis ab exteris doctis hominibus conscripta sunt, Romanis auribus ita communicant, ut Romana fieri quodammodo

modo videantur; Venantii Monaldini Bibliopolæ profecto commendanda est industria, qui ut sibi, ac Reipublicæ consulere, Reverendissimi Episcopi Sveffionensis doctrina, & pietate clarissimi Opusculum *De vero Ecclesiæ sensu circa Sacramentum Cæremoniarum usum* e Gallico sermone Latinum reddi curavit, & vulgari decrevit.

II. Opusculum hoc pro Cleri sui institutione consecratur, ut probe nosti CARDINALIS AMPLISSIME, Præstantissimus Episcopus cujus memoria in benedictione est, atque in eo consultandum suscepit librum cl. D. Claudii de Vert Thesaurarii, & Visitatoris Ordinis Cluniacensis, hocce insignitum titulo: *Explicatio simplex, Litteralis, & Historica Cæremoniarum Ecclesiæ*. Diligentissimus Vertius cum animadvertisset hæreticos, præsertim recentiores, Cæremonias Sacras, ac Ritus Sanctos, quibus Ecclesia Christi Sponsa in Sacrificio Altaris, Sacramentorum administratione, ac Religionis publico exercitio utitur, in risum detorquere, cachinnis excipere, & superstitionis vanæque observantiæ damnare, quoddam veras Rituum causas ignorarent, vel ignorare affectarent, provido consilio secernendas censuit causas primitivas ac fundamentales, quas simplices, naturales, & phycas vocavit, ab iis mysticis, & figuratis, quas secundarias, & subfidiarias nominavit. *Disciplina Ecclesiæ, quoad Ritum, & Cæremonias attinet* (ita Vertius tom. 2. Præfat. pag. 23.) *fundata est in causis simplicibus, & desumptis plerumque universis, aut ab usu veterum, aut a similitudine actionum cum vocabulis, & reciproco ordine vocabulorum cum actionibus, aut quod necessitas, decorum, & commodum ita postularent &c. Actionum autem cum vocibus conformitas, & similitudo idest communitas illa gestuum & actionis* (ita tom. 1. pag. 141.) quæ vocibus vim, decoremque largitur deducta ab illis similitudine, qui e suggestu ad populum declamantes actiones orationi conjungunt, causa est usuum fere omnium, quos examinare adgreditur. Causis istis mysticas, & figuratas, seu ideas arbitrarias, piasque moralitates ad nutriendam pietatem in iis, qui perfectionem sui internam quaerunt, parum curiosi de causis institutionum, adjici potuisse, & revera adjectas, utpote talibus utiles, non negat Vertius, quare in Epistola ad Jurieu exarata: *Revereor, scribit, omnes minimi etiam momenti explicationes morales, & mysticas,*

tas, quas nobis dederunt Bielii, Durandi, Innocentii, eorumque discipuli; quin & tom. 1. pag. 276. postquam dixit cavendum esse ne tribuamus eidem coëremonix binas causas immediatas, & specificas institutionis, unam scilicet, quæ ipsi essentix physicæ, & materiali coëremonix conveniat, alteram verò, quæ figuratum ejusdem sensum respiciat, subdit: *Dummodo traditio firma, constans, ac uniformis & testimonia irrefragabilia, ac optimæ notæ adsint*; itaque & duas institutionis causas inesse posse Ritibus nostris, alteram simplicem, & litteralem, mysticam aliam, & spiritualem novit Vertius, etsi alias secundarias, unam solum primariam plerumque agnoscat.

III. Sanctum, ac laudabile hoc Vertii institutum, nemo non videt, quare Svevionensis Episcopus, licet *omni impetu, vehementia & animositate hanc materiam pertractandam* contra Vertium susceperit, *sincere asseverare ausim* (protestatur pag. 12. dicens) *me rationes solum, & adnotationes, non illius personam arguere, & impetere. Subscribam lubens omnibus elogiis, quibus & vitæ probitas, & finis, quem sibi in hoc concinnando opere proposuerat tamquam rectissimus commendatur. Accedam si opus est in asserenda illi laude ad Auctorem illum, qui D. Claudii de Vert elogium his verbis contexit. Quod comparando sibi elegantium litterarum cognitionem eam in christianismo scientiam adeptus fuerit, quæ illum æquè pietate, ac doctrina celebrem Religiosum effecit, Quin non inficiabor libros, quos impugno communes hominum vires excedentis laboris esse, plenosque sexcentis curiositate allestantibus disquisitionibus, quarum haud pauca præstanti utilitate pollent. Et pag. 10. Nihil profecto (scripserat) magis rationi conforme, nihil laudabilius, nihil utilius videbatur, quam institutum, quod D. de Vert contra D. Jurieu Ministrum Calvinistam scribens sibi proponit, investigandi nempe omnium Ecclesiæ coëremoniarum origines, atque inde institutionis earum causas deducere.*

IV. Sed Vertio accidit, quod iis usuvenire solet, qui primi Argumentum pertractant, quod quæstiones facti & historias verset earum rerum, quæ usu potius, & consuetudine, quam lege præscriptæ, mores hominum varios variis in locis, & temporibus respiciunt. Unde ut bene advertit Svevionensis pag. 18. In toto Opere D. de Vert implexissima con-

fusio dominari videtur , & informe hoc Animadversionum ; Adnotationum , Supplementorum , Additionum , Correctio-
num Chaos nihil aliud nobis offert , quam rudem indigestam-
que sine ordine , sine serie factorum congeriem ; in qua er-
rores quidam occurrunt , navi non pauci adparent , expres-
sionesque scintillantes , temerariæ (Sveffionensî Auctore) ,
& audaces ab ipso adhibitæ , quare felicibus conjecturis om-
nia haudquaquam explicavit . Forte , nisi morte præreptus
fuisset , tantum opus retractasset , ordine donatum emenda-
set , & iustis contentus limitibus immortalis sui nominis glo-
riam apud omnes sibi reliquisset , & rectissimum finem aptis-
simis mediis obtinisset .

V. Sveffionensî Præsul commotus perverso Vertii Sy-
stemate (ita nimirum scribit pag. 8.) iustaque ira erga ho-
minem accensus , qui non exiguo multorum scandalo , veram
Ecclesiæ mentem ad ineptas suas conjecturas detorquere co-
natur , officii sui esse credidit illius oppugnationem adsume-
re , quæ autem in Vertio oppugnat ita proponit pag. 12. *D. de
Vert contendit unamquamque cæremoniam causam physicam ,
& naturalem institutionis sue habere , & rationem symboli-
cam posterius demum accessisse . Ego contra assero : hanc Reli-
gionis nostræ mentem esse , ut nullam prorsus cæremoniam nisi
ob rationes ex integro symbolicas primitus instituerit
In hac veritate asserenda (ita prosequitur pag. 13.) totus sum ,
illamque tam certis argumentis comprobasse credo (assensu
scilicet , & fide humana , non verò divina , nec assensu me-
taphysico) ut certissimarum demonstrationum vices ea (quia ve-
ram demonstrationem non continent) obtinere mihi persuasum
sit . Hæc enim argumenta hoc sibi demonstrandum proponunt ,
primò Universas Orbis Religiones , ac præcipue Ecclesiam Jesu
Christi omni tempore id intendisse in suarum cæremoniarum
institutione , ut & cultui religioso inferoivent , & symbolorum
rationem involverent . Secundo , quod si in administratione Sa-
cramentorum , aut solemnitatibus Ecclesiæ officiorum Ritus aliqui
reperiantur , qui necessitati solum , & decori originem suam
debent , esse tamen alias eodem numero , imo majori , qui non
allam institutionis sue causam habent , quam sensum mysti-
cum , & symbolicum tanta pertinacia a D. de Vert rejectum ,
Tertio , quod dum Ecclesia aliquas retinuit cæremonias , quæ
originem suam necessitati adscribunt , id eam , nec fortuito ,
nec*

nec ab inveteratam consuetudinem egisse, verum quia præviderat Fideles fructum aliquem percepturos ex sensu figurato, devotionemque edocente, quem iis adjunxit. Quarta complures sensuum horum allegoricorum, & symbolicorum minime esse considerandos tamquam ideas pias quorundam mysticorum; verum, ut adoptatos ab universa Ecclesia, antiquissimæque traditione, & omnium Ecclesiasticorum Auctorum sermone confirmatos. Ex his principiis omnia superstruuntur, quæcumque contra D. de Vert opus, & dispersas in 39. sectionibus prioribus quibus illud constat conjecturas attuli. Non tamen ita vagis, generalioribusque principiis alligatus sum, ut non sepius etiam in exactissimum Vertianorum assertorum examen descendam. Limites solum rationi sanæ conformes mihi constitui. Cuncta prorsus impetere, & modum excessisset, & injustum, consueat, necesse est, fuisset. Conjectura D. de Vert quædamque felices sunt, nec adnotationes illius semper judicio, soliditateque carent: sed mihi satis fuit copiosam, & abundantem opinionum asferre messem, quæ nullo conatu, nulla ingenii aut eruditionis vi sustineri, ac defendi queunt, satis fuit invidiis demonstrare argumentis, quam falsæ, quam imprudentes, quam ridiculæ plurimæ earum sint. . . . Hocque ipsum est, quod in argumentis quæ 39. priores sectiones amplectuntur præfissi, quodque accuratiori indagine in 10. sectionibus sequentibus a me confectum est. Ultimas denique sectiones adhibeam necesse est ad desegendam falsitatem argumentorum, quibus D. de Vert systema suum fulcire studuit.

VI. En paucis verbis Sveffionensis Episcopus instituti sui rationem explicat, quam si exactiorem paulisper cupis, amice Lector (*ita ipse pag. 13.*) in adjunctam summariorum tabulam, quæ *pag. 13.* exstat, oculos conjice, atque uno intuitu completa totius operis idea se offeret. An autem Præsul iste modum aliquando excesserit, an argumenta ejus Vertium bene petant, Te Judicem volui, CARDINALIS AMPLISSIME, Tanta nimirum doctrina polles, tanta in dignitate es constitutus, tanta tamque constanti voluntate adfectus existis tribuendi cuique quæ sua sunt, ut nec Sveffionensis, nec Vertius alium a Te Judicem delecturi fuissent, si Te novissent. Quoniam verò Lectores quique judicium & ipsi suum facile ferre volunt, horum quoque judicium non refugio, sed eos, ut justî sint, rogo attente perlegant Vertium,

tium, cujus opus e Gallico in Latinum sermonem convertendum foret, & vulgandum una cum Sveffionensis hocce Opusculo. Ego sanè Episcopos, quos Deus Rectores Ecclesiæ dedit, veneror, nec is sum, qui ipsos dijudicare velim, sed venerationis modum non excedam, si in ipsum regeram quod de Doctoribus, Episcopis, & quibusdam Pontificibus Summis, qui mystici fuerunt, ac mysteria in omnibus etiam minutissimis cœremoniis repererunt, & symbolis, figuris delectati sunt (rerum scilicet adjunctis sese adtemperantes, & plebis, ac populi ædificationi opportune consulentes, ac studentes) scribit pag. 20. *Concedam tamen, & alias (cœremonias) esse, quæ exordium & institutionem suam necessitati, comodo, & decoro debent; imò nec dispiceor quamplures Auctores nimio indolente pietatis zelo adductos extra justis tramites vagatos fuisse, dum sibi mysteria, parabolas, symbola iis in cœremoniis fabricarant, quibus certe talia adungere Ecclesia nequaquam in mente habuit: unde fortasse accidit, ut quæ fuerit nonnullorum Rituum genuina origo nos lateat: Sveffionensis scilicet & ipse pietatis, qui aliquando scientiæ adamussim non respondet, zelo abreptus idæas quasdam arbitrias, & pias moralitates, quæ cœremoniis pro libito ad nutriendam pietatem adjectæ fuerunt, sed quæ institutione essent posteriores, quasque Ecclesia, uti primam, ac fundamentalem rationem, numquam agnovit, obtrusit, atque acrius, quam par mihi adparet, in Vertium invehitur, cujus systema & conjecturas contemptui, & ludibrio cachinnifque exponere videtur.*

VII. Sed hæc a me dicta nolim ita accipias **CARDINALIS AMPLISSIME**, quasi ego Illustrissimum Episcopum damnare velim, aut finem ipsius arguere, & Apologiam pro Vertio scribere, perinde ac si in hujus systema, & verba jura-verim. Dicam igitur ingenue quid sentiam de horum viro-rum questione; mihi semper visi sunt præstantissimi hi Scri-ptores persæpe idem significasse dum diversa, & contraria scribebant, & loquebantur; hanc meam sententiam ubi au-divit Monaldinus, me etiam, atque etiam rogavit, ut dis-fertationem hanc conscriberem, & Doctores laudatos in a-micam concordiam, si fieri posset, vocarem, versaque caus-fas cœremoniarum nostrarum ex mente Ecclesiæ explica-rem, ac Rituum sensus, quibus in publicis Orationibus, ac Offi-

Officiis Sacris utimur, brevissime aperirem. Monaldinii votis facere satis æquum mihi visum est, cum & illa a meo instituto aliena non sint, quin tum in Codice Liturgico maxime tom. 3. 4. 5. cum etiam in Institutionibus, quas Auditoribus in Romano Archigymnasio Præsidum auctoritate trado, non semel meum systema ex Tabulis Ecclesiæ publicis indicaverim, vel exposuerim. Ubi verò hanc in me provinciam suscepi, illico Mœcenas aliquis deligendus fuit, & vir designandus, qui sua doctrina meos errores castigaret, sua Auctoritate me confirmaret, suo Patrocinio confoveret, & benignitate recrearet; Hunc autem frustra abs Te quærerem, **CARDINALIS AMPLISSIME**, cujus doctrinam, virtutem, amplitudinem, & in me bene adfectam voluntatem longo annorum spatio certisque documentis comprobata non ego solus, sed & probi, doctique quique homines norunt, ac deprædicant. Ad Te ergo Dissertationem hanc meam dirigere statui, Te Judicem interpellavi, Te Mœcenatem volui. Idque primo, ut communi me adtemperarem Doctorum hominum, qui opera Viris sibi benevisis inscribunt, consuetudini. Secundo, ut meum erga Te animum sincere, ac iterum panderem. Tercio, ut Te Judice, Te Mœcenate prodeunti præfatiunculæ splendor accedat, & decus, potissimum cum argumentum adtingat alexæ plenum; Consueva itaque benignitate, ac patientia tua lucubratiunculam hanc qualemcumque meam suscipe, lege, judica, & protege.

VIII. Ut igitur recta procedam, a cœremoniarum etymo exordior; quoniam verò varix sunt hujus nominis etymologiæ apud Scriptores Ecclesiasticos, & Lexicographos, sententiam S. Thomæ Aquinatis recitare contentus sum, is 1. 2. q. 99. art. 3. hæc habet: *Ordinatur autem homo in Deum non solum per interiores actus mentis, qui sunt credere, sperare, & amare, sed etiam per quedam exteriora opera, quibus homo divinam servitutem proficietur; & ista opera dicuntur ad cultum Dei pertinere: qui quidem cultus cœremonia vocatur, quasi munia, (idest dona) cæreris, quæ dicebatur Dea frugum: eo quod primò ex frugibus oblationes Deo offerebantur: Sive ut Maximus Valerius refert. (lib. 1. cap. 1. num. 10.) nomen cœremoniaë introductum est ad significandum cultum divinum apud latinos a quodam Oppido juxta Romam, quod cœre vocabatur; eo quod Roma capta a Gallis, illic Sa-*
tra

cra Romanorum oblata sunt, & reverendissime habita. Cœremonix itaque, undecumque nomen deducatur, generatim loquendo Religiosum Dei cultum significant, ejusque actus, quibus homo anima constans & corpore honeste, & secundum Ordinem charitatis christianæ erga Deum; seipsum, & proximum legem implet, & veram assequitur felicitatem.

IX. Cœremonix in hac amplissima significatione acceptæ ad quatuor capita non male revocantur a S. Thoma p. 2. q. 104. art. 4. scribente: *Cœremonialia præcepta (veteris legis) ordinantur ad cultum Dei. In quo quidem cultu considerari possunt, & ipse cultus, & colentes, & instrumenta colendi. Ipse autem cultus specialiter consistit in sacrificiis, quæ in Dei reverentiam offeruntur. Instrumenta autem colendi pertinent ad Sacra, sicut est Tabernaculum, & Vasa, & alia h. m.. Ex parte autem colentium duo possunt considerari, scilicet eorum institutio ad cultum, quod fit per quandam consecrationem, vel populi, vel ministrorum; & ad hoc pertinent Sacramenta: & iterum eorum singularis conversatio, per quam distinguuntur ab his, qui Deum non colunt; & ad hoc pertinent observantiæ, puta in cibis, & vestimentis, & aliis v. m. Quod in veteri lege, id meliori ratione in nova (quam illa figurabat, ad quam illa disponebat) dicendum occurrit: sed illud etiam addendum censeo non in sola veteri lege, sed & in lege naturæ, atque apud omnes Nationes cultas, quæ Deum quovis pacto noverunt, vel coluerunt non dissimiles cœremonias, & illarum divisiones obtinuisse. Nulla enim unquam existit gens, aut natio; cujus historiæ aut mores ad nos usque pervenere (ita bene discurret Svesfionensis §. 8.) quæ non suis uteretur Sacrificiis, suo cultu, suis cœremoniis: sed missis his: Cœremonix dividuntur ex mente S. Thomæ in Sacrificia cum proprie tum improprie dicta, in Sacramenta, in sacra, atque in observantias.*

X. Cœremonix itaque laudatæ omnes plures sortiuntur partitiones inspectis causis illarum. Aliæ etenim sunt quodammodo a natura institutæ, ut in cœlum oculos attollere, pectus percutere, genua flectere, cum Deo fundimus preces, nostrasque miseras exponimus ut veniam, ac subsidium obtineamus. Aliæ sunt a Deo institutæ tum in veteri, cum in novo Testamento, puta sacrificium Eucharisticum, & Sacramenta. Aliæ ab Apostolis, vel eorundem successoribus datæ sunt;

sunt ; igitur ex parte causæ efficientis , ac instituentis aliæ sunt Naturales , aliæ Divinæ , aliæ Ecclesiasticæ , seu humanæ . jam verò vel immediate feruntur ad colendum Deum , ut sacrificia , orationes , adorationes ; vel mediate , & dispositivæ , ut jejunia cœlibatus : vel instrumentaliter , ut Tabernaculum ac vasa . Hinc triplex earum divisio oritur inspecta causâ formali , ut scholæ loquuntur . Quadruplex autem illarum est partitio ex parte causæ materialis , vel enim versantur circa Personas , ut exorcismi , insufflationes , chirotoniæ &c. vel respiciunt tempus , ut celebratio Paschatis , dierumque Festorum , vigiliarum &c. Vel res ipsas adtingunt , puta , benedictiones aquæ , candelarum , cinerum &c. Vel demum versantur circa modum , ut quod in Ecclesia latina , latine celebrentur . Ex parte demum causæ finalis plures divisiones recipiunt ; aliquæ enim institutæ sunt ad sanctificandum , ut Sacramenta ; aliquæ ad aliquos effectus spirituales , vel morales præstandos , sive immediate ex opere nempe operato , ut scholæ loquuntur , sive mediate , ex opere scilicet operantis ; aliæ ob necessitatem , aliæ demum ad solum ornatum , & decentiam , vel ad solam significationem . Vide plura apud Cl. D. Fortunatum Venerium Presbyterum Barnabitam Theol. tom. 5. disp. un. §. 1. pag. 119.

XI. Hinc Cæremoniæ vel sunt universales , vel particulares , nimirum vel communes pluribus personis , ac locis , vel peculiare huic , alterive cœtui , seu loco . Sive particulares verò sint , sive communes , vel sunt perpetuæ , vel temporaneæ seu ad tempus , unde vel sunt in officio , ac præceptivæ , quæ peculiari aliqua lege præscriptæ sunt , vel sine quibus religiosus Dei cultus haberi nequit ; vel directivæ seu consultivæ , quarum inobservantia & neglectus seu contemptus animum arguit Religionis expertem , seu confusionem importat , & scandalum . Sed ut in specie dijudicemus an hæc vel illa cæremonia sit præceptiva , an directiva solum , & consultiva , potissimum ubi agitur de cæremoniis humanæ institutionis , præ oculis habenda est in primis illarum origo natura , ac proprietates , tum Canon Tridentinus sapientissime decernens (est can. 13. sess. 7.) *Si quis dixerit , receptos , & approbatos Ecclesiæ Catholicæ Ritus in solemni Sacramentorum administratione adhiberi consuetos , aut contemni , aut sine peccato a Ministris pro libito omitti posse , aut in novos alios*
b per

per quemcumque Ecclesiarum Pastorem mutari posse , anathema sit.

XII. A Cœremoniis ad Ritus digredior, etsi enim confundantur hæc vocabula, & unum pro alio accipiantur, quin & unum alterius accessorium, seu pars habeatur, juxta diversam Scriptorum & Auctorum phrasim, ego tamen, ut clarius me explicem, & a generalioribus ad peculiaria descendam, Ritus nomine (Grammaticos, & Criticos morosos non delidero) *Intelligo exteriores illos corporis motus, gestus, actus, habitudines ac relationes ad exteriora objecta circumstantia, quæ interiores animi nostri actus, motus, habitudines, & statum consequuntur, manifestant, excitant, vel promouent; sive in Agente, sive in aliis ab Agente distinctis, quibuscum Societatem communem, vel specialem habet.*

Cum enim arctissima unio corpus intercedat & animam, in quocumque demum hæc unio revera consistat, certum est ad imperium Rationis membra corporis, nisi impedita, moveri, & ad illorum motus in Ratione motus aliquos excitari: hinc habitus mentis in corporis statu cernitur, & vox quædam animi est corporis motus; amictus enim corporis, & risus dentium, & gressus hominis enunciant de illo, ex motibus exterioribus homo cordis nostri absconditus aut levior, aut jactantior, aut turbidior, aut gravior, aut constantior, & purior, & maturior æstimatur (*Vide Ambros. lib. 1. off. cap. 18. & Eccl. c. 19.*) cum igitur verum sacrificium sit omne opus (*Aug. lib. 10. de Civ. Dei cap. 6.*) bonum, quod agitur, ut Deo inhxæamus sancta societate, relatum scilicet ad illum finem boni, quo veraciter boni esse possimus, corpus quoque sacrificium erit, quo inferiore tamquam famulo, vel ministro utitur anima, cum ejus bonus & rectus usus ad Deum refertur. Nam & orantes de membris sui (*Aug. lib. de cura gerenda pro mortuis, cap. 5.*) corporis faciunt quod supplicantibus congruit cum genua figunt, cum extendunt manus vel etiam prosternuntur solo, & si quid aliud visibilibiter faciunt, quamvis eorum invisibilis voluntas, & cordis intentio Deo nota sit, nec ille indigeat his indiciiis, ut humanus ei pandatur animus; sed hinc magis seipsum excitat homo ad orandum, gemendumque humilior, atque ferventior. Et nescio, quomodo cum hi motus corporis fieri, nisi motu animi præcedente, non possint, eisdem rursus exterioris visu-

visibiliter factis, ille interior invisibilis, qui eos fecit, augeatur; ac per hoc cordis affectus, qui, ut fierent ista, præcessit, quia facta sunt, crescit. Verumtamen si eo modo quis teneatur vel ligetur, ut hæc de suis membris facere nequeat, non ideo non orat interior homo, & ante oculos Dei in secretissimo cubili, ubi compungitur sternitur. Nemo autem desipiat ut existimet aliquibus usibus Deo esse necessaria, quæ in sacrificiis (*ita Aug. id. de Civ. loc. cit. dicam ego in Religionis officiis*) offeruntur, ipse enim bonorum nostrorum, nec iustitiæ nostræ eget; totum autem, quo recte colitur Deus homini prodest, non Deo; neque enim fonti se quisquam dixerit profuisse, si biberit, aut luci, si viderit. Exterioribus igitur signis ac Ritibus, & Cæremoniis, quæ sunt propter interiora, & horum signum, figura, incitamentum, seu effectus, colimus Deum non propter seipsum, sed propter nos, & propter proximos (*Vid. S. Th. 3. p. q. 30. art. 4. ad 1.*)

XIII. Quamobrem cum in societate vivamus cum aliis quos tamquam nos, & ad nostrum instar amare debemus, Ritus ac motus exteriores, signa, & Cæremoniæ ita sunt ordinanda, ut convenient illis, scilicet eos ædificent, illorum bono inserviant, quare scribit S. Th. (2.2. q. 168. art. 1.) *manifestum est, quod exteriores motus sunt per rationem ordinabiles, ad imperium enim rationis exteriora membra moventur. Unde, manifestum est quod circa horum motuum ordinationem virtus moralis consistit. Ordinatio autem horum motuum attenditur quantum ad duo, uno quidem modo secundum convenientiam personæ: alio autem modo secundum convenientiam ad exteriores personas, negotia, seu loca. Unde dicit Ambrosius (lib. 1. de offic. cap. 19.) Hoc est pulchritudinem vivendi tenere, convenientia culque personæ & sexui reddere; & hoc pertinet ad primum. Quantum autem ad secundum, subditur. Hic ordo gestorum optimus, hic ornatus ad omnem actionem accommodatus: in quantum ergo exteriores motus sunt quedam signa interioris dispositionis, eorum moderatio requirit moderationem interiorum passionum. In quantum verò per motus exteriores alii de nobis iudicium capiunt, illorum moderatio quodammodo ordinatur ad alios secundum illud Aug. In omnibus motibus vestris nihil fiat, quod cuiusquam offendant aspectum, sed quod vestram deceat sanctitatem.*

XIV. Modus autem, & ordo actionum nostrarum exte-

riorum cum attemperandus sit, & exigendus ad charitatis christianæ officia, hæc autem officia vel privatim impleantur, vel publicè, sequitur Rituum, quin & Cæremoniarum omnium originem, ac rationem seu animam ex charitate pensandam esse. Sit propterea Canon primus,, Illa Cæremonia, is Ritus est bonus, qui internum exhibet animi statum, seu habitum, seu actum bonum, & charitati congruum, vel adauget. Is ornatus exterior, ac habitudo bona est, quæ ad omnem actionem charitati conformem est accommodata secundum convenientiam cujuscumque sexus, personæ, loci, negotiorum, & aliarum circumstantiarum,,

Charitati autem Christianæ congruunt Cæremoniæ, & Ritus, qui amorem, timorem, ac fiduciam erga Deum inferant, vel significent; propriam sanctificationem, ac felicitatem veram importent, vel denotent, uti & ædificationem bonumque proximi. Canon secundus,, Illa Cæremonia, Ritus ille malus dicendus est, qui perniciosus sit, vel superfluous,, Perniciosum voco eum, qui Religionis, charitatisque naturam reëitudinem, vel christiani hominis habitum, ac statum bonum & debitum destruit, imminuit, seu falsificat. Superfluous is nobis est, qui quantum est de se non pertinet ad gloriam Dei, neque ad hoc, quod mens hominis feratur in Deum; qui Religiosi hominis, ac Religionis fini non est proportionatus.

XV. Sed cum alia sint jura, alia officia hominis in libertate naturali viventis, alia verò ejus, qui in societate Civili seu Republica degit, item homini in Republica constituto, etsi multa liceant, cum solus domi suæ ac privatim suas exserit actiones, non omnia tamen illi expediunt dum in publicum prodit, & publice actiones etiam indifferentes, seu lege non præscriptas efficit, tunc enim rationem habeat oportet communitatis, & societatis, atque secundum judicium commune & eorum potissimum, qui societatis capita & Rectores habentur actiones suas ac motus ordinare debet, & honestati ac decori publico adtemperare; Non dissimili ratione alia sunt jura, alia officia hominis christiani (ita me explico, non quod Christianum hominem extra Ecclesiam, seu Congregationem Fidelium libere posse vivere credam, absit a me tantus error, sed ut clarius quod exponendum suscepì, & distinctius pro modulo meo declarem) absolute, & simpli-

pliciter talis, alia Christiani hominis in societate ac Republica Ecclesiastica degentis. Homini item in Republica Ecclesiastica viventi multa licere possunt, cum solus domi suæ ac privatim suas exserit Religionis actiones, non tamen omnia illi expediunt dum in publicum prodit, & publice actiones Religionis indifferentes (quæ scilicet lege præscriptæ non sunt) efficit. Habenda siquidem est ratio communitalis, & eorum potissimum quos Deus Rectores posuit, & Doctores, ac ejus præcipue, cui in Persona Petri regimen ovium suarum Christus credidit,

XVI. Quemadmodum igitur in compositione motuum exteriorum studium vituperatur, per quod aliquis fictione quadam in exterioribus motibus utitur, pari ratione dicendum de Cœremoniis ac Ritibus; cum enim in omni eo, quod dirigibile est secundum rationem superfluum dicatur, quod regulam rationis excedit, diminutum autem quod deficit a regula (*S. Th. 2. 2. q. 168. art. 3.*) Regula autem rationis in Religionis Officiis petenda est ex Verbo Dei ab Ecclesia Catholica proposito, patet improbandum quemcumque defectum, uti & quidquid usurpatur præter Dei & Ecclesiæ institutionem, communemque consuetudinem. Vid. *S. Th. 2. 2. q. 93. art. 1.* Sit igitur canon tertius, Cœremonia illa, ac Ritus ille publicus non est Religiosi hominis christiani, ac Religionis fini proportionatus, qui sit præter, vel contra Dei, & Ecclesiæ institutionem, vel contra consuetudinem communem, rationabilem, Canonem magis exponere placet, ne Novatoribus, aliisque Irreligiosis hominibus favere me falso quis opinetur. Ritus igitur ac Cœremonia, de qua quæstio institui potest, vel est contra Dei institutionem ab Ecclesia Catholica declaratam, & tunc non solum non est proportionatus Ritus, sed & perniciosus; vel est præter Dei institutionem ab Ecclesia declaratam, Ritus autem hic tunc non est proportionatus, cum Ecclesiasticam institutionem non agnoscit, Ecclesiastica autem institutio constat 1. ex Tabulis publicis 2. ex canonibus probatis, 3. ex consuetudine communi rationabili, ac legitima auctoritate comprobata: ea enim hominum est natura, atque ingenium, ut in rebus, quæ conversationis admittunt novitatem, scilicet moribus, usibus, ac exterioribus disciplinis non semper sibi consent, sed pro temporis Personarum, locorum &c. adjunctis, varias subeant vicissitudi-

tudines , hinc Observantiæ ac Ritus cum Civiles cum sacri non pauci vel fortuitò inveniuntur , vel oscitantur , ac ignorantur originem suam debent , vel consuetudini radicatur , aut occasione , aut necessitati , aut naturali propensione verba sermonemque suum gestulatione apta concomitandi . Hæc consuetudo cum nihil perniciosi , ac superstitiosi continet , atque firmata videtur , nec positive reprobata , tum rationabilis erit , & legitima , maxime si accedat Ecclesiæ positivus consensus , qui in publicis Tabulis , & Conciliis expressus continetur . Sed ut perniciosi , ac superflui cultus natura rectius intelligatur , advertendum est cœremonias ex fine , effectibus , & significatione considerandas esse , atque de illarum natura ex adjunctis prædictis aliisque dijudicandum ; quoties itaque finis est perniciosus , effectus malus , significatio falsa , toties ipsa ceremonia mala erit , & improbanda .

XVII. His generatim delibatis , ut propius ad questionem veniam , & meum systema proponam de vero Ecclesiæ spiritu circa Sacrarum Cœremoniarum usum , observandum , censeo cum Natali ab Alexandro Theol. dogmaticæ moralis lib. 2. cap. 1. art. 2. Rerum omnium , quæ sensibus percipiuntur , duo esse genera . Aliæ enim ob id inventæ sunt , ut aliquid significant : aliæ non alterius rei significantæ , sed sui tantum causa effectæ sunt . Posterioris generis sunt omnes pene res quæ natura constant : Prioris vocabula rerum , scriptura , vexilla , imagines , tubæ , & alia h. m. Nam si vocabulis vim significanti detraxeris , sublata videtur esse causa , quamobrem vocabula instituerentur . Signum autem ex Aug. lib. 2. de Doctr. Christ. cap. 1. Est res præter speciem , quam ingerit sensibus , aliud aliquid ex se faciens in cognitionem venire . Signorum alia sunt naturalia , alia data . Naturalia sunt , quæ sine voluntate , atque ullo appetitu significanti , præter se aliquid aliud ex se cognosci faciunt . Sic fumus significat ignem , motus animi vultus indice proditur . Signa data sunt , quæ sibi quæque viventia invicem dant ad demonstrandos quantum possunt , motus animi sui , vel sensa , aut intellecta quælibet . Signa autem hæc vel sunt ab hominibus vel a Deo instituta , illorum quædam sunt speculativa , quæ tantum significanti gratia ob oculos hominum proponuntur , alia practica , quæ aliquid significant pariter , & efficiunt . Signa autem hæc data ideo instituta sunt , quod sapientia divi-

divina unicuique rei provideat secundum modum suum , est autem connaturale homini ut per sensibilia perveniat in cognitionem intelligibilem : signum autem est , per quod aliquis pervenit in cognitionem alterius , unde cum res sacræ , quæ per Sacramenta significantur , sint quædam spiritualia , & intelligibilia bona , quibus homo sanctificatur , consequens est , ut per aliquas res sensibiles significatio Sacramenti impleatur : Sicut etiam per similitudines sensibilibus rerum in divina Scriptura res spirituales nobis describuntur . S. Th. 3. p. quæst. 60. art. 4.

XVIII. Sed cum signa plures notiones excitare possint , hinc plures sensus vocibus subiecti esse possunt , primarius is est , qui litteralis , historicus , seu naturalis audit . Talis autem erit ille , quem voces primum significant , cum ad eam notionem excitandam illæ sint institutæ . Illa verò significatio , qua res significatæ per voces iterum alias res significant , dicitur sensus spiritualis , qui super literalem fundatur , & eum supponit . Figuratus autem & metaphoricus sensus revocatur ad unum ex dictis , secundum acceptionem impropriad & translatitiæ vocum , vel rerum . Est & alius sensus vocum , quem adcommodatitium adpellare placet , & arbitrarium , cum scilicet voces usurpantur improprie , & earum significatio extenditur , & adcommodatur ad alias res , præter sensus dictos . Quod de vocibus idem servata proportionem , de rebus , & actionibus dicendum occurrit , quæ naturalia sunt signa nos ducentia in cognitionem Dei , & aliarum rerum , puta hominis cogitationum , & voluntatum &c. ut n. 12. abunde .

XIX. Sunt autem signa data , ac speculative , seu practicè significantia quando ita sunt instituta ex Dei , vel hominum placito . Ut autem talia sint , speciem quandam , & similitudinem habeant , oportet ac analogiam cum exteriori significatione . Si enim Sacramenta (*Aug. ep. 39. al. 23. ad Bonifacium*) *quandam similitudinem earum rerum , quarum Sacramenta sunt , non haberent , omnino Sacramenta non essent* : Exempli gratia , Caro abluitur , ut anima emaculetur ; Caro ungitur , ut anima consecretur , Caro signatur ut anima muniat , Caro manus impositione adumbratur , ut & anima spiritu illuminetur , Caro Corpore , & Sanguine Christi vescitur , ut & anima de Deo saginetur (*Tertull. de Resurrect. car-*

carnis cap.8.). Litteralis igitur, & naturalis illarum actionum, & rerum sensus is erit, ad quem proxime designandum sunt institutæ, vel assumptæ. Spiritualis verò ille erit, quem immediate excitat res per illas significata, atque hic fundatur super litteralem, & hunc supponit. Adcommodatitius demum sensus & arbitrarius est significatio extensa, & adcommodata ad alias res ab institute, vel agente non intentas, seu præter auctoris scopum, & intentionem.

XX. Adcommodatitii sensus in spirituales, quin & naturales transeunt, quando veluti communi consensu, eorum potissimum, qui instituendi signa, iisque significandi vim tribuere possunt, nonnisi ad talem Rem, vel Rei significationem designandam usurpantur. Transitus hic sensus accomodatitii ad sensum spirituales constare debet, neque temerè asseri; constat autem vel expressa, & legitima auctoritate Ecclesiæ, vel tacita ratihabitatione, & conniventia. Ut expressa auctoritate constet, Canon aliquis Ecclesiæ producendus est, vel Tabulæ publicæ testimonia clara; tacita ratihabitatio & conniventia comprobabitur, si quando communiter sensus hic adcommodatitius usurpatur ut legitimus naturalis, neque ulli alia subest rationabilis causa, quare ritus, vel actio illa usurpetur (præter rationem adcommodatitiam) quæ non sit nimium extorta, & omnino aliena a sensu litterali, vel spirituali, quin sit analoga rationi accomodatitix.

Sensibus adcommodatis, ac impropriis ad pietatem fovendam, & nutriendam (potissimum in Idiotis) Interpretes & Liturgici scriptores, Concionatoresque communiter delectantur, quorum consilium nemo laude dignum non judicat, quando prudenter id faciunt, scilicet litterales, ac naturales sensus omnino non prætermittunt, nec illos privata auctoritate submovent, atque idoneæ rationes petitiæ ex Rerum Personarumque adjunctis iis causam tribuunt, ut proprietate sermonis abutentes, notiones vocibus, ac Ritibus peculiares subiciant, quæ notiones Ecclesiæ spiritui expresso in Conciliis, ac Ritualibus Tabulis consonæ sint, & Analogæ. Quod si necessaria hac prudentia abutantur, periculum erit ne animæ miserabilem inducant servitutem, qua signa pro rebus accipiat, & supra creaturam corpoream oculum mentis ad hauriendum æternum lumen levare non possit. Sub signo etenim servit, qui operatur & veneratur aliquam rem significantem, nesc-

nesciens quid significet: qui vero aut operatur, aut veneratur utile signum divinitus institutum, cuius vim, significatoremque intelligit, non hoc veneratur, quod videt, & transit; sed illud potius, quo talia cuncta referenda sunt. Talis autem homo spiritalis (*liceat mihi Augustini verba lib. 3. de Doctrina Christ. cap. 5. & 9. usurpare, & ad præsens influentum adcommodare*) & liber est, etiam tempore servitutis, quo carnalibus animis nondum oportet signa revelari, quorum iugo edomandi sunt. Tales autem spirituales erant Patriarchæ & Prophetæ, omnesque in Populo Israel, per quos nobis Spiritus Sanctus ipsa scripturarum & auxilia, & solatia subministrat. Hoc vero tempore, posteaquam Resurrectione D. N. manifestissimum indicium nostræ libertatis illuxit, nec eorum, quidem signorum, quæ jam intelligimus, operatione gravi onerati sumus, sed quædam pauca pro multis, eademque, factu facillima, & intellectu angustissima, & observatione castissima, ipse Dominus, & Apostolica tradit disciplina &c.

XXI. Cœremoniæ itaque omnes christianæ atque Ritus omnes cum ad finem aliquem sint ordinatæ, ex eo rationabiles illarum causæ assignari debent & possunt, quod enim est ad finem, oportet illud sit proportionatum fini, hinc ratio eorum quæ sunt ad finem sumitur ex fine, sicut ratio dispositionis ferræ sumitur ex sectione, quæ est finis ejus. Quoniam autem Sacramenta instituta sunt primò ad effectus supernaturales, & spirituales practicè significandos, rationes Sacramentorum litterales inde desumendæ sunt; uti Sacramentalium ex moralium effectuum significatione sive excitatione; Sacrorum autem disciplina cum ad hoc ordinetur, ut homines Deum, ac divina in reverentia habeant, ex divino cultu rationem desumant oportet; habet enim hoc humanus affectus, ut ea, quæ communia sunt, & non distincta ab aliis, minus revereatur, ea verò, quæ habent aliquam excellentiæ discretionem ab aliis, magis admiretur, & reve-reatur. Exinde enim hominum consuetudo inolevit, ut Reges, & Principes, quos oportet in reverentia haberi a subditis, & pretiosioribus vestibus ornentur & etiam ampliores, & pulchriores habitationes possideant. Observantiarum autem, ac Rituum causa, & ratio litteralis desumenda est ex necessitate commodo, ac decencia, vel quia dispositiones sunt,

c

seu

seu signa, seu effectus interiorum. *Vid. S. Tb. 1. 2. g. 102. de causis cœremoniarum veteris legis disputantem.*

XXII. Verum cum modus in rebus servandus sit, ac virtus in medio consistat, Christianus homo in exquirendis, ac exponendis causis, ac spiritu Cœremoniarum & Rituum, caveat ne cathedram sibi indebitam usurpans, ac super mensuram juris sui augeri affectans, Cœremonias seu Ritus hujus vel alterius loci seu temporis, legitima Ecclesiæ auctoritate probatas, seu toleratas censor rigidus castiget, vel fugillet, neve obsoletas restituere, seu vigentes antiquare privata auctoritate pertentet. Multo magis Religiosus homo alienus esse debet ab inducendis novis Cœremoniis, seu Ritibus, quibus plebem christianam in servitutem redigat carnalem. Ex salutari hoc monito nolim inferat quis Ritus, ac Cœremonias, quibus Ecclesia Catholica utitur in Religionis officiis rite, & honeste implendis, esse improbandos, vel uti superstitiosos, seu inutiles arguendos. Etsi enim Pagani, ac Judæi Ritus aliquos nostris adfines habuerint, non recte tamen colligitur, illos rejici debere, prout ab Ecclesia usurpantur. Siquidem totus ille externi cultus apparatus ex objecto, & fine estimandus est, atque ex Religionis, in qua frequentatur, veritate. Vide dissertationes nostras, ac Præfationes prioribus Codicis Liturgici tomis præfixas. Ast aliquorum Rituum ratio cessavit, cum enim ob necessitatem seu decentiam illi fuerint inducti, variata exteriori disciplina, illi superflui videntur, & inutiles. Respondeo. Ecclesiæ judicium esse de Rituum ratione, & utilitate, ac observantia; quomobrem, etsi ratio illorum cessasse videatur, Ecclesia illorum observantiam & utilitatem urgere potest, ac urget prudentissimè, quo & majestas Religionis commendaretur, & mentes fidelium per hæc visibilia signa pietatis ad rerum spiritualium contemplationem excitarentur, & origo, ac historia, seu status antiquus ipsius Ecclesiæ ob oculos fidelium poneretur. Si enim in rebus humanis ac politicis, prudentia dicat, ut antiquitatis ac familiarum memoriæ, ac insignia conserventur sive ad eruditionem juniorum, & incitamentum, sive ad nobilitatem declarandam, sive demum, ut historia rerum teneatur, quid prohibet in Ecclesia conservari Ritus, quibus Christiani incitentur, erudiantur, christianæ originis, & Ecclesiasticæ historiæ monumenta doceantur? Ex iis quæ hæcenus dixi

dixi Canonem 4. ita effero. *Disciplina quoad Ritus ac caeremonias exteriores potissimum quibus Ecclesia utitur in Religionis officiis publicis implendis fundata est in causis simplicibus, ac desumptis plerumque universis aut ab usu veterum, aut a similitudine actionum cum vocabulis, & reciproco ordine vocabulorum cum actionibus, aut quod necessitas, decorum, & commodum prædicta officia rite implendi ita postularet.*

Hunc canonem damnat in Vertio cl. Sveffionensis Episcopus, verum nescio an jure: duo itaque disputanda mihi essent, primum, an argumenta, quæ proponit Sveffionensis canonem nostrum petant; alterum an errores Vertii, ut ipse dicit, bene confutaverit, sive an secundum canones a nobis propositos Vertius multos Ritus bene exposuerit. Sed ad singula descendere, & ritus exteriores omnes historice representare, earumque origines, ac sensus declarare cum longum sit, idcirco, ut Canones nostros propugnem & declararem, nonnihil de symbolorum usu (quoniam Sveffionensis totus videtur in tali usu comprobando) in Religionis officiis exponere censui. Etsi enim ex iis, quæ dixi satis superque talis usus constet, ac declaratus videatur, attamen juvat claritatis ergo de ipso quædam subjicere & lectores repetitione quadam fastidio afficere, ut nimirum confusio omnis tollatur, & invidia a nobis avertatur. Lectores igitur etiam atque etiam rogo, ut rite pensent canones a me propositos, ac noverint me in Vertii verba non jurare neque omnes ipsius conjecturas probare, aut rationes omnes quas ille producit, & explicationes singulas ratas habere. Fateor enim unam eandemque caeremoniam binas institutionis causas posse habere, unam litteralem, aliam figuratam, item non diffiteor, quasdam Cæremonias primam institutionis causam simplicem habuisse, tempore demum procedente, nonnisi ob spiritualem ac figuratam causam ab Ecclesia fuisse servatas, & servari. Postremum arduum ac perdifficile mihi videtur singulorum Rituum veras origines, & causas omnes explicare, unde bene Origenes hom. 5. in lib. Numerorum: *Eucharistiæ sive percipiendæ, seu eo Ritu, quo geritur explicandæ vel eorum, quæ geruntur in baptismo, verborum, gestorumque, & ordinum atque interrogationum, & responsum, qui facile explicet rationem?*

XXIII. Homo itaque ex duplici constans substantia,

spirituali una, corporea altera, etsi prius sit animalis, quam spiritualis, attamen cum corpus sit propter animam, per ea quæ facta sunt, ac sensibus subjecta, invisibilia Dei intellecta conspiciat oportet, & supremum Dominum veneretur, ac summum bonum prosequatur, finemque ultimum adpetat. Cultus hic Dei non interiores, ac spirituales actus humanos importat solum, sed & exteriores, ac corporeos; quos interiorum ac spiritualium actuum effectus, indices, causam, seu incitamentum, signa, ac symbola homines ipso naturæ lumine edocti noverunt. De Religionis actibus interioribus, & exterioribus plura dabit S. Thomas in sua aurea summa, quem consule. Hinc in Religionis negotio ea suggessit symbola, ac signa, illosque actus præscripsit prudentia, quibus analogæ suggessit in vita naturali, ac civili. Quemadmodum enim, in naturalibus rebus, ac disciplinis, ita & in politicis, & sacris ensim homines formantur, & ad sapientiam ac Religionem præparantur; & quidem inspectis rerum, ac Personarum adjunctis, cum nec omnia ferat omnis ætas, nec eadem omnium sit constitutio, & idoneitas: inde certè repetenda est origo Symbolorum, Figurarum, Parabolarum, Metaphorarum, Ænigmatum, ac mysteriorum, quæ Oratoribus, Philosophis, ac Religionum Curatoribus familiaria fuisse omnes norunt.

XXIV. Sed quoniam symbolica, & arcana disciplina ex prudentia æstimanda est, hinc varia apud varias Gentes obtinuit, quin & in Christiana vera Religione varias subiit vicissitudines, quas pertexere longum esset; quamobrem, ut quos canones constituimus, declaremus, atque Sveffionensi, quoad fieri potest, consonemus, fatemur hanc Religionis nostræ mentem esse, ut nullam prorsus cœremoniam (latissime etiam acceptam) nisi ob rationes ex integro symbolicas primitus instituerit, ut ipse contendit pag. 12. Sed illud subijcimus rationes symbolicas nobis esse quæcumque interiorem cultum indicant, excitant, promovent, & animæ sanctitatem causant, sive ex divina, sive ex humana sive ex naturali institutione modo superius a nobis in hac dissertatione expresso. Quod si nobis concesserit, atque *Symbolum pro signo quocumque*, accipi posse dederit, non erit certe cur in Vertium tanta animositate, impetu, ac vehementia declamet; Vertius quidem in multis castigandus forte erit, ac potissimum, quod
scin-

scintillantes quasdam adhibuerit expressiones, sed si Vertiana expositio ad canones nostros exigatur, facile in amicam, cum Svesfionensi concordiam redibit.

XXV. Dissertationi finem imponere hic decreveram, sed mutato consilio quædam subnectenda censui de vero Ecclesiæ spiritu circa cæremonias, quæ in Benedictionibus, & Consecrationibus, ac Orationibus perficiuntur; quarum Cæremoniarum rationes symbolicae cum peti debeant ex illarum natura, institutione, & fine, facile constabunt, si Ecclesiæ publicæ Tabulæ consulantur, & Canones nostri præ oculis habeantur.

Benedicere itaque est bonum dicere; contingit autem, bonum dicere tripliciter (*S. Thom. lect. 3. in cap. 12. Ep. ad Rom.*). Uno modo enunciando, puta cum quis bonum alterius laudat. Alio modo, imperando, & sic benedicere per auctoritatem est proprium Dei, cujus imperio bonum ad creaturas derivatur; ministerium autem pertinet ad Ministros Dei, qui nomen Domini super populum invocant. Tercio, benedicit aliquis optando. Et secundum hoc, benedicere est bonum alicui velle, & quasi bonum pro aliquo precari. Benedictio igitur Dei significat donorum ejus collationem, ac multiplicationem, benedicere enim Dei causat bonitatem. Benedicere autem nostrum est agnoscere beneficia. Nos autem benedicimus Deum, vel benedicimus Deo; hoc facimus cum laudes ejus confitemur: illud verò peragimus cum facimus bonum. Benedicimus etiam res omnes sive ratione sive sensu præditas, sive utrisque destitutas, & quidem vel *invocative*, vel *constitutive*. Priori modo benedicimus, cum nomen Dei super illam invocamus, Deoque religiosum cultum in illarum usu exhibentes, ipsum precamur, ut earum usus nobis prosit ad salutem mentis & corporis: etsi enim creatura Dei omnis bona sit, usus tamen creaturarum nec semper nec omnibus bonus est, quin & aliquando aliquibus noxius esse potest, & malus; quare Apostolus monet, ut omnia nostra in charitate fiant, & quodcumque in verbo, vel in opere facimus, sive manducemus, sive bibamus, in nomine Domini, & in Dei gloriam faciamus, quo pacto omnia sanctificamus per verbum & orationem. Constitutive benedicimus, cum res, vel personas speciali ratione constituimus, atque

que deputamus & addicimus religioso Dei cultui nobis proficuo.

XXVII. Constitutiva hæc benedictio, quæ Invocativam semper includit, vel physice, ac realiter (ita loqui placet) quid operatur in re, seu persona benedicta, cum nimirum rebus, ac verbis a Deo ad talem effectum practicè significandum institutis, a legitimo Ministro rite adhibitis, peragitur, uti contingit in Sacramentorum administratione; vel moraliter, repræsentativè, & aptitudinaliter, scilicet cum per idoneum Ministrum certis Formulis peragitur, sive ut aliquid speculativè significetur, puta sanctitas in Ministris requisita, sive ut res, ac personæ idoneæ sint, & speciali ratione sensibili divino cultui addictæ; uti contingit in Benedictionibus, & Consecrationibus Ecclesiasticis, quæ Sacramentorum propriè dictorum rationem non habent, sed præstat audire S. Th. 3. p. 2. q. 83. art. 3. ubi de consecratione rerum inanimatarum hæc habet: *Ad tertium dicendum, quod Ecclesia, & Altare, & alia h. m. inanimata consecrantur, non quia sint gratiæ susceptiva, sed quia ex consecratione adipiscuntur quandam spiritalium virtutem, per quam apta redduntur divino cultui, ut scilicet homines devotionem quandam exinde percipiant, ut sint paratiores ad divina, nisi hoc propter irreverentiam impediatur.* Unde & 2. Machab. 3. dicitur. *Verè Dei virtus quedam est in loco; nam ipse, qui habet in cælis habitationem, visitator, & auditor est loci illius.* Et inde est, quod h. m. ante consecrationem emundantur, & exorcizantur, ut exinde virtus inimici pellatur. Et eadem ratione Ecclesiæ, quæ Sanguinis effusione, aut cujuscunque semine pollutæ fuerint, reconciliantur, quia per peccatum ibi commissum, apparet ibi aliqua operatio inimici: Propter quod etiam in eadem distinctione (1. de consecrat. cap. Eccl. Arianorum apud Gratianum) legitur Ecclesias Arianorum ubicumque inveneritis Catholicas eas divinis precibus, & operibus absque ulla mora consecrate. Unde & quidam probabiliter dicunt, quod per ingressum Ecclesiæ consecratæ homo consequitur remissionem peccatorum venialium, sicut & per asperersionem aquæ benedictæ, quod in psalm. 84. dicitur, *Benedixisti Domine terram tuam, remissionem iniquitatem plebis tue, & ideo propter virtutem, quæ ex consecratione Ecclesiæ acquiritur, consecratio Ecclesiæ non iteratur.* Unde in eadem distinctione ex Concilio

Ni-

Niceno legitur : Ecclesiis semel Deo consecratis , non debet iterum consecratio adhiberi , nisi aut ab igne exusta , aut Sanguinis effusione , aut cujusquam semine polluta fuerint : quia sicut infans a qualicumque Sacerdote in nomine Patris , & Filii , & Spiritus Sancti semel baptizatus , non debet iterum baptizari : ita nec locus Deo dicatus , est iterum consecrandus , nisi propter causas , quas superius nominavimus : si tamen fidem Sanctissimæ Trinitatis tenuerint , qui consecraverunt , alioquin qui sunt extra Ecclesiam consecrare non possunt : sed sicut in eadem distinctione legitur ; Ecclesiæ , vel Altaria , quæ ambigua sunt de consecratione , consecrentur ; Propter hoc etiam , quod aliquam spirituales virtutem adipiscuntur per consecrationem , in eadem distinct. statutum legitur . Ligna Ecclesiæ dedicatæ , non debent ad aliud opus jungi , nisi ad aliam Ecclesiam , vel igni comburenda , vel ad profectum in Monasterio fratribus : in laicorum autem opera non debent admitti . Et ibidem legitur . Altaris Palla , Cathedra , Candelabrum , & Velum , si fuerint vetustate confirmata , incendio dentur : Cineres quoque eorum in baptisterio inferantur , aut in pariete , aut in fossis pavementorum jactentur , ne introeuntium pedibus inquinentur .

XXVIII. Constitutiva autem Benedictio talis cum sit , consequitur quod bifariam dividi possit , vel enim Sacerdotalis est , vel Pontificalis ; quæ autem Sacerdotalis sit , quæ Pontificalis ex Tabulis Ecclesiæ publicis clare innotesceat : ut verò quandam generalem regulam proponam ad illarum distinctionem cognoscendam placet S. Thomæ auream doctrinam recitare ex 3. p. q. 82. art. 1. ubi cum hanc quartam sibi efformasset objectionem : *Præterea hoc Sacramentum (Eucharistiæ) perficitur in consecratione materiæ : sed alias materias consecrare , scilicet Chrisma , & Oleum Sanctum , & Oleum benedictum pertinet ad solum Episcopum : quarum tamen consecratio non est tantæ dignitatis , sicut consecratio Eucharistiæ , in qua est totus Christus . Ergo non est proprium Sacerdotis , sed solius Episcopi hoc Sacramentum conficere .* Respondet . *Ad quartum dicendum , quod Episcopus accipit potestatem , ut agat in persona Christi super Corpus ejus mysticum , idest super Ecclesiam . Quam quidem potestatem non accipit Sacerdos in sua consecratione , licet possit eam habere ex Episcopi commissione . Et ideo , quæ non pertinent ad dispositionem*

tionem corporis mystici, non reservantur Episcopo, sicut consecratio hujus Sacramenti (Eucharistiæ). Ad Episcopum verò pertinet tradere non solum populo, sed etiam Sacerdotibus ea, ex quibus possint propriis officiis uti. Et quia benedictio Chrismatis, & Olei Sancti, & Olei Infirmorum, & aliorum quæ consecrantur (puta Altaris, Vestium, & Vasorum) præstas quandam idoneitatem ad Sacramenta perficienda, quæ pertinent ad officium Sacerdotum, ideo tales consecrationes Episcopo reservantur tamquam principi totius Ecclesiastici Ordinis. Ecclesiastica porro functio Canonibus prohiberi potest, vel defectu potestatis e speciali, & interiori caractere dependentis: Sic ordinatio prohibetur Presbyteris; vel defectu jurisdictionis; sic interior absolutio peccatorum Presbyteris interdicitur, Episcopo minime permittente. Vel defectu utriusque. Vel defectu juris sibi commissi, seu mandati Episcopi, seu alterius superioris. Vel propter decentiam & reverentiam superiori exhibendam. Ex his defectibus postremus rem illicitam non invalidam; quatuor verò priores rem illicitam, & invalidam efficiunt. Itaque, ut dignoscatur an hæc vel illa consecratio ex officio aut potestate sibi delegata ab hoc vel illo peragatur, seu peragi possit, videndum an Episcopis illa sit simpliciter, & absolute reservata, an illis solum, ut Ministris ordinariis. Per Ministrum verò ordinarium, & extraordinarium hic non intelligo Ministrum, qui frequens vel qui raro consecrationem peragit, vel qui ex commissione seu dependenter alio; sed qui ex officio, vel potestate delegata.

XXIX. Sed cum Ecclesiasticæ Functiones, ac præcipuè Benedictiones, & Consecrationes ab hominibus impleantur, hinc sensibili aliqua ratione, ac materiali aliquo Symbolo, seu signo perficiantur oportet. Quia verò longum esset singularum ritus exteriores, & sensibiles rationes, ac materialia signa exponere, idcirco communia fere omnibus indicare non abs re judico. Sunt autem Unctiones, Cruce signationes, & Preces. Ab antiquissimis igitur moribus non Hebræorum modo, sed & Gentilium repetendus est usus ungendi oleo (*vid. Augusti. Calmet in Gen. cap. 28. v. 18. & alibi.*) Lapides, Ecclesias, & homines, quod liquor hic communis ac usualis tenacius inhæreat lapidibus, hos firmitus ac certius præ reliquis liquoribus obviis, distinguat, magisque aptos lapides (qui

Alta-

Altaria erant) redderet , ut super eos Sacrificia comburan-
tur . Eo autem magis oleo in Religionis officiis uti homi-
nes maluerunt, quod certis sensibilibus signis religionis offi-
cia implendi cum opus haberent, oleum adhibere prudenter
instituerunt, quod analogiam quandam haberet cum interio-
ribus Religionis effectis , ac pietatis actibus , & talem qui-
dem analogiam, ut sensibiles ejus effectus corpori liniendo,
confortando , & fovendo aptissimi essent , hinc sicuti ad hu-
manos naturales usus oleum adhibuerunt, eoque perungi con-
sueverunt , sic & in sacris officiis , & ad Religionis usus ip-
sum assumpserunt . Oleo autem aliquando Balsamum admisce-
tur propter fragrantiam odoris, quæ redundat etiam ad alios,
& licet multa alia sint odorifera , tamen præcipuè accipitur
Balsamum propter hoc, quod habet præcipuum odorem , &
quia etiam incorruptionem præstat, *S. Tb. 3. p. q. 72. art. 2.
ad 3., & in corp.*

Quoniam verò omne bonum nobis procedit ex virtute
Crucis Christi, hinc Crucis consignatio manualis oratio dicitur;
quamobrem cum in Benedictionibus bonum dicamus, &
quidem sensibilibus manu rem, vel personam, quam, seu cui
benedicimus, designemus, gestus hic manus, qui exprimeret
Crucem Christi, familiaris est Christianis in omnibus cum pri-
vatis, tum publicis sacris officiis , & quidem ab Apostolicis
temporibus.

XXX. Sed quia organum, quo animi nostri sensa com-
municamus, lingua est, hinc hujus articulatis gesticulationi-
bus, seu motibus, qui voces audiunt, preces orationesque
fundimus, quibus Deum invocamus, Res, ac Personas bene-
dicimus, Fidem, Spem, Charitatem, aliosque Religionis
actus exercemus. De Oratione itaque quædam indicanda.
Oratio cum nobis sit petitio decentium a Deo, sive mentis
ad Deum ascensus, sive cordis desiderium & gemitus ad
Deum directus, sive locutio ad Deum, interior ac mentalis
erit, si mente Deum honoramus, & colimus: vocalis &
exterior quando voce, & externis sensibus cultum & ho-
norem Deo deferimus. Sed cum orationis partes discerne-
re subtilioris sit indaginis, duas in qualibet oratione præci-
puas partes cum Catechismo Romano *par. IV. cap. 3.* a quibus
tanquam a capite manant reliquæ, postulationem dicimus,
& gratiarum actionem. Nam ad Deum accedimus, ut cultum
d ei,

ei , ac venerationem adhibentes , vel ab eo aliquid impetremus, vel ipsi de beneficiis, quibus assidue ab ejus bonitate ornatur, & augemur, gratias agimus, quod vere dignum, & justum est, & æquum & salutare. Fructus autem orationis multiplices sunt, primus autem, quem inde capimus est (*Catechism. cit. cap. 2.*) quod orantes Deo honorem habemus, siquidem est quoddam Religionis argumentum oratio, qua nos Deo esse subjectos profiteamur, quem bonorum omnium auctorem agnoscimus, & prædicamus, in quem solum spectamus, quod unicum incolumitatis, salutisque præsidium atque perfugium habemus. Alter orationis fructus est eorum, quæ a Deo postulamus, impetratio, cum enim oratio clavis sit Cœli, ascendit oratio & descendit miseratio. Accedit eo etiam ille fructus, quod orando animi virtutes & exercemus, & augemus, maxime vero Fidem, Spem, & Charitatem, ac Humilitatem; Arma etiam in oratione contra salutis hostes invenimus, accipimus innocentie voluntatem, & ab omni labe, delictorum omnium imputatione, purgamur: tandem iræ divinæ resistit oratio. Hæc cum sit orationis natura, atque hi fructus, patent Symbolicæ Rituum, & Cœremoniarum Orationis vocalis publicæ, & exterioris rationes, quæ omnes ad necessitatem, assiduitatem, perseverantiam, & devotionem aliasque virtutes interiores comites orationis designandas, vel excitandas revocari debent juxta Canones nostros.

XXXI. Duplex porro est oratio (*ita S. Thom. 2. 2. q. 83. art. 12.*) Communis, & singularis. Communis quidem oratio est, quæ per ministros Ecclesiæ in persona totius fidelis populi Deo offertur: Et ideo oportet, quod talis oratio innotescat toti populo, pro quo profertur; quod non possit fieri, nisi esset vocalis: & ideo rationabiliter institutum est, ut ministri Ecclesiæ hujusmodi orationes etiam alta voce pronuntient, ut ad notitiam omnium possint pervenire. Oratio vero singularis est, quæ offertur a singulari persona cujuscunque sive pro se, sive pro aliis orantis: Et de hujusmodi orationis necessitate non est, quod sit vocalis. Adjungitur tamen vox tali orationi, triplici ratione. Primum quidem ad excitandam interiorum devotionem, qua mens orantis eleveatur in Deum: quia per exteriora signa sive vocum, sive etiam aliquorum factorum movetur mens hominis secundum apprehen-

hensionem , & per consequens secundum affectionem . Unde Augustinus dicit ad Probam , (*epist. 121. cap. 9. circ. princ. tom. 2.*) quod *verbis , & aliis signis ad augendum desiderium sanctum nosipfos acrius excitamus* . Et ideo in singulari oratione tantum est vocibus , & hujusmodi signis utendum , quantum proficit ad excitandum interiùs mentem . Si verò mens per hoc distrahatur , vel qualitercumque impediatur , est a talibus cessandum : Quod præcipuè contingit in his , quorum mens sine hujusmodi signis est sufficienter ad devotionem parata . Unde Psalmista Psalm. 26. dicebat : *Tibi dixit cor meum , exquìsivit te facies mea* . Et de Anna legitur 1. Regum 1. quod *loquebatur in corde suo* . Secundò adjungitur vocalis oratio , quasi ad redditionem debiti ; ut scilicet homo Deo serviat secundum illud totum , quod ex Deo habet , idest non solum mente , sed etiam corpore : Quod præcipuè competit orationi , secundum quod est satisfactoria . Unde dicitur Osee ult. *Omnem aufer iniquitatem , & accipe bonum , & reddemus vitulos labiorum nostrorum* . Tertiò adjungitur vocalis oratio ex quadam redundantia ab anima in corpus , ex vehementi affectione , secundum illud Psalm. 13. *Letatum est cor meum , & exultavit lingua mea* .

XXXII. Sed si communis , ac publica Oratio innotescere debet toti populo pro quo profertur , consequi videtur , quod orationes illæ , quæ *Secretæ* dicuntur , & reliquæ omnes , neque *submissa voce* , quæ a solo Orante audiatur , neque *sub silentio* recitandæ sint . Ita nimirum dictitant Novatores , quos Theologi jure , ac merito damnant , & castigant , cum constans Ecclesiæ Universalis disciplina obtineat , ut quædam Sacrorum Officiorum partes alta voce , quæ a fidei populo audiatur , aliæ sub silentio , ea scilicet voce , quæ nonnisi ab Orante audiatur , reliquæ demum media veluti quadam voce , quæ nec ab omnibus , qui præsentés sunt in loco orationi sacro , nec a solo Orante , sed ab aliquibus , qui circum Orantem stant , audiatur , proferantur . Quoniam longum esset hoc argumentum pertractare , idcirco dicimus Prælatos Ecclesiæ provido consilio hanc disciplinam probasse , norunt enim tacita illa , & sub silentio orandi ratione , os Orantis facilius meditari sapientiam , & linguam ipsius loqui judicium ; unde ut plurimum illæ orationes hac voce proferuntur , quarum origo a devotione Orantium repetenda est , cum horum veluti ar-

bitrio inductæ sint: vel quæ præscriptæ fuerunt ab initio, tanquam præparationes animi Orantis, & pro ipsius interiori devotione excitanda: vel illæ demum, quæ tempore procedente Ecclesia prudentissime censuit tali voce recitanda, cum pro populi instructione seu excitatione, ac ædificatione utile non judicaverit nec salutare, ut alia voce proferrentur. Ecclesiæ autem iudicium, & decretum præferendum privatorum, ac subditorum iudicio, & voluntati is unus negaverit, qui Deum Patrem non agnoscit, nec Ecclesiam Matrem. Media vero voce illa recitantur, quæ omnibus nota fieri Ecclesiæ vel expediens non iudicavit, vel prudenti consilio inhibuit, sunt autem potissimum illæ officiorum partes, quæ vel Arcani disciplina occulenda quibusdam personis adjudicabat, vel recitandum populus fidelis, ac Ministri aliis occupati sunt religionis officiis, quare si altiori proferrentur voce ab iis implendis disturbarentur. Alta demum voce proferuntur, quæ per Ministros Ecclesiæ in persona totius populi fidelis Deo offeruntur, & hæc innotescere debent toti populo, pro quo & cuius nomine funduntur, sive quæ ad ædificationem populi sunt institutæ, hujus generis solent esse Lectiones, Præfationes, & *Collectæ*, seu Orationes, quæ super populum collectum in unum recitantur, vel in quibus populi collecta vota Deo selectis e Scripturis verbis offeruntur.

XXXIII. Sed quoniam debitores sumus sapientibus, & insipientibus, Canones positos declarare peropportuno iudico, & quo pacto in concordiam revocare satago Sveffionensem, ac Vertium, exemplo petito a Thurificationis usu in Ecclesia Catholica frequentissimo veluti ob oculos monstrare contendam: quia verò S. Thomæ Aquinatis magna est apud me auctoritas, ipsius doctrinam recito. 3.p. q.83. art.5. agens præceptor iste Angelicus de convenientia eorum, *quæ sunt in celebratione Sacramenti Eucharistici*, cum sibi objecisset in *novo Testamento non esse observandas caeremonias Veteris Testamenti, ad quas pertinebat, quod Sacerdos, & Ministri aqua lavarentur, quando ad offerendum accedebant*, ut dicitur Exod. 30. *Et quod Aaron adoleret incensum suave, fragrans super Altare, quod erat ante propitiatorium*. Respondet, ad primum dicendum, *quod ablutio manuum fit in celebratione Missæ propter reverentiam hujus Sacramenti. Et hoc dupliciter: primò quidem, quia aliqua pretiosa tractans* non

non consuevimus, nisi manibus ablutis, unde indecens videtur, quod ad tantum Sacramentum aliquis accedat manibus, etiam corporaliter inquinatis &c. Tum ad secundum respondet: dicendum, quod etiam thurificatione non utimur quasi caeremoniali præcepto legis, sed sicut Ecclesie statuto: unde non eodem modo utimur, sicut in lege veteri erat statutum. Pertinet autem ad duo: Primò quidem ad reverentiam huius Sacramenti, ut scilicet per bonum odorem depellatur, siquid corporaliter pravi odoris, in loco fuerit, quod posset provocare horrorem: Secundò pertinet ad representandum effectum gratiæ, qua, sicut bono odore, Christus plenus fuit, secundum illud Genes. 27. Ecce odor Filii mei, sicut odor Agri pleni: Et a Christo derivatur, ad fideles officio Ministrorum, secundum illud 2. Cor. 2. Odorem notitiæ suæ spargit per nos in omni loco: Et ideo undique thurificato Altari, per quod Christus designatur, thurificantur omnes per ordinem. Et 1. 2. q. 102. art. 4. de Candelabro, & Altari tymiamatis veteris legis hæc scribit in responsione ad sextum argumentum, quod sibi objecerat. Candelabrum verò erat institutum ad honorificentiam Tabernaculi, pertinet enim ad magnificentiam domus, quod sit bene luminosa. . . . Altare verò tymiamatis erat institutum, ut jugiter in Tabernaculo esset fumus boni odoris, tum propter venerationem tabernaculi; tum etiam in remedium factoris, quem oportebat accidere ex effusione sanguinis, & occisione animalium; ea enim, quæ sunt fetida, despiciuntur quasi vilia; quæ verò sunt boni odoris, homines magis appetantur. Hactenus S. Thomæ testimonium recitavi, quibus Scriptores laudati utuntur; ut autem doctrina S. Thomæ Canonibus nostris consona adpareat, patieris CARDINALIS AMPLISSIME, si ex §. 2. Præfationis Tom. V. Cod. Liturg. E. V. quædam exscribam ex iis, quæ contra Johannem Albertum Fabricium, & Dodvellum de Tymiamatum adolatione adserui.

XXXIV. Cum homines natura edocti probè nossent suffitum thuris foetorem depellere, grato odore sensus adficere, ac spiritus confortare, ut inde vegetiores reddantur ad functiones suas expeditius agendas, tymiamatum usum adhibere: cum autem tymiama rarum esset, unde & preciosum, factum est, ut quos grata significatione excipere velent, & speciali cultus signo, iis thus darent. Quoniam vero

rò Deus omnium Supremus Dominus omni cultu dignissimus est , hinc religio homines impulit , ut internis animi adfectibus ipsum colerent , & ea exteriora signa adhiberent , quæ & honorem designarent , & homines ipsos ad interiores laudatos adfectus excitarent , eisdemque corroborarent , & confirmarent in illis actibus exercendis , & ita quidem , ut remotis omnibus contrariis , hominum felicitatem veram , quæ a sincero Dei cultu inseparabilis est , importarent . Porro thuris adolectio adeo honesta & conveniens ad laudatos fines visa omnibus ferè gentibus est , ut illam in sacris officiis frequentaverint . Cum autem varii hominum essent mores , varix apud eos obtinerent Religiones , hinc Thurificationis diversa apud diversas gentes obtinuit disciplina , seu ritus ; qui ritus æstimandus cum sit ex objecto , agentis animo , aliisque adjunctis , culpandus erat in Gentibus , commendandus in Judæis , in his quidem laude dignus est , siquidem ad Dei sanctissimas leges exactus erat , in illis verò damnandus , quod superstitione inquinatus esset , tum quia in honorem falsorum divorum assumebatur , cum etiam , quod Gentium quidam Deo opus esse hoc grato odore delirabant , corporeo sensu scilicet præditos Deos grato hujusmodi odore verè adfici dictitantes .

XXXV. Christus Dominus ubi conlavit sibi domum , & Ecclesiam sibi desponsavit , quam ex Hebræis , ac Gentibus suo precioso Sanguine redemit , & corpus proprium mysticum effecit , quæ in spiritu , & veritate Deum Patrem adorans , salutem consequeretur : hæc Christiana Ecclesia a sui prima institutione , & coalitione in religioso Dei cultu eos mores , ac ritus servavit , quibus adsueti erant homines Ecclesiam componentes , modo ritus illi cum Christiana veritate consonarent , & mores prædicti pravi nihil contingerent , & ab omni specie mali alieni essent , vid. plura in laudata præfatione , & aliis Dissertationibus nostris insertis *Codici Liturgico* . In Rituum horum censu Thurificatio locum certè habuit , præsertim cum tymiamatum usu opus omnino haberent , nocturno siquidem tempore , priscis sæculis ita cogente nequitia hominum , in abditis subterraneis , & angustis locis conveniebant ad Religionis nostræ officia , perfolvenda ; unde hoc suffitu aeris intemperiem , foetorem depellebant , eo sensus recreabant , vegetioresque reddebant

ad

ad Religionis officia , & Charitatis actus rite implendos : hoc exteriori signo confortati honore invicem præveniebant , & una contesserati Sancta , Deum Supremum Dominum , & Dei amicos Sanctos colebant . Thura certè non emebant , nec tymiamata adolebant , quemadmodum Scriptores nostri in Apologiis , quas pro nostra Religione scribebant , ajunt , quo ferè pacto Aras , Altaria , Oratoria , & Ecclesias Christianis non fuisse iidem Apologistæ scribunt , quod nempe , nec publice , nec solemniter , ac splendide Religionis nostræ officia Sacra implere poterant , & quæ mysteria sanctè celebrabant , illa superstitione omni vacua erant , ac nonnisi purgatos ritus in Christianum cultum adsumebant , & ita quidem prudentissimè sese gerebant , ut neque scandalum infidelibus tribuerent , neque Margaritas nostras ante Infideles porcos projicerent , Christi nimirum Servatoris institutione formati , qui Ecclesiæ suæ , in persona discipulorum , simplicitatem Columbæ imitandam proposuit , ac prudentiam Serpentis .

XXXVI. Ex quo verò sedatis persecutionibus , Ecclesia pacata , ac tranquilla Religionis mysteria publice , & solemnè ritu , ut æquum erat , celebrare potuit , Sanctissimi ipsius Præsules curam omnem in eo collocarunt , ut sacra splendide , & augustissimo ritu , & cœremoniæ congruentium adparatu perfolverentur , optimè enim noverant exteriorem hanc pompam necessariam esse , vel perutilem , ad Sacra sanctè tractanda , ad Fidelis populi devotionem , & pietatem fovendam , nutriendam , confirmandam , ad Religionis mysteriorum dignitatem , præstantiam , & originem iis etiam significandas qui ex adverso essent . Nec sunt certè audiendi Novatores puerilem suam naniam decantantes , quod sæculis III. IV. & V. divinorum nostrorum mysteriorum simplicitas multiplici cœremoniæ adparatu ac suggestu tamquam inutili humanorum inventorum mole fuerit oppressa ; quinimo si qui ritus , si quæ exterior disciplina eo tempore invecita fuit , illa simplicitatem divinorum mysteriorum mirifice ornat , quemadmodum enim (uti differebam contra Dallæum lib. 3. Cod. Liturg. in Dissert. de Confir. pag. LXIII.) naturalibus rebus quædam indidit opifex , quæ ad illarum ornatum , sive majorem operandi , ac significandi vim conducunt , ita nil mirum si D. O. M. sacros ritus cœremoniis

niis quibusdam instruxerit . Arborum simplicitati nihil certe officiant folia ; neque capilli hominum capiti ; neque membrorum integritas animantium naturam opprimit . Sed quoniam non est præsentis instituti hanc materiem pluribus persequi , hinc ut ad Thurificationem regrediar . Etsi illa præscis sæculis obtinuerit sive necessitate cogente , sive ob exemplum veterum Hæbreorum , scilicet & Gentilium , qui in religioso cultu hunc exteriorem ritum adhibebant , attamen neque solemniter , neque publice fieri poterat uti posterioribus sæculis facta legitur , & servata , vario quidem modo non solum in variis Ecclesiis , sed in una eademque : sed omnibus eadem est ratio , idem scopus , nimirum factorem , uti supradicebam , aliaque incommoda depellendi a locis , rebus omnibus , venerationem suam declarandi erga Deum , Sanctos , & ea omnia , quæ ad Deum , vel Dei amicos Sanctos referuntur , honorem cuiusque debitum significandi , ac reddendi , communionem Ecclesiæ membrorum ostendendi , dum omnes uno tymiamatis suffitu excipit ; quæ rationes litterales , ac symbolice hujus ritus Scriptoribus causam , & occasionem dediderunt multis sensibus adcommodatitiis , ac mysticis , qui sensus si congruant constitutis superius , probandi sunt ; sin autem , tolerandi , uti , & cæteræ rationes mysticorum Scriptorum .

XXXVII. Verum plura , quam destinaveram disserui , itaque finem huic præfationi impono , Te etiam atque etiam , obtestans CARDINALIS AMPLISSIME cum Augustino *lib. 1. de Trinit. cap. 3.* ut hæc legens , ubi pariter certus es , pergas mecum , ubi pariter hæsitas , quæras mecum , ubi errorem meum cognoscis revoces me , meque monere non graveris , quod si a Te , Tuæque in me summa benignitate , quæ animi mihi fecit , ut hanc Tibi dirigerem præfationem , obtinuerem , spero brevi , Te Munificentissimo Mœcenate , integram ac distinctam omnium , & singularum Cœremoniæ Christianarum originum , causarumque Rituum ex vero Ecclesiæ sensu , me explanationem evulgaturum , & quidem ad Canones exactam , quos in hac impolita & informi Dissertatione delineavi tantum , ut facerem satis Monaldinio , & CLL. Sveffionensis , ac Vertii systema in concordiam vocarem . Dabam .

R E-

REVERENDISSIMI EPISCOPI SVESSIONENSIS
O P U S C U L U M
DE VERO ECCLESIAE SENSU
C I R C A
SACRARUM CÆREMONIARUM USUM.

EPISTOLA PASTORALIS EPISCOPI SVESSIONENSIS

A D

CLERUM SUÆ DIOECESIS.

Joannes Josephus Dei gratia, & Sanctæ Sedis Apostolicæ auctoritate Episcopus Svejhonenfis, Regis ab omnibus Consiliis, Decanus, & primus Suffraganeus Provinciæ Rhemensis &c. Clero suæ Diœcesis salutem & benedictionem.



I summum illud imperium, quod Deus in nos tēnet, causa, & origo est illius cultus, quo eum venerabundi prosequimur, æquitati profecto, & rationi consentaneum est, ut quidquid in nobis reperitur, suam ad hunc ipsum cultum symbolam conferat; omnia quippe, quæ naturam humanam constituunt supremo ejus subjiciantur dominio. Unde tanquam ex certissimo principio elicitur, hominem utpote anima & corpore constantem debere

Divino Numini secundum utramque substantiæ suæ partem convenientia fidelitatis obsequia præstare. ita ut congruo utrique modo Omnipotentiam Creatoris pronus revereatur; Majestatem summi numinis palam profiteatur. Et profecto anima piis cordis affectibus, humilique mentis submissione Dei adorat magnitudinem; corpus vero exteriori cultu, internum animi cultum præfert, ac sacrificiis, cæremoniisque sensuum suorum, quos ab eo recepit, tributum rependit.

Hinc ab ipso mundi exordio primus Numinis in Orbe cultor Adamus, primus externa instituit sacrificia. Ab eo Abel & Cain animalium victimas, frugesque terræ offerre didicerunt. Ab his dein non interrupta seriè sensibilis hic Deum adorandi ritus ad Moyse usque tempora perseveravit: donec tandem ipse Deus dilecto suo populo novas leges, novam Sacrificiorum normam, novas cæremonias observandas distavit. Structura enim tabernaculi, altaris figura, vasorum sacrorum materia, ordo Sacerdotii, Sacerdotum munera, vestimentorum forma, suffutium commixtio, sacrificiorum ritus, omnia denique ad sacrorum religionem pertinentia pulcherrimo ordine concinnata, accuratissima methodo a Deo ipso præscripta, atque a Moyse posteris transmissa in Bibliis reperiuntur. Quodque in illis maxima attentione dignum censeo, illud est, quod nihil prorsus eorum ex Dei, ut ita loquar, manibus exierit, quod non sub profundo cæremoniarum involuero futurorum mysteriorum imaginem Hebræis exhibuerit. Idque certo extraneam omnem disceptationem positum arbitror, nihil Mosaicis in legibus Numine

mine afflato huic populo inveiri præscriptum; quod dum interne pietatis, fidei, amoris testimonia exhiberet, non etiam sperandorum figuram, ac Messie adventum symbolica ratione adumbraret.

Ast cum Dei filius per incarnationem suam Judaicorum oraculorum fidem implevisset, rectus naturæ ordo postulavit, ut futurorum illæ imagines adventu Christi inutiles redditæ cum ipsa religione, cujus pars fuerant, cessarent. Successit itaque jugo huic mille tot importunis legibus onerato cultus longe nobilior, purior, sublimior, qui licet præstantia, dignitate, puritate vere sit divinus, non tamen a Jesu Christo omnibus profus symbolorum imaginibus nudatus est. Eadem etenim Christiani, & Judæi natura, utrique corpus, & anima: ab utraque igitur compositionis suæ parte obsequia D. O. M. præstanda sunt. Unio, quæ inter eas intercedit, tam arcta, tanque stricta est, ut fieri nec possit, nec debeat, quin anima actionem omnem corpori impertiens, non vicissim ab eo, sensibusque reciprocum motuum salubrium recipiat impressionem. Quapropter Dei filius non contentus internis cordis affectibus, nos externis etiam cultus sibi præstandi signis subicere, gratiamque suam mystica symbolorum imagine involutam nobis communicare voluit. Elucet id quam clarissime in Sacramentorum institutione: ubi quidem interna nobis confertur gratia, verum non aliter confertur, quam per actiones externas, visibilesque occultorum tesseras. Utque mentem Jesu Christi in eorum introductione penitus agnoscamus, constituit ipse a Sacerdotibus in eorum administratione ritus certos adhiberi, qui analogica cum gratia similitudine sperandos ex iis nobis exprimerent effectus. Sic aqua a natura ad detergendas, mundandasque corporis sordes comparata, materiam figuramque purificationi ei suppeditat, quæ originalis criminis labem in baptismatis lavacro eluit. Sic panis, & vinum, nutrimenta hominis robustissima, validissimaque a Deo electa sunt, ut velamine specierum apparentium alimentum cæleste includant, quod ad pacendas nostras animas Jesus Christus in Eucharistiæ Sacramento per participationem corporis, & sanguinis sui nobis præparavit. Sic oleum, quod naturali fortificandi, leniendi, seque diffundendi virtute pollet, a Jesu Christo in symbolicam plurium Sacramentorum materiam substitutum est, quibus Sanctus Spiritus nobis infunditur, atque per ejus gratiam suavitatis, fortitudinis, fecunditatisque dona animis nostris infinuatur.

Institutiones hæ mysticæ viam Ecclesiæ aperuerunt tenendam in cæremoniis, quas illa introduxit, seu ut cultus divini majestatem angeret, seu ut memoriam vitæ, & passionis sponsi sui Jesu Christi in fidelium animis vividam nunquam non retineret, seu ut pietatis, devotionisque affectus in liberorum suorum cordibus ferventiores semper redderet. Quod sane, qua ratione aptius, convenientiusque, quam externis actionibus, figurisque symbolicis, præstare valuerit; vix equidem scio. Aptè ad hanc rem Sanctum Tridentinum Concilium ita loquitur: „Cumque natura hominum ea sit, ut non facile queat sine adminiculis exterioribus ad rerum divinarum meditationem sustolli, propterea pia mater Ecclesia ritus quosdam, ut scilicet quædam submissa voce, alia vero elatio-
„tio;

„ tiore in Missa pronunciarentur instituit; Cæremonias item adhibuit,
 „ ut mysticas benedictiones, lumina, thymiamata, vestes, aliaque id
 „ genus multa ex apostolica disciplina, & traditione, quo & majestas
 „ tanti sacrificii commendaretur; & mentes fidelium per hæc visibilia
 „ religionis, & pietatis signa ad rerum altissimarum, quæ in hoc sacri-
 „ ficio latent, contemplationem excitarentur.

Hic Sancti Concilii de Missæ cæremoniis sermo pari ratione rebus
 cæteris ab Ecclesia ordinatis applicandus est. Constans enim, ac eadem
 ubique sibi mens illa est, quæ omnibus suis actionibus, & institutis ani-
 mam, vim, vigoremque tribuit. In id unicum intendit, hoc solum pro
 suo sibi præfigit scopo, ut sensus ipsos, qui ad distrahendum animum fa-
 cili videntur, dirigat aut ad elevandum nos ad divinarum rerum con-
 templatorem, aut ad detegenda in Sacramentis mysteriorum involu-
 cra, aut denique ad amplificandam angustam cultus a se præscripti ma-
 jestatem. Hæc origo cæremoniarum institutionis, hæc causa religiosæ
 earundem observationis est; ita Sacrum innuit Concilium, ita unanimis
 Sanctorum Patrum consensus, sermoque deprædicat; hoc antiqua lex
 suis in figuris indicavit; id ipse Ecclesiæ auctor Jesus Christus in Sacra-
 mentorum institutione observavit: qui pati igitur possumus, Fratres ca-
 rissimi, ut hodie plus hic finis, sanctæque intentio penitus incognita sit,
 atque oblivione sputa? Ut necesse sit fideles ab ignorantia ad rectam
 sentiam primorum cultus nostri principiorum revocare? Ut in ipso
 quandoque Clero inveniantur homines, qui sub specioso scientiæ, per-
 quisitionis, eruditionis, criticæque tegmine, superba fronte symboli-
 cum hunc sensum contemnant, quem Ecclesia ex ipso Sponsi sui sinu han-
 si; quique cæremonias de mysteriorum dignitate dejicere non verean-
 tur, ut eas ad gestulationum ineptias, vel simplices decori, commodi,
 necessitatique regulas reducant?

Eo collimavit Opus aliquot ante annis hoc titulo inscriptum. *Ex-
 plicatio simplex, litteralis, & historica Cæremoniarum Ecclesiæ typis
 impressum. Auctori hujus Operis universa causa mystica movebant nau-
 seam, & insipida, maleque fundata apparebant.* Opinabatur quippe
 rationes symbolicas plus leporis, quam soliditatis habere. Neque ulli
 utiles esse quam illi, qui sprete institutionis primæ perquisitione, ne-
 glectisque veris cæremoniarum causis perfectionem solum sui, edificatio-
 nemque animi querit. Imo temerario ausu contra apertam historiæ
 fidem contendit ab initio nulla ab Ecclesia in cæremoniis quæsitâ fuisse
 mysteria.

Quis nunquam in animum inducere valuisset, mysteriorum nauscam;
 ignorantiamque veræ eorum originis tantam fore; ac hominem quem-
 piam repertum iri; qui non contentus sacra omnia symbola nihili pen-
 dere, eo deveheretur vesaniæ, ut vitiatam, perversamque hanc opi-
 nionem etiam regulis includere, principiis stabilire, argumentis tueri
 præsumcret? Cuiam ignotum existere potest, religionem, quæ tota in
 mysteriis consistit, ritus exteriores sibi convenientes expetere? Atque
 adeo optima sequela concludi cæremonias, ex quibus sanctæ hujus reli-
 gionis cultus constat, eidem cultui, cujus pars sunt correspondere de-
 bere,

bere, actionesque nudas ac symbolis destitutas parum dignas futuras religione, quæ tota spiritualis, quæ hujusmodi est, ut ejus unicum Sacrificium essentialiter in representatione mystica consistat? Quis denique ignorare valet, quod cæremonias religiosæ ad simplices gesticulationes, naturalisque commodi, aut necessitatis munia constringere, idem sit ac eas omni dignitate privare, imo in nihilum redigere, & essentia sua spoliare? Essentiale etenim cæremoniæ religiose est, aut ob rationem aliquam moralem, aut ob significationem symbolicam, adhiberi; quibus si nudaretur, vel si nullas suæ institutionis rationes præterquam necessitatis, & commodi haberet, profecto cæremonia esse desineret.

Et sane recte loquendo nulla ratione inter cæremonias connumerari queunt: sedere, dum lassitudine obruimur; in pedes se erigere, cum proficiscendum est; lumina accendere, dum nox ingruit; manu indicare quod alteri monstrare cupimus, pluraque alia similis naturæ. Hujusmodi porro actiones, aut motus corporis non alia conditione inter cæremonias cooptantur, quam in quantum eis certus ordo, norma præscripta, certæque adjunctæ sunt circumstantiæ; quæ eas religiosæ, augendoque decori, ac majestati Divini Sacrificii aptas reddunt; aut significatione quapiam res mysticas illustrant. Tunc primo profanæ, communisque actiones, cæremoniæ & fiunt & nominantur; a nulla tamen re nomen istud desumunt, quam ab morali vel symbolico sensu, qui cum his conjunctus est: absque quo primitiva illis remaneret natura; id est actionum simplicium, quæ necessitate exigente elicitæ nullum particulare merentur nomen, nec ullo modo a communibus vitæ, & societatis muneribus distinguuntur. Itaque moralis solum, aut symbolica ratio est, quæ essentialem cæremoniis characterem notamque imprimit, quæque actiones communes, ac ordinarias in cæremoniis naturam, & dignitatem evchit; unde necessaria sequela desuit, ut supra monui, cæremoniis omnem rationem moralem, & mysticam demere, idem esse ac eas essentia sua spoliare, & in nihilum reducere.

En illud quod Scriptoris nostri captum superavit. Intentus quippe solum superficiem, & externo apparatus actionum religiosarum, quibus Ecclesia cultum suum adornat, hic substitit, nec ulterius progressus divinam hujus corporis mystici medullam ignoravit. Ac licet nullam ferme Ecclesiam intactam reliquerit, quin singularum usus rimaretur; licet omnes rituum pervolverit codices, omnesque minimi etiam ponderis res sedulis adnotaverit; cunctis tamen his disquisitionibus non eo pervenire valuit, ut veram sinceramque Ecclesiæ mentem penetraret; jure ac merito in numerum eorum referendus, de quibus Apostolus ait: quod: *semper discant, & nunquam ad scientiam veritatis perveniant*. Corticem pariter solum D. de V. sua scientia attigit, hujusque angustia sua se doctrina inclusit. Præstantius longe egisset, si plus diligentia, operæque Sanctarum Scripturarum meditationi impendisset, unde profecto longe clariorem lucem hausisset, quam ex vana illa ritualium perquisitione, in qua maximam vitæ suæ partem insumpsit. Et profecto ut ea prætermittam, quæ in veteri lege se primo intuitu nobis obijciunt, in qua cæremoniarum origo, institutio, primæque causæ a Deo ipso in

Myste-

Mysteriis, & Symbolis collocabantur, quam amplius illi sapiendi cam-
pus in novo testamento se offerebat?

Iesus Christus accepit panem, & illum in ultima cœna benedixit di-
cens: *Hoc est corpus meum*; & adjunxit: *Hoc facite in meam commemorationem*. En actionem religiosam ab ipso Christo discipulis suis præscriptam; cujus iteratio illis injuncta fuerat *in memoriam* ejus, quod Dei filius fecerat, atque adeo in significationem ex essentia sua mysticam. J.esus Christus ante Sacram Eucharistiæ institutionem pedes Apostolorum lavit, iisque dixit: *Qui lotus est, non indiget nisi ut pedes la-
vet*; & ad crimen Judæ respiciens addidit: *Vos mundi estis, sed non omnes*; & Petrum alloquens conclusit: *Si non laverò te, non habebis partem meum*. Ecce aliam cœremoniam, cuius sensus symbolicus tam manifeste, tam dilucide Christi verbis expressus dignoscitur, ut nisi cœcitate laborans hic hallucinari nemo queat.

Iesus Christus ait ad discipulos suos: *Sint lumbi vestri præcincti, & lucerna ardentes in manibus vestris*: En iterum sermonem mere sym-
bolicum ore filii Dei prolatum, atque ita symbolicum, ut testante San-
cto Gregorio Nazianzeno, Ecclesia ritum statim baptizatis accensum ce-
reum in manus dandi hinc desumpsit: ut mysticus verborum Christi
sensus in neophytorum animis penitus defigeretur.

Luc. cap. 12
v. 35.

Sanctus Paulus ipse nobis symbolicam cœremoniarum baptismatis significationem enucleat, atque nobis spiritualem illam mortem, sepulturaque dilucidat, in quam baptizatos descendere necesse est, ut Jesu Christo pro nobis mortuo, & sepulto similes ei reddamur, quod in eadem baptismi actione exprimitur, cum baptizandus quasi sepelitur sub aqua, cui immergitur, aut quæ ipsi superfunditur.

Idem Apostolus in pane Eucharistiæ, qui pluribus licet gravis con-
stans, unum solum corpus, unum solum pro omnibus nutrimentum con-
ficit, symbolum unitatis recognoscit, quæ inter nos & Jesum Christum
corporis ejus, & sanguinis participatione efformatur.

Allo iterum in loco explicat, cur viri in Ecclesia aperto capite
orent; fœminas vero caput velatum habere conveniat; omnes vero ra-
tiones quibus innititur, mysticæ sunt, & symbolicæ.

S. Joannes, dum ea nobis, quæ in suo ad cœlos raptu oculis vide-
rat, annuntiat; nihil præter figuras, mysteria, & symbola enumerat:
candelabra aurea ante Dei thronum posita; viginti quatuor senes, qui
coronis suis depositis, & ad pedes agni collocatis modo stantes, modo
prostrati assident; Filium hominis fulgore quidem lucida, sed mysteriis
magis splendente veste indutum; agnum stantem, quasi occisum, &
Angelos in circuitu throni cantantes divinitatem, & fortitudinem ejus,
habentesque phialas aureas plenas odoramentorum, quæ: *Sunt oratio-
nes Sanctorum*; civitatem sanctam, seu novam Jerusalem habentem fun-
damenta duodecim omni lapide pretioso ornata, atque in ipsis duode-
cim nomina: *duodecim Apostolorum Agni*. En prototypum; quod Ec-
clesia in symbolis suis imitandum suscepit. En eorum originem, & qui-
dem divinam. En Deum, en Christum, en Spiritum Paraclitum, lin-
guis Apostolorum loquentem. Ipsum Cœlum non solum Ecclesiæ
ad

ad institutionem cæremoniarum stimulos addidit, verum etiam haud exignam Rituum Sacrorum partem hanc edocuit; candelabra videlicet, suffusus, prostrationes, cantica. Expressit Ecclesia in terris, quantum potuit, quæ cælum intuenda proposuit. Imitata est in cultu externo, quem Sponso suo exhibet, illas imagines sensibus expositas, sub quarum involucri cœlestia illa revelata sunt mysteria. Hac mente cæremonias suas instituit, atque id intendit, ut essent nobis in symbola fidei, desiderii, spei, & charitatis, utque essent repræsentationes sensibiles mysteriorum, quæ Deus in ejus favorem operatus est. Expedire quippe sibi credidit sublimi hac figurarum, & symbolorum ope filiorum suorum mentem, & corda a terrenis ad cœlestia meditanda extollere, quod ne tum quidem præterinisset, cum ad adoptandas in cultus sui exercitio communes quasdam actiones necessitate se coactam cerneret. Adexiuit quippe illis sensum mysticum, adjunxit significationem moralem, ne vel minimum quidpiam suis in Sacrificiis reperiatur, quod profanum sapiat, quod non instructioni, pietati, sanctitati adminiculetur. Sic nempe vestigia sua juxta semitas a sponso suo designatas direxit, sic diversas cultus sui partes ejus menti conformavit, sic sanctas patriæ cœlestis, ad quam anxia anhelat, occupationes in terris imitata est, sic cæremonias a se præscriptas filiis suis, non ut meras actiones ab utilitate solum, aut necessitate profectas considerandas proposuit, sed potius ut symbola sperandorum, & media, quibus interni cordis affectus externis signis veluti demonstrarentur.

Admiratione profecto dignum est; quod auctor qui de Ecclesiæ cæremoniis scribendi munus in se suscepit, hæc universa ignoravit, atque eo temeritatis prolapsus sit, ut non erubuerit peregrinum, inauditumque de materia tam gravi systema suum aliis fundamentis, quam quæ ab Apostolis posita fuerunt, inædificare. Ast longe majori admiratione dignum foret, si auctor hic tam immanibus paradoxis insignis nostra ætate nullum adversarium nactus fuisset. Commovit me vehementer perversum illius systema, justaque ira erga hominem accensus, qui non exiguo multorum scandalo veram Ecclesiæ mentem ad ineptas suas conjecturas detorquere conatur; officii mei esse credidi illius oppugnationem adsumere, quod opus aliquot ante annis a me laboratum nunc, Fratres carissimi, instructioni vestræ confesco. Nondum ad Episcopatus fastigium evectus illud elucubraveram, sed plenus verecundo timore, quem juvenilis ætas mihi inspirabat, nomen meum in prima editione celavi. Non enim credideram nomen meum tanti esse, nec inde quidpiam momenti ac ponderis accedere posse argumentis, quæ satis sua soliditate se insinebant. Nunc vero, cum me Deus licet immerentem in dignitate hac collocavit, officii mei arbitratus sum, non solum filiis, quibus Deus me Patrem constituit, opus hoc antea tam diligenter celatum manifestare, verum etiam sacro charactere qui in me est auctoritatem addere volumini, quod ad conservandum sanæ doctrinæ Episcopis commissæ depositum perquam utile censo. Ardor, & studium, quo cætera ad instructionem vestram a me conscripta opera suscepistis, spem mihi faciunt, ne istud quidem a vobis contemptum iri. Nam licet nihil cum cæteris

teris a me alias tractatis rebus commune habeat, materię tamen dignitas me persuadet, illud vobis nec minus proficuum, nec minus acceptum futurum. Vivitis quippe in medio, ut ita dicam, cæremoniarum, quę conficiunt partem vestri muneris, cum partem divini cultus, cujus Ministris estis, conficiant; imo pleraque actiones vestras cæremonię comitantur; quas Ecclesia ad augendum cultus decorem, infillaudamque pietatem fancivit. Res igitur non exigui momenti est, ut nobis & finis, & natura earundem institutionis quam optime constet. Cumque *vobis concessum sit cognoscere mysteria Dei*, vobis etiam incumbit eorum defensionem contra quorundam sive ignorantiam, sive incredulitatem suscipere, quod ut commodè digneque præstetis, vestra quoque interest ab Episcopis doctrinam avidè suscipere, quę vos non huic muneri solum, sed etiam instruendę de mysteriorum natura plebi aptos reddere valeat. Cujus necessitas clarissime elucet; alii quippe ex populo mysteria penitus ignorant, sicque incertitia sua omni utilitate quam ex sacris Symbolis haurire possent, privantur. Alii vana scientię ambitione inflati sensum, notionemque mysticam parvi, imo nihili pendunt, eodemque cęstro ut noster auctor perciti, similisque ingenii morbo depravati ulterius non raro progrediuntur. Nec contenti systematis illius limitibus includi eo temeritatis deveniunt, ut sanctos Ecclesię ritus non contemnant, & rejiciant solum, verum etiam risu, cachinnis, ludibrio persequantur. Principia, quę stabiliri, instructionem ignorantium reddent faciliorem, atque etiam arma suppeditabunt ad prosterrenda fallacia fundamenta incredulorum, & ineptas improborum cavillationes. Reperietis etiam, unde pietatem vestram in cæremoniarum sacrarum exercitio nutriatis, & ipsa cognitio originis sanctissimorum rituum efficiet, ut eorundem sublimitas affectus cordis vestri intime penetret. Tum demum optima ratione cæremonię Ecclesię a vobis eo loco habebuntur, quo habentur a Conciliis, & Sanctis Patribus: *Imagines videlicet fidei, incitamenta pietatis, signacula religionis*. Datum Lutetię Parisiorum sexto Idus Septembris MDCCXX.

J. Josephus Episcopus Sveffionensis.

Loco ✱ Sigilli.

De mandato Reverendissimi Saunier.

B

PRÆ-

PRÆFATIO PRIMÆ EDITIONIS.



NIL profecto magis rationi conforme, nihil laudabilius, nihil utilius videbatur, quam institutum, quod D. de V. contra Dominum Jurieu Ministrum Calvinistam scribens sibi proponit, investigandi nempe omnium Ecclesiarum caeremoniarum origines, atque inde institutionis earum causas deducere. Jam tum D. de V. profitebatur plures ex nostris Ritibus quos Calvinistæ in risum detorquent, cachinnisque excipiunt, aut a decore, aut a necessitate originem suam desumere, adeoque injusta esse impropria, quæ a præteritis Reformatis ea occasione in nos effusiebantur. Credere licet D. de Vert eo tempore necdum existimasse omnes nostras caeremonias ab hoc principio deducendas esse. Reverebatur adhuc sensum mysticum, qui illis ita proprius, atque innatus est, ut ab iis separari penitus nequeat, indeque defensionem deduxit; quam contra Ministri reformati cavillationes, ludibriaque suscepit. „ Revereor (ait in Epistola ad Jurieu exarata) revereor omnes „ minimi etiam momenti explicationes morales & mysticas, quas nobis „ diderunt Bielii, Durandi, Innocentii, eorumque discipuli. Non „ enim eos vel leviter arguere possem, ni simul cunctos Ecclesiarum Patres „ arguerem.

Hæc fuit anno 1690. oratio Domini de Vert plena probitatis ac moderationis; sed deinde mutato consilio ac plurima quidem lectione fretus, sed necessariis ad investigandam veritatem principiis destitutus systema suum, ultra quam par erat, protendit, quod utilitate sua non caruisset, si æquioribus limitibus circumscriptum fuisset. Instabile ac temerarium itaque illud systema est, quod ipse in suo de Ecclesiarum caeremoniis opere anno 1708. edito prioribus duobus tomis stabilire studuit, quodque ego mihi hodie debellandum assumpsi, quem conatum meum a cunctis Catholicis æquo bonoque animo susceptum iri eo confidentius spero, quo magis apparet mentem meam unice collimare, ut arma, quæ D. de Vert Liber Calvinistis ad nos impugnandos suppeditavit, ab eorum manibus extorqueantur. Tota denique mea oratio in eo versatur, ut dogma Concilii Tridentini circa Ecclesiarum caeremonias tueatur. Dogma, inquam, quod cum ideis in D. de Vert libro venditatis minime convenire poterit.

His adjectis rationibus elucubrationem hanc in publicam hodie lucem emitto, quam eodem prorsus tempore, atque eodem quasi anno, quo suum ipse opus typis edidit, ego contexui. Arbitrabar cum tum adhuc in vivis esse, & cum eum consulto de erroribus suis merito acrius perstrinxissem, expectabam eum invitum etiam coactum iri, ut opinionem suam publico opere dilucidaret, ni silentio suo mallet tot errorum suspicionem in se recipere. Ast improvisa auctoris mors editionem Libri mei antecessit, adeoque dubius hæseram gravissimis præsertim negotiis ab urbe Parisiorum adstrictus, quem manuscriptorum mei usum facere deberem: cum ecce nonnulli tam doctrina, quam dignitate illustres viri, quorum consilii obtemperare nunquam non possum, quasi

lege

lege perstrinxerunt, ut opus hoc prælo subicerem: ad quod divulgandum ægre admodum adducor. Prævideo quippe insurrecturos criticos clamantes me arma capeffere contra adverfarium, qui morte præventus extra conflictum, atque defenfionem pofitus eft. Vituperabunt me, qui cineres turbare audeam hominis multorum encomiis celebratiffimi. Imo afferent eum præ cæteris dignum effe, cujus famæ parcatur, utpote qui confectam jam fuorum Operum defenfionem contra D. Thiers oppugnationes ea folum ratione adductus fupprefferit, quod eum e vivis jam exceffiffe audiviffet. Exemplum hoc facile me ad imitationem alliceret, fi errores quos in opere Domini de Vert detegendos fufcepi minoris momenti effent nec tantum fidei, ac fidellum ædificationi detrimentum afferrent, fed malum hujusmodi eft ut humanis de caufis diffimulari minime queat. Cultus enim Ecclefie Jefu Chrifti, religio & pietas populorum, honor Sanctorum primi ævi Doctorem, omnis denique res sacræ ab hoc fystemate in extremum adducuntur periculum, ac maximam certe labem fufciperent fi ab omni cenfuræ nota abftineatur. Quis autem locus effe poteft urbanitatis officiis, ubi Levitæ arma capeffenda funt ad tuendum Sanctuarium Domini, quod ornatu fuo, dum extirpantur, deturpanturque myfteria, fpoliari cernit.

Quod an jure peractum fit, Lectoris committo fententiæ, qui dum opus hoc meum pervolvit, judicabit fane utrum errores, quos doctiores viri in D. de Vert Libro fe reperiffe autumabant, filentio premi oportuerit, atque an licitum fuerit refutatione exfangui, argumentisque languidis reprimere audaciam hominis, qui magiftri ac doctores perfonam præferens, iteratis frivolæ fuarum conjecturarum applaufibus, & impiis cachinnis, quibus ceremoniarum nostrarum fanctiffima myfteria explodit, vim, roburque fystemati fuo conciliare enititur. Mundus alinnde, ingeniis acerbis, feu atheos, naturaliftasque appellare mavis, fat fuperque fcædet, qui myfteriorum æque, ac prodigiorum, omniumque, quæ ad captivandum intellectum fpectant, inimici avide principia cuncta arripiunt, quæ incredulitati fuæ favere videntur. Contemptus piarum allegoriarum, quas Rubricæ fuppeditant, hos incredulos mirum in modum oblectat auctoritatemque fibi farcasmi, Indibriiſque, quibus ritus sacros impetunt, adſciſcunt, ac voluptate exultant, dum hic quæpiam reperiffe opinantur, quæ eos excuſare queant, quod myfteria, fymbolica ad pietatem nutriendam inſtituta tam parvi pendunt. Quapropter necesse eft, aut eos ab errore reducere, aut pudorem incutere, fimulque nefaria tela excutere ei, qui illa ſciis ſubminiſtravit, eodemque tempore fucum principis ejus demere, expoſitaque in lucem omnium irriſioni objicere. Qui autem id fieri poteſt, ni ſtylus illo fervore accendatur, quem juſta indignatio fuſcitât, quique veritatē lucem, gratiamque addit? Si auctor, qui a nobis impetitur, obit, liber non moritur: vivit, & volvitur manibus omnium. Homines novarum rerum avidi duas jam exhanſerunt editiones: & non increduli ſolum inde auctoritatem cauſe ſuæ depromunt, verum & hæretici ibidem arma prompta invenire putant, quibus nos impugnent, ac Theologiſ, myſticſque noſtris inſultent. Non elangui certe confutationi conceſſum eſt

hujusmodi præjudicia couellere, naturalistas, vulgo spiritus fortes, revincere, hæreticos exarnare, religionis pietatisque amantium zelum magis, magisque incitare.

Ast, si materiam hanc omni illo impetu, vehementia, ac animositate pertractandam suscepi, quam necessariam existimaui ad demonstranda pericula, falsitatem, & non raro ridiculam futilitatem fundamentorum, quibus D. de V. principia innituntur, sincere asseverare ausim me rationes solum, & adnotationes non personam illius arguere, & impetere. Subscribam lubens omnibus elogiis, quibus, & vitæ probitas, & finis quem sibi in hoc concinnando opere proposuerat tamquam rectissimus commendatur. Accedam, si opus est in asserenda illi laude ad auctorem illum qui D. Claudii de Vert Elogium his verbis contexuit: *Quod comparando sibi elegantium Litterarum cognitionem eam in Christianissimo scientiam adeptus fuerit, quæ illum æque pietate, ac doctrina celebrem Religiosum effecit. Quinimo non inficiabor Libros, quos impugno, communes hominum vires excedentis laboris esse, plenisque sexcentis curiositate allestantibus disquisitionibus, quarum haud pauca præstanti utilitate pollent; verum concedetur & id mihi non posse nos non indignari, dum mysteria cultus nostri, dum cæremonias baptismi, dum sublinem S. Pauli doctrinam, dum ipsa Christi miracula a dignitatis suæ fastigio deturbari cernimus.*

Attamen ne forsitan accuser, me famam hîsce animadversionibus querere, eum impugnando, cui sui defensio morte erepta est; neque gloriam meam illius ruinæ inædificare; non volui ut nomen meum libri titulo præfigeretur. Non enim gloriæ sed veritati studeo, quæ cum me ad scribendum impellit, ut meum nomen in apertam lucem prodeat, omnino non flagitat.

Superest nunc, ut Lectori causas edam, quæ me impulerunt ad impugnandos, & refellendos duos priores solum tomos D. de V. Opus meum, ut supra memini, anno jam 1709. confectum erat, quo binæ hæc solum partes prælo excusæ circumferebantur. Eodem quoque anno contigit me ad munus appellatum fuisse, quod omne prorsus superfluum tempus exhaustit. Nec satis scio an unquam tantum otii nancisci queam, quod sufficiat ad exacte persequenda ultima duo D. de Vert volumina: Ast licet id obtinere mihi non contingat, sat me præstitisse in demonstrandis priorum tomorum erroribus arbitror. Ex quibus dein non magno negotio judicium de posteriorum præstantia deduci valeat. Cæterum universa systematis Vertiani principia primis duobus includuntur voluminibus. Alia præter explicationes magis accurate, minutimque pertractatas, ab iisdem tamen semper principiis dictatas, nihil continent. Quibus abunde satisfit, dum principia, quibus innituntur, conqussata, eorumque falsitas, atque inde errorum pericula demonstrantur.

Et illud ipsum est, quod unice enixus sum, ratiocinari videlicet ex auctoris principiis, & evertere rejea, quæ in auctore oppugno. *D. de V. contendit unamquamque cæremoniam causam physicam & naturalem institutionis suæ habere, & rationem symbolicam posterius demum accessisse. Ego contra assero: hanc Religionis nostræ mentem esse, ut nullam prorsus cæremoniam nisi ob rationes ex integro symbolicas primitus insinuerit. Si*

veri-

veritas hæc solidis rationibus comprobata fuerit, quatuor Vertiana volumina necesse est ut cum toto suo systemate penitus concidant. In hac itaque veritate asserenda totus sum illamque tam certis argumentis comprobasse credo, ut certissimarum demonstrationum vices ea obtinere mihi persuasum sit.

Hæc enim argumenta hoc sibi demonstrandum proponunt primo universas orbis religiones ac præcipue Ecclesiam Jesu Christi omni tempore id intendisse in suarum caeremoniarum institutione, ut & cultui religioso infervirent, & symbolorum rationem involverent.

Secundo: Quod si in administratione Sacramentorum, aut solemnitatibus Ecclesiæ Officiorum ritus aliqui reperiantur, qui necessitati solum, & decori originem suam debent, esse tamen alias eodem numero, imo majori, qui non aliam institutionis suæ causam habent quam sensum mysticum, & symbolicum tanta pertinacia a D. de Vert rejectum.

Tertio: Quod dum Ecclesia aliquas retinuit caeremonias, quæ originem suam necessitati adscribunt, id eam nec fortuito, nec ob inveteratam consuetudinem egisse, verum quia præviderat fideles fructum aliquem percepturos ex sensu figurato, devotionemque edocente, quem iis adjunxit.

Quarto: Complures sensuum horum allegoricorum & symbolicorum minime esse considerandos tamquam ideas pias quorundam Mysticorum; verum ut adoptatos ab universa Ecclesia, antiquissimæque traditione, & omnium Ecclesiasticorum auctorum sermone confirmatos.

Et his principiis omnia superstruuntur quæcumque contra D. de Vert opus, & dispersas in 39. prioribus sectionibus quibus illud constat conjicere sturatas attuli.

Non tamen ita vagis generalioribusque principiis alligatus sum, ut non sapiens etiam in exactissimum Vertianorum assertorum examene descendam. Limites solum rationi sanæ conformes mihi constitui. Cuncta prorsus impetere, & modum excessisset, & injustum, confitear necesse est, fuisset. Conjecturæ D. de V. quandoque felices sunt, nec annotationes illius semper judicio, soliditateque carent: sed mihi satis fuit copiosam, & abundante in opinionum asserere messem, quæ nullo conatu nulla ingenii aut eruditionis vi sustineri ac defendi queunt, satis fuit invictis demonstrare argumentis, quam falsæ, quam impudentes, quam ridiculæ plurimæ earum sint, ut nullo negotio Lector possit etiam de illis Vertianis opinionibus judicium ferre quas ad trutinam revocare mihi otium non fuit. Hocque ipsum est quod in argumentis quæ 39. priores sectiones amplectuntur, præstiti, quodque accuratori indagine in decem sequentibus sectionibus a me confectum est.

Ultimas denique sectiones adhibeam necesse est ad detegendam falsitatem argumentorum, quibus D. de V. systema suum fulcire studuit. Mirum profecto ea tam debilia, tsm inania, tamque exiguo numero esse, ut mihi ad eas convellendas, convincendasque non pluribus, quam sex sectionibus opus fuerit. In paucis verbis insinuantur mei rationem. Quam si exactiorem paulisper cupis, amice lector, in adjunctum Summariorum tabulam oculos conjice, atque uno intuitu completa totius operis idea se offeret.

His principiis fultus tute D. de V. Opus legendum aggredieris, nec me.

metuas tē seu rutilanti verisimilitudinis fulgore exæcatum, seu didascalica sua pronuntiandi auctoritate in errorem abreptum iri. Persuafus de plurimarum suarum conjecturarum falitate Lector, ac de earum debilitate instructus solidam facile, & æquum de his feret iudicium; idque non de prioribus solum duobus tomis, quos confuto, verum de duobus etiam posterioribus, quos minime attigi.

Ignoro tamen num mutato D. de V. genio, an revisorum diligentie tribuere debeam discrimen illud, quod in elocutione & magis moderata, & magis religiosa posteriorum duorum Tomorum tum cum in manus meas inciderunt, mihi visum est elucere. Videtur mihi D. de Vert neque in expressiones tam humiles, neque in similitudines tam rusticas, rudelque, ut in prioribus voluminibus, declinasse atque majorem Sacramentorum, traditionisque rationem habuisse. Verum, quod intactum præterire nequeo, quodque aliquando ad istorum postremorum voluminum discussionem atque examen pertinebit, est affectata illa præteritis infinitarum ceremoniarum in Missæ Sacrificio occurrence, quæ manifesto & institutione, & usu symbolicæ sunt, dum tamen solertissima diligentia omnes cæteras inquisivisset, quæ ad originem physicam, & naturalem reduci possent. Hujusmodi silentium satis manifesto indicio est D. de Vert nec a præjudicatis opinionibus quibus antea adhæserat, nec a suis principiis quæ in primis duobus tomis statuerat, in hisce ultimis discessisse. Nulla prorsus illius judicio Missæ ceremonia & symbolorum scaturigine defluxit; nulla in voluminosis his duobus tomis originem ibi suam agnoscit; universa in divino hoc Sacrificio, ipsum quoque pacis osculum, thurificatio, & peccatorum confessio ob rationes physicas, & naturales, aut in commodi, decoris, gestulationisve gratiam peraguntur. Eo usque exorbitantia sua eum abripiunt principia. Stupendæ fane præjudiciorum sequelæ? quomodo nam in mentem inducere suam potuit illam rem, quæ & ex natura, sua & unice mystica est, & tota mysterium est, in Ecclesia absque ulla cerimonia, quæ aut mysterium continet, aut institutionem suam sensui mystico, & symbolico debeat, celebrari?

Ultimo demum admonitis esse omnes cupio, me hoc in Opere ad primam elucubrationis Vertianæ editionum respicere. Non enim antea, quam posteriores duos tomos legendo percurrerem, liberque meus sub prælo gerneret, mihi innotuit priores iterato in lucem prodisse. Cumque longiusculum ab Urbe Parisiorum abfuissem, non licuit mihi sat opportuno tempore secundæ editionis exemplar obtinere, ut paginas, earumque numerum cum prima conferre possem. Hæc etiam in causa fuerunt ne mihi pateret, an hac nova in Editione aliquid remissum, aut correctum fuerit eorum, quæ ego refellenda, coarguendaque assumpsi. Quicquid horum sit emendationes hæc consutationi meæ nihil utilitatis detrahent, immo vero apologiæ ejus vices sustinebant. Cum prima D. de V. editio latissime diffusa sit, æquum pariter cenfeo, ut crisis ejus non obrepereat, utque, si possibile sit, deleat rudes illas, cultuque inchoatas indecentes ideas, quas forte animadversiones & adnotationes in legentium animis reliquerunt.

REVERENDISSIMI EPISCOPI SVESSIONENSIS

OPUSCULUM
DE VERO ECCLESIAE SENSU
CIRCA SACRARUM CÆREMONIARUM USUM,
S E U

CONFUTATIO LIBRI
A D. CLAUDIO DE VERT EDITI,

In quo continetur: Explicatio simplex, litteralis,
& historica Cæremoniarum Ecclesiæ.

§. I.

*Necessitas hujus Operis, & justa indignatio, quæ concipitur
ex lectione libri D. de Vert.*



UNQUAM profecto opus ullum in publicam lucem prodiit, quod magis communem omnium in se attentionem converteret, quam paucos ante annos typis mandatus Liber hoc titulo insignitus: *Explicatio simplex, litteralis, & historica Cæremoniarum Ecclesiæ*. Auctor hujus D. Claudius de Vert Thesaurarius, & Visitator Ordinis Cluniacensis jam ante notus fuerat in Republica Litteraria. Fama, quam sibi

prioribus a se elucubratis operibus comparaverat, hoc ultimum etiam, antequam typis exprimeretur, multum commendabat nec minori impatentia a Calvinistis, quam a Catholicis expectabatur. A viginti quippe circiter jam annis Heterodoxus Minister Jurieus jactabat esse virum, nescio quem apprime doctum Ordinis Cluniacensis, qui opus hujusmodi meditabatur, quo Durandos, Biellios, Innocentios qui de Missæ Mysterioris antea scripserant, de sua dignitate deturbaret palamque faceret cunctas cæremonias mysterio carere.

Declinabat quidem tum, & rejiciebat D. Vertus has a se laudes Presbytero Romanæ ac Catholicæ Ecclesiæ minime convenientes, imo injurias. Modestaque hac excusatione non contentus Litteras ad Jurium exaravit, quibus palam profitetur se minima quæque explicationis mysticæ capita venerabundum suscipere, humerisque suis longe impar esse opus, quod ei perperam affingitur; tamen non illi postea defuerunt vires ad illud aggrediendum, perficiendumque. Prodiit quippe tractatus hic, qui Ministri Heterodoxi expectationem tantopere titillabat, anno 1708. ac sollicitè publica omnium contentione susceptus fuit. Quamquam enim jam plures de Ecclesiæ cæremoniis elucubrationes ha-

beren-

berentur, non exhausta tamen adhuc penitus Rituum Sacrorum materia est, & opus huiusmodi procul dubio aliquid utilitatis allaturum credebatur. Titulus multa promittens, obiectum elegans & vastum, materia curiositate placens, systema novitate alliciens, omnia denique eximie in ejus favorem concinnata praestantiam singulorum praeferebant. Enata hinc sapientibus spes, conatum gaudium, se hic nescio quae utilia, nova, atque ad ditandam eruditionem opportuna reperturos. Progressi ulterius in auctoris laudes certatim effundebantur, ac neglecta trutina, ommissa crisi, maximis opus Vertianum elogiis efferebant.

Nunc tandem praejudicia deferbuere, ac depulsa est nubes illa quam speciosus libri titulus, temerariae, ac scintillantes expressiones, atque inserta hinc inde fucatae eruditionis femina doctorum luminibus obduxerant. Stupent se inodo primum videre, quod sub falso praetextu Sacri Ritus Ecclesiae simplici, ac litterali sensu explicandi eo audacie progrediatur D. de Vert: ut augustissimas caeremonias iis mysteriis spoliaret, quae ipsis institutionis suae exordio propria, Apostolorum auctoritate solidata, cunctorum saeculorum testimonio confirmata fuerunt. Mirantur eas elucidari, non, ut libri titulus innuit, simplici, & historica explicatione, sed deturpari potius ideis villibus, rusticis, inhonestis, quaeque saepe fide historica, certisque testimoniis falsitatis & mendacii argui queant. Ausciscit dein stupor dum nusquam non occurrunt digressiones temeritate, & erroribus refertae, indagationes humiles, & pueriles, lepores insulsi, & materiae gravitate indigni, conjecturae ridiculae, & adnotationes, quae vix, ac ne vix quidem ab impietatis macula, & censura excusari possunt. Ita quidem, ut in landis locum, quae Auctori debita credebatur, iusta succedat indignatio.

Justam ajo indignationem quis enim non indignetur dum legit ab Auctore Catholico, sanitatem miraculosam homini ab utero matris caeco, alterique cernigumeno surdo & muto a Jesu Christo impertitam principaliter: *Virtuti specifica*, & naturali salivae tribui? Quis tranquillo animo audire valeat haec prodigia in comparationem adduci cum venditato miraculo Vespasiani, *qui exco saliva sua visum restituisse dicitur*.

Quis non indignetur dum audit, realem Corporis Jesu Christi in Eucharistia praesentiam explicari ab illo per affirmatam a Paginis falsarum Divinitatum in Idolis post consecrationem eorum praesentiam? Nec hic suam sistere audaciam, sed insanius prolapsu adjungere, verbum *Consecrationis* hoc sensu Ecclesiam suscepisse, *ita ut si in alia significatione ab ea adoptatum fuisset ethnicos ad fidem conversos in errorem induxisset*.

Quis non indignetur, dum legit ab illo institutionem Baptismatis deduci a consuetudine lavandi infantes *vix notos ob rationes physicas*. Et a S. Paulo demum usui huic additas fuisse *allusiones magnificas ad mortem & sepulchrum Jesu Christi, quae illius opinione nulla ratione ad finem institutionis pertinent*?

Quis non indignetur dum videt Viaticum infirmis tribui solitum a superstitioso usu infidelium mortuorum suorum faucibus denarium ingrentium derivari? Usam Thuris, & sustinuum ad necessitatem tollendi foetoris

Tom. 3. p. 46.

Tom. 1. p. 103.

Tom. 2. p. 218.
371. & Pinc.
p. 16.

toris, qui ex ustulatione victimarum procreabatur, referri? Silentium Monachorum quieti dormientium, Cereum paschalem, tanta solemnitate, tantis precum Ritibus ab Ecclesia Sabbato Sancto benedictum, commo-
modo fideles nocturnis tenebris illuminandi attribui?

Tom. 1. p. 78.
& 101.

Quis non indignetur, dum videt Auctorem hunc sub fucato inquirendorum Rituum nomine sacras Ecclesiæ consuetudines prostituere, easque sub vilissimarum idearum formis proponere adhibititis indecentibus prophanisque eas exprimendi modis? Ut cum Sacram Unctionem post Baptismum adhiberi consuetam *Smegmati Lotricum* assimilat, utramque enim ait quamplurimum prodesse, ne bumeſcata *pellis rugas contrahat*: cum pallium Archiepiscoporum, ait esse veluti *des bretelles* fasciarum infantibus, aut rusticis consuetarum genus, mytras eorum nocturnis biretis comparat, Diaconorum tunicas *lineis indusis aurigarum Lugdunensium* confert. Cum dicit manipulos in usum fuisse, dum *manica naves emungebantur*, eosque haud abſimiles esse a Stropholis, quæ vetulæ Abavillenses centum ante annos sinistro brachio appendebant. Cum verba hæc Officii palmarum: *Quis est iste Rex glorie*: militari exclamationi, *ebi vâ là?* Ecquis hic? quasi jocabundus designat, vocemque *adorare*, & adorationem, infantium consuetudine explanat, *qui aliquem salutare jussi (faire servir) manum ori admovent*. Cum Parochos titulares *Parochos stantes* (en pied) appellat, benedictionemque solemnem Abbatum Regularium *urbanitatem* appellat, *eiusdemque naturæ ac quæ Lettoribus in contuberniis ad mensum legentibus impartiri solet*.

Tom. 3. p. 186.

Tom. 1. p. 146.

Tom. 1. p. 141.

Tom. 1. p. 137.

Tom. 1. p. 191.
& 300.

Tom. 3. p. 137.

Tom. 1. p. 177.

Tom. 3. p. 418.

Tom. 1. p. 131.
32., 33.

Quis non indignetur, dum pro veritate extra omnem controversiam posita jactitat conjecturas omnium maxime frivolas, falsissimas (nec metuo dicere) omnino ridiculas, miserrimas? Ac ut quamplurimas alias missas faciam, aliquas solum producam, quæ abunde sufficient ad judicium de cæteris ferendum. Sic enim ait auctor: Si Summus Pontifex exaltationis suæ die in altare collocatur, id sit ut pedes ejus in justam altitudinem elevati commodum osculantibus fortiantur situm. Si Ecclesia suas inter cæremonias numerat usum tradendi ordinando Subdiacono manipulum, originem hoc traxit ex sinistro intellectu Concilio Carthaginiensi, perperam detorquendo illa verba hujus Concilii *aqua-manile*: Si festo Nativitatis Domini, quemcumque in diem incidat, carniæ esus conceditur, est ejus causa memoria Verbi Divini, quod *Caro factum est*. Si Presbyter extremitatem stolæ ejus capiti imponit cujus in solatium S. Joannis Evangelium recitat, ideo fit, quod olim stolæ limbo Evangelium hoc affixum fuerit, ac inde & naturæ rei, & commoditati leſtantis consentaneum, ut capiti fidelis in genua poſtrati imponeretur. Si denique Antiphona *O Adonai* quæ Adventus tempore canitur, per Decanum Capituli intonatur, hoc munus ob vocabuli *Decani* cum voce *Adonai* similitudinem illi committitur.

Tom. 3. p. 137.

Tom. 3. p. 112.

Tom. 3. p. 476.

Si majestas, si dignitas rerum harum non adeo foret veneranda, quis risus, quis cachinnos continere valeret, dum deliria similia, dum enthûsiastica hæc somnia tanta gravitate, tamque severo supercilio jactitari audit? At, ut verum fatear, gemendum potius quam ridendum, dum religio tam proterve despicitur, Ecclesiæ cultus tam indigne pro-

Hieronym. in
fig.

scinditur. Verum satisne est ingemiscere, ubi ejus cultus proculcatus non ploratores, sed defensores omnes eos expetit, quibus ejus honor; & gloria cordi est? *Hæc dolentis magis, quam videntis, animo effudi, dum me cōbire non possum, & injuriam Ecclesie surda nequeo aure transire.*

Dudum id jam præstitissem, ni inclinatus ad taciturnitatem animus me retinisset, modestumque hoc silentium mihi imposuisset spes futurum aliquem calamo, doctrinaque magis valentem, qui me hoc in tentamine anteverteret. At dñm nullus vindicandas Ecclesie injurias assumit, muneris ac officii mei esse credidi refellere præcipuos errores, lapsusque hominis, qui perverfas conturbatæ suæ mentis ideas Ecclesie spiritui affingere voluit; qui adeo studuit ut contentui ac ludibrio essent apud omnes ii, quos *mysticorum nomine* indigitat. Licet haud raro hi ipsi non alii sint, quam Sancti Patres tanta veneratione ab Ecclesia culti. Illi vident, multo profundius quam D. de Vert instituti, cæremonias veluti mutam quamdam doctrinam semper admirati sunt, aptam ad instruendos fideles, & nutriendam pietatem. Sanctorum quippe mysteriorum symbola mysteria ipsa Christianorum animis perpendenda & obijciunt, & inculcant.

Sed ne longius, quam par est, animadversionibus generalioribus inhæream, ac ut solidis argumentis tucar, me nihil absque ratione, me nihil perperam, nihil invidiose facere, dum contendo libri hujus asserta Ecclesie in institutione cæremoniarum esse contraria; jam ad principia ipsa D. de Vert descendam ut quot quantisque erroribus ac deliriis sca-teant palam omnibus faciam.

§. II.

Sententia D. de Vert clarissime e numero rationum propter quas institutæ sunt cæremoniæ rejicit omnem sensum mysticum.

Quamquam toto in Opere D. de Vert implexissima confusio dominetur & informe hoc animadversionum, adnotationum, supplementorum, additionum, correctionum chaos nihil aliud nobis offerat, quam rudem, indigestamque sine ordine, sine serie factorum congeriem, id tamen mihi colligere licuit totum systema peregrino absurdoque huc inniti principio: *Cæremonias videlicet ab Ecclesia in Sacrificio Altaris, aut Sacramentorum administratione usitatas non debere explicari per rationem symbolicam, & mysticorum. Sed necesse esse a causis simplicibus, naturalibus, & physicis, quæ eas introduxerunt, earum pariter originem petere.* Has appellat *causas primitivas, & fundamentales*, ad differentiam causarum symbolicarum, quas vocat *causas subsidiarias, & secundarias.*

Ad declarandas accuratius causas cæremoniarum, quas ille nominat *primitivas, & fundamentales* atque ad excludendas eas, quæ dicuntur *mysticæ, & figuratæ*, tres causarum species constituit. *Disciplina Eccle-*

Ecclesiæ (ait ille) quoad ritus, & cæremonias attinet, fundata est in causis simplicibus, & desumptis plerumque universis aut ab usu veterum, aut a similitudine actionum cum vocabulis, & reciproco ordine Vocabulorum cum actionibus, aut quod necessitas decorum & commodum ita postularent. En tres institutionis nostrarum cæremoniarum scaturigines. Præter quas nullas alias agnoscit. Primum locum obtinet usus veterum, idest Hebræorum, & Ethnicorum, ad quos præter alia plurima ipsam etiam refert institutionem Sacramentorum, consecrationem Eucharistiæ, & usum signi Crucis. Secunda rituum scaturigo est: actionum cum vocibus conformitas, & similitudo, id est communitas illa gestuum, & actionum, quæ vocibus vim, decoremque largitur deducta ab illis similitudine, qui ex suggestu ad populum declamantes actiones orationi conjungunt. Principium hoc latissime patere arbitrabatur, asserit enim: hanc esse causam usuum fere omnium, quos examinandos aggreditur, ino etiam eunctorum exterorum, quos forsitan alias ad trutinam revocare posset. Tertio demum statuit: Necessitatem, & commodum: Unde derivat luminum usum, dum nox omnia tenebris obscurat, lotionis, dum quæpiam immundus est, absterisionis, dum madefactus est, tegminis, dum pluit.

Tom. 1. Pref.
p. 23.

Tom. 1. p. 141.
& 41.

Has, has, inquam, appellat veras causas, causas primitivas, causas institutionis cæremoniarum. Hæ illæ causæ sunt, quas vellet in iis contuberniis, & Lycæis doceri, ubi cæremoniæ, usitatieque Ecclesiæ ritus adolescentibus institutione proponuntur. Atque ne nobis Synopsis elegantis hujus systematis desit, prudenter id suis Operi adjectis tabulis cavit, cui peregrina hæc apposuit Summaria: *Causa mystica iis attiles sunt, qui perfectionem sui internam solum querant parum curiosi de causis, quæ nominantur institutionis. Et alibi: Primo exordio & origine nulla in cæremoniis Ecclesiæ querebantur mysteria. Et iterum; absque adjumento harum causarum (scilicet litteralium, & primitivarum) impossibile est intelligere sensum rerum pene omnium, quæ fiunt, aut dicuntur in Ecclesiæ.*

Tom. 1. p. 9.
& 10. Pref.

Tom. 1. p. 373.

Tom. 1. p. 440.

Ibid. p. 457.

Si D. de Vert principia hæc tanquam causam & originem aliquarum solum cæremoniarum obtulisset; si asserta sua solidis fulcisset argumentis, allatasque a se conjecturas, tanquam non extra dubitationem positas, modeste timidus in medium proposuisset, si ingenue confessus fuisset multas prorsus existere cæremonias, quæ nulli alteri originem suam debent, quam causis symbolicis, & sensui mystico ipsis annexo: huncque primæ esse institutionis; si tantum in quosdam mysticos animadvertisset, qui nullis innixi fundamentis mysteria in ritibus sibi fixerunt, ubi nulla extant, si denique debita veneratione ideas symbolicas prosequutus fuisset, quas universa Ecclesiæ adoptavit, usibusque sacris adjunxit; tunc utique justos sibi limites constituisset. Laudibus sane esserem prudentes has elucubrationes, primusque essem, qui eas elogiis, & plausibus exciperem. Nolo enim quempiam arbitrari, me omnia mysteriis involvere, sicque opposita semita in alium errorem ab oppugnatione haud multum dissimilem delabi. Sunt quidem quamplurimæ cæremoniæ, & usu, & origine mysticæ. Concedo tamen & alias esse, quæ exor-

dium, & institutionem suam necessitati, commodo, & decore debent. Imo nec disiteor quamplures Auctores nimio indoctæ pietatis zelo adductos extra justis tramites vagatos fuisse, dum sibi mysteria, parabolas, symbola, iis in cæremoniis fabricarunt, quibus certe talia adjungere Ecclesia nunquam in mente habuit: unde fortasse accidit, ut quæ fuerit nonnullorum rituum genuina origo nos lateat.

Sed D. de Vert non se tam arctis cancellis includi passus est. Displacuerunt illi cunctæ symboliæ rituum explicationes; omnesque cæremoniæ mysticæ causæ nausæam movebant, nec adduci potuit ut cæremonias nostras in institutione sua illis innixas crederet. Intuebatur illas universas tanquam *ideas arbitrarias, & pias moralitates*, quæ illis pro libito quidem ad nutriendam pietatem adjici queunt, sed quæ institutione posteriores sunt. Ut vero principium hoc, cui systema suum inædificatur, generale est, nullamque recipit exceptionem, ita D. de Vert universaliter loquitur. Nihil excipit, sed omnes omnino comprehendit cæremonias cujuscuque eæ demum sint naturæ: *Si Ecclesia (inquit) consideraret cæremonias suas institutas ob fines solum symbolicos & mysticos, necesse foret Ecclesiam immutabilem esse in retinendo rituum bonum usu. Rationes enim & principia, quibus inuitur, nullam suscipiant mutationem: objecta mysteriorum sunt fixa; & quod semel alicui allegorice originem tribuit, semper subsistere debet.*

Nulla facta exceptione etiam affirmat consuetudines hujusmodi semper acceptas fuisse in hoc sensu proprio primitivo ac necessario. Semperque nostris ritibus causas simplices ac naturales præ mysticis ac symbolicis assignatas fuisse.

Præterea universaliter inquit: *Dum ante triginta jam annos dici audivissem cereos in Ecclesia illuminandi solum causa adhiberi solere, idea hæc me commovit; atque me in semitam deduxit, naturalem & historicum cæremoniarum sensum rependi: intellexi ex eo omnibus aliis Ecclesiæ usibus easdem causas primitivas & physicas.*

Ea prorsus mente cujusdam Auctoris verba adoptat, qui de se ipso fatetur: *Quod nunquam sibi hujusmodi causæ mysticæ arriserint; eas plus præferre venustatis quam soliditatis, plusque iis offuscari, ac inanimi dignitatem mysteriorum, quam augeri.* Adjicit auctoritatem alterius, æque peregrini, prophamique: *Materia Liturgica apparent languida, insipidaque, dum nihil præter mysteria loquuntur. Causæ mysticæ cæremoniarum tum demum excogitatae sunt; dum longissimi temporis intervallo omnia historica delevisset vestigia, ac causas literales & historicas oblivione sepelivisset.*

Audiamus demum, quibus verbis ipse exactam præcisamque ideam nobis systematis sui largiri, novis argumentis fulcire, moderationisque gloriam ac meritum sibi comparare conetur: *Non igitur institutum hoc tanquam peregrinum, ac singulare videri debet, si videlicet propositam methodum sequenti rationes mysticas traduceamus tanquam ideas secundarias, quæque ad primam institutionem minime revocari queunt, pro verisq; causis solum physicas, & historicas assignabimus. In eo vero Auctores non desunt, quibus nulla penitus alia arident, quique omnino*

cum-

cunctas rationes mysticas (dempto illis etiam secundariarum causarum beneficio) aspernantur , nec differentes earum applicationes quoquo modo possibiles arbitrantur . Quis non exstimaret ab eo opinionem hanc tam male coherentem , tam debilibus innixam fulcris , cum indignatione rejectum iri ? Verum fallimur ; hæret anceps , nihilque eum ad sententiam hanc condemnandam permovere valet . Quinimo eam ex parte laudat , invictoque , ut credit , ratiocinio confirmat , sic systemati suo securitatem , firmitatemque querens : *Certissimum est* , subdit ille , *quod sicut universa ad ritus , & disciplinam pertinentia continuis subiiciuntur vicissitudinibus , ita difficile sane est usui , & consuetudini Ecclesie mysteria adnectere* . Afferit dein exemplum interpretationis mysticæ , quam contemnit adjiciens : *En intricatissimam difficultatem , aut impossibilitatem potius allegorico sensu explicandi consuetudines continuis subiectas variationibus* . Et paulo post : *Siccine causa variantes , & instabiles nostro subsunt imperio ?*

Amplius ne quidpiam superest ad cognoscendum vastissimum illum , nullisque inclusum limitibus campum , quem D. de Vert Systemati suo assignat ? Nihil ille excipit . Argumenta illius ad omnes prorsus cæremonias pertinent , ratiocinationes cunctos absque distinctione complectuntur ritus . Nullo modo originem in rationibus mysticis , sed vel in historia , vel in causis necessitatis , decori , & commodi quæri debere pertinaciter tuetur . Illius sententiam ulla quidem inveniri potest cæremonia , quæ institutionem rationi mysticæ , & symbolicæ acceptum referat . *Ausquo enim* , ut ait , *tempore non quærebantur Mysteria in Ecclesiæ cæremoniis* .

§. III.

Continuatio ejusdem materiæ . Nihil est , quod Auctoris propositiones justo universaliore emolliat .

ET si D. de Vert non tam clare , tam manifeste , ut modo vidimus ; animi sui sensus patefecisset , haud minus distincte tamen detexisset , quo annotationes , quo reflexiones , quo argumenta sua collimant . Et quisnam est , qui aliud iudicium ferat , dum illum tanquam in specula sollicitum cernit , ne ulla ei elabatur cæremonia , quam suis non conformet ideis , & in id præcipue incumbat , ut eas seligat , quas omnium maxime solis symbolis originem suam debere cognoscimus ? quales sunt : Signum Crucis , Unctio baptismatis , aut Cereus Paschalis . Quis inquam benignius de illo sentiat ? Dum videt , eum nullam occasionem prætermittere , quæ sibi ansam præbere valeat mysticos Scriptores contemptu , ludibriis , cachinnis prosequendi . Dum mordenti risu æque eos excipit , qui opiniones ab Ecclesia receptas , imo auctoritate universali comprobatas tuentur , atque eos , qui pio zelo , sed non secundum scientiam abrepti , quandoque extra iusti semitam evagantur . Dum denique cernimus eum principii loco collocare , nec posse absque suo systemate sat nervose impugnari , sat feliciter debellari Hæreticorum errorem ,

rorem, quem contra caeremonias nostras conceperunt. Caeremoniaſque ab Eccleſia inſtitutas, ab Heterodoxis condemnatas ſymbolicis, & myſticis rationibus defendere velle, idem eſſe ac Eccleſiae cauſam euerrare, & debiliorem reddere.

Incaſſum quiſpiam D. de Vert partes tuendas ſuſciperet, adnotando eum quandoque limites principiorum ſuorum ad ampliorem ſolum caeremoniarum partem extendiſſe, quodque tantummodo contenderit frequentiores eſſe illas caeremonias, quæ ſuam ad cauſas phyſicas, & ſitiales originem revocant, quam quæ a myſticis rationibus pendent. Non equidem inficior eum haud raro ita ſermocinari. Verum nec minus certum eſt eum ſæpiſſime principium ſuum: ad *omnes prope caeremonias producere*. Sic dum de verborum cum actionibus, quas ſimplicium geſtuum nomine indigitat, ſimilitudine agit, ita loquitur: *Hæc quaſi una cauſa omnium Eccleſiæ rituum*: Quod ſi ita eſt, vix: *ulla igitur exiſtet caeremonia*, de qua affirmari queat, *eam ob ſymbolicas & myſticas rationes inſtitutam fuiſſe*. Miram proſecto conſequentiam! Cujus falſitas omnium facile incurret oculos, qui præjudiciis in favorem D. de Vert conceptis necdum excæcati ſunt. Et dein quid adjumenti in cauſam ſuam derivat, ſi quandoque innuat ſe de *Maxima ſolummodo caeremoniarum parte diſſerere*; dum aliis in locis: *omnes proſus caeremonias* nominat, & abſque diſcrimine determinat: *in inſtitutione rituum nullam myſteriorum habitam fuiſſe rationem*? Quid aliud ex ſermocinatione iſta evincitur quam pavor & metus hominis, qui conſcientia novitatum & paradoxorum ductus aſſerta ſua lenire cupit; qui formidat ſanam piorum in ſe mentem concitare, multorumque in ſe ſuſcitare querelas; ſi nempe aperta fronte, & quaſi certamini paratus ſententiam ſuas obtrudere conetur; qui ut cenſuram prudentem declinet, ſat ſuperque ſibi ſufficere autumat, ſi principia ſua ſerpendo, & oblique inſinuet? Indubia ſcientia mihi notum eſt eum hæc timuiſſe; & præſertim criſim Præſulis in hac materia Judicis expertiſſimi. Sermo mihi eſt de fatiſ functo Meldenſium Epifcopo. Mihi compertum eſt quod D. de Vert familiares ſuos minime celavit ſe vivente digniſſimo hoc Præſule Operis ſui primum Tomum, quamquam longo jam tempore ante ejus mortem abſolutum, in publicam lucem edere nequaquam auſum fuiſſe. Et proſecto præſtiterat ſe D. Boſſnetius metuendum omnibus illis adverſarium, qui temeritati ſe ſue ut D. de Vert totos committebant; audacibusque ſuis ideis eſſrænes habenas laxabant. Debellati D. Simonii exemplum terrorem non potuit non incutere homini, qui caeremonias Eccleſiæ pari methodo explicare auderet, qua D. Simonius in explananda Scriptura uſus eſt; ideſt, qui cuncta myſteria & prodigia eliminando omnia ad ideas ſimpliciſſimas quam maxime naturales ſimulque humiliſſas ac turpiſſimas reducere præſumeret.

Quidquid ſit, ſi D. de Vert reſtringendo ſyſtema ſuum ad maximam caeremoniarum partem, animo præfixiſſet ſuo aliquas earum excipere; id certo præſtituiſſet in iis, quarum ſenſus ſymbolicus a primis Chriſtiane æræ ſæculis ab Eccleſia receptus fuerat: ut ſuat ritus in baptiſmate obſervati; veſtis alba Neophyſitis tributa; unctiones illis adhibi-

te;

te; signum Crucis fronti eorum impressum; sal ex saliva in Exorcismo-
rum sacris introducta; cæremoniæ sane omnes, quas antiquissima re-
trouctarum ætatum traditio nunquam aliter quam mystica & symbolica
ratione intellexit. Hæ tamen ipsissimæ illæ sunt cæremoniæ, quas D. de
Vert omni sensu mystico a Sanctis Patribus illis tributo spoliavit. Detur-
bavit illas e possessione dignitatis mysticæ; & exhibendo originem illa-
rum sub idearum humillimarum & indecentissimarum specie institutio-
nem earum nescio quibus causis a commodo, utilitate, & consuetudine
petitis tribuit. Dumque de explicatione mystica, quam Tertullianus,
unctioni baptismatis indit, mentionem facere cogeretur, incurius hu-
jus auctoritatis quasi cavillando respondit: *illius seculi genium ita suis-*
se constitutum, ut omnia allegoriis concederet. Quasi vero explicatio-
nes mysticæ inter ideas a genio seculi, & phantasia dependentes con-
numerarentur!

Tom. 1. p. 384.

Non fuerat forsitan illi prævidendum omnes easdem mecum ex di-
ctis suis illaturos sequelas? Videlicet eum nullas prorsus a principiis suis
exceptisse cæremonias; quia nec illas a parsdosis suis opinionibus libe-
ravit, quæ ab omni antiquitate inter symbolicas relatæ fuerunt; si has
consecrationes ex assertis suis deductum iri metuisset; nonne facillime
eis obviam ire potuisset si absque verborum circuitu palam & aperte pro-
fessus esset plures esse cæremonias, quæ institutionem suam ad causas
mysticas referunt?

Hoc illud est quod D. de Vert nusquam declarat: Et hic tamen ve-
rus est Ecclesiæ sensus; genuinaque mens; hoc quoque punctum illud
est (quidquid ille contra asserat) de quo inter nos & Calvinistas con-
trovertitur, uti in decursu compertum fiet. Cumque in dubium revo-
care præsumperit an aliquæ ob rationes mysticas fuerint institutæ cæ-
remoniæ, id ipsum est quod in exordio disputationum mearum stabilire
constitui. Ita enim postea facili labore demonstrabo quam longe a verita-
te aberraverit, quam perperam ac sine ullo delectu tot exempla congesse-
rit, quam manifesta suarum conjecturarum sit vanitas, quam certa sua-
rum animadversionum falsitas quæ cum ab Historia mendaces arguun-
tur, tum ipsæ sibi repugnant. Ne tamen hæc scribendi confusam uor-
mam imiter, in quam, in oppugnando a me opere omni quasi passu of-
fenditur; ubi admonitionum omnis generis ridicula conglomeratio; ubi
textus Commentario, & notis augetur; ubi uescio quæ additiones am-
plificancur correctionibus; totum denique Opus informi Supplemento-
rum mole; ac ne aliquid desit, Erratorum indice in immensum quasi
extenditur: Ne, inquam, in simile chaos incidam, en instituti mei
typum accipe.

§. IV.

Totius Operis Typus.

EXordiar opus ab antiquissima Cæremoniarum institutione, unde pa-
tebit eam rationibus moralibus ac mysticis innixam esse. Elucebit
alterius primos apud humanum genus introductos ritus nequaquam pro
prin-

principio habuisse puram necessitatem, decorumque; verum rationes unice mysticas & symbolicas; cujus invictissima argumenta Scriptura abunde suppeditabit.

Hoc sibi Ecclesia in institutione caeremoniarum suarum procul dubio proposuit. Jesus Christus, & Apostoli ipsi Ecclesiae exempla certissima reliquere quae ad imitandum sibi proponeret. Cuncta sibi invicem succedentia saecula in ritibus acceptis a Patribus doctrinam hanc conservarunt; & in institutendis novis prae oculis habuerunt. Nec metuo argumenta a me in confirmationem rei hujus adducenda ulla dubitatione laboratura, aut irrefragabili evidentiâ caritura.

Quinimo in testimonium adducam causae meae fulciendae ipsissimas caeremonias, quarum originem D. de Vert juxta sua principia explicare studuit; clareque detegam in quas exorbitantes ambages falsa sua documenta enim abriperunt.

Atque ut solidius adhuc demonstrem Ecclesiae mentem diversissimam ab ea esse, quam D. de Vert ei affingit, amplissimus mihi probandi supererit campus, ideas quas Ecclesiam in suis constituendis caeremoniis habuisse discit a veritate esse alienissimas; illamque minime intellexisse vim momenti illius, de quo nos inter & Novatores disceptatur. Non equidem nos inter & illos controversitur an videlicet necessitatis, commodi, aut simplicis consuetudinis gratia Cerei Altaribus imponantur; aut ornamenta statis formis, ritibusque adhibeantur. In eo solum lis tota vertitur an Ecclesia potuerit & debuerit has ob significationes symbolicas & mysticas ritus vel instituere, vel retinere.

Institam ulterius examini a me inchoato, circa Ecclesiae mentem; ac adnotabo non paucas esse caeremonias, quae necessitate, commodo, decore, aut consuetudine suadente introductae, cessantibus etiam his rationibus ab Ecclesia retentae fuerunt; non quidem ut Dominus de Vert opinatur, crassa, si ita loqui fas, Minerva, inveteratoque usu, qui omnia fortuito ac incogitate determinat; verum manifeste ob unicam Mysteriorum rationem.

Nullus tamen sum qui negem non esse & alias caeremonias, quarum causa a necessitate physica & naturali desumpta constanter perdurat. Verum ipsae sunt in quibus Ecclesiae Mens longe clarius adhuc, sublimiusque inanisestatur. Deprehendetur non esse privatos, ut D. de Vert effutit, abique auctoritate; Collegiumque Mysticorum, qui iis explanationes addiderunt mysticas; verum universam Ecclesiam eas tanquam Symbola allegorica Fidelibus considerandas proposuisse; mysticaeque has significationes consecrasse.

Quamquam veritatum harum disquisitio nos ad speciale examen innumerorum locorum deducat; in quibus D. de Vert manifeste a veritatis tramite aberravit; cum tamen quamplurima alia sint, quae refelli mereantur, non intermitteremus id ibidem in recensitis supra assertis praestare. Constabitque facile cuilibet qua estimatione amplecti debeat animadversiones & ideas hominis, qui ineptissime insipiens vix unquam in recti permauet semita.

Kcti

Recti ordinis ratio mihi necessitatem imposuit, ut instituti mei rationes singillatim explanarem; ratiocinationisque meæ paulisper interrumperem seriem. Juvat nunc orationis meæ solum resumere, ut solida ratione diluam quidquid D. de Vert maxime firmum, maximeque speciosum in systematis sui patrocinium adferre valet. Id omne ad tria reducit capita. Primo: Ad simplicitatis naturalis amorem, qui omnium doctorum genio conformis est. Secundo: Ad verisimilitudinem suarum conjecturarum, quæ ut sibi videtur sola expositione auditorum animas percellunt, & universorum consensum extorquent. Tertio: Ad auctoritatem omnium illorum Ritualium, Missalium, Sacramentarium, quæ plurimum jam congesta in P. Margene collectione reperit; & in quibus sensum & mentem Ecclesiæ deprehendisse se arbitrat. Consultabo, subvertamque tria hæc fulcra, paucia quidem verbis, sed inconcussis simul argumentis. Atque ut scopum attingam meum, exploratum faciam primo, quantum genius & amor simplicitatis naturalis decipiat. Secundo: quam fallaces sint D. de Vert conjecturæ. Tertio: Quantum inniti liceat horum Missalium, maxima ex parte recentiorum auctoritati; unde D. de Vert sua compilavit testimonia.

Nunc mihi nihil amplius superest quam ut adnotem me solo Religionis amore impulsam Opus hoc suscepisse: quod lubenti animo judicio illorum subijcio, quos Deus populo suo Præfectos constituit, quorumque interest sanam doctrinam a perversa minusque causa seccræne.

§. V.

*Cæremoniæ cunctæ ex prima sua institutione sunt Symbolicæ.
Argumentum ductum a lege naturali.*

EXordium sumam a principio certo evidentique, institutionem video licet omnium omnino cæremoniarum unice deberi moralibus & mysticis causis, eosque qui Ritusum auctores extitere pro objecto symbola solummodo, & causas habuisse allegoricas. Hæc origo est fere omnium cæremoniarum, & præcipue antiquissimarum, & latissime patentium, imo vero allusiones, figuræ, & sensus symbolici anima cultus Religiosi fuerunt, quem quæque natio omni in provincia, omnique tempore diis suis reddebat. Unde invicte concluditur explicationes morales, mysticas, & symbolicas ad primariam cæremoniarum institutionem, pertinere iisque quodam modo esse essentielles.

Vix Mundus ex nihiloeductus est, cum inter primos Orbis Colonos cultum Religiosum stabilitum cerno: cultus quidem est simplex, paucæ cæremoniæ sunt, quæ ut expresse innuit S. Augustinus, a Deo inspiratæ sunt, ut essent significativæ, & nobis representarent res aptas ad nostram instructionem. Cum inspirat & docet quomodo colendus sit, non solum nulla indigentia facit, sed nostra maxima utilitate. Significativa autem sunt talia omnia sacrificia, & quarundam rerum similitudines &c. Cerno Cainum & Abelem Deo sacrificia offerentes, alterum fructus, alterum animalia; verum hæc sacrificia cordis designata sunt

S. August. Ep. 202. ad Pro gratias loquendo de Sacrificio Abeliæ & Caini.

actionibus externis, & consequenter cæremoniis symbolicis. Adfuit hic delectus, adfuit apparatus. Cernuntur altaria, ignes, & victimæ, quæ jugulantur, & quarum pinguedo offertur. Ita quippe omnis traditio explicat quæ Scriptura de duorum sacrificio assert (a), ubi quæso hoc in cultu invenies causas necessitatis & comodi? Ubi gestulationes a verbis desumptas? Necesse profecto est recurrere ad rationes symbolicas eorum, qui signis his exterioribus internum animi & cordis sacrificium exprimere cupierunt. Quis enim inficiabitur, nisi hanc adstruamus causam, actiones istas non solum inutiles; verum stultas & male sanas fuisse? Quid enim rectæ menti magis contrarium quam se necessariis vitæ commodis sine ulla utilitate privare? *Deus utique* (ait iterum S. Augustinus) *non frustra, quibus non indiget sibi jubet offerri, nisi aliquid in eis ostenderet quod nobis & nosset prodesse & salubris signis præfigurari oporteret.*

L. 6. contra Fa-
sum c. 5.

Quo magis mundus a prima illa simplicitate recessit, eo perfectior etiam cultus redditus est Numini, cæremoniarumque multiplicata religio. Non immorabor præcepto illi, quo Deus Noem esum carniæ, sanguinisque animalium vetuit, præcepto, inquam, illi mystico, quod, teste S. Jo: Chrysostomo, eo collimavit, ut homines edoceret, eorumque animis inculcaret legem humanum sanguinem effundi prohibentem. Nec me movebit, si forsitan D. de Vert cui SS. Patrum auctoritas non multum cordi est, in contrarium clamitet Deum id non mystici sensus causa, verum sanitatis tuendæ gratia præcepisse. Progrediar potius ad Abrahami religiosum summo Numini exhibitum cultum. Nihil eo ad subruendum, conqussandumque D. de Vert systema aptius, nihil validius præsertim si ex ipso Sacro Codice proferatur totius sacrificij a Deo ipso præscriptus & ordo, & ritus. Is autem hic est. Accipit Abrahamus victimas ad immolandum destinatas non quidem sortitione fortuita, verum electione a Supremo Legislatore indicata. Nihil hic ad Abrahami arbitrium, numerus, ætas, qualitas, omnia prorsus ab alio determinatas, omnia ad Creatoris regulam exacta. Pars horum in duas dissecta parter, pars integra relicta, alia separata, alia conjuncta, omnia denique cetera serie disposita sunt. Accedit eo Numinis ipse præsentia, Numinis sanctificatio. Miscet se scintillans flamma pio Patriarchæ sacrificio & iteratis ambagibus mystico circuito discerpta holocaustorum membra lambit (b). Quid sibi singulares hi volunt ritus? Quid auxilij hic D. de Vert a suis præstolabitur principiis? Estne quidpiam quod non symbolicam, quod non mysticam præferat majestatem? Quorum omnium significationem exponere, cum mei muneris minime credam, ad Comentariorum Lectores remitto id solum adnotans: Deum sub flammæ scintillantis figura, quæ victimarum divisas partes lambens transierat, cæremonias in fœderibus adhibitas observasse. Quæ tum demum sacra, inviolataque putabantur, cum ea contrahentes inter discerpta immo-

lata-

(a) *Abel obtulit de primogenitis gregis sui, & de adipibus ovium.* Gen. 4.

(b) *Summe tibi vaccam triennem, & capream triennem, & arietem annorum trium, taurum quoque, & columbam.* Qui tollens uni-

versa hæc, divisis ea per medium, & partes contra se extrinsecus posuit, ante autem non divisis cumque occubuisse sol facta est colligo tenebræ, & apparuit cibus, & lampas ignis transiit inter divisiones illas. Gen. 15.

CIRCA SACRARUM CÆREMONIARUM USUM. 27

latarum victimarum membra certis cæremoniis, certisque ritibus iterum iterumque transirent. Non parum hæc adnotatio conferret ad illustrandam obscuritatem laborantem Jeremiæ alloquutionem, qui fœdus inter Deum, & populum Israel itum similibus prorsus cæremoniis indicat dicens: *Non observaverunt verba fœderis in præsentia mea . . .* Jerem. 34. v. 18.
vitulum, quem considerant in duas partes, & transferunt inter dis-
positiones ejus.

Quanta Nobis dein his consimilia exempla suppeditat Jacobus? De oblaturo sacrificium lapidem oleo super infuso consecrat benedicturus filiis manus in decussim ducit, sinistramque super primogeniti dextram super minoris natu caput imponit; preces effusus Deo jam mortali proximus non in eo quo naturaliter decumbebat situ id præstat, sed motu homini jam moribundo longe incommodissimo ad lecti caput convertitur quippe qui norat debere adoratores juxta statas cæremonias ad certam quamdam cæli plagam respicere. En ritus, en cæremonias, quas ipse Sacer Codex indubitataque traditio mysticas asserit, quæque si alia mente intelligerentur, insanæ potius quam sanæ adparent.

§. VI.

*Ejusdem argumenti continuatio. Refutantur D. de Vert
circa Jacobi sacrificium conjecturæ.*

Veritates a me allatæ tam firmæ, tamque evidentes mihi videntur; ut metuam, ne quis miretur me iis longiori, quam par est, tempore inhærere. Eo ne, dicet aliquis, D. de Vert. prelabi potuit tenerritatis, ut res meridiana luce clariore in controversiam vocet? Id quidem licet vix concipi queat, tamen factum est, ac facile constabit, si quispiam illius disquisitionem de Sacrificio Olei, quod Jacobus saxo in deserto superinfudit, pervoluere voluerit. Ignotumne D. de Vert esse potuit omni omnino tempore libationes sacrificiis admixtas resque prope cunctas divino Numini devovendas oleo, pretiosisque liquoribus perunctas fuisse? An illum latere potuit, consuetudinem hanc, ut testantur Apulejus, (a) Siculus Flaccus, (b) Arnobius, (c) ipsis gentilibus usurpata fuisse? Verum iacta est alea. Fixum est a D. de Vert systema, collocata principia, quo universa sunt revocanda: *Cum saxum hoc* [dicit ille] *in titulum & monumentum visionis, quam habuerat inservire debebat, necesse erat illud certo signo distinguere ut in paternam rediens domum Jacob de novo invenire posset.* Quapropter prudenti consilio oleo saxum illud inunxit hujusmodi illa simplicitas, de qua sibi tam mirifice gloriatur. Frustra nos Augustinus (d) edocet: *actionem hanc Jacobi*

D 2 cobi

(a) Apulejus actionibus Religiosis advenneret. *erat lubricum lapidem, & ex oleo ungulis irrigatum, tanquam iussus vis presens, adhiber, affabar, beneficia postebam nihil sentiebam truce.*
 (b) Siculus Flaccus de Conditionibus agrorum. *Cum servinus disponeret unguento, & volaminibus, & ovina exornabat.*

(c) Arnobius de eo quod adhuc Paganus præstiterat, sermonem faciens: *si quando conspiciat.* (d) Hoc quod Jacob fecit ad prophetiam pertinet. lib. de Civit. 16. c. 38.

cobi esse actionem in Symbolo suo prophetica: Frustra Theodoretus (a) testatur, hanc esse actionem figurativam propriam ad exprimendam pietatem cordis: Frustra alius quispiam (b) qui Cyprianus credebatur, demonstrat: Oleum ita consecrationibus lapidum adhibitum, significasse voluptatem & dulcedinem spiritualem, qua in participatione Sanctissimum Mysterium perfundimur. Ast idioma hoc mysticum D. de Vert stomachum movet, minimeque arridet. Nihil ille hic cernit, præterquam simplicem hominis providentiam, prudentemque naturalis curiositatis sagacitatem. Jacobus suo in reditu lapidem illum revifere optahat, ideoque oleo inunxit, ne cum cæteris lapidibus confunderetur. Ecce ecce tibi iuxta D. de Vert integrum Mysterium. Sed quæro, satifne suæ curiositati consuluerit Jacob itaut post viginti annorum spatium posset lapidem illum a cæteris distinguere nonne solis calor brevissime liquorem exsiccaturus erat, atque omnia deleturus vestigia, nonne fors illum in errorem inducere poterat, casulose fortuitus in deserto faxis innumerabilibus referto alium ejusdem coloris lapidem obijcere? An non ea-ractes, aut figuræ hieroglyphicæ huic saxo insculptæ magis fartæ, incorruptæque permanissent? Nihil horum profecto homini in mentem venit omnia audenti, parumque accuratori, indagini assueto.

Tom. 2. p. 64.

Idem proflus ei de origine impositionis manuum iudicium. Hujusmodi cæremonia semper visa est Sanctis Patribus instituta ad designandam auctoritatem ac potestatem imponentis manus in illum cui imponuntur, & ad communicandam per hujusmodi impositionem manuum potentiam, cujus manus ipsæ sunt symbola. Verum glaucomate obfuscati D. de Vert oculi nihil hic mysteriorum penetrarunt. *Sancti Patres* [illo dicente] *vehementer allegoriis delectabantur*. Hic vero tantum ab iis abhorret, ut ab illa etiam impositione manuum, quam Jacobus Josephi liberis impertitus est, significationem symbolicam eliminet nihil illum commovente scriptura, quæ mysterium hoc in exemplo clarissime indicat. Nihil tamen hic mysticum vidit D. de Vert: sed merum hominis gestum, qui alium designaturus eum manibus indigitat, ut distinguuntur a cæteris nullusque errori locus esse possit. Tam perversæ videlicet D. de Vert sunt idem. Quo systematis sui enthufasmus cum non abducat, cum audeat nobis protevas, vanissimasque chymæras pro solidissimis ideis obtrudere?

Tom. 2. p. 138.

Tom. 2. p. 17.
& seq.

§. VII.

Argumentum ad confirmandam rei hujus veritatem ex lege Mosæica deductum.

A Lege naturalis ad scriptam gradum faciamus. Eandem utriusque reperimus fuisse mentem hic enim sexcentæ occurrent cæremoniæ, non fortuito dictæ; aut rudi, ignorantique consuetudine obfer-

(a) Jacob venisset stenum, perfudit eum oleo, quod etiam nunc fieri solet a parocletis, nam consecraverunt in Templo Dei unguere adytum capitis: ad demonstrandam pietatem.

(b) Oleo antiquitus Sacerdotes sacrantur, &

Rites, & ipsi altarium lapides delibati spirituum sancti intelligi volebant sacris mysteriis ineffa præguodinem. Auth. lib. de Unit. Christm. innot Opera S. Cyprian.

servatæ; verum cunctæ ad fines mysticos, instruendumque per symbola populum directæ, quibus recensendis insistere non vacat. Omnibus constat quanto apparatu, cæremoniisque in comedendo Agno Paschali opus fuerit; quam religiosa in Sabbathi celebratione, in nocturnis, & festo Tabernaculi, plurimorum rituum observatio; verum nec minus omnibus notum est nihil horum statutum fuisse quod non (a) Judæis in symbolum inserviret, & significatione mystica exprimeret aut prodigia a Deo in salutem hujus populi patrata, aut spem de adventu Messie; aut regulam virtutum moralium, que illis ad sanctificationem cordium, propoita erat. Quod nisi concederemus, quam, quæso, utilitatem tribuere possemus tot arduis legibus; totque ad speciem superfluis cæremoniis, a Deo ipso tam accurate, tam religiose, tam singulatim traditis? Cur tanto labore opus erat ad consiciendam lastralem illam aquam, quæ ad immunda purificanda destinabatur? Quid necesse illi immiscere cineres, & quidem vaccæ rufæ, non alterius coloris in qua nulla esset macula; quæ ætatis esset integræ; nec unquam jugum tulisset? Cur animal hoc tanta sollicitudine, tamque solerti industria conquistum, nisi in totius populi conspectu immolari poterat? Cur ad summum Sacerdotem pertinebat effusæ victimæ cruore digitos tingere septemque; nec pluribus, paucioribusque vicibus contra Tabernaculi portam asperisionem peragere? Quid in rogam comburendæ victimæ erectum hyssopum, lignum cedri, Lanamque purpura tinctam immittere necesse erat? Quid commodi ex cineribus illis extra Tabernaculum & castra conservatis; & ad lustrandum aqua pura commixtis expectandum erat? (b)

Quis harum cæremoniarum causas a necessitate, commodo, aut utilitate naturali deducere queat? Quæ verba actionibus his; qui gestus verbis ansem præbuere? Constat sane est quocumque demum quis odio erga causas mysticas, aut amore erga simplicem naturam, in qua sibi D. de Vert tam mirifice placet, feratur; constendum, inquam, significationem mysticam animam omnium esse harum cæremoniarum; neque illas ullo alio fine institutas fuisse. Aliter jurene poterant Hebræi sine ulla utilitate tantoque incommodo tot gravissimis legibus teneri? Audacter loquamur; quæ stultitia tam spurcam, lutulentamque præparari aquam ad mundandos eos, qui purificatione egebant? Quæ injustitia tanta severitate a Deo cunctas has minutias præscribi, tam gravibus minis sanciri, errores in earum administratione commissos licet exiguos rigidissimis pœnis vindicari, si nullum in iis tegitur mysterium, si nulla symbolica includitur ratio?

Constituit Deus ignem thuribulo imponendum ex Altari Holocaustorum

(a) Hæc autem in figura contemplans illi.
x. Collo, cap. 16.

(b) Ista est religio vestigia, quem constituit Dominus . . . addeant ad te vocem rulam, areis tingeris, in qua nulla sit macula, nec potaveris iniquum, tradiditque Eleazar Sacerdos, qui adellam extra castra immolabis in conspectu Domini, & cinerem digitum in sanguine asperges contra fores Tabernaculi septem vicibus.

Combureturque eam &c. Lignum quorundam cedreum, & hyssopum, cocremus his victimam mites in flammam, tollent de cineribus combustionis atque pœnati, & mittent aquam vivam super eos in vas in quo cum homo manducet cinerem hyssopum, asperget ex eo. Si quis hoc ritum non fuerit expiatus, peribit anima illius de medio Ecclesie. Num. cap. 19.

florum sumi debere. Exclamaret hic continuo D. de Vert, aut alter sententiae suae affecta: id ob commodum contigui utriusque sitis praeceptum fuisse, naturalique rationi conformius videri, non aliunde aliquid laboriose conquirere, cum in proximo haberi potest. Ast si haec commodi solum, utilitatisque causa a Deo edicta sunt, merebanturne violatores tam tremendis suppliciis castigari? Aaronis Summi Sacerdotis filii nihil aliud peccarunt, quam quod neglecto altaris holocaustorum igne profanos carbones thuribulis suis ingesserint. Et tamen quam horrida iis poena constituta est? Flammis videlicet vindicibus exusti perturbatam caeremoniarum Religionem luerunt, divinæque in rituum prævaricatores indignationis exemplum dedere funestissimum.

Levit. 24.

Levit. 10.

Iussi Sacerdotes fuerant binis per diem vicibus, idque statis fixisque horis ligna supra altare holocaustorum collocare. Videor hic mihi D. de Vert musitantem audire: nullum hic prorsus mysterium, nihilque naturæ magis congruum esse, quam ligna flammis ad nutriendum conservandumque ignem adicere, qui seipsum extinctus majori longe labore, incommodeque resuscitari debuisset, nec nisi post diuturniorem moram ad consummandas victimas satis virium acquisivisset. Ita videlicet ratiocinaretur ille, qui D. de Vert præclaris vestigiis insistent, conjecturas suas falsis confirmat principiis, atque cum illo pro certo habet: *Sua in institutione nulla in caeremoniis quaesita fuisse mysteria*. Verum istudne est, quò Numinis collimavit mens? Quæ, precor, necessitas, ut ob simplices utilitatis, commodique causas Deus ipse edoceat normam, tempus, horam ponendi ligna flammis, minimeque licere tradat cæteris diei noctisque temporibus. Merebaturne res hæc, ut tam sæpe Deus mortem minaretur iis, qui in ritibus vel paululum peccarent, aut qui non metuentes ignem resuscitandi incommodum, eum extingui permisissent? Ullane lege opus fuerat, ut quispiam sciat focum adjectis quandoque lignis nutriendum esse, ut numquam non præsto sit, nec alimenti defectu extinguatur. Patendum igitur est mysteria figuris his symbolicis involuta fuisse, atque hinc (a) facili negotio intelligo Sanctorum Ecclesiarum Patrum dicta, qui per ignem hunc charitatem, symbolicè representari asserunt cuius vigor, calorque nunquam inteperescere, cuius flammula nullo unquam tempore in fidelium cordibus extinguenda deberent. Hæc explicatio licet mystica multo facilius animo concipitur, quam rusticæ crassæque idem illorum, qui ratiocinationes suas D. de Vert principiis inædificant. Quinto necessaria est ad explicanda symbola, quæ Deus ipse non absque causa præscripsit. Quorum tamen institutio lege sancita aut parum sanæ rationi conformis, aut saltem a necessitate aliena videretur, si sensus mysticus, & figuratus iis eripiatur.

En originem, unde maxima præcipuaque caeremoniarum pars defluxit. Intueri eas hic potes, ac ut a Deo institutæ sunt, impresso illis, ut ita dicam mysteriorum, & symbolorum sigillo, tesseraque. Hic ratio institutionis quaerenda. Hinc gentiles, & Ethnici sensum rituum suorum quos cultui Idolorum adhibuerunt, haufere; veri quippe Numinis ado-

ratio,

(a) Origenes, S. Gregorius, S. Bernardus, Hesychius, Rupertus &c. Vide Locin, supra Levit.

ratio, fictarum Divinitatum, Dæmonumque antecessit cultum, verum hi impatientes, invidique honoris, qui supremo rerum omnium restori exhibebatur, similem sibi a Servis suis præstari venerationem voluerunt, ac nefanda æmulatione, ut ait Tertullianus (a), sanctissimos fidelium ritus sacrificiis suis imitandos proposuerunt. Verum licebit ne mihi hoc in loco Ethnicorum suffragiis, testimoniisque inniti? Nihil equidem video, quod id prohibeat. Cum non idcirco gentilium sacrificia condemnanda sint, quod ritibus, cæremoniisque intermixta, verum quod iis ad objecta honoranda abusi fuerint, quæ veneratione hac indignissima extiterunt. Quod, quæso, ad explodendam D. de Vert conjecturam magis aptum, magisque opportunum asferri argumentum potest, quo aperte demonstratur, omnes univervi orbis populos eandem nobiscum de cæremoniis habuisse mentem; sententiamque, quam ille tam vehementer averfatur, cunctarum prorsus nationum consensu fulciri.

§. VIII.

*Argumentum ad eandem veritatem probandam a cultu
Idolorum, omniumque populorum consensu
desumptum.*

N Ulla profecto unquam extitit gens, aut natio, cujus historiæ, & mores ad nos usque pervenire, quæ non suis uteretur sacrificiis, suo cultu, suis cæremoniis. Hæ vero haud equidem fortuito invecæ sue, aut occasione, aut consuetudini radicatæ, aut necessitati, aut naturali propensione verba sermonemque suum gesticulatione apta concomitandi debebant, maxima ex parte ob rationes mysticas, symbolicasque causas excogitatæ fuere. Seu ut retroactarum historiæ memoriæ revocarent seu ut sperandorum firmam quamdam promissionem effingerent, seu ut internos cordis sensus, affectionesque exprimerent, seu denique, ut exactam munerum, officiorumque sibi impositorum observantiam edocerent.

Sacerdotes, adoratoresque Dagonis (b) nunquam templi sui limina calcabant quæ sacra putabantur, quod ibidem Idolum dagon coram arca conciderat (c). Bacchi Sacerdotes detonsa in gyrum coma Deum hunc referebant teste Herodoto, Sacrificuli (d) Cereris funalibus, facibusque ardentibus armati in ejus cæremoniis circumcensitabant per hoc indicantes sollicitudinem ipsius Dæ, dum accensis facibus raptam a Plutone filiam Proserpinam anxia quærabat qui denique aliquod religionis officium Diis suis præstabant, prius necesse erat ut totum corpus abluerent (e) sic Æntam præcipiti fuga ex Trojæ incendio elabentem refert Virgilius

F (a) Diabolus cujus sunt partes intervertendi veritatem, ipsas quoque res Sacramentorum divinum, idolorum mysteriis amittens. Lib. de præscript. c. 4.

(b) Propter hanc causam non calcant Sacerdotes Dagon, & omnes qui ingrediuntur templum ejus super limen Dagon in Aegypto. 1. Reg. 5. v. 5.

(c) Levit. 19. v. 17. Grotius. hic Herodoti

textum adducit. Vid. etiam Jeremiam cap. 17. v. 49.

(d) Ovid. Illis accendis geminas pro lampadibus pinas.

(e) Casta plene superis & pura cum veste venisse
Et manibus pectus summis fentis aquam. Tibul. 1. 2. Eleg. 12.

gilitus non ausum fuisse Deos penates contrectare nisi usquam sese flumine vivo abluisset in paritatis symbolum, qua ad auminum adorationem accedendum est. Sic (a) ob eandem quoque rationem mysticum templum ad precandum adeuntes manus, caputque unda frigida perluebant, passimque fidei haec apud ethnicos invaluerat lustralem asperersionem, immersionemve universa (b) prorsus eluere, tollereque crimina. Dum apud Romanos nuptiarum celebraretur solemnitas: sponsa a Sponso adjuncta ad portae limen intactum transliebat felicem Sabinae raptum indicans: sponsus vero nuces, frugesque ad comitantes caeremoniam puerulos projiciebat, hoc symbolo declaraturus se crepundiis omnibus nuncium remittere novamque vitae rationem inire. Occurrit hic in mentem apparatus illius rogi, quem Dido (c) post Aeneae discessum in palatio sub specioso Diis sacrificandi velamine erexit, revera autem eo suae instruxit, ut se ipsam desperationi suae immolaret. Jam vero quot, quantaeque usurpantur in hoc sacrificio a Virgilio tam eximie minutimque depicto, caeremoniae, quae necessitati adscribi minime queunt, minisque adhuc explicari, nisi ad significationem metaphoricam, sensumque, si dicere fas est, mysticum recuratur? Cui enim utilitati hippomanes, cui usui herbarum ad Lunae lumen collectarum, & falce abentia demessarum commixtio? Quid opus fuerat Didonem uno pede nudo, altero cothurnato ad sacrificandum accedere, Annam Sororem fluviali lympa perfundi, temporaque nutricis vitta circumtegi? Subit nunc memoriae ritus alter ad depellendos lemures Romae usurpatus. Paterfamilias media nocte domo egrediebatur ore nigri coloris fabas gerens. Haec una manu fumens super caput, retrorsum projiciebat, altera interim vas aeneum pulsabat, idque novem praecise vicibus iterabat. D. de Vert subtilissimo etiam suo adjunctus ingenio, quam quaeso physicam, litteralemve caeremoniarum harum explanationem nobis praebebit? Demonstrabitne rituum horum institutionem alteri innixam fundamento, quam huic rationi symbolicae, quae ubique gentium nullo non tempore vigit. Possem profecto innumera alia in medium proferre exempla; verum ea, quae adluxi, satis superque esse existimo, ad probandum universos Orbis populos hanc mentem circa ritus tenuisse, huncque illis de caeremoniis sensum fuisse, cunctosque in eo convenisse, ut illas non alia ratione intuerentur, quam mutum quemdam sermonem, qui per symbola apte inventa

- (a) *An. 2. Dono me flumina vivo abluere.*
Perf. Sut. 2. Haec sancte ut poscat Tyberino
in gurgitis mergis
Mene caput, hic tergo, & noster flu-
mine purgas.
 (b) *Ab nimium faciles, qui tristia crimina*
caedis
Flumina tolli posse putatis aqua. Ovid.
 (c) *Sperferatq; latice simulatas fontis aures*
Falebas, & melle ad Lunam querentes
abente
Potentis herba, nigri cum lacte veneni.
Quartor & nascentis Equi de fronte ren-
quisus

Et matris praeprepus amor:
Ipsa mala manibusque pili altera iuxta
Unam arma pedem vinculis in veste rei
cinctis.

.....
Anaxim chora mihi nutrix sum siste procerum,
Dic corpus propterea, fluviali spargere Lym-
pha,
Sic urinas tuas ipsa pia tege tempora vitta
Sacra Jovi Soggy, qua tunc incipio pos-
navi
Perficere est animus;
Enclid. 4. v. 523.

inventæ animos hominum aut veritates certas edoceret, aut ideâs imprimeret, quas illis expedire arbitrarentur.

Ast si hæc mens cunctarum extitit religionum, hæc sententia, omnium populorum, hæc anima univerfarum cæremoniarum, liceat mihi per transfennam sciscitari, cur id Jesu Christi Ecclesiæ negari debeat? Hæc sola religio tam sancta, tam pura, tam mystica, non aliis utetur cæremoniis, nullosque alios ritus possidebit, quam gesticulationes absque anima, actiones absque mysteriis? Quis pudor totum Sanctissimæ religionis cultum ad inanime cadaver redigere, omnemque ei rationem symbolicam auferre, sine qua profanissimæ quoque sectæ pereant necesse est?

§. IX.

*Continuatio ultimorum duorum argumentorum. Refutatio
D. de Vert. Et vera suffituum origo.*

A Ccedamus nunc ad particulares quosdam ritus, qui Christianæ Religionis cum Ethnicis communes fuere, ac D. de Vert judicium de iis intueamur. Primum quod mihi haud sine stupore occurrit, est ejus de suffitibus, luminibusque commentum. Illius quidem sententia utraque originem suam aut necessitati soli, aut commodo acceptam referunt. Cum enim victimæ crematæ tetro odore omnia implerent, necesse erat fœtorem suaviter olentibus thymiatis expellere. Cum noctis tempore conventicula celebrarentur, luminum usus haud abesse poterat. *Hinc, inquit, Thuris & luminum usus in religionis cultum introitus: quæ primo (a) necessitate naturali adhibita, irradicata consuetudine, Religionis partem decursu temporis constitueret.* Hæc D. de Vert doctrina est, quam variis in locis quos singillatim indicabimus huc & illuc diffeminavit; cujus falsitatem hic expendemus (b).

Necdum tempus esse arbitror ut ritus hos, quatenus Christianam religionem spectant, considerandos inscipiam. De quo mihi postea differendi locus erit. Nunc mihi demonstrare sufficit, D. Vert absque follo fundamento, perperamque asseruisse, binos hos ritus necessitati soli originem debere. Quinimo luculentissime, arguentisque evidentibus comprobo utrumque horum in partem cultus omnium fere Religionum adscitum fuisse, nullamque aliam institutionis scaturiginem habere, quam quæ in honore Divinitati his cæremoniis exhibendo detegitur.

Initium a suffitibus capiamus. Cuinam obscurum esse potest, horum usum inter omnes oblationes, quæ Diis in signum cultus præsentabantur, latissime obtinuisse nullumque absque thure, quod in profundissimi, supremique obsequii tesseram numinibus incendebatur apud Gentiles

E

repe-

(a) De Thymiatis Tom. 1. Præf. p. 18. T. 2. præf. p. 11. p. 197. 126., p. 113. videtur evidentem hæc a se originem auertere, verum dum id præfari conatur, magis eam confirmat, flaccidius.

(b) De luminibus & Cerei Tom. 1. p. 224. T. 2. præf. p. 18. & seqq. p. 25. 28., & seqq. Et

licet tam longum de his sermonem faciat, nec tamen de eo convenit, quod saltem bodierne temore cerei in cultus divini signum transierint. Vestigium saltem a prima necessitate relictum, autem autem consuetudine adoptatum sit.

reperiri Sacrificium. Sed hæc usam, non institutionem indicant de qua si sermo sit nullus dubito quin ad legem Moysis referri debeat. Nullum enim Ethnicis tam vetustum antiquitatis superest monumentum, ut cum veteri Testamento comparari queat, & Dæmon veri Dei cultus per-versus imitator eisdem sibi honores ab affectis suis reddi voluit, quos supremum numen a populo suo expetiit. Hæc Tertulliani in Libro a me citato mens (a).

Inter honores quos Deus sibi ipsi reddendos constituit, peculiaris thymiamatum in Tabernaculo offerendorum sit mentio. Nec contentus vage solummodo thuris cremationem præscribere, ad particularia etiam descendit, ac qua ratione componi, quo ordine misceri debeat edocuit. Dixitque Dominus ad Moysen, sume tibi aromata stacten & onycha galbanum boni odoris, & thus lucidissimum, æqualis ponderis erunt omnium faciesque thymiana compositum opere unguentarii diligenter & purum & sanctificatione dignissimum.

Simili prorsus modo præscribit Deus formam, altitudinem, figuram, & locum altaris oblationi destinati. Nunc divinam Sapientiam maiestatemque decussit ad hæc peculiare descendere, levissime momenti circumstantias, si nulla Symbolica hic significatio, si usus thymiamatum Sacerdotum solum, & populi voluptati, delectationique inferviret? An Sancti Patres, qui animum ad detegenda hæc mysteria adiecerunt, contemptui habendi, tanquam mystici nimium allegoriis addicti, quique suis commentis oblivioni causæ litterales, & historicas tradiderunt? Hæc tamen profecto est, quidquid repugnet Veritatis, verissima thymiamatum institutio. Hic itaque, scilicet in lege Dei, edocendi sunt quid in hisce instituendis ceremoniis Spiritus Sanctus intenderit qui etiam Chimerica D. de Vert principia iam antea profligare voluisse mihi videtur; dum non solum Hebræis indixit, ut *Sanctum Sanctorum* ipsis esset hoc thymiana, verum etiam in eodem sacro textu hæc addidit *Talem compositionem non facietis in usus vestros quia Sanctum est Domino. Homo quicumque fecerit simile, ut odore illius perfrenatur peribit de populo suis* (b).

Ad supremi igitur numinis cultum præscriptus erat huiusmodi suffitus non ut inde homines voluptatem caperent. Sacra itaque profanat, qui huiusmodi ceremonias, quæ totæ ad religionem pertinent tamquam ad sensuum voluptatem unice institutas traducit. At ad evertendam penitus D. de Vert sententiam, hæc duo addi possunt: unum, quod thurificatio peragebatur in loco, quo Sacerdos tantum, idque per exiguum temporis moram, & ad implendas solum muneris suis vices aditus patebat: alterum, quod hic locus, qui partem tabernaculi quæ *Sancta* appellabatur constituebat, viginti quinque, trigintave cubitis ab altari vestimurum, & quinquaginta aliis a vestibulo, a quo populus prohibebatur, distabat. Itaque nimis ab incensi thuris pugillo emanans in apri-co præsertim loco ad populum minime penetrare poterat, minus vero adhuc

Tom. 2. p. 358.
T. 1. præf. p. 41.

(a) Ceterum si Numæ Pompilii superstitiones si diabolus moventem illum Judæus legis imi-
revolvamus, si Sacerdotum Officia &c. si sacrifici-
um ministeria &c. consideremus, nonne mani-
festus est? lib. de Præscript. c. 40.

(b) Exod. c. 30.

adhuc victimarum fœtorem odore suo corrigere; quæ in altari populo longe proximiori immolabantur. In Summi igitur numinis cultum hæc unice thymiamata adolebantur. At Deus omni corpore carens non egebat delictiosis hisce suffitibus. Quid ergo restat? nisi ut confiteamur, hæc omnia non ob alias, quam symbolicas rationes instituta fuisse, quia ut Augustinus jam ante a me allatus ait: *Deus utique non frustra quibus non indiget sibi juberet offerri, nisi aliquid in eis ostenderet quod nobis & nosset prodesse, & talibus signis præfigurari oporteret.* Constat igitur, ob solas causas morales, & symbolicas thurificationes in antiqua lege præscriptas fuisse.

At inquit D. de Vert, altius paulisper rem repetamus, usus thuris jam ante Legem Moyſis innotuit. Sed quo testimonio veterum assertum comprobatur? Hoc certe post Arnobium optimi quique scripturæ interpretes inficiantur. Verum etiam ultro concesserim usum adolendi thuris etiam in lege naturali obtinuisse. Id, D. de Vert rogo, a quo certior factus étus sit? Thymiamata incendi primum cœpisse non ut honor aliquis Deo rependeretur, sed ne graveolens cæsarum victimarum fœtor hominibus incommodaretur? Conjecturæ hæc non alteri fundamento, quam fidenti cuiuspiam audaciæ, qua vulgus credulum fallitur, innituntur. Si a Caini jam tempore Divino Numini terræ fructus affectu religioso offerrebantur; cur, quæso, D. de Vert thura, quæ æque a terra produciuntur, ab iis segregabit fructibus, qui Domino non necessitatis, sed solius Religionis causa offerebantur, & cremabantur?

§. X.

Responsio ad auctoritatem S. Thomæ.

Senserat D. de Vert debilitatem conjecturæ suæ, ac forte metuens ne ob eam impeteretur, ejus auctor haberi noluit. Interea temporis eam pluries insinuat, ac pro viribus tuetur, Divumque Thomam in vadem adducit, in quem suam sententiam refundit. Verum quid illi prodesset poterat D. Thomæ auctoritas, si hæc totius exactæ antiquitatis ipsiusque adeo scripturæ testimonio refelleretur? Verum absit Sanctum Doctorem in hanc descivisse opinionem. Non enim ille nobis contrarius est, & verba illa, quæ D. de Vert utpote conjecturæ suæ minime faventia consulto suppressit, divum hunc à calumniose affecta hac sibi injuria vindicabunt. In examen vocat S. Doctor, an usus suffituum Missæ Sacrificio conveniat? En quæ secundæ sibi factæ objectioni reponit: *Dicendum quod etiam thurificatione non utimur, quasi cæremoniali præcepto legis, sed sicut Ecclesie statuto. Pertinet autem ad duo. Primo quidem ad reverentiam hujus Sacramenti, ut scilicet per bonum odorem depellatur, siquid pravi odoris in loco fuit, quod posset provocare horrorem. Secundo pertinet, ad representandum effectum gratiæ, qua sicut bono odore Christus plenus fuit &c. ideo undique thurificato altari, per quod Christus designatur, thurificantur omnes per ordinem.*

En S. Thomæ locum, quem integrum non membris suis truncatum

E 2

affer-

§. part. 9. 89.
art. 2. ad 2.

afferre oportebat; sæpe enim usu venit ut quæ sententiæ a contextu adjunctæ minus rationi consentaneæ videbantur, nihil admirationis facerent, si antecedentia, & consequentia adjungantur. Ita locus hic nos edocet præceptum aliquod in Ecclesia teneri, quod thurificationis usum præscribit, monet nos pariter inter vera instituti hujus motiva annumerari finem, repræsentandi videlicet effectum gratiæ, & ob hanc præcipue repræsentationem mysticam thurificatione undique altari omnes per ordinem fideles thurificari. Verum quidem est S. Thomam naturalis fustituum effectus mentionem injicere; verum quis inficias init optimum thuris odorem in causa fuisse, cur ceteris materiis præferretur, atque in sacris cæremoniis incenderetur? Nullus profecto id ignoravit, nec erat cur a D. de Vert de hac re edoceremur. Ast non hic quæstionis cardo vertitur. Illud unice quæritur unde hæc mens hominibus injuncta sit, præstantissimi odoris materiam seligendi, quæ in loco sancti Sacrificii cremaretur? Forte, ut voluptuose nostræ titillentur nares, sensusque nostris suavolenti hoc exhalarentur vapore? Minime quidem ipso S. Thoma testante, qui profunda erga divina mysteria *veneratione* permotam Ecclesiam id facere adstruit. Profunda itaque veneratio, & reverentia, intimaque cultus ratio primum momentum fuit quod piam hanc consuetudinem æque apud nos, & Hebræos induxit. En illud quod D. de Vert neque constiteri neque ullibi innuere voluit, quod in adducto S. Thomæ loco dolose suppressit, quodque systema suum omni soliditatis specie privat.

§. XI.

*Alius a D. de Vert error prolatus confutatur. Prima
luminum in cultu divino adbibitorum institutio;
quæ ex universo Symbolica asseritur.*

Iisdem nitar argumentis demonstratur contra D. de Vert quod luminum usus introductus sit non ob puram necessitatem, sed in signum cultus honoris, & Religionis. Atque in primis illud sciscitor, num victimarum concrematio, fructuum thuris cæræ oleique existimanda nec ne sit unus idemque, cultus unum idemque sacrificii genus, quod a religione originem duxerit? Sed jam hanc ipsam consuetudinem, ex prima sua vetustissimaque institutione perpendamus.

Hæc mihi in Libro Exodi cap. 25. sese objicit, ubi Deus formam candelabrorum septem brachiis, totidemque lampadibus instructorum præscribit. Cap. vero 27. tradit quæ qualitate oleum luminaribus his interserviturum præditum esse debeat. Hic absque dubitatione prima institutionis reperiuntur incunabula: sed quæ ejus mens? Ad necessitatem ne unice respexisse Deum dicemus, an id tantummodo institutum fuit ut tenebræ ab obscuro loco depellerentur? Verum si hæc genuina institutionis est ratio, cur quæso necesse fuit ipsius mandato Dei totam noctem, qua nullus Sanctuarium intrare solebat, ardentes nutrire lampades? Non video, cur Deus legem tam seriam, tam determinatam, tam explicata-

tam

tam tulit de re, quæ rudioribus etiam ingeniis in mentem venisset; ac Sacerdos statim horis in Sancta Sanctorum ingrediens ab ipsa necessitate admonitus fuisset ut accensam faciem ad rite sua in tenebroso loco obeunda munia secum ferret. Illud etiam hic addo, quod D. de Vert sententiam penitus prostermit; videlicet nihil minus necessarium fuisse, quam illustrationem loci illius, in quo celebre illud candelabrum collocabatur.

Primo. Nemo, ut dixeram Sancta Sanctorum toto noctis spatio adibat. Cui ergo necessitati inservire poterant tot ibi accensæ lampades ubi omnis aditus erat Judæis præclusus? Secundo. Unus Sacerdos Matutino & vespertino tempore ad offerenda sollemnia munera huc accedebat. Mane quidem orto jam sole plenaque luce, vespere vero sub occasum solis necdum finita die, itaque lux hæc satis erat proculdubio ad illustrandam exiguum illam templi partem, quæ tenui tantum cortina claudebatur. Tertio. Esto, quod tum, cum munere suoungebatur Sacerdos, obscuræ jam noctis tempus advenisset, an non abunde, ac pro necessitate prælucebat lumen, quod ad accendendas lucernas secum ferebat Sacerdos? Deinde si septem his lampadibus necessitati tantum consulebatur, cur temporis tractu in Sacra Salomonis æde, claro etiam sole lampades hæc relucebant, testante Josepho, quem utpote Sacerdotis Officium obeuntem consuetudines templi latere nequierunt? Cur Salomon septenarium hunc lucernarum numerum decem aureis candelabris auxit? Non sufficiebant quippe illæ ad lumen præbendum unico homini angustissimum locum luce meridiana intranti?

Verum concedamus D. de Vert luminum usum hoc in loco fuisse necessarium; an inde desit nullo institutionem eorum pollere mysterio? Quid ergo opus tam multiplices ritus adnectere qui neque necessitati inserviunt, nec jure a Deo tam severe imperata videntur, si sensus dematur mysticus? Cur tam exacte, tam anxie, tam accurate forma, mensura, pondus, materia horum candelabrorum præcipitur? Cur septem solum, non duæ, quatuor, aut sex lampades præcipiuntur? Cur olei species, & conficiendi methodus indicatur? Quodcumque enim oleum adhiberi minime poterat? Hic honor olivarum solum succo concessus; singulari addita lege, ut in mortario exprimat, utque perfectissimus, limpidissimusque seligatur. Eum sane in meridie cæcutire necesse est qui non agnoscat omnes has actiones esse Religiosissimas, plenarumque profundissimis mysteriis, præsertim cum a Deo ipso sub *Cultus*, & *Cultus perpetui* nomine indigentur *Perpetuus erit cultus per successiones eorum a filiis Israel*.

Ex c. 27. v. 1.

Luminaria itaque veteri in lege cultui Divino adhibebantur, non necessitatis gratia, ut D. de Vert somniavit; sed ob unicam Religionis majestatem. Quam veritatem, si Ethnicorum consuetudine confirmare necesse foret, haud equidem difficile id præstare. Dæmon enim divini cultus perpetui æmulator ut thuris adolendi ita etiam accendendarum lampadum consuetudinem, in templa, quæ ipsi Idololatæ dedicaverant invexit. Hinc cercorum, facuin, lampadumque usus in falsorum Numinum cultum introductus. De cuius veritate indubitata plurimorum extant testimonia. Cicero, & Macrobius mentionem faciunt cereorum, qui

Cicer. lib. 3. de
Offic. Macrobi.
1.1. Saturn. c.7.

Baruch. cap. 6.
v.10.

qui Deorum simulacris adnectebantur. Maximus Cynicus (a) Lucernas Deæ Hecati dedicatas arte Magica accendit ut in eorum conspectu confumerentur. Fortasse vox *Cereus* etymologiam nominis sui a Cerere deducit, cujus in Sacrificio ardentis circumferebantur faces in memoriam earum, quibus illam in quaerenda filia Proserpina usam fuisse fabulæ nungantur. Addam testimonium & antiquitate, & pondere omnibus superioribus majus, Propheta videlicet Baruch, qui falsos Deos oculos quidem habentes sed videndi facultate destitutos irridet, quod sacrificuli *Lucernas accendunt illis, & quidem multas, ex quibus tamen nullam videre possunt*. Inviectum sane argumentum, quodque extra omnem controversiam positum est. Non enim pro populo, aut Sacerdotibus, non sola suadente necessitate, non utilitatis causa lumina accendebantur, verum in illorum id est falforum Numinum honorem, & venerationem. Quod si Ethnici non alium finem, quam necessitatis præ oculis habuissent, perperam sane Propheta Deos arguisset quod cultu non fruantur, nec honorem sentiant, qui eorum venerationi non solum nunquam inservii, verum nec destinatus quidem fuerat (b).

§. XII.

*Consequentes argumentorum precedentium. Mentis
Legis naturalis, & Mosaicae prævium de mente
Ecclesiae judicium præstat.*

Necdum tempus advenisse arbitror de cereorum, & thymiamatum in Ecclesia Christiana usu verba faciendi. Dabitur id posthac præstare. Nunc ratiocinationi a me adsumptæ non interrupta argumentorum serie insistere lubet. His me circumscripti limitibus, ut caeremonias in incunabulis suis intueudas præberem demonstraremque eas non aliunde quam a cultu, mysticoque sensu originem suam duxisse, tempusque designarem quo ab ipsarum auctore Deo fuerint primum institutæ, in lege quidem naturali per inspirationem cælestem, in Mosaica vero per solemnes sanctiones. Huc prima mentis intendenda est acies. Hic profundissimis mysteriis, & sublimibus symbolis contextam telam me perspicere opinor. Hi sacri illi ritus sunt, qui mentem meam ad altissima attollunt, quique per mysticam symbolorum a Deo ipso traditorum viam, ad ejus magnitudinem, perfectionem, omnipotentiam penitus cognoscendam perducunt.

Certum itaque & constans est, caeremonias, si finis primæ institutionis perpendatur, necessario esse mysticas, easdemque actiones, quæ a D. de Vert rude naturalium, & necessariarum functionum chaos creduntur, optimo ordine continuatam mysteriorum esse seriem; quæ ad imbuendos salubri doctrina hominum animos sub hisce caeremoniis latent.

Faci-

(a) Eusebius in maxim. V. Jos. Laurentium in Collect. Monovii c.2. de sacris Gentilium.

(b) D. de Vert. T.4. p.161. non diffinit, an- te ipsum Jesum Christum lumina in caeremoniis

prophetis veneratis cause adhibita, in eundemque finem ante Magistratus Romanos ignem præferri consuevisse.

Facili jam negotio intelligetur, quo principii mei scopus collimet, ac quispiam me facile antevertet in illis deducendis rationibus, quibus mysteriorum vim sub huiusmodi rituum velo latentem constantissime tuor. Quis enim serio affirmare auit legem naturæ, aut Hebræorum sublimiorem sui in functionibus, quam Ecclesiam J. sum Christi Sponsam extitisse? quis contendat, universas imperfecta illa lege cæremonias excelsis mysteriis animatas, Sanctissimis futurorum Symbolis fulcitas fuisse, Ecclesiam vero Christianarum in *omnibus*, aut *ferè omnibus* suis ritibus non alia ratione quam necessitatis, vel commodi ductam fuisse, aut naturali instinctu permotam ad certos quosdam adhibendos gestus quippe quod, ut ait de Vert: *ferme omnes ac præcipue qui palam atque ex altiori loco verba faciunt ita sunt a natura instituti ut voces ipsas cum gestibus certoque membrorum motu conjungant.*

Vtrum quidem est ac indubitatum Religionis Christianæ dignitatem maiestatemque exigere, ne amplius Sacrificiorum importuna multitudo, externa lustrationum purificatione, moroso antiquæ legis oneretur pondere. At si honorine & gloriæ ejusdem cedet, si omnino mysteriis careat, si cunctæ, aut pleræque rejiciantur Sanctissimarum rerum figuræ; si exterior noster cultus congestam mortuarum solum functionum efficiat molem, in qua mystici quidam vano & irritò conatu Symbola scrutantur, quæ non nisi post longum tempus inventa, additæque sunt, & insipida prorsus doctioribus videntur? Fateor equidem, nos nequaquam signis egere, quæ futurum nobis vaticinentur Messiam verum nonne f. cuncta alia nobis suppetunt, de quibus edocendi sunt fideles, quæque nulla efficaciori, nulla simpliciori, nulla faciliiori methodo tradi queunt, quam si sub Symbolorum specie & sensibus illorum objiciantur, & animo imprimantur? Hoc certe instituto mysteria antehac completa in memoriam iterum iterumque revocantur. Hac via cordis compositio, & sanctitas, qua ad sanctarum functionum exercitium accedere debent, menti eorum insinuantur; sic denique firmissima futurorum spes excitatur.

T. 1. præf. p. 18.
& 47.

Jam qua ratione id melius præstari potest, quam per cæremonias, & sacrificia, quæ testante Augustino: *nostra maxima utilitate significativa sunt omnia, & quarundam rerum similitudines*, & quæ tradente Concilio Tridentino instituta sunt: *ut mentes fidelium per hæc visibilia Religionis & pietatis signa ad rerum altissimarum, quæ in iis latent, contemplationem excitentur*? Profecto si cæremoniæ ad instructionem nostram comparatæ sunt, id habent profecto a mysteriis simbolisque, non vero a necessitate commodo aliæque huiusmodi ratione; illæque unice vi mysteriorum, quæ concinebant, utiles fuere antiquis Judæis, atque ad hunc utilitatis finem tam apud Hebræos quam apud Christianos institutæ sunt.

Aug. Ep. 101.
ad Deogr.

Sess. 22. c. 5.

Convenit nobiscum D. de Vert quod complures cæremoniæ a Judæis ad nos traditæ sint; quid amplius, confessione hac ad evellendum radicatus ejus systema requiri potest? Quis enim dicet, si ex apud Hebræos Symbolorum locum obtinuerint, illas apud nos ex hoc dignitatis gradum decidisse, cumque earum usum retinimus, nos non pariter earumdem

dem sensum, mentemque suscepisse? Sensus porro mensque Judaici cultus mystica prorsus, symbolicaque fuerat. Non etenim necessitas, commodum, gesticulandique consuetudo caeremonias illorum constituerat. Omnia ad augendam cultus maiestatem, uniuersa ad indicanda quædam mysteria conducebant, suumque in singulis caeremoniis peculiare symbolum latebat. Sic animalia, terræque fructus Numini offerebantur, ut creaturis sancte, innocenterque nti unusquisque meminisset. Sic pro na voluntate oneroso functionum morosarum iugo se subiciebant Hebræi; ut zelum, pro tuenda amplificandaque supremi numinis gloria, patefacerent. Sic omnia symbolis figurabant, ut gratum de receptis animum, & certam de futuris bonis spem exprimerent. An non signa hæc ritibus illis quos Religio Christiana adoptavit, conjuncta permanere iustum æquumque fuit? Imitati sumus suffitus, vestitum Sacerdotum, lustrationes, impositiones manuum, cur mysteria ipsa his caeremoniis inclusa rejicere debebamus? Dignumne Religionem nostram, quæ tam sublimis, tam Sancta, tamque excelsa proponit, est, rudem solum illam corporeamque rituum massam suscipere, mentem vero illorum, & mysteriorum medullam omittere? Non ita rudis prefecto fuit Christi Ecclesia nec Apostoli, primique fidelium Pastores tam mentis impotes; ut rejecto eo, quod in veteri cultu purum, purgatum, perfectumque elucebat, crassiora solum, vilia, & rudia in Ecclesiam transferenda delegerint.

§. XIII.

Novum argumentum Symbolicæ in caeremoniarum usu mentis, ductum a persona, moribus, & vitæ ordine Jesu Christi.

Judicium de Ecclesiæ mente auctoritate ipsius Ecclesiæ feramus. Quod ut recte fiat, adducamus in conspectum nostrum caeremoniarum usum, ut a Christo observatus fuit, ac in illo tamquam in prototypo consideremus quid nobis imitandum, quid sequendum, quid sentiendum sit. Exercuit ille per sepe singulares quasdam functiones, quas merito caeremonias compellare queo; quæ non necessitati originem suam deferant, verum mystico suo sensu ad nos instituendos, doctrinaque divina imbuendos factæ esse videantur. Silentio prætereo caeremonias legis, quibus tam exacte satisfacit, omitto etiam complura miracula, quæ ea ratione perpetrata sunt, ut symbolica ratio nullatenus ab iis excludi possit. Ut sunt horror, conturbatio, lachrymæ, quas Deus in resurrectione Lazari ostendit. D. de Vert qui lutum in curationem cæci a Christo adhibitum naturalem ab Ethnicis petitam medicinam fuisse contendit, hic etiam reponet hæc repeti facile posse ab illo naturali horrore formidineque quam exanimis, putridique cadaveris aspectus hominibus incutere solet. Ad alia itaque recurrere necesse est, quæ Ecclesiæ caeremoniis & magis conformia appareant, & loquacitatem viri hujus penitus illinguem reddant.

Ejus

Ejus generis sunt illa, quæ ultimam cœnam, & Sacrosanctæ Eucharistiæ institutionem comitabantur. Sensus symbolicus, & figuratus hic tam clare expressus cernitur, ut in eo falli, ni cæcutiamus, nequaquam possimus. Initium a consueta cœna duxit, & ipsa hæc paschalia agni cœna symbolum securæ mox institutionis præstulit. Qua peracta surgit, linteos se præcingit, Apostolorum pedes lavat, dein iterum mensæ accumbit, panem & panem quidem azymum assumit, consecrat, ac levatis in Cælum oculis Patri gratias agit. Nonne id genus singula totidem sunt cæremoniæ mysteriis reseræ non solum ad actionis hujus religionem augendam comparatæ, verum etiam ad instituendos animos nostros sexcentis aliis solidissimis doctrinis, quæ non alibi quam in expositione mystica detegi queunt? Nam quid nos non edocet panis ille azymus? Ipse S. Paulus (a) profundum hoc nobis patefecit mysterium. Illo enim interprete azyma hæc symbolum sunt: *veritatis, & sinceritatis cordis puri, & malitia carentis*. Disceat nunc D. de Vert intelligere, & revereri sermonem mysticum quem Sanctissimi sapientissimique viri Deo afflati nos docuere.

At cur Dei filius panem, & vinum in Sacramenti hujus materiam elegit? An forte, quod hæc facile passimque inveniantur? Verum enim vero si id intendisset Deus, aquam potius quæ multo facilius comparari potest ubique gentium, in hujus Sacramenti materiam delegisset. Nulla itaque opportuniore ratio asserri potest quam illa, quam S. Paulus indicavit, SS. Patres explicuerunt, & universa Ecclesia adoptavit? Panis quippe ex pluribus farinæ granis aqua conglutinatis compositus, vinum ex pluribus uvæ racemis acinisque expressum, unitatem fidelium figurant, qui cum Christo in unum, idemque corpus coalescunt. Hoc illud mysterium est, quo Dei filius in Eucharistiæ institutione collimavit. Indubiatum itaque est mysticum hic includi sensum. Si autem D. de Vert nullum Symbolum ne hic quidem videt id sibi tribuat. Ipse enim Apostolus: *Unus panis, unum* (inquit) *corpus multi sumus omnes qui de uno pane participamus*. Ecclesia vero eum perspectum habeat eam J. C. fuisse mentem in sua Liturgia preces, quæ evertendo Vertiano systemati abundantissime sufficiunt, effundit: *Domine unitatis, & pacis dona concede, quæ sub oblatis muneribus mystice designatur*.

1. Cor. 10.

Secret. Mil.
S. Secret.

Verum ullane unquam cæremonia magis aperte mysterii significationem præstulit, quam abjecta, humilisque illa pedum lotio? Consuetum id ethnicis æque, ac Judæis D. de Vert clamitabit. At nequaquam, ut usitato mori obtemperet, cæremoniam hanc Christus peregit. Cur enim id non initio cœnæ adgredebatur? Cur agni paschalis consumationem præstolatur? Itane mos viguit, ut medio epularum tempore convivarum pedes lavarentur? Majorum ne instituto receptum, ut Dominus, ut Magister, hoc erga servos, erga discipulos munere fungatur? Sed ne mysteria huic cæremoniæ involuta quempiam lateant, ipse Dei filius cavet, dum sermone manifeste symbolico ait: *Qui lotus*

Joh. 13.

F

est,

(a) Expurgate vetus fermentum, ut sitis novæ cælestis Græ. Itaque continet non in fermento veteri, neque in fermento malitia, & ne-

quitiæ, sed in azymis sinceritatis, & veritatis. 1. Epist. ad Corin. cap. 5.

Ibid.

est, non indiget nisi ut pedes lavet. De corporis ne, an de pedum munditie loquitur? Si primum, cur proditorem indicando dicit: *Jam mundus es, sed non omnes*. Certo si de corporis puritate locutus fuisset, non video qua ratione Judam excipere potuerit, qui hoc sensu tam mundus quam cæteri fuerat cum ejus pedes Christus æque laverit. De anima itaque, & ejus puritate Deus verba facit. Ad præparationem ergo Eucharisticam, teste S. Bernardo (a) mystica hæc ablutio pertinuerat, ac recte cum S. Ambrosio asserere licet (b) S. Petrum ideo recusasse *Jesus Christi ministerium, quod non adverterit mysterium, quo de expiandis hereditariis peccatis edocebatur*. Et hæc vera Jesu Christi in cæremoniis instituendis mens fuit. Quid mirum igitur si Ecclesia eam suis in Ritibus sequatur?

Revertamur jam ad D. de Vert, atque in argumenti locum illas ipsas Jesu Christi actiones in medium proferamus quas D. de Vert falsissimis suis principiis explicare non erubuit.

§. XIV.

*Confutatio novorum D. de Vert errorum, quem sanus
myfteriorum in actionibus Jesu Christi cære-
monialibus sensus latuit.*

Joan. 20. v. 22.

JESUS CHRISTUS a mortuis rediit vivus, ut Apostolis suis novam Spiritus Sancti daret gratiam: *insufflavit*; & dixit eis: *accipite Spiritum*. En absque controversia actionem cæremonialem. Dic sodas, symbolice hæc, an non? Vix equidem credo D. de Vert incipere posse, a Jesu Christo actione hac Spiritum Sanctum designatum fuisse, cujus plenitudinem vocibus his super discipulos effudit. Jam si ita est, potuit ne non esse symbolica? Nihilominus D. de Vert cum de afflatibus in benedictione fontium, & exorcismis catechumenorum consuetis disserit, hoc perfracte negat, ac mera (inquit) *gesticulatio est, quam terminus ille Aspiravit Spiritus sibi deposcit*; aut ut clarius dicam est actio quedam, quæ ea ipsa verba comitatur quorum litteræ ipsam actionem expriment id genus est *afflatus ille, quem filius Dei super discipulos suos concedendo eis Spiritum Sanctum emisit*. Perperam igitur SS. Patres eam tanquam symbolica intuebantur. Perperam S. Athanasius, (c) S. Basilus, (d) S. Ambrosius, (e), S. Augustinus, (f) S. Cyrillus, (g) Leon- tius, Fufhymius, Beda, audacter dicam, omnes Commentatores, qui eorum vestigiis insisterunt, perperam, inquam, in hac actione se cer- nere arbitrantur figuram mysticam spiritus vitæ, quem Deus post creationem insufflavit. Perperam illi asseruerunt, eundem afflatum, qui

T. 2. p. 125. 126.
134. 135.

(a) *Scimus, quia ad dissolvenda peccata, quæ non sunt ad mortem, & a quibus plures carere non possunt, ablutio ipsa pertinet. S. Bernard.*

(b) *Non adverterit mysterium, & ideo recusavit ministerium . . . sed idem plura eius obtinuit, quæ hereditaria peccata solvantur. L. de Mist. 6.*

(c) S. Athanasius, vel Auctor quædam An- tioc. q. 64.

(d) S. Basilus lib. de Spiritu Sancto cap. 16.

(e) S. Ambrosius in Psalm. 118. Serm. 20.

(f) S. Augustinus 2. *Insufflando significavit Spiritum Sanctum non Patris solius esse Spiritum, sed & suum. Tract. 121. in Joan.*

(g) S. Cyrillus Alex. *Uti sicut erat in initio sumus, sic etiam renovemur. Lib. 12. cap. 34.*

protoparenti nostro animam omnibus gratiæ donis ornatam indidit, Apostolis copiosos illos thesauros, quos primus homo amiserat, iterum restituisse. Perperam quidam eorum deduxerunt, quod Iesus Christus symbolo hoc significare voluerit unitatem naturæ suæ cum Spiritu Sancto, & eum æque a se, ac a Patre procedere. Nihil hic D. de Vert quam rudem absque mysterio, absque symbolo gesticulationem perspicit: *mera (ait) est gesticulatio, quæ nullo alio effectu, quam certas voces comitandi pollet.* Ast huiusmodi opiniones an non ipsa temeritate reselluntur suæ?

Iesus imponit manus illis qui ante ipsum sistuntur. Quid hoc sibi vult? Ecce tibi cæremoniæ genus cuius sensum mentemque detegere necesse est. Erat enim huiusmodi cæremonia jam antea apud Judæos usurpata. Nam Moyses, ut electionem septuaginta duorum seniorum confirmaret, & Josuæ, sibi in successorem substitueret, utrumque manuum impositione peregit. Eadem cæremonia Christi vestigiis insistentes Apostoli Presbyteros, & Diaconos consecrabant. Quid autem ritus hic preserebat? Facile intelligitur hanc impositionem manuum in accipiente quidem qui se demittebat, ac sortasse etiam in genua provolvebatur manifestum fuisse submissionis ac subordinationis indicium: in dante vero symbolum auctoritatis ac potestatis. Cum enim manus potentis, virumque humanarum instrumenta sint, opportunissime in imperii auctoritatisque symbolum usurpatæ sunt; cum vero caput animæ, & rationis, sicque supremæ potestatis sedes sit, facile patet, illum qui auctoritatem suam subiectis sibi discipulis communicare velit id clarius designare non posse, quam imponendis cum gravitate quadam manibus super discipulorum capita. Hæc, aut non multum abhorrens mens fuerat Auctori antiquissimo Hierarchiæ Ecclesiast. quæ vulgo S. Dionysii tribuitur (a). Hæc, hisque similia D. de Vert aut ignoravit, aut aspernatus est. Sic enim causam decedit: *Imponebantur manus, ut scilicet hoc attactu indicaretur, ac designaretur creatura, de qua agitur. Uno verbo, ut determinaretur subiectum, & ne quispiam in errorem induci posset.* Et alibi dicit: *Omnis precatio super aliquam creaturam facta jure postulat, ut singulari extensionis, aut impositionis manuum designatione conjugatur.* Id ille innuit generaliter quidem de omni manu impositione, particulariter vero confirmat non solum Jacobi exemplo intuitu filiorum Joseph, quod supra adnotavimus, verum etiam Jesu Christi infirmos, & infantes ad se adductos benedicendi instituto. Cunctæ hæc manuum impositiones ut sensit D. de Vert gestus quidam fuere ad designandum subiectum opportuni, imo vero necessarii, ne forte adstantes deciperentur. Hæc jecit defensionis suæ fundamenta, hisque confusus tuetur asserta sua: *In origine cæremoniarum nulla unquam nec latuisse, nec quæ sita fuisset mysteria.*

Satisne Auctori nostro, qui tantum sibi de diligentissima naturæ per investigatione gloriatur, natura perspecta fuit? Digitis, ni decipior,

F 2

non

Tom. 1. p. 41. &
130. & 136.

(a) Pontificis manus impositio designat hierarchicam potestatem, quæ tamquam filius patris non solum officio, & auctum, virtutemque Sacri

Ordinis imperitur, ad idemque potestatem procul ab illis abigit. C. 5. p. 5-1.

T. 2. p. 137.

Marc. 10. Luc. 10.

T. 1. p. 133.

non manuum impositione hominem, quem designare cupimus, demonstramus: aut si forte id manu fiat, unicum solum, non duas adhibemus: gesto denique hoc vix alias utimur, quam cum aperta erroris suspicio subest. Verum id ne Moyſes verebatur cum Joſue ac 62. ſenibus manus impoſuit ne populus deciperetur, id ne verebantur accuſatores Suſanne qui ut putat D. de Vert illi manus impoſuere, illam ipſam eſſe quam accuſabant, demonſtraturi? Quid autem neceſſe erat Jeſu Chriſto quibus benedicebat, manuſque impoſuebat, cuiſpiam demonſtrare? Inſpiciat pauliſper ſacros libros, & reperiet veram impoſitionis manuum parvulus impertiæ cauſam fuiſſe preces populi efflagitantis: *ut tangeret eos*. Quippe attactu hunc nequaquam ut *uſitatam tritamque geſticulationem*, ſed ut cæremoniam ſanctam, ut incitamentum fidei, ut quamdam conſecrationis ſpeciem ſuis infantibus utilem futuram reſpiciabant.

Tertium exemplum a benedictione Aſcenſionis die a Chriſto Apoſtoliſ data deſumptum eſt (a) a quo adſerendo proſecto abſtinuiſſem, niſi D. de Vert ipſe ſaceretur Dei filium efformato manibus crucis ſigno diſciſculis benedixiſſet. Unde ejus uſus tam frequens, tamque ſacer apud Chriſtianos invaluit. Ac iſtud ipſum me in maximam admirationem trahit, quod cum D. de Vert hæc omnia probe cognoverit, tamen Sanctiſſimo huic ſigno omnem myſticam ſignificationem detraxerit, & continuationem introductæ, inveteratæque apud Judæos conſuetudinis aſſeruerit. Accipe ipſa auctoris verba: *Sacerdos in veteri lege populo benedicens manus in quatuor templi partes extendebat ſicque dñs ſe interfecantes lineas deſcribebat. En actionem ſimillimam ei, quæ verba Benedicite Vos concomitatur. Quæ tamen & anterior recepto in Eccleſia Crucis ſigno, & independens a ſigni hujus representatione eſt... aſt cum hæc benedictio formam Crucis apprimè eſſingat. pedetentim ab Eccleſia Judaica in Chriſtianam tranſiit... & primi Chriſtiani utriuſque ſimilitudine percuſi, ipſa quaſi natura ducente actionem hanc perpetuarunt, adoptaruntque. Non quidem ad quatuor mundi plagas indicandas, ſed ad quatuor Sanctiſſimæ Crucis ſigni extremitates figurandas reſpicientes. Coactus dein (b) S. Hieronymi teſtimonio conſiteri Jeſum Chriſtum in Cælos aſcendentem crucis ſigno diſcipuliſ benedixiſſe rem ita detorquet: *Benedicens Apoſtoliſ ſe ab illiſ ſeparavit, manibꝯ in quatuor orbis plagas ac ſic in Crucis formam extenſiſ; antiquam conſuetudinem ſecutus; cum enim Apoſtoliſ revera plures eſſent, ac forte mutuo diſtarent, ita neceſſarium videbatur manus in plures ſitus convertere*.*

Itaque antiquiſſimam, auguſtiſſimamque Chriſtianorum cæremoniam tamquam ſolem Judaicæ conſuetudinis imitationem traducit ipſamque apud Judæos inſtitutam fuiſſe prædicat ad designandꝯ illos quibus Benedictio impertiēbatur; nec intendit animum Auctor noſter in Tertullianum, qui cum Crucis ſignum apoſtolica traditione ad nos perveniſſe ſcribit, ſermonem de eo inſtituit non ut adhibito ad benedicendum Populum ſed quatenus iſto utebantur Chriſtiani ut ſe ipſos conſignent, ac vo-

(a) *Elevatis manibꝯ benedixit eiſ, & ſecutusur in Cælum*. Luc. 4.(b) S. Hieronym. in cap. 69. Iſaia in hæc verba: *Tenem in ſiꝯ ſignum*.

ae veluti salutaribus armis contra hostiles incurfus munirentur, ac propterea quin illud ad quatuor mundi plagas referrent. S. Basilus etiam cum de ritu hoc differit, mysticum solum asserit sensum declarandi videlicet figurata in corpore nostro cruce spem, quam in illa collocamus (a).

Incausum D. de Vert ad leniendam sententiæ suæ asperitatem addidit: *Christianos non amplius ad quatuor orbis fines, sed ad quatuor Crucis extremitates respexisse*. Et alibi: *Cæremoniam hanc statim ac a Christianis usurpata fuit ab iisdem traditam fuisse ad referendam Crucem Salvatoris nostri qua hanc cæremoniam veluti consecravit; obtinuitque ut pleraque omnia nostræ religionis munia cum hoc signo coniungantur*. At cui bono subdole hæc retractationes, quæ novis additionibus convelluntur; quæque continuo nos ad veram systematis sui mentem sententiamque revocant? Facile hic loquendi modus hominem præferat, quæ mente premit dicere metuentem. Vix enim sub maligna quadam luce sententiam suam videndam præbuit, ut statim tenebras offundat, donec plus audaciæ nactus confidentius paulo prodit. Ponit principia, sed confectiones aut lenit, aut reticet, ut sic sanorum criticorum evitet judicia. Levis armaturæ, & de Parthorum grege militem video, qui emissio telo terga vertit, post gravissimum inflictum vulnus. Difficile illam impetere, attingere, capere. Plaga tamen, quam intulit, non minus sanesta est. Nihilominus non penitus impossibile est, cogitationes ejus assequi, & detegere. Si enim cognoscit, motum manuum benedicientium in memoriam Crucis Jesu Christi a Christianis susceptum fuisse, dubitare quispiam poterit de sensu ejus allegorico? At illius iudicio allegoria omnis: *arbitraria est, nec prima institutionis*: sed tacite ac pedetentim in hujusmodi ritus irrepsit; hæc autem consuetudo multo prius obtinuit quam ab Ecclesia Crucis nomine appellaretur. Postremo addit, Jesum Christum Apostolos, ac parvulos hoc more non aliam ob causam benedixisse. Quam ut quatuor mundi designaret plagas; minime vero ut symbolum esset quod Dominicam Crucem in animum revocaret. Quidquid demum S. Hieronymus, alique Patres clamitent.

Confitear oportet D. de Vert opinionem suam Janseii Gandavenis auctoritate fuisse. At recte ne id præstitit, dum ea solum profert, quæ sententiæ suæ favent, ea omittit, ac rejicit quæ priora illustrent, ac corrigunt? Verum quidem est Janseium dicere quod Sacerdos veteri in lege populum benedicendo hos manibus motus fecerit; sed immediate subjicit: *cum aperto Crucis Christi mysterio*: Si igitur hic apud ipsos jam Hebræos Crucis Christi symbolum extitit, recte Janseius inferre potuerat, primos Christianos qui hanc cæremoniam ob mysticam suam significationem adoptaverant, ab Judæis exemplum sumpsisse. Et hoc ipsum est, a quo D. de Vert tam vehementer diffidet. Cum in Crucis signo nihil aliud videat quam antiquissimi, & sola necessitate introducti moris insensibilem continuationem, cui demum decursu temporis allegorica accessit significatio.

In cap. 5. Eccles.
ad v. 11.

Idem

(a) S. Basilus l. de Spiritu Sancto c. 19. *Christum, signemus, quis scripte docuit? Ut signo Crucis eos, qui spem collocant in*

Idem Apostoli de mente symbolica, & mystica senserunt.

Satis abundeque me superiore sectione probasse arbitror Jesum Christum Ecclesiam suam proprio docuisse exemplo, qua ratione, quaque mente caeremonias adsciscere debeat. Institerunt hujus vestigiis Apostoli, ac eundem in caeremoniis instituendis symbolorum scopum sibi praefixerunt. Ad quod confirmandum unum, alterumve sufficere exemplum asserere, quibus haec perpetuo propagata symbolorum ratio ac disciplina clarissime constabit. Originem illa suam in ipsis legis naturae sacrificiis sumpsit, deinde non interrupta serie in legem scriptam defluxit. Unde a Christo in Novum Testamentum translata, & Apostolis communicata fuit, qui eam in Ecclesiam transferunt; itaut Ecclesia eam jure optimo in materiam cultus sui, & in objectum pietatum suorum devotionis adsumere possit.

Ep. c. 11.

In Epistola ad Corinth. S. Paulus declarat, qua modestia, & vestium decore fideles in publicis Christianorum coetibus comparere debeant. Feminae ibidem absque capitis tegmine, ac velo, viri contra Ethnicorum in modum confectionis precibus vacabant. Non id patitur Apostolus, ac praecipit, ut posthac Viri aperto capite, feminae vero velatae ad augusta Religionis sacra accedant. En ritus, en caeremoniae species, videlicet quo habitu Christianos sanctis Mysteriis interesse deceat, ab Apostolo praescripta: quam non arduum, quam facile foret secundum D. de Vert principia obvias naturalesque legis hujus rationes reddere? Dolendum profecto eum de hac re nullibi fermocinatum fuisse: attulisset sane profundissimas commodi, sanitatis, utilitatis causas. Videor mihi illum ita differentem audire: quid mirum foeminae capitis tegmen praecipit fuisse, utpote delicatiori praeditis corporis habitu, quaeque infirmitatibus nudo capite facilius obnoxiae essent? Viris vero quibus verba facienda, ac gerenda cura de aliis erat, velamen omne impedimento fuisset. Fortasse etiam D. de Vert Rabbiorum ac poetarum testimonio fretus morem hunc a Romanis, aut Judaeis desumptum comprobasset. Sed alia Apostolo mens fuit (a).

Non praetermittit quidem gentium Doctor rei hujus rationes reddere, verum rationes ex intergo mysticas. Vir non debet velare caput suum, quoniam imago, & gloria Dei est; sed cur foeminam cooperatam, testatamque adesse oportet? Modestiae causa? Verum non ob modestiam tantum haec jubet Apostolus, sed quia obedientia ac demissio animi hunc sexum decet. Necessae itaque foeminis est velum subjectionis symbolum gestare. Nec tamen hic sistit Apostolus? Quin imo. Ipsam etiam naturam S. Paulus ratione symbolica explicare studet. Cur, inquit, foemina tam prolixos longosque a natura recepit crines? Ideo videli-

(a) Ep. 1. ad Corinth. c. 11. v. 9. *Vir non debet velare caput suum, quoniam imago, & gloria Dei est; mulier autem gloria viri est. Ideo debet mulier potestatem habere super caput,*

Ipse natura docet ut. Mulier si comam nuntiet, gloria est illi, quoniam capilli pro velamine ei dati sunt &c.

delicet ut naturali hoc velamine doceat eam semper velatam esse debere. Non cerebri fœminei humiditas, quæ abundantius capillis nutrimentum præbet, incrementi eorum causa est; verum Creatoris voluntas, quæ mystico sine tam diffusam concessit cæsariem qua monerentur ut perpetuo velo tectæ incederet. Ecce venerandas Apostoli ideas? Quæ si o mysteriorum numero eliminantur, nullum profecto unquam in rerum natura symbolum extitit.

Enarrat S. Joannes in Apocalypsi (a) se vidisse Angelum offerentem ante Dei altare thuribulum thymiamatis refertum. Ubi per transfennam adnotare lubet thura hæc in Cælo nequaquam ad fugandum inanimatum ab immolatis victimis effluentem odorem cremata fuisse. Angelus hic thymiamata incendit, & suavis ex iis fumus ante Domini exurgit faciem. En venerandam & dignitate ministri, & sanctitate loci cæremoniam; aut quis ejus finis? Apostoli mentem accipe: *Orationes Sanctorum sunt, & preces fidelium quæ ante thronum Dei ascendunt*. An unquam D. de Vert explicationem hanc inscipere poterit, qui semper a causis, quæ vulgo venditantur mysticæ, quæque plus gratiæ, quam soliditatis secum ferunt, vehementer abhorruit? Aut idem Apostolus de Ecclesia Agni sponsa loquens ait: *datum esse illi, ut cooperiat se byssino splendenti, & candido*. Aut latet ne sub hoc symbolo figura quæpiam abscondita? Certe quidem, & illa a S. Joanne ita detegitur: *Byssinum, ait, justificationes sunt Sanctorum*. Nonne hujusmodi explicatio mystica omnino est? Verum hæc parum sane D. de Vert arridebit, nomini ita omnibus sacris cæremoniis infenso, ut non ferat Sacerdotum casulam pro symbolo charitatis haberi, quamquam hæc universæ Ecclesiæ mens sit. Quid quæso reponit, dum Apostolum dicentem audit: *Byssinum justificationes esse Sanctorum*?

Apo. c. 19. v. 8.

Adjungamus argumentis nostris exempla ex iis rebus desumpta, in quibus D. de Vert firmissima causæ suæ subsidia, invenisse arbitrat.

§. XVI.

Ejusdem argumenti continuatio. Mens mystica

S. Pauli circa baptismatis cæremonias.

Exotici D. de Vert errores.

Nihil certe aut elegantius, aut sublimius existimandum censo ex plicatione illa symbolica, quam nobis Paulus de baptismo, reconditisque ejus mysteriis tradit. Apostolo interprete Sacramentum hoc nobis apertam mortis, sepulturæ, & Resurrectionis Jesu Christi figuram exhibet. Hæcque illa tria mysteria sunt, quorum compos baptizatus efficitur. Unde Apostolus ipsas cæremonias baptismatis fidelibus probe perspectas credens easdem ut symbola operationum supernaturalium

(a) Apocalyp. c. 8. v. 3. Angelus stetit ante altare habens thuribulum aureum, & data sunt ei incensa multa, ut daret de orationibus Sanctorum omnium super altare aureum, quod est ante thronum Dei.

lium gratiæ proponit, quæ vivifica hac lustratione baptismo suscipi-
tibus infunditur. Homo itaque hic juxta Apostoli effatum, cum vestibus
origines, occasiones, affectusque criminis deponit, pristinis sensuum
voluptatibus, ac concupiscentiæ cui antea vivebat, nunciam remit-
tit (a), & derelicta mundanæ vanitatis semita, mortem quamdam mys-
ticam appetit, sicque mortis Jesu Christi fit particeps. Salutari aqua,
qua super infunditur, aut cui immergitur, coopertus Christum sepul-
chrali lapide contestum imitatur. Excendens denique a divino hoc la-
vacro nova præditus vita, cui charitas omnes præteritorum criminum
fæces abstergit Resurrectionis Jesu Christi compos, & imago efficitur.

Et hoc in causa est, cur qui recens Baptisma suscepit; *regeneratus*,
Baptisma vero ipsum *secunda* quædam spiritualis nativitas appel-
letur. Vita quippe illius omnem extra controversiam nova, atque ab
anteacta penitus diversa est. Cum vita animæ in cogitationibus, asse-
ctibusque collocetur, quæ omnia in aliam transmutata sunt formam,
& terreno extricata cæno, sordibusque purgata ex mundanis pura, cœ-
lestia, & divina evaserunt. Jure igitur vita nova dicitur, quam lu-
stratus in baptismo recepit, cumque vita per nativitatem inchoet, re-
cte etiam nova hic reperitur nativitas, imo *novus homo*. Non enim ille
est qui vivit, sed Jesus Christus, qui vivit in illo, cumque antea non
alia frueretur vita, quam animali, quam ab Adamo per generationem
carnis suscepit, ab eo statim tempore, quo per aquæ salutaris lustra-
tionem Charitatis in eo diffusum est donum, ita Jesu Christo, inferius
est, ut unum, idemque prorsus cum eo efficiat corpus. Sicut autem
membra inferiora quæ a superiori vigorem suum, conservationemque
communicato, & mutuo humorum, spirituum, & sanguinis motu re-
cipiunt, eandem cum eo vitam spirant: ita pariter anima fidelis Jesu
Christo unita, eandem cum illa, quam in resurrectione resumpsit, vi-
vit vitam, eademque animata est charitate. Ipse ille Spiritus, inquam,
Sanctus, qui vivit in Jesu Christo, quique omnium suarum actionum
principium existit, in eandem expanditur animam, & in ea omnium
actionum supernaturalium causa, & scaturigo est, quas nova hac in
vita elicit, atque præstat.

Noscunt illi, quibus hic S. Pauli textus non latet hanc fuisse Apo-
stoli mentem imo eodem me uti loquendi genere, iisdemque pene voca-
buli, quibus utitur Apostolus qui profecto se Spiritum Dei habere exis-
timabat, ac revera habebat, qui ex industria usurpatis in Baptismate
cæremonias explicabat; ac mysteria detegebat ut fideles institueret de
hujus Sacramenti natura. Hoc ille non solum sexcentis in locis innuit,
iteratque, verum non raro tanquam res nulli amplius obscuræ, aut
ignotas, sed patentes; & claras præterit, ac tanquam aliunde indubi-
tatas supponit. Quis dein in animum inducat suum, D. de Vert ausum
fuisse hæc omnia convellere mysteria? Proque systematis sui fundamen-
to, ac ad evertendam explicationem mysticam ea ipsa adscivisse argumenta,
qui-

(a) Aqua in baptismo mortis exhibita simili-
tudinem, corpus velut in sepulchro recipiens,
spiritus vero vim vivificam immittit, a morte

peccati, renovant animas nostras in novam vi-
tam. S. Basil. l. de Spir. S. c. 15.

quibus tam eximie symbolorum fulcitur dignitas? Sed audiamus peregrinam ejus de hac re doctrinam.

Cur (inquit ille) concessum, ut totius corporis in Baptismi cæremoniis adhibita immersio, in simplicem convertatur superfusio? ... Ideo videlicet quod notum est, hunc immergendi modum originem suam ab illa deducere consuetudine, qua infantes ipso nativitatæ exordio phycas ob rationes lavari solent ... quod si Ecclesia immersionem hanc eo præcipue sine institutam credidisset, ut nos admoneret, quod sicut in mortem Jesu Christi baptizati, ita pariter cum illo mystice sepulti sumus antiquam baptismatis rationem summo studio conservasset. Dum vero D. de Vert de sensu mystico D. Pauli a nobis adducto aliquid dicendum putaret, hæc addidit. Sanctus Paulus magnificas fecit allusiones &c. Verum aliud est occasionem ab immersione sumere ad repeririendæ allusiones, & explicationes, metaphoras, & comparationes, aliud hanc actionem intueri, tanquam qua in origine sua determinata fuerit ad representandam, & significandam spiritualem fidelis cum Jesu Christo sepulturam. Paucis; universæ hæc meditationes spirituales, & symbolica nequaquam causam, & principium immersioni dederunt. Cum non appareat eas ut scopum institutionis suæ præstitutas fuisse, sed contra eluceat immersionem antea jam institutam decursu temporis amittisse hisce symbolis mysticisque ansum præbuisse.

Ita D. de Vert ratiocinatur, ac præterea Tom. 2. cap. 2. de actionibus differens, quæ usu receptæ certas vocum expressiones postularunt, inter has Baptismum collocat, cujus usus has voces: *Ego te baptizo* secum tulisse, & exegisse videtur. Addit post in adnotatione: *Non quod hæc exprimendi formula non ejusdem cum Ecclesia sit antiquitatis ... Verum quod ablutio exterior, quæ Baptismi materiam efficit, jam apud Judæos in recipiendis proselytis in more fuerit Notumque sit a Judæis infantes primo nativitatæ exordio ob rationes supra adductas lotos fuisse.* In nota dein margini affixa ita progreditur: *Hæc rationes cum naturæ, & phycæ maxime conformes sint, morem hunc omnibus communem, necessariumque reddidere: natos ad flumina primum deferimus ait Virgilius de quibusdam Italia populis loquens, quibus addita (ita in supplemento prosequitur) Gallos pariter liberos suos primum e matris utero prodeuntes aqua frigida immerfisse.*

Paulo infra ait: *Ad imitationem primi hujus Balnei apud Hebræos mergebantur proselyti.* Post Baptismum hunc considerabantur, tanquam innovati, & regenerati, idest denuo creati, geniti, & nati. Propterea nova creaturæ, novi homines appellati, ipsumque secundum eorum Baptisma secunda generatio, seu secunda nativitas. *Uvo verbo nova vita.* Omnes figurata loquendi formula, quæ cum ipso Baptismatis usu in Christianam transferunt Religionem.

Patere credo omnibus, in quos errorum devios tramites hæc doctrina deflexerit. Præsertim si sub uno aspectu collocentur, quæ D. de Vert sparsim in suis libris disseminavit, ut forte sic Lectorum pietati parceret quam temeraria hujusmodi commenta percellerent; quæ ut recte expendi possint, ad hæc quatuor propositiones revoco, quæ simul

nexæ omnium maxime exoticum effingunt systema. Itaque juxta D. de Vert, sententiæ D. Pauli circa mortem ac sepulturam Jesu Christi: *Sunt metaphora, & meditationes symbolica, quæ non videntur cum Baptismi institutione connexæ fuisse, sed rationibus physicis ab Apostolo supra inductæ.*

Secundo. *Symbolum mortis, sepultura, & resurrectionis Jesu Christi aubaret solum immersioni, & non superfusioni Baptismatis, ita ut hoc Sacramentum posteriori modo impetum non amplius horum mysteriorum figuram exprimat, nec Ecclesia illud ut typum eorum symbolorum intueatur.*

Tertio. *Baptismus Christianorum est usus, necessitate physica introductus, qui a Judæis inter caeremonias assumptus, a Christo in materiam hujus Sacramenti adoptatus est.*

Quarto. *Nomina regenerationis, vita nova, &c. sunt expressiones ab Hebræis desumptæ, ut Christianis applicentur sacris.*

Hæc quatuor propositiones paucis expendamus.

§. XVII.

Confutatio præcedentium errorum D. de Vert, circa Baptismatis mysteria.

EXordium a prima ejus propositione duco. Multum sibi D. de Vert, multum doctrinæ suæ tribuit, at nescio quo sui amore ductus confidit nos cæcos in illius verba descensuros, ac licet nullas probationes, nullas rationes, nullam auctoritatem proferat, quibus probet S. Paulum meditationes solum symbolicas, & metaphoras superinductas, *quæ a Jesu Christo institutæ fuisse minime apparent*, de Baptismi mysterio apportasse, omnes tamen peregrinæ huic opinioni subscripturos putat. An non perspexit hæc esse oracula, & revelationes a Deo ipso patefactas? An ignorare potuit, Apostolum eodem prorsus astatu spiritu, qui Jesum Christo in Baptismatis institutione adsuit, locutum fuisse? Idem certe est spiritus, qui caeremoniam hanc sancivit, idem, qui explanavit: Cui ergo melius constare poterant hujus Sacramenti rationes (a)? Jam si Spiritui placuit, nobis per Apostolum Baptismi institutionis mysterium, & scopum detegere, quis mysticas has meditationes Apostolo tanquam proprii ingenii sætum affingat? Quis ausit dicere Paulum privato spiritu *allusiones has symbolicas supra induxisse, aliudque longe esse si quis caeremoniam hanc in sua intueatur origine.*

Verum etsi concederem S. Paulum hic non alterius quam privati hominis vices sustinere, qui absque supernaturali divini Spiritus ope loquitur, illud tamen a nemine, nisi improbitissimo, negabitur, eum sinceri, verique Historici fidem mereri. Quod si igitur hac sola indutus persona testimonium ederet de mente, qua Ecclesia sui temporis Baptismi mysteria amplexata fuerit, quis dubitare præsumat, hanc non fuisse Ecclesiam mentem circa Baptismatis mysteria? Non enim hæc nobis ut proprios ingenii

(a) Quis enim novit profunda Dei, nisi Spiritus Dei?

CIRCA SACRARUM CÆREMONIARUM USUM: § I

genii sui partus proponit, verum ut rem omnibus fidelibus dudum notissimam. Mens itaque Ecclesiæ circa Baptismi mysteria, tam vicino, tamque conjuncto Sacramenti hujus institutioni tempore, an non eadem cum institutionis scopo, & sine considerari debet?

Ast video quæ D. de Vert in errorem abriperunt. Arbitrabatur ille typum mortis, sepulturæ, & Resurrectionis Jesu Christi nulla ratione Baptismo superfusionis, sed singularibus immersionis circumstantiis annexum fuisse. Et hoc est, quod ei persuasit, Ecclesiam eodem tempore ideam fuisse mysticam, quo Sacramenti, & cæremoniarum immutavit circumstantias. Unde consequi credidit ideam hanc mysticam non debere considerari nec ut rem revelatam, nec ut primæ suæ institutioni conjunctam. Sed hic ipse secundus D. de Vert error est. Patet enim symbolum hoc cum Baptismate conjungi, quacumque demum ratione impertiatu mortis, sepulturæ, & resurrectionis Jesu Christi. Non aliud in sententiæ meæ confirmationem adsciscam argumentum, quam ipsius S. Pauli textum qui baptismo figuram hanc generali significatione, nullaque addita restrictione tribuit. Verbum enim Dei litterali sensu, & juxta terminorum vim interpretandum est. Ast unde quæso D. de Vert desumpsit, hunc S. Pauli locum de sola immersione loqui, & Apostolum omnem aliam rationem conferendi Baptismatis. Generaliter hic, de Baptismo differitur, atque ut ab ipso Jesu Christo institutus est. Verum constat Baptismum ita institutum fuisse, ut valide administretur, quacumque demum ratione impertiatu. Indubitatum ulterius est tam immersionem, quam superfusionem a Filio Dei institutam fuisse, ac utramque pari ratione effectum huic Sacramento annexorum virtute gaudere. Idem igitur quoque de mysteriorum huic Sacramento conjunctorum participatione sentiendum, quæ secundum S. Paulum in typo symbolico mortis, sepulturæ, & Resurrectionis Jesu Christi consistunt:

Non equidem inficior immersionem fuisse imaginem horum mysteriorum & magis expressam, & ob hanc causam magis usu receptam. Verum cum ea nunquam absolute necessaria habita fuerit, non raro contigit, ut ea omitteretur; & id forte primo etiam Ecclesiæ sæculo, pluribusque vicibus quin tamen aliquis unquam in mentem induxerit suam, mutatis lustrandi cæremoniis conjunctum Baptismati divinorum mysteriorum typum cessare. Posuit hoc defunctus D. Meldenius Episcopus pro certo suæ expositionis fidei principio. *Non ultima* (inquit) *& omnibus numeris absoluta sensibilis figura requiritur representatio; sufficit ut effiguratio, & expressio mysterii (mortis Jesu Christi) & effectus gratia substantialiter in Sacramento reperiatu.*

*Continuatio ejusdem refutationis. Baptismus minime
a necessitate, tanquam ab origine
sua repeti potest.*

Tertio loco D. de Vert contendit Baptismum Jesu Christi tempore minime oovam fuisse consuetudinem. Semper enim hæc consuetudo vixit, ut infantes primum in lucem editi lavarentur. Non raro apud integras etiam gentes in more receptum legitur, ut liberos suos vix natos, aut sanitatis, aut firmandorum membrorum causa in fluvios vel aquam frigidam immergerent. Cæremonia igitur hæc ut videtur D. de Vert, in eorum numerum rejicienda erit, quæ originem suam necessitati debet. Verum an Catholici Romani, an viri Religiosi hic sermo est? Quod medicus Confessionis (a) Anglicanæ similia nobis perfricta fronte, ac serio proponat principia; quod consuetam antiquis in Baptismate immersionem cavendarum infirmitatum causa introductam asserat; quod conqueratur de neglecta in Ecclesia immersione, ex quo complura incommoda ut ait, in sanitatem nostram defluxere, quod denique hæc præcipue ex causa in antiqua Ecclesia vigiliis Paschatis, & Pentecostes Catechumenos baptizatos nugeretur, quod id anni tempus balneis aquæ gelidæ maxime conveniat quod denique hujusmodi ineptias hæreticus homo effutiat, nihil prope modum admiror. Verum easdem in sinu Ecclesiæ Jesu Christi venditari, & ex penetralibus Sanctuarii similia somnia prodire, quis unquam ferat?

Nonne ipsa Fides, ipsa Theologia, quid dicam, ipsa sana ratio, historicarumque veritas conjunctis viribus ridiculas has evertunt fabulas? Certum quidem est recens oatos infantes lavari consuevisse quid autem refert insulsa hæc adnotatio dum aliunde constat, nequaquam hunc populorum morem fuisse, qui Jesu Christi ad instituendum sub externæ lotionis symbolo Baptismatis Sacramentum determinavit? Primo coim non unice pro infantibus sed etiam imo vero potissimum pro adultis institutum Baptisma est, ac pro illis qui actualem fidem ad hoc Sacramentum afferre possunt. Jam vegeta, & provecta ætate ab Ecclesiæ exordio baptizabantur, & quamquam infantium Baptismus ignotus eodem tempore minime fuerit, non tamen tam communis, ut hodiernis diebus, existeret. Ubi infrequens prorsus, & rara adultorum contigit Iustratio. Secundo: quis precor eo delabatur amentię ut credat, si aut nulla unquam fuisset consuetudo recens natos in fluminibus lavandi, aut si illos ita mundandi nulla urfisset necessitas, Jesum Christum Baptismum suum non instituturum fuisse? Instituisset eum profecto, & causæ, quas hanc in rem SS. Patres, & Theologi adducunt, nullam prorsus cum venditata illa necessitate connexionem tenent, ac a quarumdam nationum moribus nihil omnino pendent. Doctorum quippe horum judicio, Salvator Noster cæremoniam hanc præ cæteris elegit, primum quia aqua omnium fluidorum maxime communis omni in loco reperitur, qui

(a) D. Joannes Flager de Liebfeld Anglicus in Libro suo Theopneustico seu historiae balnearum frigidarum.

quā ab hominibus habitatur, nec domicilium a quopiam ibi constituitur ubi aqua careamus. Itaque certi sumus ea nobis nullibi gentium defuturam. Deū, cum elementum hoc ad eluendas maculas, & detergendas sordes ex natura sua ordinatum esse videatur, maxime etiam conveniebat ad effigurandam illam interiorem purificationem, quam Sacramentum hoc intendit, & operatur. En Auctorum Ecclesiasticorum sententiam. His D. de Vert concludere se debuisset limitibus. At derelinquendum sic illi fuisset systema suum, cognoscenda pro genuina institutionis Sacramenti causa allusio mystica ablutionis exterioris, cum purificatione interiori; quæ tamen omnia nostris omnibus tanto conatu subducere studet illud ad summum concedit, quod symbolicus hic finis aliqua quidem causa dici queat, sed secundaria solum, quæ primæ innititur ab inveterato Ethnicorum, & Hebræorum more deductæ, & a necessitate fœdata corpora mundandi desumptæ.

At qua fronte rem tueri audeat Scriptura Sacra expressis verbis convulsam? Nam quid apertius, quid fortius contra opinionem suam dici valuit, quam illud Divi Petri: *Salvos nos fecit baptisma, non carnis depositio sordium, sed conscientia bona interrogatio*. Quid hic consilii capiam? An in D. de Vert opinionem abeam, qui nobis pro præcipuo Baptismatis effectu, & prima institutionis suæ causa naturalem corporis sordium ablutionem proponit? An Apostolo contrarium declaranti assentiar?

Tom. 1. p. 375:

Quamquam ut verum fatear hic videtur respicere D. de Vert dum proposita hac Divi Petri auctoritate ita ratiocinatur: *Non carnis depositio sordium, inquit Divus Apostolus Petrus, non quod aqua etiam hic naturalem, & necessarium suum effectum præstare cesset, qui est lavare, & mundare sordes; sed, quod hic non amplius sit finis hujus ablutionis... Dum aqua, dicit Sanctus Ambrosius, corpus abluit, Spiritus animæ detergit maculas; atque illud est quod Ecclesia sibi præfigere videtur in benedictione fontium; precatur enim ut aqua a se benedictæ, quæ a natura corpora mundandi virtute pollent, alteram purificandæ animas recipiant. Imo S. Paulus exhortans Corinthios ad se purificandos nequaquam carnem a spiritu segregat, & utrumque a fecibus detergendum præcipit: mundemus nos ab omni iniquitate, & inquinamento carnis, & spiritus*. Elucent hic clare non effugiendæ hominis contradictiones, qui quidem in perverfas se incidisse scimitas perspicit, verum ab iis desistere omnino recusat. Conatur, omnibusque viribus enititur ut errores suos exornet, contegat, facet. Imo non raro persuadere studet se eos rejicere, & abhorre: verum qua ratione id præstat? Adjiendo videlicet nova argumenta, quæ illi inserviant ad eos denuo resuscitandos, validiusque propugnandos sin D. de Vert sincere opinionem amplexus fuisset, quæ baptismum ob externam carnis ablutionem institutum negat, cur tantas adjecit annotationes? Metuerat forte quempiam futurum, qui ignoraret aquæ naturam ad eluendæ sordes comparatam esse? Cur dein tam inique, tam manifeste S. Pauli detorsit locum? Quasi vero Apostolus per verba hæc: *Mundemus nos ab omni inquinamento carnis*: exteriorem cutis purificationem, & non potius

2. Epist. Petri. c. 3.

vitia

vitia intellexisset, quæ per sensuum abusum corpus inquinant. Quis quæro crederet, Apostolum Corinthiis in allata epistola ridiculum hoc injunxisse præceptum, ut cutem suam perbelle curent, ac corporis elegantiam, membrorumque munditiæ studiose serviant?

§. XIX.

Ultior ejusdem rei prosecutio. Baptismus originem suam nequaquam ab Hebræorum consuetudine desumpsit.

Nihilominus, adjungit D. de Vert, dubitari ne potest, Baptismum in usu fuisse apud Judæos tanquam caeremoniam propriam ad regenerandos eos, qui legem Mosaicam amplexabantur? Cernis hic incertam titubationem hominis, qui absque ordine, absque principiis ratiocinationes suas instituit. Jam Baptismi originem in necessitate lavandi infantes querit; jam ab usu certorum populorum deducit, qui recens natos sanitatis causa in fluminibus immergebant, jam iterum ut Judaicarum caeremoniarum continuationem nostrum Baptisma proponit. Nullibi tamen firmum sistit pedem, nullibi sibi constat, ubique fervet immoderato pruritu aut rejiciendi, aut tenebris involvendi cuncta, quæ aliqua solum parte sensum mysticum redolere censet. Verum non prævidet D. de Vert ultima hæc arma in se ipsum retorqueri, suumque systema penitus evertere. Qua enim ratione inficiabitur objectum Hebræorum Baptisma, quod proselytis impertiebantur, fuisse institutum ad mystice significandam purificationem sordium in idololatria contractarum? Quomodo adhuc asserere audeat: *In ipsa caeremoniarum origine nullam sensus mystici rationem habitam fuisse*; cum ipse nobis caeremoniam Christianismo longe antiquiorem afferat, in qua nec ipse quidem mysterium quaesitum fuisse negat?

Sed unde quæso didicit D. de Vert Hebræos simili usos fuisse Baptismate, quis auctor illi est proselytos Baptizatos appellatos fuisse *regeneratos* &c. atque ab illis Jesum Christum, dum Nicodemum (a) alloquitur, sermocinationem illam symbolicam de nativitate spirituali mutuatam fuisse? Testem profert Seldenum elapsi sæculi ex Anglia hæreticum. Præstans equidem & eximium vadimonium? Cur ei non adjunxit auctorem (b) alterum præfato adhuc recentiorum, qui in eundem impigit errorem? Quamquam nec sic quidem quidpiam firmitatis, & ponderis sententiæ suæ adjecisset. Contra hos ipsos enim auctores æque, ac contra D. de Vert assero nulli fundamento, nullique rationi innixam esse conjecturam illam, quæ Judæis Jesu Christi tempore viventibus morem tribuit recipiendi per Baptismum proselytos cum illis mysticis expressionibus: *Novæ vitæ, & nativitatis spiritualis*, aut illis: *regeneratorum, & regenerationis*.

Edicant primo an ex tota lege Mosaica, aliisque veteris testamenti libris

(a) Oportet hominem nasci de novo &c. Nihil quæ renatus fueris ex aqua, & Spiritu Sancto &c.

(b) Introductus in scripturam Sacram Luc. 6. 16. editionis anni 1709. in 4. pagin. 11.

Joan. 3.

libris vel leve hujus ritus vestigium eruere queant. Cerno quidem omni tempore Proselytos receptos fuisse. Raab Hiericuntinam, Ruth Moabitam, Achior Judithæ tempore, universam Idumæorum gentem, regnantibus Machabæis. Verum circumcisionis solum, nunquam Baptismi, & regenerationis illius spiritualis occurrit mentio. Edocet me Evangelium, S. Joannem peccatores baptizasse; aut peccatores hos Hebræos fuisse quis dubitat? cum fuerint Pharisei. Et quamvis concederem eum gentiles quoque baptizasse, ubi innuitur, eos compellatos fuisse: *Homines novos, infantes regeneratos, nova natiuitatis*? Evidentissimum argumentum eos terminos Judæos ignorasse inde elicitur, quod (a) Nicodemus hunc Christi sermonem penetrare nequiverit, licet magister fuerit in Israel instructus mysteriis suæ Religionis. Si hic loquendi modus Judæis fuisset communis, ane Phariseo huic, & magistro in Israel mirabilis, & peregrinus hic Salvatoris nostri sermo videri potuisset? Incausum a me nuper citatus auctor probare laborat, Jesum Christum eum ideo arguisse, quia quod scire debuerat, ignorabat. Ratiocinatio enim hæc violenter sensum detorquet. Nec Jesus Christus ideo eum reprehendere videtur, quod illum lateat quod omnibus patebat; sed miratur, quod licet Doctoris & Magistri dignitate ornatus sit Nicodemus sermonem spiritualem probe non intellexerit, imo tam crasse, tam carnaliter verba Christi acceperit, ut sciscitaretur, an necesse sit, ad infantis ætatem, & matris sinum regredi? Dicit etiam, & forte solidissimo fundamento, posset, Jesum Christum hæc non aliam ob rationem in medium protulisse, quam ut inflatam Doctoris superbiam confunderet, & demonstraret complura profundissima esse mysteria, quæ intellectus sui aciem quam longissime supergrederentur. Et hoc SS. PP. est judicium. S. Augustinus, & S. Cyrillus apertis declarant verhis: *Non novisse eum nisi animam natiuitatem ex Adam, & Eva, ac spiritualem natiuitatem non intellexisse nec quidquam ultra res humanas cogitasse*. Si ergo hæc de natiuitate spirituali opinio jam tum stabiliata, communisque fuisset, ane rem tam tritam, tam patulam, tam notam omnibus magister in Israel ignorasset? Constat igitur nequaquam in Libris Sacris, quærenda esse argumenta, quibus hæc fulciantur conjecturæ. Ubi ergo quærenda? An in Josepho? An in SS. Patribus? Verum enim vero neque Origenes, nec Julius Africanus, nec S. Hieronymus, nec Julianus Toletanus, nec ullus eorum, quibus penitior rituum Hebræorum fuerat cognitio, ullam de fabuloso hoc Baptismate mentionem injiciunt. Quis jam in animum inducat suam consuetudinem hunc virorum istorum scientiam præterfugisse?

Obijciatur mihi quidem Rabbini Moysis (b) Maimonis filii auctoritas, aut adijciunt licet Rabbini etiam Israelis testimonium, non tamen plus firmitatis D. de Vert causæ addidissent. Cujus enim ponderis sunt auctores

Introd. p. 73.

Aug. in Joan.
Cyrill. Alex. in
Joan.

Jesu

(a) Non mireris, aut divi tibi, oportet
per vestri deum. Spiritus ubi vult spirat, &
vocem eius audis, sed nescis unde veniat, aut
quo vadit. Sic est spiritus, aut natus est ex
solis deo. Respondit Nicodemus, & dixit ei: non
modo possunt hæc fieri? Respondit Jesus, & dixit

ei: tu es magister in Israel, & hæc ignoras? Joannes Capite 3.

(b) Maimonides in Libro suo de prophetie expo-
sitione a P. Lamy L. 1. C. 1. sua introductione.
Rabbi Israel in Libro de anima apud Grotium in
S. Joannem.

Jesu Christi, & baptismo undecim seculis posteriores, qui de moribus solum sui temporis sermonem faciunt, quique ritus extra omnem dubitationem a Christianis desumptos scriptis suis immiscunt. Satius vobis sunt recentes, ac modernæ hæc auctoritates, & Jesu Christo hanc tollamus gloriam, quod primus nos docuerit nobilissimum hoc spiritualis regenerationis mysterium, quodque primus æconomiam hujus spiritualis ac recentis vitæ describeret quam in Baptismo accipimus.

Tribuamus nihilominus D. de Vert ab Hebræis eo jam tempore profelytos per quamdam Baptismatis speciem in synagogam receptos fuisse: An inde consequitur sanctum Jesu Christi Baptisma unam, eandemque esse ceremoniam quam ex Judæis Jesu Christi adoptaverit, ut unum ex suis Sacramentis institueret? Et regenerationis, nativitatisque spiritualis vocabula ab iisdem mutuatum esse? Minime quidem.

Primo enim, quis unquam crederet Jesum Christum pro janua, per quam ad novam suam religionem aditus pateret, electurum fuisse eandem ceremoniam, per quam ad legem Moysis accedebatur quæque primam Judaismi exprimebat professionem. Cum ipse ad abolendam legem venerit, & Apostolis sanctoque Paulo hæc verba inspiraverit. *Si legem observaveritis, Christus vobis nihil proderit*. Adoptasset ne hanc ceremoniam iisdem circumstantiis, iisdem expressionibus, iisdem verbis?

Quid dein aliud hæc tam vehementer venditata Judæorum regeneratio fuerat, quam inane nomen, & metaphorica expressio, quæ nulla vi, nulla soliditate pollebat, & in externa solum adfinitiaque consistebat denominatione? Quis igitur spirituales per Baptismum imperitam regenerationem tam alte a dignitate sua dejicere audeat, ut eum inefficaci illa Judæorum confundat regeneratione? Nequaquam enim verbo tenus solum regenti sumus. Solidius longe, teste S. Joanne, in nobis operatur hoc Sacramentum: *Videte qualem charitatem dedit nobis Pater, ut filii Dei nominemur, & simus*. En splendidissimum illam Christianorum regenerationem quo nunquam Religionis Judaicæ virtus eniti potuit.

Epist. S. Joan.
1.3.

Ast quomodo id efficiatur. Forte sciscitabitur quispiam. Non piget hic diligentius explanare quod jam antea exposui: per unionem itaque & si dicere fas est, per identitatem, quam cum Jesu Christo contrahimus ad summam hanc dignitatem pervenimus. Unum post Baptisma cum illo componimus corpus, unam personam mysticam; in illo, & cum illo filii efficiamur Dei. Eadem, quæ illum nos pariter animat charitas. Idem spiritus actiones vitæ spiritualis in nobis dirigit. Vita, quam nobis elargitur, a sua nihil prorsus differt, & hæc vita nobis nova est, quia toto cælo distat ab illa terrestri, quam ab Adamo recepimus. Sic autem novam obtinere vitam, an non verissime nova dici debet nativitas? In hac veram nascimur infantiam, quia secundum spiritum eundem assumimus innocentie statum, qui infantie naturali contingit. Infantia enim naturalis, uti notum est, in simplicitate intellectus necdum ratiocinantis versatur, in debilitate membrorum, quæ per motus aliunde impressos operatur, & in puritate cordis, quæ omni caret malitia. Illic status est Christiani Jesu Christo per Baptismum inserti, &

ti, & in illo regeniti. Intellectus submissus jugo fidei hebeti suo renuntiat lumini, neque alium in vita gratiæ agendi sibi præfigit scopum, quam Jesum Christum, animaque salutaribus undis mundata omni malitiæ, quam naturæ corruptio cordi nostro instillavit, nuntium remittit.

En veram regenerationis spiritualis naturam. En mysteria quæ Rabbiorum, & Judæorum ingeniis numquam perspecta fuisse illosque etiam semper latebunt, qui Rabbiorum, qui omnia tanquam oracula adorant, ac cæcis his utuntur ductoribus. Si inscioli quidam hæc mystica appellant, sciant nostram his mysteriis innixam esse religionem: cum universa morum doctrina apud nos in depositione & morte veteris hominis, ac in renovatione spirituali cordis per participationem Resurrectionis Jesu Christi sita sit. Quod si etiam eruditi aliqui inveniuntur, qui cum D. de Vert omnem sermonem mysticum parvi faciant metuunt sane ne in eorum adscribantur numerum, de quibus scriptura ait: quod semper studeant, & nunquam ad scientiam veritatis perveniant.

§. XX.

*Novi Domini de Vert errores circa extremam
Unctionem convulsi.*

Idem innixus principiis de Sacramento extremæ Unctionis ratiocinatur D. de Vert. Intuere, quæ de hac in operis sui tomo secundo ediderit. Probaturus itaque exemplis nonnulla verba certis quibusdam cæremoniis gestibusque originem præbuisse, omnia tempora, secula, cæremoniis cunctas confundit, divinasque institutiones, cum recentissimis inventis commiscet. Ferme inter ultima recentiorum temporum inventa collocat extremam Unctionem. En quibus verbis de ea loquatur: *uti in precibus quæ super infirmos effundebantur solatium aliquod ipsorum morbis a Deo efflagitabatur ita semper medicinæ quadam ad leniendum dolorem, atque inter ceteras Inunctio olei affectis infirmorum membris adhibebatur... quæ consuetudo ab Judæorum traditione originem traxit... qui Unctionem, de qua nobis sermo est, verbis addidere, præsertim si inter preces leniendi sermo occurrisset.* Et in margine: *non latuerat Hebræos, oleum lenire, penetrare, & corroborare membra, sopire dolores, & in partem pharmacorum, quæ sanitatem restitunt, venire.* Hæc D. de Vert de Sacramentis nostris est mens, sic illa deturpare conatur, dum ea nobis contemplanda proponit ut remedia origine naturalia, actionesque phycas ac si in Sacramentis instituendis Jesus Christus hoc unice præstiterit quod in Ecclesia sua rudes quasdam retinuerit actiones, quas natura suaserat necessarias.

Si Sanctis Patribus ac Theologis acquievisset, id unice asseruisset Jesum Christum ut se ad rudem hominum captum accomodaret, plerumque in instituendis Sacramentis hujusmodi materiam delegisse, quæ cum effectu Sacramentorum aliquam similitudinem haberet. Dixisset aquam naturæ suæ ad sordes abluendas comparatam præclare in symbolum internæ purificationis quam in Baptismate assequimur adscitam fuisse; fu-

H

cha-

T. 2. c. 1. p. 66.
Viletiæ p. 175.
176.

charissimam quotidianum animæ cibum futurum optime sub speciebus panis institutum fuisse, iisdemque de causis oleum leniendi virtutem prædium optime delectum fuisse ad exprimendam internam dulcedinem, qua unctio gratiæ infirmam perfundit animam. Verum huiusmodi explicatio nihil arridet D. de Vert, nimis enim symbolica est. Symbola vero ac mysteria ita refugit, ut ne in sacramentis quidem illis esse locum patiatur, atque adeo nobis persuadere conatur Unctionem extremam tanquam pharmacum naturale & physicum, ad imitationem Hebræorum a Jesu Christo adoptatum fuisse. Imo iisdem principiis inductus videtur contendere affecta infirmitate membra hoc in Sacramento ungi debere.

Quam facile autem, quamque claris argumentis D. de Vert demonstratur, Jesum Christum in institutione hujus Sacramenti nunquam in animo habuisse levamen naturale, & physicum quod ab externa Unctione infirmis afferri posset. Si hunc sibi præfixisset finem, an levein, & cuicumque corporis parti applicatam Unctionem ad Sacramenti effectum sufficientem credidisset? Cum certe hac ratione adhiberetur oleum nullam naturaliter opem adferre queat. Sed concedatur mihi, ut forma syllogistica utar. Clarius enim patebit hujus argumenti vis. Jesus Christus instituendo hoc Sacramentum principaliter ad essentielles suas partes respexit: est cunctorum Theologorum consensu materia essentialis hujus Sacramenti consistit in Unctione in quocumque corporis membro, & quancumque quantitate impertita: igitur Jesus Christus instituendo hoc Sacramentum ad Unctionem in quocumque corporis membro, & quancumque quantitate impertitam principaliter respexit, eique totam Sacramenti vim, & efficaciam adjunxit. Jam cum unctio hac ratione applicata nullius utilitatis physicæ, nullius opis naturalis ad levandum infirmum esse possit; necessario consequitur Jesum Christum in eligenda Unctione pro materia hujus Sacramenti nullam physicæ, & naturalis utilitatis rationem habuisse.

Ego certe ratiocinationem hanc ita solidam arbitror ut quid opponi possit, omnino nesciam. Addamus nunc aliquas animadversiones ad verba S. Jacobi qui nos hujus Sacramenti praxin edocuit. Ait ille: *infirmatur quis in vobis &c.* (a) Patet primo, hic Apostolum de omni infirmo loqui, atque universa morborum complecti genera. At anne Unctio omnibus infirmitatibus inservit? An non reperiuntur aliquæ, quibus plus mali, quam utilitatis affert? Nociva profecto esset hydro-pico, & quorundam vulnerum sævitiam irritaret magis, quam sedaret, ut experientia teste edocemur. Committit dein hoc munus Presbyteris. At cur Presbyteris, & non promiscue omni hominum generi hoc negotium concessum, si Jesus Christus utilitatem solum physicam & pharmacum naturali in salutem ægrotorum emanantem respexit? Dicit denique: *Oratio fidei salvabit infirmum*. Cur idem non de ipsa Unctione asserit, si ea absque oratione ad sublevandam, aut salvandum ægrotum sufficit? Non credo hæc D. de Vert accuratius perpenderit qui tam negli-

gigens

(a) *Infirmatur quis in vobis? Inducit Presbyteri Ecclesiæ, & orant super eum, unctos si in peccatis eris, remittentur ei. Epist. Jac. tum oleo in nomine Domini, & oratio fidei sal-* cap. 5.

gligens, tamque incurius Sacras pervolvit litteras, ut in S. Paulo quæpiam invenisse opinetur, quibus queat mulieribus crines suos rescindentibus, & viris adscititios capillos gerentibus criminis notam inurere. Securus quippe nobis jactare audeat: *esse contra Apostoli præceptum quod viri scilicet capillorum adminiculo crines longissimos gestent, famina vero eos penitus refecent.*

§. XXI.

Mens Ecclesiæ sæculis Apostolos consequutis circa sacras cæremonias. Hæc mens est symbolica, & symbola sunt nutrimentum, & effectus Fidei.

Post veteris, & novæ legis testimonia, post Jesu Christi exemplum; post Apostolorum effata, nihil validius contra D. de Vert proferri posse censeo, quam perpetuum Ecclesiæ usum. His armis in illum utar, ac primum Ecclesiæ sponsæ Jesu Christi mentem explicabo, atque illas ipsas cæremonias adducam, quibus ad tuendum suum systema D. de Vert abutitur. Sed statim principia quædam statuamus, quibus nostra argumenta innitantur. Spero enim facilius ita impugnatum iri hostem qui nunquam certa principia aut cognovit aut adhibuit.

Ecclesiæ igitur ad cæremonias suas instituendas hoc solum sine permuta fuit, ut aut preces decentibus conjungeret gestibus, aut decore necessitatique satisfaceret, aut utilitati, commodoque studeret? Id quidem D. de Vert nobis persuadere intendit; verum an idem etiam a traditione ediscimus? Regrediamur ad prima Ecclesiæ sæcula; perferutemur SS. Patrum scripta. Eadem ubique occurret mens, idem finis: ut cultus videlicet supremi numinis aut majestate augustior aut ad instituendos populos aptior redderetur. Deus in veteri id præstitit lege, in qua universa vel ad symbola, vel ad magnificentiam referebantur. Ita namque impolitum illud vulgus intra rectos obsequii, venerationisque limites coerceri, ita plebeculæ rudis ignorantie subveniri debuit. Quis jam credat nationes christiana amplectentes sacra ita statim a sensuum defœcari illusionibus, ita in sanctitatis, & veritatis semita illuminari, ut nullo symbolorum egeant adiutorio? Symbolorum, inquam, quæ mystica quadam eloquentia pollentes reiteratis sæpius sacrarum cæremoniarum spectaculis præcipua Fidei dogmata fidelium animis tam vivide imprimunt, tam clare explanant, ut idem a Pastorum sermonibus vix sperandum sit. An Fides in illis tam viva, an religio tam perfecta, ut absque exterioris hujus pompæ, statuumque rituum ope erecti, firmique stare valeant? Non hæc S. Augustini fuit opinio, cum dixit: *In nullum nomen religionis homines posse coagulari, nisi aliquo signaculorum, vel Sacramentorum visibilium consortio colligantur.* Dumque reperit in symbolis mysticis (a) admirandam eloquentiam, & doctrinam salutarem intellectui rudium populorum accommodatam: atque ad excitandum fervorem in

L. 19. cont. Faust.
c. 11.

H 2

eorum

(a) Si qua figura similitudinum ducuntur ad dispensationem Sacramentorum eloquentia quadam est doctrina salutaria, movendo affectus

dicentium accommodata Gr. Aug. Epist. ad Januolium 117; nunc 55. cap. 7. n. 13.

Aug. I. de liber.
Arbitrio c. 10.

Conc. Trid. sess.
21. cap. 3.

eorum animis, & ad elevandum spiritum a terrenis ad caelestia aptissimam; dum denique conqueritur *de tristis sorte, ad quam natura humana redacta est, ut non nisi per conjunctiones rerum visibilium, ad intelligenda invisibilia exitatur*. Huic innixum fundamento statuisse videtur Concilium Tridentinum decretum illud assertis meis tam praeclare favens, & systemati D. de Vert tam vehementer contrarium. Sic ait: *Cum natura hominum ea sit, ut non facile queat sine adminiculis exterioribus ad rerum divinarum meditationem suffolli: propterea pia Mater Ecclesia ritus quosdam . . . instituit, caeremonias item adhibuit, & mysticas benedictiones, lumina &c. . . quo & majestas tanti sacrificii commendaretur; mentes fidelium per haec visibilia religionis, & pietatis signa ad rerum altissimarum, quae in hoc sacrificio latent, contemplationem excitarentur*.

S. Cyprian. de
Orat. Domin.

Ex sententia igitur Ecclesiae debilitata, & languens nostra Fides a caeremoniis mysticis robur, & virces recipit. Sed quid si fingam fidem nostram tam vivam, tam incontaminatam, ut nec Apostolorum tempore purior inventa fuerit: an propterea illi aut contemnenda, aut negligenda est symbolica illa caeremoniarum Ecclesiae eloquentia? an non magis omni desiderio symbola tum maxime expetere debet, quum vividissima floret; ut affectus, quibus animatur, eo efficacius, exprimat; cum enim homo corpore, & anima constet, atque utriusque tribuorum Deo pendere debeat: Fides ipsa praecipit, ut internis cordis affectibus, externum corporis adjungat obsequium, quod certa membrorum compositione, decoroque corporis habitu praestatur. Sive id demum commodum nobis, sive molestum accidat. Cypriani ipsa alloqui mihi videtur verbis: *Non sufficiunt cordis suspiria, non affectus. Placendum est divinis oculis, & habitu corporis, & modo vocis*.

Tom. 1. pref.
p. 12.

Fides, & viva quidem Fides est, quae animum meum inspirat, quae voluntatem meam acripit, quae affectus meos inflammat, ut ante Dei mei altaria supplex procidam. Non vero simplex ac rudis sonus (a) vocum harum: *Supplex, aut supplicii aut adorare aut descendit &c.* me ad id permovet: sicut D. de Vert contendit. Desiderium humilitatem cordis humilli hoc corporis habitu Deo exhibendi vera externae meae adorationis causa est. Fides viva me excitat, ut inter orandum palmas, & oculos in caelum extollam, neque id hoc solum sine agendum fuscipio, ut gestibus his verborum precationis meae sensum declarem, verum etiam, ut exprimam vehementiam desideriorum meorum, quae se offerunt versus Deum, juxta S. Augustinum (b) ad me excitandum, ut gemam ferventius, atque orem utilius. Fides viva me adhortatur, ut altarium cultui, & Sanctorum Hispanorum ornatui impendam, quidquid pretiosae suppellectilis, quidquid serici muricis, auri, operisque phrygii tenco; Non vero *Ut Sanctorum ossa hoc ornatu occultentur; qui ornatus* (ait) *nisi ad hunc finem adhiberetur omnino inutilis confendus esset,*

(a) D. de Vert. Tom. 2. p. 149., & 155. Haec caeremonia, videtur ex fovea quo ad verbum illud desiderii auri percolatur.

(b) Omnes genus figunt, extendunt manus,

vel prosternuntur solo, et hoc magis se excitat homo ut oratum, committuntur humilitas, atque ferventius. S. August. I. de cura pro mort. cap. 3.

set; sed e contrario, ut ea majori cum decore populorum exponam venerationi, D. de Vert artificum operam fugillat, (a) qui apparatus, & vestimenta sacra acu pingunt, atque ditant, ego vero laudibus extollo pietatem fidelium, qui pretiosissima quæque impendunt, ut honorent, quod maxime in terris sanctum est.

Viva Fides me incitat, ut in solempni Passionis Jesu Christi enarratione illo in loco vehementius commovear longiusque sistam, ubi lugubris suæ mortis mihi objicitur memoria. Si hoc momento pectus percussio, aut si in terram me conjicio, si juxta Prophetam *Os meum in pulvere humilio*, si solum exosculor; fervore, quem pietas mihi instillat, abrior: nec ab indignatione mihi temperare queo, dum D. de Vert dicentem audio, se his in actionibus nihil aliud videre, quam expressam rudi gestu significationem vocis *Expiravit*. *Ad hoc verbum* (inquit) *in terram procumbunt; inclinant, & dimitunt caput eos imitaturi, qui expirant, & mortui concidunt*. Sic ille sanctissimam cæremoniā in ludum, comœdiamque detorquet.

Tom. 2. p. 110.

§. XXII.

Mens Ecclesiæ circa cæremonias, traditione, & omnium Sanctorum Patrum suffragio confirmata.

Cæremoniæ igitur aut ex ipsa Fide scaturiunt, aut debilitatam, & languentem fidem corroborant, atque erigunt. Sub hoc aspectu nobis considerandæ veniunt, nec officit quod cæremoniæ si acceptæ mysteria ac symbola contineant, quod enim sic accipiendæ sint, hic SS. Patrum communis consensus; hoc universæ Ecclesiæ constans fuit judicium. Legantur Sanctorum Pastorum scripta, pervolvantur Conciliorum decreta, inspiciantur Liturgiæ Ecclesiarum, Christianorumque populorum Ritus; omni in loco amplissima asserti mei occurrent argumenta. Patebit Ecclesiam, sedatis persecutionum fluctibus, quo majores in asserenda sibi libertate progressus fecit, eo diligentiorē curam in ornandis, illustrandisque cæremoniis impendisse. Constabit eam, secundum divitiarum suarum incrementum, magnificentiam etiam altarium auxisse, ut cultum sponsi sui magis venerandum redderet; si vero Fidem, devotionemque languescere vidisset, eam nova ad illam excitandam introduxisse instituta. Omnibus prorsus sæculis, omni tempore reperiantur, quæ D. de Vert tantum displicent, id est, allusiones mysticæ, repræsentationes figuratæ, actiones symbolicæ, uno verbo ritus, & cæremoniæ a sola ratione mystica aut morali dictatæ.

Sic discimus ex S. Justino, amplexum mutuum tempore sacrificii dari solitum ad exprimendam pacem, & charitatem, quæ fidelium cordibus inesse debet. Pœccit nos (b) S. Clemens Pontifex Maximus præscriptum fuisse, ut Ecclesiæ in longum ad formam novis extendantur, ac Orientem

S. Just. apol. vulgo 10.

(a) *Vix amplius tanquam vestimenta missica, et Deo sacra considerari oportet, sed et manus, et que concessum sibi arbitrantur phrygia et cæ-*

nave opere, et aureis, argenteisque fimbriis decorare &c. Tom. 2. p. 110.

(b) *Constit. Apost. l. 2. c. 57.*

tem respiciant. Ac S. Clemens (a) Alexandrinus Presbyteros, & Diaconos ideo Episcopis sacra facientibus assistere, ut adstantes Numinis throno Angelos effigrent.

Monet nos Tertullianus (b) quod olim non sublati tantum manibus, sed etiam expansis brachiis fideles Deum precati fuerint, *ut scilicet corporis habitu Salvatoris nostri passionem adumbrarent.*

Monet nos S. Dionysius (c) quod sensu hoc mystico: *Pontifex, & Presbyteri aequè coram sacris signis ac coram ipso Jesu Christo extrema digitorum suorum abluant, cum illi intima cogitationum nostrarum secreta pateant.*

Monet nos S. Cyprianus (d) quod in oblatione mystica aqua vino misceri consueverit ad exprimendam unionem Jesu Christi cum gentibus, & quod fideles matutinis horis convenerint ad honorandam Jesu Christi resurrectionis memoriam.

Monet denique S. Athanasius (e) eadem fide Sacro Altari osculum infigi, qua mulier Evangelica Jesu Christi vestimenta tetigit.

Invenimus in Concilio Tyri (f) Episcopos tunicas sibi proprias gestasse, & coronas, quæ caelestem gloriam suæ dignitatis indicarent.

In Synodo Laodicena (g) usum stolæ superioribus reservatum Ministris, atque eundem Lectoribus fuisse prohibitum.

Reperimus in S. Cyrillo (h) Hierosolymitano, quod si Diaconus celebraturo Pontifici aquam ad lavandas manus porrigat, id non fieri ut fordes manuum detergantur, quæ jam ante accessum ad Altare mandata fuerant, verum ut ei puritas cordis ob oculos collocetur, quam ad sacra mysteria accedentem afferre oportet.

In S. Paulino (i) fideles admonentur his in locis necessariam animabus purificationem querendam esse.

In S. Chrysostomo: quod Imperator cum Evangelium recitaretur humilitate ductus diadema capiti dempsit, quodque Altaris ministri congruis cujusque muneri vestibus, iisque candidis ad significandam cordis puritatem induti fuerint.

In S. Hieronymo (k) quod Evangelii tempore toto in Oriente meridiano Sole incensæ fuerint ceræ faces in signum obsequii mysticum, & lætitiæ testimonium.

In S. Ambrosio, quod sub aris Martyrum corpora recondita fuerint, ut ita significaretur charitatis victimas in unione Jesu Christi omnium victimarum primæ, & excellentissimæ immolatam cecidisse.

In S. Augustino (l) quod mystica subest ratio, cur quandoque *Alleluja* solemnî pompa præcinatur, quandoque vero penitus omitatur.

In Cassiano, quod Monachi exutis pedibus sacram cœnam adiverint.

(a) L. 6. Stromm.

(b) L. de jejun. *Non vero manus non tantum abstulimus, sed etiam expandimus: divinam passionem modulantes.*

(c) L. de Hierar.

(d) Cyprian. Ep. 47.

(e) S. Athanas. hom. adversus eos, qui hum.

(f) Euseb. lib. 10. hist. cap. 4.

(g) Concil. Laodic. Can. 22.

(h) S. Cyrill. Hierosol. Catech. 3.

(i) S. Paulin. Epist. 33.

(k) Hieronym. contra Vigil.

(l) S. Augustin. in Psalm. 106.

rint, ut eandem Deo exhiberent venerationem, quam Moyses Numini in ardenti rubo sibi comparenti exhibuerat.

Reperimus in universali Concilio Ephesino (a) Evangelii codicem in thronum fuisse collocatum, ut Patres, teste S. Cyrillo, congregationis hujus caput Jesum Christum declararent.

Reperimus ulterius eandem circa cæremonias mentem in cunctis antiquitate præstantissimis liturgiis S. Petri, S. Jacobi, S. Marci, S. Basilii, S. Ambrosii, & S. Chrysostomi quæ profecto vetustissima religiosi Ecclesiæ cultus sunt monumenta. Omnia in illis scatent ritibus mysticis, symbolicisque cæremoniis, quarum mens; & mysteria ex adjunctis precibus clarissime eruuntur.

Reperimus demum Synodos, (b) qui Pastoribus enixe præcipiunt, ut edificando sensui mystico Ecclesiæ rituum sedulo incumbant. Siquæ altius regrediamur, incidemus in Origenem, (c) qui diligentissimam impendit operam penetrandis mysteriis, quæ Eucharistiæ, & Baptismatis cæremoniis includuntur.

En quæ in antiquissimis Religionis nostræ monumentis occurrunt. En veram cæremoniarum mentem, quæ Ecclesiam primis quator Ecclesiæ sæculis moderabatur, pulcherrimo illo Christianismi ævo, in veneranda illa luce, cujus fulgorem hebetes D. de Vert oculi inspicere nequiverunt. Incautum ille ogganniet: *Santos Patres plus nimio allegoriis inhaesisse*. Hos ego Magistros in edificando vero Religionis sensu, mysteriorumque mente elegi. Novus hic post septemdecim sæcula in scenam prodians homuncio non equidem me a tam puris avocabit fontibus, & secum ad turbidos suos, lutososque abducet rivulos. In vanum conglomerabit ex modernis excerptorum cumulum. In vanum adducet rudes quorundam ignorantia plenorum sæculorum ritus, ac contemnendas omnium ignobilium illorum pagorum, & villarum consuetudines, quas peregrinando invisit. Misera enim hæc argumenta, ut nubeculæ a claro sole dissipantur, a constanti Sanctorum Patrum traditione nullo negotio dispellentur.

§. XXIII.

Demonstratur vera Ecclesiæ mens ad singulas descendendo cæremonias. Diversi errores D. de Vert convelluntur.

Et de Ritibus Baptismi, ac veste Neophytorum candida describitur.

Verum ut D. de Vert satisfaciamus, aut potius ut eum majori rubore suffundamus, validiusque convincamus, non tam arctis constringamur finibus; liceat nobis ab universalioribus argumentis ad singularia descendere, & minutim methodum in examen revocare, qua ille

in ex-

(a) Concil. Ephesin. apolog. ad Theod. T. 2. Concil. p. 1044.

(b) *Necnon et ipse Sacramenta, quæ in Missa; vel Baptismo, vel in aliis Ecclesiasticis*

Officiis visibiliter conspiciuntur eisdem spiritualiter significant, Audet ut. Concilium Cloveshovin.

(c) Origenes T. 1. homil. 3. in numer.

in explanandis cæremoniis utitur. Ipsius enim commentis erroribusque singillatim patefactis facillimum cuique accidet & dignum de ejus principiis judicium ferre, & sibi de ejus conjecturis cavere.

Inter præcipuas maximeque venerandas religionis nostræ cæremonias merito eæ collocantur, quæ Baptismatis Sacramento adhærent; quarum institutionis licet non certa determinari queat epocha, usus tamen vetustissimis Ecclesiæ stabilitur monumentis; & ipsius originis tanta est antiquitas, ut S. Augustini sententia, ab Apostolorum traditione repeti debeat. Quis jam unquam credidisset illas ipsas cæremonias esse, quas D. de Vert significationibus mysticis spoliare contendit? Quas universi SS. Patres tamquam unicam ipsarum institutionis causam semper habuerunt.

Ita nihil apertius, nihil frequentius in traditione expressum reperitur, quam vestis illa candida, qua recens baptizati inducebantur. Eusebium testem de niveo, quo Constantinus Baptismatis sui die operiebatur, amictu decupletem testem habemus. Allusio mystica candoris vestium, cum puritate animæ, quam sacro Baptismatis fonte initiandus assumit, illico se intellectui nostro objicit, atque Ecclesia id clarissime declarat ministri sui verbis, quibus in impertiendo Neophytis (a) hoc indumento utitur. Jam allusio hæc mystica tanquam sola, unicaque institutionis causa a SS. indicatur Patribus. Ita S. Cyrillus (b) Hierosolymitanus, ita S. Hieronymus, (c) ita S. Ambrosius (d) ita S. Augustinus (e) loquuntur. Lex etiam Valentiniana (f) contra spectacula, hujus rei abundantissimum præbet testimonium. Quid de his D. de Vert? Doctior nempe in retroactorum temporum vetustate ipsis SS. Patribus, meditationes has appellat mysticas, multumque a prima sua institutione distare contendit, præstantiorem longe nobis horum causam edit. Necessè videlicet fuisse, ut recens abluti ex sacro lavacro exeuntes linteis abstergerentur. Quibus dein candidæ substituta toga, ac significatio mystica adjecta est. *Hinc multum* (inquit) *a veritate alienum videtur, quod linteæ involvendis, ac detergendis membris recens baptizatorum olim adhibita, brevi postea in vestem candidam transmutata fuerint.* Quid autem, an transmutatio hæc fortuito facta est? Verum vestigiis ejus insistamus: *Rectius* (ait) *dicendum quod vestitus, qui porrigitur simplex fascia est, quæ conservandæ nutritioni cbrismatis inseruit.* Et in apostilla: *Hoc prorsus modo ad evitandam S. Cbrismatis profanationem, fascia in confirmatione fronti circumdatur.* Ac ulterius prosequitur: *Hæc fascia antiquis successit linteis, quibus Neophyti a Patribus suis involuebantur.... Huic albæ, sen indusio.... sensim sine sensu vestis ex lana contexta, aut panno candido confecta substituta fuisse vi-*

Tom. 1. p. 179.

Tom. 1. p. 189.
59. hæc.

Tom. 1. p. 191.

(a) *Accipe vestem candidam, quam imaculatam perferas ante tribunal Græ. Ritual. circa Baptism.*

(b) S. Cyrill. Hierosol. Catech. 2.

(c) Hieronymus ad Fabiolam.

(d) S. Ambros. de Myster. c. 7. *Accepti post hæc vestimenta candida, ut esset indicium quod exorcis involutorum peccatorum, indueris innocen-*

tiam castæ velaminæ.

(e) S. Aug. Serm. 223. *Inferat uti quæ cernimus exterius desolatas, interiorum mundatas, quæ candore vestium, splendorem mentium præfigurant.*

(f) Lex Valentin. *Caletis lumen lavandi infantis novam sancti baptismatis lucem vestimentis resplendat.*

se videtur, quæ demum inter religiosas sacrasque vestes adnumerata est . . . eodemque tempore effigurando innocentia typo ansam exhibuit &c. Itaque Ecclesiæ dignitatem quamdam, ac sensus mysticos ipsis vestimentis addidit quibus naturali necessitate suadente prodeuntes e baptismatis fonte Neophyti circumdabantur. Quis unquam dubitaret D. de Vert tam audacter hoc asserentem non firmissimis stipari rationibus? Attamen neque exiguum assertorum suorum producit argumentum: quinimo sibi ipsi, & conjecturæ suæ diffidere initio fingit, licet eam dein tanquam evidentem venditet veritatem. Videtur (ait) videtur tantum! Sed cui fundamento innitantur huiusmodi coniecturæ quibus nullum penitus antiquitatis monumentum suffragatur? Univerſi SS. Patres, quum indumenti huius mentionem faciunt, ejus institutionis causam mysticam assignant. Ex ipsis a D. de Vert adductis scriptoribus elucet, quod candidus ille vestitus a linteis ad detergendos Neophytos adhibitus distinctus extiterit. Qua igitur effroni temeritate D. de Vert omni testimonio, omni auctoritate destitutus universis SS. Patribus insultare audeat? Anne possibile nullum ab Apostolorum tempore ad nostram usque ætatem comparuisse, qui hanc linteiorum in vestes permutationem aut adnotasset, aut perpexisset? Non, nullus penitus reperitur. Solique D. de Vert post septemdecim sæculorum ignorantiam inventi hujus gloria debetur. Funeſta gloria, quæ in suum opprobrium, in suum dedecus recidit. Ast aliam magis adhuc peregrinam rem accipe.

Tom. 1. p. 379.

§. XXIV.

Ejusdem thematis prosecutio: De unctionibus in Baptismate receptis. Pudenda D. de Vert sententia.

Non minorem in nobis admirationem excitabunt ea, quæ D. de Vert de Baptismatis unctionibus fabulatur. Necesse hinc iterum erit stabilire, quod unctio hæc ex toto mystica non aliam ob causam instituta fuerit, quam ut recens Baptizati edoceantur se *Athletas, Reges, Sacerdotes &c.* creari quæ tria sunt præcipua unctionis mûnera? Hanc solam causam Tertullianus, S. Cyrillus, S. Ambrosius adducunt, atque hanc solam abundantissime sufficere arbitror. Cum mihi probe constet, quam periculosum sit ab expertis despectere ductoribus, & absque principis certis ratiocinari; verum nulloſ solida hæc documenta D. de Vert temeritati obices ponere valent, utque institutioni huic significationem eripiat mysticam, turpissimas, humillimasque ei affingit ideas. *Hæc unctio, inquit, nequaquam soli Ecclesiæ particularis fuit ritus. Sat enim, superque constat cunctis nationibus, Hebræis præsertim, & Orientalibus humectatas partes oleo ungenti morem fuisse. Cum aqua cutim exsiccet, & in rugas contrahat; unde unctio in Sacro Codice vix unquam a balneo disjungitur. Et in adnotatione: sic etiamnum pluribus in locis evenire videmus, ut femina post confectum linivium manus, & braccia oleo perungant, ad avertendas, ut ajunt, cutis rugas. Confirmat deinde*

Tom. 2. præf. p. 17. & 18. item p. 186.

ridiculum hanc annotationem Galeni testimonio : *Sive dein indecens visum fuerit ut hac caeremonia mulieribus adhiberetur sive ritus hujus rationes physicae & naturales in oblivionem abierint, aut a consideratione exciderint.... sive denique cessante immersione, & introducta superfusione capiti tantum consuli & praecaveri necesse visum fuerit; pedestentim hac chrismatis unctio ad solum caput restricta fuit.*

Advertere hic obiter juvat crassam D. de Vert ignorantiam, qui arbitratur baptismi immersionis eo jam tempore in consuetudinem abiisse, quo chrismatis unctio ad solum caput restricta fuerat; quod quarto videlicet saeculo eam obtinebat. Cum certam indubitatumque sit hunc ritum immersionis S. Thomae aetate in Ecclesia Latina viguisse adhuc, in Ecclesia vero Graeca nunquam cessasse. At revertamur unde discessimus. Quis unquam vel mente concipere potuisset, tantam Sacerdotis Catholici futuram impudentiam, ut caeremoniam sanctissimam tam turpiter prostitueret, & eam unctioni comparare auderet qua feminae post lotionem se contra lixivii acrimoniam tuerentur? At nec sic quidem omnia exhaustimus.

Duo erant, quae D. de Vert systema penitus subvertebant, unum auctoritas Sanctorum Patrum; alterum usus ipse hujus caeremoniae. Certum namque est, quod licet totum in immersione corpus lavatum fuerit, unctio tamen primis etiam Ecclesiae saeculis caput baptizati, aut unum, alterumve aliud membrum nunquam exceperit. Praeviderat D. de Vert hoc argumentum vehementer contra se facere. Si enim unctio : *ut naturalis cantela contra balnei effectus* : considerari debet, totum etiam corpus ungere necesse fuisset. Et hoc etiam est, in quo evinendo totus versatur. Verum vani, & irriti ejus conatus concidunt. Cum omni destituatur fundamento, & ipsa in partem suam allata testimonia contrarium evinceant. S. Ambrosius, & antea Tertullianus (a) apertis verbis enuntiant unctionem hanc capiti impressam fuisse. S. Cyrillus Hierosolymitanus frontem, aures, & pectus indicat, quibus Rituale Severi Antiocheni pedes, & manus adjungit. Authores hi equidem de caeteris corporis membris mentionem fecissent, si tum eorum unctio usa obtigisset. Itaque altum cunctorum SS. Patrum & Ritualium silentium solidissimo contra D. de Vert opinionem argumento est.

Nec expositio mystica omnium SS. PP. minus D. de Vert urserat : & profecto, quae porro ratione S. Cyrillum mendacii arguere liceat in suis ad Neophytos exaratis instructionibus, in quibus illos de sensu, fine, & causa caeremoniarum edocet? Aut S. Ambrosium, qui simili occasione ait : *Si quis sensum unctionis, quae Neophytorum fronti imprimitur, intelligere cupit, discere id illi necesse est ex illo loco Prophetarum sicut argentum &c.* indicans per hoc unctionem baptismatis unctioni Aaronis similem in Neophytis Sacerdotum quoddam designare. Alibi etiam addit, recens baptizatum quasi athletam inungi. Quae denique temeritate Tertulliano fulsitatis nota inuretur? Tertulliano, inquam, qui adeo proxime ab instituto hujus caeremoniae distabat, ut genuinam ejus mentem ignorare non posset. Qui tamen ipse unctionem hanc jam cum illa

(a) Signat illis in frontibus milles sunt. Tertull. lib. de Præscriptis.

illa componit, qua veteri in lege Sacerdotes consecrabantur, jam signo assimilat, quo milites in legiones adscribebantur? Nihil horum D. de Vert terret. Jam olim de mixtione aquæ in calice differens non erubuit S. Cyprianum significationis mysticæ hujus mixtionis primum inventorem statueret. Nunc eodem ductus spiritu idem de Tertulliano sentit. *Videtur* [inquit] *universam hanc cæremoniam jam Tertulliani tempore in allegoricam significationem traductam, & oleum, unctiōnemque tanquam rem mysticam, atque symbolicam consideratam fuisse, juxta temporum illorum indolem quæ passim & ubique ad symbola sensuque mysticos ferebatur.* Quid igitur, & hæc ne tamquam arbitrarie ac commentitiæ rationes habendæ sunt quæ ab indole ac mutabili temporum ingenio pendeant? Sancti igitur Patres non metuerunt pro mente Ecclesiæ populo venditare, quæ non aliunde quam ex genio sæculi, propriaque imaginatione defluerant? Dandum forte aliquid D. de Vert foret, si de Tertulliano solo sermonem faceret, verum de solidis tribus primis Ecclesiæ sæculis loquitur, quibus *passim ait affectatas fuisse significationes mysticas.* Verum enim vero si hic primorum trium seculorum mos fuit, nonne hunc etiam fuisse mos, sive ut religiosius loquar hunc verum Ecclesiæ spiritum fuisse dicendum est.

Tom. 1. p. 184.

Et sane hic fuit Tertulliani mos, hic omnium Patrum ejus temporis; verum & Tertulliano & reliquis SS. PP. præcesserat D. Paulus, dum panem (a) Eucharisticum pluribus frumenti granis constantem sub symbolo unitatis fidelium intuendum assumpsit. Præcesserat Petrus, qui faciente etiam D. de Vert, lac (b) Neophytis porrigebat ad effigurandam infantiam spiritualem ab hoc Sacramento productum. Præcesserat S. Joannes, dum vestem candidam, ac splendentem sponsi tanquam symbolum justitiæ SS. & incensa tanquam figuram præcum contemplabatur. Præcesserat denique ipse Salvator Noster qui pedes Apostolorum lavit, ut eis hoc symbolo necessitatem purificandi cordis demonstraret, neque igitur Ecclesia Jesu Christi sponsa diversam opinionem, diversam mentem habere potest. Consulat ille sibi cui hæc mysticæ significationes non sapiunt, quique cum D. de Vert effutit: *Causas, rationesque mysticas sibi non arridere, materiasque Liturgicas inspidas sibi videri, dum sunt mystica.* Aliam hic sibi quærat Ecclesiam. Nostra enim mysteriis & symbolis delectatur. Deus, & Jesus Christus exemplo fuere. Et ipsa hæc Ecclesia prædicta fuerat in figuris, edocta per parabolas; sua sacrificia, Sacramenta instituta sunt sub symbolorum involucri, & non nisi mysteriis (ut ita dicam) enutritur. Æquum igitur est, ut ipse ille spiritus ritus animet, ipse illa mens cæremonias dirigat, quæ cultum illius perficit.

Tom. 1. præf.
p. 13. 41.

(a) *Unus panis, unum corpus multi sumus omnes, qui de uno pane participamus.* Epist. ad Cor. 1.

(b) *Rationabile sine dolo lac concupiscitis.* Epist. Petri. 1. c. 2.

§. XXV.

Ejusdem rei prosequutio. De cereo accenso, qui Neophytis in Baptismate datur.

E Adem mente Ecclesia in manus recens baptizati cereum ardentem tradit, illum per Ministrum suum verbis istis alloquens: *Accipe lampadem ardentem &c.*

Rituale Cere-
mon. Bapt.

Primi SS. Patres, qui ritus hujus mentionem faciunt, non sub alia quam sub mystica imagine eum nobis repræsentant, & non alias quam symbolicas adferunt significationes. S. Gregorius Nazianzenus (a) originem ejus ad hæc Christi verba: *Sint lumbi vestri præcincti, & lucernæ ardentes in manibus vestris*. Eodem sensu S. Cyrillus (b) recens baptizatis dixerat. *Vos qui accendistis cereos Fidei vestrae symbola, studetis conservare lumen hoc*. S. Cyprianus, (c) S. Ambrosius, (d) S. Augustinus, (d) in eandem conveniunt sententiam, non aliam videlicet huic ritui tribuendo causam, quam mysticam; & meo quidem judicio eorum standum est testimoniis; cum illi primum de eo sermonem fecerint, neque quispiam melius mentem harum caeremoniarum callere poterit.

Tom. 2. P. 399.

Verum D. de Vert non tam facile se victum fatetur. Ita enim ait: *Et hoc hic multo recentior cæteris Baptismi ritibus videtur. Nam sicut vero similiter initio recens ille non alteri usui destinatus fuerat, quam ut Neophytis a lavacro ad Altare pergentibus prælucet, ita a primis temporibus, usque ad novum seculum non nisi ad ultimas Litanias accendebatur*. Et in nota marginali: *Recens baptizati accensum toto Missæ spatio tenebant cereum ... quia noctu Missa celebrabatur*. Obtestor Lectores, ut præter hallucinationes, quibus totus hic sermo scatet, animum paulisper ad cæteras manifestissimas contradictiones advertant. Primo enim, cur cereos hos Neophyti solum, & non alii etiam fideles gestant? Nonne eadem noctis caligine offundebantur & Catechumeni & presbyteri, qui Catechumenos ad Baptismatis fontem deducebant? Secundo si necessitas hos cereos accendere persuasit, cur ii non statim accendebantur, quam ab Altari ad Sacrum Lavacrum accederetur? Cur ad Litaniam extrema, cur ad reditum usque expectabatur? Jam tum nox, jam tum tenebræ omnia obsederant. Nec dissentit D. de Vert, cum concedat cereum paschalem eo jam tempore arsisse, & arsisse quidem necessitate ita exigente. In Alcuino etiam legimus communiter alta jam nocte dici solitas fuisse lectiones, quæ in Officio hujus diei benedictionem sacrorum fontium præcedebant. Si igitur nocturnis hæc peragebantur horis, lumen æque expetebatur in aditu, ac in recessu. Quod cum in accessu ad Baptismatis fontem non accenderetur, id manifeste ob rationem symbolicam factum est quam ipse Amalarinus a D. de Vert in cassum in suam

Alcuin. aut qui-
libet alius Au-
thor lib. de Of-
fic. 19.

(a) Greg. Naziana. homil. de Baptism.

(b) S. Cyrill. Catech. 1.

(c) S. Cyprian. Ep. 2. Cereum hunc accensum
hæreticis ad fugandos Dæmones numero;

quod ille appellat, flagris cadere, igne terrore.

(d) S. Ambros. ad Virg. Lep. c. 3.

(d) S. August. in Psalm.

in suam partem detortus affert; videlicet cereos non ante debere accendi, nisi cum lumen Spiritus Sancti Neophytorum corda purificaverit: *Postquam enim Spiritus Sanctus purgaverit corda Neophytorum tunc illuminabit corda eorum.* Ita enim error sibi ipsi opponitur, & propriis nullo negotio conficitur armis.

L. de Eccl'es. Of.
lit. c. 24.

§. XXVI.

*De usu cereorum in Ecclesia Jesu Christi. Confusatio
D. de Vert, & caterorum, qui originem ejus
necessitati adjudicant.*

Cum quæstionem de usu cereorum in Ecclesia attigerimus, haud abs re futurum arbitror, si illam accuratius pertractandam suscepero, fidemque meam exsolvero, quam de penitus excutienti hoc ritu interposui. Accedunt huc D. de Vert imposturæ, & ludææ conjecturæ, quæ me ad assumendum hoc onus etiam invitum compellunt. Illius quidem sententia cerei in origine sua neque ut signa obsequii, quod Deo reddimus, neque ut symbola mystica charitatis, & Fidei considerata veniunt. Nec eos alia de causa adhibitos opinatur, quam quod preceæ noctu dici solitæ necessario luminum opem expetierint. Hinc processisse ait, quod horum usus in minoribus horis, quæ interdum recitantur, nullus fuerit, maximus vero in officio nocturno, matutini nempe, laudum, & Vesperarum. Hinc quoque defluxisse, quod candelabri triangularis in Septimana Sancta adhibiti lumina adveniente sensim aurora pedetentim extincta fuerint. Utpote quæ ad dispellendas tenebras ordinata clarescente die minus necessaria evaserant. Hinc denique factum, quod cereus Paschalis, qui tanta solemnitate Sabbato Sancto benedicatur, non aliam ob rationem introductus, majorisque mollis fuerit, quam, ut congregatam fidelium multitudinem nocturni officii tempore sufficienter illuminare posset. Qua in opinione illud maxime mirandum venit, quod innuere videatur, post nonum demum sæculum rationes naturales & physicas cessasse, mysticasque substitutas fuisse, atque accendi cereos consuetudinem retentam, quam ante necessitas imperaverat.

Tom. 2. p. 394.

Condonarem profecto has fabulas ignorantibus laico; at, quomodo in mente viri, qui curiosus rerum abscurarum indagator audiri cupit, enasci potuerunt, vix equidem capio. Quanta enim clara extant testimonia, quæ nos edocent tertio jam, & quarto sæculo cereos passim adhibitos fuisse, seu ob rationes symbolicas, quemadmodum cerei Neophytorum, & cereus paschalis de quo dein nobis sermo erit; seu honoris causa, ut videlicet cultum Divinum augustiorem redderent. Exemplo est nobis Concilium Illiberitanum (*). Quod interdum etiam eorum usum viguisse testatur dum prohibet: *Ne cerei amplius per diem in cæmeteriis incenduntur.* Ubi adnotare lubet, Concilium eorum usum

(*) Concil. Illibet. c. 34. *Cereos per diem in cæmeteriis placitis non incendi; inquietandi enim Spiritus Sanctorum non sunt.*

Idem Can. 17. *de his, qui ab immodice spiritibus veniunt: prohibendum non fuerat his publice accendos.*

usum in cœmeteriis solum, verum ubique interdixit fuisse, si ritum hunc aut superstitiosum, aut superfluum censuisset. Imo ex ejusdem Can. 37. elucet, cereorum curam nequaquam vilem, sed æstimandam fuisse, cum prohibeat ne lucernas publice accendant, qui ab immundi spiritibus vexantur. Eusebius dum magnificentiam enarrat, qua Constantinus Paschatis festum celebraverat, non minimam pompæ hujus partem in cereorum, & lampadum multitudine, quas in fidelium conventu accendi jusserat, collocat. Idem Imperator (a) Sancto Papæ Sylvestro coronam dederat auream, quam ante corpora Apostolorum lapidibus circumdatam suspenderet, & candelabra argentea, quæ ante lignum Sanctum Crucis Jesu Christi collocaret quatuor autem numero candelabra largitus est ad hunc mysticum finem ut videlicet (teste eodem Historico) essent symbolum quatuor Evangelistarum. Id quidem non inficior: nulla olim lumina ipsa aris imposita, verum candelabra extensis hinc inde ramis ornata circum altare collocata fuisse, aut appensa fuisse templorum fornici grandiores quasdam lampades minoribus lychnis circumdatas: ut S. Prudentius, & S. Paulinus (b) scriptis suis tradiderunt. S. quoque Athanasius (c) mentionem facit candelabrorum, quæ in partem magnificentiæ, & ornamentorum veteris Ecclesiæ veniebant. In Concilio item Carthaginensi quarto luminarium occurrit usus. Qui ita prorsus symbolicas præfert notas, ut de mystica ejus significatione nullatenus dubitari queat. Ideo namque ait Synodus: *Acolythis ab Archidiacono accipiant ceroserarium cum cereo, ut sciant se ad accendenda Ecclesia luminaria mancipari.*

Conc. Carthag. 4.
anno 398.

Eodem pariter fine in solemnissimis Christianorum exequiis faces, & cerei adhibebantur. S. Cyprianus, teste Pontio Diacono, S. Melitius, & S. Macrinus asserente S. Gregorio Nysseno, S. Paulus innuente S. Hieronymo, Imperator Constantinus narrante S. Gregorio Nazianzeno, Simeon Stylita scribente Theodoret, Clodoveus, & Meroveus docente Gregorio (d) Turonensi lugubri hac pompa terræ mandati sunt. Ubi præcipue ab Historicis his adnotatur, funerales has faces ad augendam pompam, majoremque honorem defunctis exhibendum adhibitas fuisse.

D. de Vert Tom. 4. pag. 138. confitetur, IV. jam sæculo usum cereorum, & laminum etiam interdiu in mysteriorum sacrorum celebratione inchoasse. Id quod constat (inquit) S. Paulini testimonio, qui paulo post persecutionem vixerat: ejus enim sententia altaria frequentibus coronabantur lucernis, ac diu nocturne cerei suaveolenti cera compacti ante aras cremabantur. Ut ita nox diei splendorem imitaretur, diei vero lux tantis luminibus aëre fulgidior, pulchriorque redderetur. Hæc propriis S. Paulini verbis D. de Vert expressit, quin animadverteret, quod locus hic conjecturas suas ex parte convellat, atque infringat.

At quod omnem litem dirimit, celebris illa Hieronymi contra Vigilant-

(a) Anast. Bibliothec. *Papæ coronam auream ante corpus. Posito candelabrum ante Lignum Sanctum, interitis argenteis quatuor secundum numerum quatuor Evangelistarum.*

nunc nituis ornatur limine velis. Clara coronabantur densis altaria lechuis.

(c) S. Athanas. Apolog. 2.

(d) S. Paulus Epist. 35. & Natal. 3. *Aurus* p. 795. ubi omnia, hæc loca referuntur.

(d) Vide Orancolas de antiqua Liturgia T. 2.

gillantium (a) disceptatio est. Cujus vis nequaquam in eo consistebat, an utile, an superfluum fuerit cereos nocturno tempore accendere? Hæreticus hic isdem principiis, quæ dein Calvinistæ adoptarunt, innitebatur: cereos videlicet necessitatis solum causa adhiberi debere, sicque condemnabat omnes, qui luminaria ad Ss. Martyrum sepulchra diurna luce accendebant. Constat itaque usum hunc a fidelibus tum promiscue receptum fuisse; sed quid ad hæc Hieronymus? An ritum hunc frequentata, & inveterata consuetudine atque ab ipsa necessitate introductum ait? Minime constitetur quidem simplices christianos ethnicorum morem imitatos fuisse, tamen laudandos esse ob piam ipsorum mentem qua amplio rem sic venerationem Sanctis Jesu Christi Martyribus impertiebantur. Imo adjungit: *quod licet Martyres lumine cereorum*, qui ad eorum sepulchra offerebantur, *non indigerent, accendentes tamen secundam fidem haberent mercedem*. Testimonium tamen Orientis Ecclesiis reddit: *Quod sole jam rutilante accendant ante Evangelium luminaria, non ad fugandas tenebras, sed ad signum lætitiæ demonstrandum*.

Ritus hic, qui S. Hieronymi tempore necdum totum pervaserat Occidentem, ita paulo post diffusus, ita omnibus communis factus est, ut Ecclesiæ particulares circa eum constituerent sanctiones. Acta S. Baronis (b), & S. Gertrudis de septimo seculo abunde testantur. (c) S. Gregorius Magnus narrat quod perpetuo ante S. Petri sepulchrum lampas arderet. Theodorus Cantuariensis (d) præcipit eodem cultu Sanctorum reliquias profectendas esse. Ac ut eluceat Ecclesiam triumphantem in Cœlis idem cum Ecclesiâ militante sensisse; magnifica illa semita, quæ discipulis S. Benedicti (e) ipsa obitus sui hora conspecta fuit, innumerabilibus coruscis lampadibus, rutilabat, qua tanquam triumphali pompa a cœlia ad Cœlum usque Benedictus ascendit.

§. XXVII.

Continuatio ejusdem consultationis. Sententia D. de Vert suis ipsius armis oppugnantur; deinde de cerco Paschali, & institutione ejus pure mystica differitur.

Congeramus modo in unum omnia a nobis allata antiquitatis monumenta, atque inde evidentem hanc deducamus conclusionem: usum videlicet cereorum in Ecclesiâ receptum fuisse, & quidem ob religiosum

finem.

(a) Hieronym. contra Vigilantium: *Illud festis idest, & idcirco designandum est? Hoc fuit Martyribus. & idcirco recipiendum est; nam & alijus Martyrum reliquias per totas Orientis Ecclesias, quanto legentium est Evangelium, accenduntur luminaria iam sole evanescens, non utique ad lucendum accendunt, sed ad signum lætitiæ demonstrandum*.

Et antea dixerat: *consueverunt Apostoli, quod derivat monumentum, sed vocis Domini correpti sunt. Nunc enim Christi insulsi sunt, nec Martyres lumine cereorum, & tamen illa mulier in domum Christi hoc fecit, de devotione mentis eius correptur, & qui accendunt cereos secundum fidem suam possunt mercedem*.

(b) Vita S. Baron. Comes anidem reliquias Sancti obtinuit, et secum eas adspersit, ob reverentiam candelæ juxta ritum in usum.

(c) Septimo saeculo sancti in eodem Oratorio ardere solebant. Vita S. Gertrudis.

(d) Theodor. Cantuar. Reliquia Sanctorum veneranda sunt; si possit fieri, candelæ ardere per singulas noctes.

(e) S. Gregorius l. 7. Dialogor. 2. 27. *Qua scilicet die (scilicet S. Benedicti) viderunt, quia strata passim, arce suorumque huius causa lampadibus via, rutilo Orientis tramite & ipsi cœli et cœli usque replebuntur... hoc est via, qua dilectus Dominus, sanctus Benedictus ascendit*.

finem, nec sine aliquo sensu symbolico a quarto jam saeculo. Quinimo ex S. Hieronymo, ex Concilio Carthaginensi, totque aliis auctoritatibus haud incongrue asserere liceret ritus hos tertio jam saeculo viguisse. Praefertim cum in Concilio Illiberitano anno circiter 304. habito abusus, qui in hac consuetudine irreperant, corrigantur, sicque cereos in divinum cultum adhibendi consuetudinem multo antea obtinuisse non obscure indicetur. Qua fronte dein D. de Vert sensum mysticum, & symbolicum cereorum ad nonum usque retrahere audet saeculum? Quae temeritate arma Ecclesiae excutere, quibus contra Calvinistas lampadum, & candelabrorum usum condemnantes utitur? Verum neque hic ejus subsistit temeritas; non enim Ecclesiam ob rationem ullam mysticam usum hunc servasse opinetur; verum *Luminaria* (inquit) *necessitate exigente ad officium nocturnum accendebantur, deinde sensim sine sensu quotiescumque officia recitanda essent, etiam si meridiana luce id fieret accendi ceperet*. Supra jam vidimus eum mutationem hanc in saeculum nonum collocare deinde ita prosequitur. *Ecclesia a mutationibus ita abhorret, ut lubenter toleret, ea quae olim sola necessitate exigente introducta sunt, in simplicem consuetudinem, meramque caeremoniam converti. Ne videlicet sapissime suppressere, rescindere, immutare, ac renovare cogatur*. Quam peregrina haec expressio: *Ecclesia tolerat*. Quasi vero cereorum usus ob hoc solum in Ecclesia obtineat, quia *eum tolerat*? Id *tolerari* dicitur, quod quidem a nobis minime probatur, verum nec impediri potest. Id *toleratur*, quod displicet, quodque aboleretur, si potestas, esset; atque omne illud, quod ex tolerantia solum permixtum est, inter contemnenda rejiciendum venit. Quis crederet D. de Vert similia de cereis altarium nostrorum sensisse?

At potuisset non animadvertere falsitatem conjecturarum suarum & propriis suis assertis demonstrari posse? accendebantur illius sententia cerei in altaribus ad dispellendas noctis tenebras. Verum cur ii in altaribus, & circa altaria accendebantur, cum Sacerdotes, & populus in choro, & navi Ecclesiae dispersi federint, sicque non parvo spatio a luminibus, & eorum situ distantes exiguum sane, aut nullam inde utilitatem capere possent? Ecclesia (adjungit ille) *a mutationibus abhorret*. Si ita est, neutiquam illa candelabra alio transferre debuisset. Necessae foret ea etiamnum in Choro Presbiterorum, ad subsellia cantorum, ubi noctu Psalmos recitabant, collocari. Etiamnum in pulpitis, ubi Evangelium legebatur; in edito lectorum loco, aut unde homilia Patrum, & Acta Martyrum legebantur, conspici deberent. *Accendebantur*, adjicit, *in Officiis nocturnis, non vero in diurnis, ut sunt prima, aliaeque minores vore*. Sed assertum hoc evidenti falsitate laborat. Incedebantur enim lumina vespertinum tempore. Vesperae autem omni prorsus tempore inter diurnis Officia numerabantur. Cujus nobis argumentum luculentum praebet hymnus (*Te lucis ante terminum*) Completorii a S. Ambrosio compositus. In hoc ille de die necdum terminato loquitur. Cumque certum sit, Completorium nunquam ante Vesperas cantatum fuisse, clarissime evincitur Vespertinum tempore diem necdum finitum fuisse. Ceterum cur quæro accensi vespertinum tem-

Tom. 1. p. 17.
& 18.

Tom. 1. p. 199.

Tempore cerei extinguuntur ad Completorium, quod absque dubitatione magis ad noctem inclinat? Certum denique est, cereos semper sacrorum mysteriorum tempore accensos fuisse. Hæc autem, si solemnes quasdam excipias vigiliis, semper orto jam sole, post laudes, primasque, quæ secundum Sancti Ambrosii hymnum non nisi inchoato die cantabantur, celebrata fuerunt.

Ejusdem pene furfuris sunt ea, quæ D. de Vert de Cereo Paschali assert. Illius quidem judicio non ad alium usum comparatus fuerat, quam ut Paschatis noctem, quæ inter preces a fidelibus peragebatur, illustraret. Hanc ille appellat *Rationem physicam, & formalem suæ institutionis*. Necesse est cogente, ait ulterius, cereus hic ad baptismatis fontes in processione adhibebatur. *Hæc processio fuitis vespertis, sicque vespertinis horis instituitur. Lumen Cerei Paschalis ibi necesse erat &c. quod si postea festo die Ascensionis penitus tollitur, in causa est, quod perpetuo durare nequeat.* Hæc quidem D. de Vert est sententia. Verum si unica necessitatis causa cereus hic accendebatur, cur Paschatis solum festiuitate accendebatur? An hoc unicum festum, cujus vigiliæ in Ecclesiis agebantur? Cur ei usu consumpto, non alter substituitur? Cur Paschate solum ad Ascensionem, & non potius hyberno tempore, ac Nativitatis, Epiphaniæque solemnitatibus, quibus tenebræ densiores, & longiores obtinent noctes, adhibetur? Sed quid iuvat rationes, conjecturasque accuulare, dum solidissima, evidentiæque suppetunt argumenta? antiquius ne ullum proferri posset hymno Prudentii ad ascensionem Cerei Paschalis; cujus titulus factus videtur ad solemniorem reddendum usum Cerei Paschalis; aut si quorundam autoritate se solum arbitrat D. de Vert ad respondendum huius hymni titulum; an nobis non abunde sufficit in medium proferre ipsam benedictionem mystici huius Cerei; quæ universa in Ecclesia recepta notas venerandissimæ antiquitatis præferat? Profecto, si, ut a nobis demonstratum est, a quarto ut minimum sæculo, Cerei tamquam mystica quædam symbola semper habiti sunt, quid mirum, si in hac benedictione Cereus Paschalis figuram exhibere intelligatur Jesu Christi post suam Resurrectionem in medio Ecclesiæ viventis, ea prorsus ratione, qua ante Ascensionem cum Apostolis vixerat?

Ne tamen agrestibus his dntius inhæreamus ineptiis, ad ipsam cereorum in Ecclesia institutionem ejusque primos fontes tam prope, quam nobis concessum fuerit, accedamus. Indubitatum, & certum ne est, uti complures ante D. de Vert scriptores asseruerunt, quod necessitas primum luminum usum introduxerit, & quod quartum circa sæculum plebis devotio morem hunc in sacram cæremoniam converterit? Sententia hæc hodierno die primas tenere videtur. Quam licet condemnare minime audeam, non tamen sequi valeo, ac ut perquam curiosa hæc questio penitus tandem exhauriatur, animadversiones, quas in hanc rem collegi; accipe.

Tom. 1. p. 410.

Tom. 1. p. 274.
275. 276. & 484.Tom. 1. p. 369
& 38.

§. XXVIII.

Conjectura de prima cereorum in Ecclesia origine rationi multum conformiores iis, quas D. de Vert attulit.

HAud pauci eruditorum contendunt, cereorum usum fortuito, aut inveterata quadam consuetudine introductum esse. Quod videlicet populi cereis in celebratione mysteriorum adhibitis afflucti morem hunc conservaverint; qui demum symbolicis significationibus consecratus, ac ad augendam cultus nostri majestatem adscitus fuerit. Verum qua ratione hæc opinio cum Concilio Tridentino conciliari queat, minime scio. Hoc enim (a) lumina, & thymiamata ex Apostolica disciplina, & traditione deducit, ac clare edocet ea instituta esse, quo & majestas sacrificii commendetur, & mentes fidelium per hæc visibilia ad cognitionem sanctorum mysteriorum eleventur. Ego quidem, qui mihi certam præscripti legem omnia ea firmissime amplectendi, quæ Ecclesia, ac per eam loquens Dei Spiritus, edocet, Sancti hujus Concilii sententiam amplector, eoque alacrius, quod mihi plurimæ rationes suppetant quibus facillime Tridentini Concilii sententiam tueri possim. Pro quo hæc sunt principia.

In primis. Supra jam a nobis demonstratum est, quod apud Hebræos, & Ethnicos luminaria in signum venerationis, & religionis adhibita sint atque ad religiosum vero Deo, aut idolis impertiendum cultum accenderentur.

Secundo. Christiani primis jam Ecclesiæ sæculis judicarunt complures antiquæ legis ceremonias, imo & nonnullas Ethnicorum ad cultum Jesu Christi transferri posse; atque eas revera adoptarunt: ut sunt inclinationes corporis, & capitis, concentus canticorum, ablutiones pedum, aliæque purificationes, ac thymiamatum incensio, ut postea apparebit, & secundum D. de Vert, impositio manuum, unctionesque.

Tertio. De omnibus Ethnicorum, & Judæorum ritibus nullus magis a Christianis suscipi merebatur, quam usus luminum in templis. Cum Jesus Christus inde tam frequenter symbola ad instruendos suos discipulos transumperit. Fideles quoque legentes in Apocalypsi (b) quod S. Joannes viderit filium hominis resplendentem gloria in medio septem candelabrorum aureorum, facile percipere valuerunt eundem filium hominis eadem ratione in Ecclesia sua honorari posse, & candelabra merito circa aram collocari, in qua quotidie hostia Sancta, & pura Deo Patri immolatur.

Quarto. Antiquissima vetustatis monumenta, quæ nobis cereorum in Ecclesia usum commemorant, ritum hunc unice ad cultum Deo præ-

(a) Concil. Trident. sess. 22. c. 5. *Pia mater Ecclesia . . . ceremonias item adhibuit, ut mysticas benedictiones, lumina, thymiamata, vestes, aliaque id genus, multa ex Apostolica disciplina, & traditione, quo & majestas rati sacrificii commendatur, & mentes fidelium per*

hæc visibilia Religionis, & pietatis signa ad verum altissimarum, quæ in hoc sacrificio latent, contemplationem excitarentur.

(b) Apoc. 1. v. 12. *Et conversus vidi septem candelabra aurea, & media septem candelabrorum aureorum similes filio hominis.*

præstandum aut ad aliquod significandum mysterium usurpatum fuisse, vulgo testantur, neque ullus Sanctorum Patrum reperitur, qui ejusdem originem a necessitate derivet. Secundum S. Hieronymum lumina ad Evangelium accenduntur ad indicandam lætitiā. Secundum Historicum Martyrii D. Cypriani, exequiæ Sancti hujus Episcopi funeralibus illustrabantur ad augendam earum pompam, majoremque venerationem. Testimonio Concilii Illiberitani munus lampades publice accendendi perquam fuit honestum ac honorificum, ita ut energumēni ab hoc munere tanquam indigni areerentur. Afferentibus S. Cypriano, S. Cyrillo, S. Augustino cerei Neophytis tradebantur in signum fidei, & vitæ gratiæ, quam recipiebant. Sanctus denique Gregorius Nazianzenus non aliam iis tribuit originem, quam mystica hæc Evangelii verba: *Sint lumbi vestri præcincti, & lucernæ ardentes in manibus vestris*:

Luc. cap. 14c

v. 35.

Collocatis hisce principiis sic orationem instituo. A quibus quæso melius institutionis alienius causas perecipimus, quam ab illis, qui ejus origini quam proxime vixerunt? Ast ii non alium cereorum institutioni scopum præfigunt, quam cultus, significationisque mysticæ. Quorum ab opinione ut jure discedamus, necesse est argumentis certis & indubitatis in contrariam permoveri sententiam. Nobis vero nullam satis firmam rationem suppetit, D. de Vert nisi forte in eorum numerum adseiscere velimus novorum quorundam hominum conjecturas, qui privato ausu omni prorsus destituti auctoritate confinxere cereorum usum a necessitate introductum fuisse. Tota illorum vis, univversum pondus in sola verisimilitudine ponitur. Quod si & nobis verisimilitudine uti, indeque judicium efformare nostrum luberet, nec ea quidem contra nos pugnaret; imo argumenta validissima subministraret, quæ nobis, persuaderent cereorum originem in symbolis, & mysteriis quærendam esse. Nam si S. Ignatii ætate divina relatio fideles edocuit Psalmos cantoribus in duplicem ehorum divisis alternatim canendos esse vocibus; eum non etiam Apostoli Joannis revelatio eos de collocandis ante filium Dei candelabris instruere poterat? Anne cultus sui nobilior ad imitandum exemplar sibi proponere poterant, quam quod Apostolus in cælis conspexerat? Præsertim cum seu ab Ethnicis, seu a Judæis ritibus, quibus antea imbuti fuerant sibi persuaderent cereorum usum inter Religiosas numerandum esse cæremonias. Si quarto sæculo mos obtinuit, ut Neophytis cereus porrigeretur, ob hæc scripturæ verba: *Sint lumbi vestri præcincti, & lucernæ ardentes in manibus vestris*, quid obstat, ut credamus, eadem hæc verba primis tribus Ecclesiæ sæculis fideles permovisse, ut cereos in figuram, & symbolum vivæ illius fidei, & ardentis charitatis assumerent, quam Jesus Christus Discipulis suis tam sollicitè persuasit, & allegorico hoc sermone effiguravit.

Rem totam paucis absolvamus, & hæcenus a nobis dicta uno complectamur verbo. Usus lampadam, & cereorum apud nos ritus est ex integro Religiosus, & symbolicus, quarto, imo tertio jam sæculo eadem cultus, & symboli ratione vixit, & simili prorsus modo ab Ethnicis, Hebræisque considerabatur. Ac licet primorum trium sæculorum silentium conjecturis locum præbeat; vero tamen similis est accensas

faces semper in Ecclesia, Religionis non necessitatis causa adhibitas fuisse. Hæc enim conjectura solidioribus fundamentis innititur, hæc Sanctorum Patrum opinionibus sustentatur, hæc testimonio generalis Concilii corroboratur. Concludere igitur juxta divi Augustini effatum licebit institutioni Apostolicæ attribuendum illum esse, quod cum in Ecclesia universa receptum sit tanta pollet antiquitate, ut ejus origo lateat.

§. XXIX.

Eadem principia ad thymiamatum in Ecclesia Jesu Christi usum traducta. Consutatio D. de Vert.

Gell. 12. cap. 5.

Evag. lib. 4. c. 7.

Vite Bonifac. I.

Cum in superioribus perquisitionibus, quas de cereorum & thymiamatum origine feci; duas hæc res una conjunxerim, neque hic eas separare constitui, & uno alterove verbo de thymiamatibus ea tractare quæ antea de cereis & luminibus dixeram: videlicet quod si hæc ob cultus symbolorumque rationem in Jesu Christi Ecclesiam introducta sint, idem pariter de illis censendum sit quod Sanctum affirmat Tridenti celebratum Concilium ac perperam D. de Vert hunc ritum attribuit delicatæ sensualitati ut allusio fieret ad illam vocem *Incensi*, quæ in hoc vesperarum versiculo continetur: *Dirigatur, Domine, oratio mea sicut incensum* &c. Quomodo autem nobis probabit, a quarto, aut etiam tertio sæculo hæc verba in Officio Vesperarum recitari consuevisse? Ab illo quippe tempore thymiamata invaluerunt, ut ex Canonibus Apostolorum, ex liturgiis eorum nomine insignitis, ex S. Dionysii operibus, ex testimoniis S. Basilii, S. Ambrosii, & S. Chrysostomi elicitur. Adderem scripta S. Martyris Hippolyti, si ille, ut a compluribus contenditur, eorum auctor esset: sed ipsi his testimoniis evidenter cognoscimus thymiamata in Ecclesiam non alia mente, quam mystica, ac symbolica introducta fuisse: *Accipe a nobis*, (ait liturgia S. Jacobi) *presens incensum in odorem suavitatis transfundendo, purificando, & sanctificando animas nostras*. Liturgia autem S. Chrysostomi inquit: *Tibi Domine Jesu Deus noster hoc incensum in odorem suavitatis spiritualis offerimus. Miste nobis gratiam Spiritus Sancti*. Eodem spiritu ductus S. Zosimus Monachus, dum Divinam misericordiam pro Civitate Antiochena obtestari voluisset, preces suas thymiamatum crematione inchoavit, & consecravit. At cum Bonifacius I. constituerit, ut nulla mulier, aut Monacha incensum poneret in Ecclesia, sed Ministris solum id munus consecraretur, clare elucet cum ritum hunc tanquam Religiosum, at nequaquam a sola necessitate repetendum considerasse.

Neque profecto dubitari potest quin Ecclesia thymiamatum usum tanquam religiosum, ac mysticum semper habuerit, cum S. Joannes incensæ tanquam symbola precum, & tanquam materiam cultus in Cælia Divinæ Majestati exhibiti inspicienda fidelibus proposuerit, ipsique Magi inter dona Jesu Christo infanti oblata thus, & myrrham obtulerint, non certe ob alias, quam morales, & mysticas rationes Fidelibus itaque qui ex patrio more inter religionis, & obsequii signa hunc ritum adnu-

merabant, dubium ne esse poterat, an hujusmodi cultus Jesu Christo præstandus esset, postquam illis compertum fuit, angelorum exemplar, magorum oblatio?

Quis autem D. de Vert adeo a veritatis semita eo aberraturum credidisset, ut Sanctissimis quidem, ac vetustissimis Sacramentorum nostrorum cæremoniis parceret, ut Baptismum Ritus Judaicum, Unctiones sacras sanitatis pharmaca, sensus mysticos Patrum inventa, ingenique partus assereret, ut denique ipsum Apostolum Paulum argueret, quòd a sensu vero, & litterali, ad symbolicas meditationes deviaverit? Quis tantam in hoc Opere expectasset audaciam, quis tantam temeritatem? Ego quidem horrore coneuitor; magis tamen adhuc obstupesco, dum impudentiam suam nec hic quidem sistere, sed ita effrænem divagari animadverto, ut pervicaciter contendere audeat, systema suum unicum illud esse, quod Hæreticorum lites, quas nobiscum de cæremoniis habent, dirimat, ac Sectariorum ora reprimat. Quasi vero explanationes nostræ mysticæ summa auctoritate Ecclesiæ confirmatæ inanes, futiles, ac nullæ essent. Verum quam imprudenter hanc sibi de hæreticorum audacia victoriam spondeat, breviter audeamus.

§. XXX.

Respondetur D. de Vert argumento. Quidquid de suo explicandi cæremoniis systemate gloriatur, nulla tamen exin utilitas ad refellendos Hæreticos nascitur.

Dominus de Vert opinatur, argumentum omnium promptissimum, validissimumque, quo omnes injuriosi Hæreticorum contra religiosos Ecclesiæ ritus adinventi conatus elidantur, illud esse, quo cunctas cæremonas a rationibus naturalibus, & physicis, aut a commodo, necessitateque derivari demonstretur. Quod falsum principium, ut solidius fuleiat, sententiam sapientissimo euidam ac celeberrimo Galliarum Præsuli affingit, quam hic nunquam suam confitebitur videlicet: *se Dieceseos sua profelytis non alias cæremoniæ causas proferre solitum fuisse nec alias velle quibus hæreticos recens conversos convinceret*: Præterea ait a Calvinistarum ministris sibi dictum fuisse: *Eos semper ita sentire, quod ad reddendam veram Ecclesiæ cæremoniæ causam, & originem necesse est, ut ratio sana consulatur, universa facta nude, ac absque omni suco exponantur, atque res universæ naturaliter explanentur*. Imo Calvinii suffragium ad auctoritatem systemati suo conciliandam adfert, qui, inquit, *cæremoniis nobis nostras lubens, ac ultro concedet, quamdiu hæc signa, vusque caractères præstulerint*. Et alibi: *Vera ratio, quo effrænis Novatorum contra nostras cæremonas scribendi pruritus coerceri, & in perpetuum sisti queat, illa est; negare nempe illico, & constanter, quod Ecclesia in institutione cæremoniæ eum sibi finem præfixerit, quem illi sibi effingunt. Causæ simplices, & historica nullam hæreticis usum præbent igitur ad alias se convertunt, quæ Ecclesia nunquam in cogitationem venerit Dic incensa in Ecclesiam intro-*

Tom. 1. pag. 226.
P. 25.

Ibid. p. 21.

Tom. 1. pag. 202.

Tom. 2. p. 190.
Ibid. pag. 426.
& 427.

Tom. 1. p. 453.
p. 453. tabula.

introducenda naturalis de causa, nimirum ad dissipandos fetidos, ingratosque odores; hac responsa haeticis crucem figunt. Nihil enim reperitur, quod contra declamitent. Utque uno verbo universam suam doctrinam comprehendat, ita in synopsim redigit: Causa simplices, litterales, & historicae consideratae tanquam media propria ad refellendos haeticos... abique ope harum cansarum impossibile intelligere sensum quasi omnium, quae sunt, & dicuntur in Ecclesia. . . . Causa mystica sunt arbitraria, & non possunt in argumenta converti.

Sec. 11. c. 7.

Medium itaque, & verum medium, quibus posthac haetici caeremonias nostras cavillantes confutari debeant, rationes sunt physicae, & naturales. Omnis alia ratio nulla est, aut saltem infirma, atque insufficientis ad coercendos Novatores, atque impudentem eorum linguam refrenandam? Egregium profecto inventum, novam omnibusque ad nos usque incognitam veritatem! Ex quo Calvinus Ecclesiae caeremonias, earumque sensum mysticum irridere aggressus est, nulli adhuc Doctorum nostrorum praecleara haec cogitatio in mentem venit, ut ad eludendos inimicos significationes mysticas, tanquam privatorum quorundam ideas, & singularia quorundam Patrum placita, repudiaret. Quid erat cur operam perderet tantus celeberrimarum Controversiarum numerus in defendendis rationibus mysticis, & moralibus? Ac Concilii Tridentini Patres, qui ad tuendam caeremoniarum dignitatem demonstrare conati sunt eas introductas esse, ut Majestas sacrificii commendaretur, mentesque fidelium per hac visibilia religionis, & pietatis signa ad rerum altissimarum contemplationem excitarentur? Ita enim Ecclesiae causam infirmabant, cum hujusmodi rationibus uterentur, quae ad coercendos Novatores, atque impudentem eorum linguam refrenandam nequaquam sufficiunt. Dolenda sane illorum fors, quibus Deo de Vert in congerendis statutis, decretisque consilium defuit! Docuisset illos nihili faciendas esse causas mysticas, quae arbitrariae solum sunt, neque in argumenta adconvincendos haeticos converti possunt. Docuisset illos haeticis responderi debere: thura cremari, ad dissipandos fetidos, ingratosque odores; cereos accendi ad nocturnas dispellendas tenebras; infirmos ob salutarem olei virtutem, infantes baptizatos ad evitandas cutis rugas ungi; manus denique ad lavandas sordes lavari. Sic utique omnibus adversariorum querelis, sic cunctis litibus finem imposuisset. Verum satis jam joci in re tam seria, quaeque ad gemitus potius permovere deberet. Propulssemus, & evertamus errorem, cujus vigor, ulteriorque progressus funestissimus Fidei nostrae dogmatibus evadere posset.

In quo quaeso nos inter, & haeticos Tridentino in Concilio lis versabatur? Quid illi in nobis, & quid Ecclesia in illis condemnabat? Paulisper percrutemur illorum (a) opiniones, ac sententias Controversias.

(a) Calv. lib. 4. Inst. c. 10. §. 9. *Hominum inventa in Dei cultu impure sunt corruptela.*

Idem §. 11. vid. etiam c. 15. idem c. 17. §. 43. generaliter de omnibus caeremoniis inquit: *natus est ex prociuitate humana consuetudo, quae se continere non potest, quin in Dei mysteriis laesae, atque lesivae.*

Luth. in libro contra Regem Angliae lo-

quens de illa, qui in genus postitae Eucharistiam sumebant: *nos autem istos vere fatuos, & stultos appellamus.*

Melanchton in apologia confessionis Augustanae art. 15. non licet instituta veteris cultus sine novo mandato. Vide etiam Brentium Confessio Wittenber. c. de caeremoniis. Kemnitium pag. 166. Illyricum cent. 1. cap. 6. lib. 2. cent. 2. cap. 6.

starum illos impugnantium, & elucebit non de eo controversiam fuisse motam, an Ecclesiæ competat ceremonias necessitate, aut commodo suadente adscribere; sed an Ecclesiæ licitum, fasque fuerit novos ritus ob rationes mysticas instituire. Hoc est quod inficiatur Calvinus, Lutherus, Brentius, & Kemnitius. Non etenim ideo nos accusant, quod candelas, aut facies ad fugandas tenebras in obscuris locis, noctisque tempore accendamus, neque nos arguunt, quod in Ecclesiasticis Officiis vestibus induamur, quæ sæculo earum institutionis propriæ fuerunt, verum ideo in nos insurgunt, quod nos ea præstemus ob rationes symbolicas, & in ritibus mysteria quæramus, quibus nulla, si physice considerentur, eorum adest necessitas. Ideo inquam Calvinus hæc rejicit, quia nos ea ad dignitatem obsequiosi cultus, & honoris Deo exhibendi elevamus: arbitratur ille Paulum *damnasse omnes scilicet cultus, quos homines sibi ipsi cominiscuntur, vel ab aliis accipiunt, & quæcumque de cultu Dei tradere præcepta ex se audent.* Hinc ille inclamat nos ad Ethnicorum modulum effectos eorum pariter nugas imitari, eorumque veras esse simias. Hinc Brentius nobis objicit cæremonias veteri solum legi non novæ convenire, neque in ista fas esse symbolorum figuris victoriam Jesu Christi exprimere. Hinc Kemnitius, Lutherus, Melanchton, Illyricus, cæteri-que ritus nostros superstitionum nomine infamant atque idcirco superstitionis hæreticis videntur, quod symbolorum ac mysteriorum naturam apud nos induant. Symbola itaque & figuras hæretici unice damnant. Eosdem quippe ritus, quos nos mysticos tenemus, illi nugas, ac insanias appellant. Quod si igitur cæremonias has symbolicis, & mysticis suis significationibus exuamus, si sensum earum allegoricum ab Ecclesiâ introductum inficiamus, eumque ad mysticos, quosdam, ut D. de Vert postulat, Scriptores relegemus, hoc equidem non est hæreticis resistere, eosque debellare, verum cedere, ac victas manus tradere, ac mendacii reos omnes Theologos reddere, qui sanctitatem Symbolorum, & ritus mysticos tam strenue defenderunt. Imo ipsum Concilium Tridentinum falsitatis argueremus, quod ad reprimendos hæreticos speciali decreto edixit, *cunctas cæremonias, & ipsa quoque lumina, thymiamata, Crucis signa, vestes sacerdotales, mysticas esse, atque ex Apostolica disciplina, & traditione descendere.* Neque traditionem cæremonias has nobis tanquam ritus naturali ratione, aut commodo suadente introductas proponere, verum tanquam *maxime congruos ad maiestatem sacrificii augendam, mentesque fidelium per hæc visibilia signa ad rerum altissimarum contemplationem excitandas.*

Vane prorsus insulas hæreticorum cavillationes expavescimus, nec video, cur ob ineptos eorum jocos cæremoniis significationem mysticam demere debeamus, quam ipsa Ecclesiâ his indidit. Justumne, ac æquum indefensam Ecclesiæ fidem, & causam deferere ob metum insanæ scurrilitatis, & contumeliarum, quibus extra Ecclesiæ sinum misere vagantes, hæretici Ecclesiâ impetunt? Irrideamur licet ab incredulis his hominibus; in nostram namque gloriam cedit nos ab illis pro Jesu Christo stultos haberi. Hæc ejus sponsæ sors est, ut infidelium cachinnis, & injuriis scopus præfigatur. Jam olim ea frigidas Vigilantiæ contempsit ineptias

Calv. l. 4. Inst.
c. 10. §. 8.

ptias; contemnit hodie Kemnitii, aut Calvinii cavillationes; & si ferre illæ, ac fortes, ut vocant, nostræ ætatis mentes se quoque illorum adiungunt consortio; paveant ac contremiscant ad illam Supremi Iudicii sententiam; *Parata sunt derisoribus iudicia.*

§. XXXI.

Ejusdem rei prosecutio. Explicationes litterales D. de Verbo hæreticorum causam meliorem potius, quam deteriorem reddunt.

U^T ultimo istu D. de Vert ratiocinationem configam, addere hic necesse duxi, quod tantum abest quod adversarios suis principiis eludere possent, ut in hujusmodi difficultates ultro ipse se inducat, a quibus exitum invenire omnino non possit; Explicabit ille & solide quidem, si placet, quasdam cæremonias, quarum origo evidenter necessitati debetur, ac de quibus ne nos quidem dissentimus. Explanabit alias, quarum principia satis incerta sunt, non adeo infelicitè. Verum quotnam supersunt, de quibus non nisi conjecturas evidenter falsas, ne dicam ineptas afferre poterit quot non occurrent ritus, in quibus ingenium illius cæcutiet, & ad quos tuendas necesse illi erit ad rationes morales, & symbolicas recurrere?

Sed demus etiam eum cuique cæremoniæ suæ in origine rationem naturalem, & physicam assignare posse, temere tamen sibi de hæreticis victoriam spondet; nam dum cæremonias nostras demendo videlicet iis omnem sensum mysticum magis rationi conformes reddere se arbitrat, inanissimas illas, ac viles efficit, seque ludibrio infidelium horum obijcit. Quæ enim insania cereos meridiano sole accendere, aut exignam capitis partem infantium ungere, si rationes morales, & symbolice desint, quæ hanc cæremoniam instructione utilem, & venerandam præstent? Incausum aliquis, cum D. de Vert contenderet necessariam olim e balneo egredientibus unctionem, & in tenebroso loco degentibus lucem fuisse. Non equidem negamus, reponent hæretici, id olim potuisse a necessitate postulari; verum evidens etiam, indubitatumque constat, hanc necessitatem non amplius subsistere, atque ita, prosequuntur illi, ridiculum esse inutilem hanc rituum farraginem etiam nunc retinere. Frustra insurget D. de Vert, quod Ecclesia mutationes vehementer displicent. Tolerant potius has cæremonias, quam ut quotidie innovet. Inopportuna, debilisque ratio, inquam hæretici. Cum consuetudo onere suo gravis, nulliusque præterea utilitatis tanquam servitus puerilis, a sapientibus rejici debeat. Si eo angustiarum D. de Vert relexerint, quo quæso confugiet, ubi opem, ubi consilium expetet, quibus armis se tuebitur?

Vernum concedam licet Domino de Vert eum hæreticorum argumentis satisfacturum, atque illis persuasurum Ecclesiæ prudentiæ conforme esse, ut inutilem illorum iudicio rituum farraginem, agrestesque gestulationes conservet, imo nec inficiabor eum nonnullos eo perducturum, ut vale dicto suo schismati eidem se doctrinæ subijciant; Quid tamen inde

se assequitur putat? Nihil profecto aliud, nisi ut hæretici mali fiant catholici, qui retentis sectæ suæ præjudiciis, nomine solum, non re cum Ecclesia Romana conjunguntur. Neque enim sincere ab hæresi sua ad puram doctrinam rediisse credendi sunt nisi vera fide cum Concilio Tridentino agnoscant: *piam matrem Ecclesiam ritus quosdam mysticos instituisse, ut debilem hominum naturam exterioribus his adminiculis sustineat, majestatem sacrificii augeat, atque mentes fidelium per hæc visibilia religionis & pietatis signa ad invisibilem rerum contemplationem elevet.* Hæc namque doctrina est Ecclesiæ expressis his ultimi Concilii verbis declarata: doctrina, inquam, quæ non nisi cum ipsius fidei detrimento infringi aut immutari potest. Si Calvinistarum quispiam ad sinum Ecclesiæ rediens non integram, non intactam hanc quoque amplectatur doctrinam, operam omnem perdit, nec ulla D. de Vert explicatio illum ab errore, & schismate vindicabit, atque hoc est quod nos permovet, ut D. de Vert systema tamquam inventum fidei perniciosissimum consideremus. Utpote quod eo collimat, ut fallacibus ideis, quas sibi Protestantium Ministri de cæremoniis nostris effingunt, faveat, easque corroboret, sicque fallacissimum atque funestum cum iis ineat fœdus.

§. XXXII.

Aliæ duæ propositiones, quæ probant mentem Ecclesiæ esse symbolicam, & mysticam. Prima propositio: Ecclesia ob rationes mysticas eas etiam cæremonias retinuit, quæ originem suam necessitati debent.

Progrediamur nunc in disquisitionibus nostris, cumque speciosiores ratiocinationes, quibus D. de Vert conjecturæ innitebantur subvertimus, modo ulterius perscrutemur mentem Ecclesiæ, ut rectius de Vertiano Systemate sententiam ferre possimus. Ego quidem arbitror me hucusque stabilivisse solidissime, quod in prima origine, atque in suis fontibus cæremoniæ semper, & perpetuo fuerint mysticæ, & symbolicæ. Imo ausim dicere, me argumentis vim tribuisse demonstrativam, & geometricam. Verum nec in hoc quidem acquiesco, nec adhuc satis mihi causæque meæ scisse videor; nisi ad exhanriendam universam quæstionem, & ad expellendum ex ipsis suis munimentis Dominum de Vert illud etiam plantum faciam eam esse Ecclesiæ circa cæremonias mentem, ut ipsos ritus, qui consuetudini, & necessitati institutionem suam debere videntur, Symbolorum, & Mysteriorum spiritu vivificet, & animet. En rei totius explanationem.

Non inficior inter sexcentas cæremonias origine symbolicas reperiri quoque aliquas, quarum institutio a necessitate, & quandoque etiam a moribus, consuetudinibusque avitis gentium repetendæ sint. Ut sunt, si postulas, decisi Clericorum crines, vestesque talaris, aliæque similes consuetudines, olim civiles, nunc sacræ, & religiosæ. Jam vero circa hæc consuetudines, hæc duo pronuncio.

L

Pri-

Primo quod unice ob rationes mysticas, & symbolicas ab utilitate, aut necessitate introductas caeremonias retinuerit; quodque illas eadem de causa perpetuaverit, cessante etiam necessitate, & utilitate. Secundo in ritibus quorum conservationem necessitas, & consuetudo exigit, Ecclesia ipsa, & non corpus, & collegium mysticorum, ut D. de Vert ait, pijs illas ac ad nutriendam fidelium pietatem proprias symbololorum significationes adjunxit. Quas binas veritates ita enucleare lubet.

Primo itaque assero, esse in Ecclesia ritus Religiosos, qui necessitate solùm suadente initium suum acceperunt; necessitate deinde sublata usus nihilominus eorum perseveravit, & in partem caeremoniarum nostrarum adscitus est, eos tamen assero nonnisi propter rationes religiosas, & mysticas conservatos perdurare. Cujus rei veritatem, ac evidentiam si quispiam expectat, intueatur loquendi formulas, quibus Ecclesia se exprimit suis in Ritualibus, preces, quas illa actionibus ad declarandum earum sensum adjungit, diversas singulares caeremonias, quas antiquis ritibus ad augendam eorum venerationem adjunxit, circumstantias, denique ipsius usus, quæ antiquatæ necessitati, ac rationibus physicis, & naturalibus nullum amplius locum relinquunt. Accipe nunc, quæ ex hinc ratiocinia deducam. Ut rectum, Ecclesiaeque conforme judicium de his caeremoniis ferre valeamus, necesse est sensui inhaerere, quem nobis Ecclesia circa illarum intelligentiam proponit: Sed Ecclesia non alium nobis sensum quam moralem, & symbolicum circa caeremonias proponit, imo omnes circumstantiæ eas concomitantes, non alio, quam ad perfectius explanandam Symbolorum intelligentiam conducunt, cunctaque precum verba, ad detegenda caeremoniarum mysteria unice inferviunt. Igitur ut mentem Ecclesiae recte penetremus, necesse est, ut in mysteriis, & figuris, quas nobis considerandas proponit, sistamus, atque ut eas veram causam & finem caeremoniarum censeamus, minime vero ad rationes naturales, & necessitatis quibuscumque demum speciosis argumentis fulciantur, recurramus. Utpote quæ jam sublata non aliter in considerationem venire possunt, quam quod olim his ritibus occasionem præbuerint.

Pontif. Roman.
in Ord. Leñ.

Applicemus principium hoc ad ritum, qui in ordinatione Lectoris adhibebatur. Episcopus accipit in manus librum ea, quæ Lectori in Ecclesia legenda sunt, continentem, eumque ordinando enuntiatis in Pontificali præscriptis verbis tradit. Nihil certe naturæ magis conveniens, quam librum in manus assumere, ut eum tradas alteri, cui ejus legendi munus imponitur. En physicam hujus caeremoniæ causam. Verum hæc ne nobis sistendum est? an nihil præterea ab Ecclesia edocemur? absit in eam nos ahire opinionem. Multa quippe adhuc alia sunt, quæ nobis Ecclesia hoc in ritu observanda proponit: Præcipit enim ordinario jure non alterum quam Episcopum statim diebus, observatque certis circumstantiis hoc munere fungi posse: quoniam autem adjungit particulares preces expressionibus symbolicis, & figuratis refertas, ac librum ab Episcopo Lectori ea occasione & tempore tradi jubet: quo evidenter constat eum nullum ejus usum futurum; hisce rebus plane permovcor, ut credam aliquid majus sub hujusmodi physicis, ac materialibus actionibus late-

latere in hoc ritu. Quoniam quicquid physicum est, ac materiale in huiusmodi actionibus non sufficit ad reddendam rationem, de omnibus quæ in ordinatione Lectoris rite observantur. Latent itaque sub illis materialibus actionibus tot symbola, quæ nos instruunt de gratiis, quas Ecclesia a Deo pro Neo Lectore expetit, de officio, quod illi injungit, de dignitate qua illum super alios fideles evehit, & de potestate, qua illum exornat.

§. XXXIII.

Ullterior ejusdem rei confirmatio. Error D. de Vert circa sacra Sacerdotum ornamenta.

Illem prorsus principiis innixi iudicium feremus de sacris indumentis, quæ a primis Ecclesiæ sæculis ornamenta Sacerdotum, & Sacerdotii insignia constituebant. Quis etenim ignorat necesse esse ut in publicum prodians, munerique & ministerio venerando vacans non solum vestiatur; verum & modeste, & decore vestiatur. En itaque causam naturalem, & physicam vestium, quibus Presbyteri in obsequiis sacris muneribus induuntur. Verum postquam Sanctæ Matri Ecclesiæ placuit singularem illis usum assignare, formamque præscribere easque alio quam ministerii tempore adhibere vetuit, ac denique easdem certarum cæremoniarum pompa tradere, particularibusque precibus benedicere incepit, profecto tamquam res sacræ, ac symbolicæ considerandæ sunt. Ac ridiculus sane mihi foret ille, qui rejectis omnibus symbolicis, & mysticis significationibus hic solum causas naturales physicas, & necessitatis reperiri contenderet, universosque mysticos conceptus debiles, ac inanēs judicaret.

Hic tamen scopus universæ D. de Vert doctrinæ est. Huc frivola, inanisque illius collimat eruditio, quam ubique profundit, quamque sexcentis anachronismis sædatam instructuoso fastu exponit. Non immorabor idem, quam sibi absque ulla restrictione de planeta effingit. Hæc illi nihil aliud videtur quam pallium ad arcenda pluvix incommoda comparatum, æque commune Clericis, Monachis, aliisque in sæculo degentibus hominibus, imo proprium quoque: *bajulis & plebis infamæ feci*. Idque asserit absque (a) sæculorum, regionumque discrimine quin indicet quo tempore promiscuus hujus indumenti usus in solemne Sacrificii ornamentum transierit. Neque advertit incurius hic scriptor se sibi ipsi contradicere, perque posteriores animadversiones ea convellere, quæ priori tomo tanquam certa statuit. *Apparet* (inquit ille) *ex constitutionibus Apostolicis, quod Pontifex non ante planeta, seu cæremoniarum habitu indueretur, quam finita Catechumenorum Missa ac sacrificio proximus, secretarum videlicet, & præstationis tempore.* Quod

L 2

Tom. 2. p. 313.
& seq. p. 309.Tom. 1. p. 79.
Const. Apost. l. 8.
§. 16.

(a) Concil. Tolet. 4. an. 633. *Presbyter a gradu injuste decessit . . . gradus amissos accipias eorum aliam . . . Sic Presbyter horarium, et planetam . . . Sic reliqui in sui reparationem*

recipiant, quæ cum ordinarentur receperunt. Planeta igitur jam tunc ornatus erat Sacerdotum proprius.

si ita est, quomodo dein tueri audeat, planetam nihil aliud esse, quam: *pallium ad arcenda pluvia incommoda comparatum*? An forte Pontifex sacrificii solum tempore, non vero Catechumenorum Missa pluviam metuebat? An planeta, quæ S. Clementis constitutionum Apostolicarum auctoris ætate, & secundo jam sæculo inter cæremoniæ vestes numerabatur, octavo demum, ac nono sæculo in *pallium ad arcendas pluvias*, & in *bisularem* usum degeneravit? Ita quippe D. de Vert insinuat videtur, dum contendit, post nonum etiam sæculum, & Amalarii ætate vestem hanc promiscuum fuisse indumentum, quod in processionibus pro tegmine contra pluvias assumebatur. Verum non lubet apertis his contradictionibus ulterius inhærere, vide tamen, quomodo de rationibus mysticis quas Ecclesia vestibus sacris adnectit; D. de Vert obloquatur. *Difficile sane est (ait) mysteria Ecclesiæ ritibus adjungere . . . Sic, si concedam planetam olim undique clausam, & in terram usque demissam usurpatum fuisse in symbolum charitatis, quæ maximum etiam peccatorum numerum tegit, quid de ea pronuntiem hodie, quam ei usquam significationem, cum utroque ex latere aperta, vehementerque succiso nullum nobis veteris similitudinis fundamentum præbeat?* Et alibi: *Vestimentum hoc degeneravit, & preces, quæ in eo assumendo recitantur, non amplius ei conveniunt. Iterum: En aliam rationem mysticam annihilatam: cum enim planeta totum hominem contegere cessaverit, neque symbolum charitatis ulterius effigurare poterit.* Significatio igitur hac mystica penitus convulsa, & in nihilum redacta, a sana ratione alienissimum videtur eam etiamnum charitatis symbolum credere, cum ipsum illud credendi sublatum sit fundamentum. Qui igitur fieri potest, ut universa Ecclesia loquutionem hanc etiamnum retineat, & ad ipsam Sacerdotis ordinationem usurpet: *Accipe (inquit Episcopus) vestem Sacerdotalem, per quam charitas intelligitur.* Ajo universam Ecclesiam; quid enim usquam reperitur, quod majori authoritate ab universa Ecclesia confirmatum sit, quam quod sexcentis vicibus in omnibus mundi Cathedralibus reiteratur; quod in ore cujusque Episcopi, dum præstantissimo fungitur munere, versatur; quod denique omni, & singulo Sacerdoti in consecratione sua hac præcipue de causa inculcatur, ut noscat qua mente toto vitæ suæ tempore traditam sibi planetam considerare debeat? Nihilominus D. de Vert: *significationem hanc in nihilum redactam esse*, contendit. Quem suum errorem, ut fulciat, eundem venerabili Bedæ tribuere non veretur. Cujus autoritas nec minimum quidem ei scrupulum movet. Verum quomodo ignorare potuit hanc piam significationem ab universa Ecclesia in Pontificali adoptatam & usu consecratam fuisse? Sicque ab omni Sacerdote submisso obsequio amplectendam? Cum nullus Presbyterorum calumniare possit illud, quod universa frequentat Ecclesia, nisi juxta Augustini sententiam; *dementissimæ infantiæ reum facere cupiat.* (a) Verum quidem est indumentum hoc tractu temporis in lateribus diductum fuisse; ut, quis unquam D. de Vert pro certo confirmavit, atque pollicitus est, significationem mysticam, quam Ecclesia huic vestimento adjunxit, ita a determinata fixaque ali-

qua

(a) Quod universa frequentans Ecclesia hoc solummodo dementissimæ infantiæ est August.

Tom. 1. p. 315.

Tom. p. 309.

Tom. 1. præf. p. 25.

Tom. 1. p. 268.

Pontif. Roman. in Ord. Presby.

qua forma pendere, ut eadem paulisper immutata, mysticus sensus ita-
tin ex toto corruat, atque *in nihilum redigatur*? Minime vero, non
etenim formæ, sed ornamento ipsi Ecclesia mysticam hanc addidit signi-
ficationem. Ita asserit, & ita semper asseret contemptis quibuscumque
criticorum latratibus. Si enlin S Joannes in vestitu Sponsæ: *Sanciorum*
justificationes reperit, cur Sponsa non inveniat in indumento suorum
Sacerdotum: *symbolum charitatis*?

Apoc. 19.

Cum nobis de Ecclesiæ ornamentis sermo sit, non abs re futurum
arbitror, si quosdam alios errores exposuero, in quos circa hanc mate-
riam D. de Vert devius incurrit. Sacerdotes in more positum habent,
ut stolam in Crucis formam super pectus componant. Idque non fortui-
to, verum præcipiente Concilio Braccarensi tertio præstant. Ea ritum
antiquum, cui non alia causa quam mysticus sensus originem dedit:
alias namque consuetudo hæc prorsus inutilis videretur, aut certe indi-
gna, quæ Canoni celebris Concilii occasionem subministraret præter-
quam quod hæc Innocentii III. hæc Ivonis Carnotensis fuit opinio. Non
tamen ita sentit D. de Vert, putat enim hanc ob causam introductum
fuisse, *ut bina fascia super pectus in decussim ducta albam eo in loco te-
gerent ubi planeta biatus aperitur vacuum, sicque elegans ornamentorum
servaretur symmetria*. Præclaram hanc conjecturam vix nactus omnes
cæteras scriptorum Ecclesiasticorum opiniones ambitioso supercilio des-
picit: ac ut se a tam aperta Concilii Braccarensis (a) autoritate libe-
ret, explicationem ei affingit tam distortam, ut nec ipse eam absque ti-
tubatione asserre audeat. *Concilium* (inquit) *forfitan nihil aliud in-
tellexit, quam quod bina stola partes tali situ in pectore sibi occurrerent,*
ut (quin in decussim ducerentur) duo crucis brachia effigarent, dum
corpus perpendicularem lineam effingeret. Ego certe igauro, an D. de Vert
concipere potuerit stolam crucem in pectore efformantem, quæ negli-
genter a collo pendeat, neque in Crucis formam implicetur. Ego qui-
dem id minime capio, neque credo ullum futurum, qui id capere queat:
abunde id tamen D. de Vert sufficit, ac perquam inagnifice sibi de egre-
gio hoc invento gloriatur: Quod illi occasionem offert ad clarissimum
Concilii sensum detorquendum, eique substituendam ideam omnium
omnino obscurissimam.

Tom. 3. p. 305.

§. XXXIV.

Error D. de Vert circa Manipulum.

C Ommunis de Manipuli origine est opinio, eum videlicet linteum
fuisse ad detergendum sudorem, ac Sacerdotum lachrymas. De
quo, ut exacta, accurataque institueretur disquisitio, necesse fuisset pri-
mo diverforum temporum rationem habere, adnotare dein, qua ætate
manipulus inter cæremoniarum ornamenta assumptus fuerit; consiteri
denique eum a certo quodam tempore non alia amplius ratione, quam
sym-

(a) Concil. Braccar. Can. 1. *Quando Sacerdos & quando suis consecratus, ita ut de uno eodemque
At istam celebraturus accedat, non aliter accedat, ac
quam oratio utroque humero circumseptus, sicut, signum in suo pectore præparet Crucis.*

symbolica in considerationem] venisse; ideoque Ecclesiam subdiacono solemniter Manipulum tradere, ut ei signo hoc penitentiam, & nunquam intermittendam cordis compunctionem in memoriam revocet; quod ulterius preces huic ritui adjunctæ explanant, & confirmant. Atque hic sinceræ cæremonias pertractandi est modus, ita instruendus est populus, ita nutrienda fidelium pietas, ita eorum curiositati satisfaciendum. Alia longe D. de Vert sunt principia: qui cunctas causas morales & mysticas aut penitus reticet, aut non alio fine, quam ad eas destruentes, evertendasque promittit.

Tom. 1. a pag.
289. ad 300.

Hac ille mente prolixam de Manipulo instituit fermocinationem. In duodecim prægrandibus paginis, quas perquam frivolis levissimisque disquisitionibus impendit, neque verbum quidem occurrit, quod præsentem Ecclesiæ mentem circa ornamenti hujus usum indicet. Imo vero tres, quatuorve adnoto expressiones, quæ satis singulares, Catholico Lectori videri possunt.

Primo. Ait sexcentis ab hinc annis Manipulum Subdiacono minime fuisse in ordinatione traditum, sed illud unice tradi, quod Concilium Cartaginense appellat, *urceolum cum aqua manile & manutergium*. Aliqui deum, adjungit D. de Vert, *inepte interpretati sunt aquam, & Manipulum*, atque crediderunt utrumque tradi oportere. En bellam, ac nobilem originem, quam ritui manipulum in ordinatione Subdiacono tradendi impertitur? *ineptam* scilicet ignorantis cujusdam interpretationem. Totus in hoc præclaro invento minime animadvertit meliora manufacta, perfectioresque editiones (Ita quidem habet Editio Patrum Labbei, & Costarti) habere: *Urceolum cum aqua, & Manutergium*. Huc accedit quod hujus institutionis Episcopum falsissimam statuatur, historiæque fidei penitus contrariam, ut mox patebit.

Secundo. *Soli Subdiacono*, ulterius persequitur, *manipulus in ordinatione traditur*. Imo vero *casuista* contendunt, hunc ornatum Subdiaconi ita esse proprium, ut quicumque non recepto Subdiaconatus ordine Manipulo uteretur, *nescio quas censuras incurreret*. Quæ ultima verba non parvum mihi incusserunt stuporem. Contemptum enim expriment, neque satis perspicio, an in censuram, an in Doctorum opiniones hujusmodi contemptus cadat? Primum credere nequeo. Ad secundum vero quod attinet, an D. de Vert mihi persuadeat, ut contemptui habeam opinionem, quæ ipsoistente *omnium quasi* (a) *Canonistarum suffragio fulcitur*? Tam gravium Doctorum sententia dignane est ut risu & contumeliis excipiat? an Canonistæ hanc sententiam temere commenti sunt? nonne in ipso in jure (b) Canonico, reperitur quod tamquam norma, & regula decisionum moralium ab ipsis juris Canonici peritis consideratur? Prohibetur in eo ne munia ordinum, quos necdum receperunt, obeant. Lex hæc est generalis, & ad minima ad omnes

Ordi-

(a) Tom. 2. in Suppl. p. 505. Ipse citat Tolæsum, Connick, Henricum, Rarnaldum, Saponem, Sylvestrum, Angelum de Clavasio, uno verbo, inquit, *sive omnes excepto Navarro*.

(b) Can. si quis l. y. Decret. tit. 28. de Clerico non ordinando c. 1. si quis . . . aliquod Divinum Officium exercuerit non ordinatus, propter temeritatem abjicitur ex Ecclesia, & nunquam ordinatur.

Ordines Sacros, ut S. Thomas demonstrat, se extendit. Quid melius Canonistæ in explicando Canone præstare poterant, quam ut ejus rigorem ad eos restringerent, qui non ordinati munia ordinatorum solemniter, & cum certo apparatu, id est cum ornatu ordinatis solum proprio exercent? Ast, qui quid D. de Vert contra clamat, certum est Manipulum esse ornatum Subdiaconi proprium. Uti Paschalis II. in Concilio Pictaviensi decrevit, in quo etiam statuit, *Ne ipsi Monachi Manipulis utantur, nisi sint Subdiaconi*. Paulo post, palam fiet S. Gregorii Magni tempore Manipulum fuisse ornamentum, cujus usus certis ordinibus prohibebatur. Anne post tot indubitatas, certasque sanctiones peregrinum nobis videri debet, si Canonistæ (a) judicarunt legum harum violatorem censuram Canonis *Si quis* incurrere? Ideone D. de Vert Doctores hos contemnere licebat?

In 4. Sentent.

Mortuus anno
1117.

Tertio: Manipulus, addit D. de Vert, *in origine sua simplex fuerat linteus proprie mantile purgandis sacris vasibus inserviens, Stropholum, seu Emunctorium ad detergendos oculos, manus, os, faciem addibitum . . .* Et in notis: *In brachio gestabatur. Unde cum de aliqua consuetudine obsoleta sermo est, ea loquendi formula utimur Manicis Nares Emungi solebant*. Et Paulo post: *Necdum seculum elapsum est, a quo vetula strophium brachio sinistro appendere cessavit*. Sola hæc verba sufficere arbitror ad inspirandum indignationem, qua excipi merentur. Quamquam omnis, qui stylo D. de Vert assuevit, deteriora etiam sine admiratione præstolari possit. Qui enim sanctam Sacerdotum planetam, & sacratum Archiepiscoporum pallium indutis, aut sagulis aurigarum vulgo bretelles gallice dictis comparare non veretur, cur de Manipulo tam impudenter loqui inuetat?

Quarto. Denique secundum D. de Vert Manipulus *circa duodecimum seculum penitus in ornamentum mutatus est*. Quod ego non aliam ob causam assero, quam ut demonstrem, D. de Vert etiam in rebus facti cæcutisse, ac minus exactum fuisse. Verum quidem est, ut supra inuimus, Paschalem II. anno 1117. vita functum Subdiaconis solis jus portandi Manipuli concessisse. Sed quoque extra dubium est ipsum Manipulum multis jam seculis purum extitisse ornamentum. Tercentos jam ante annos Rabanus (b) illud solemnem Sacerdotum ornatui adnumeraverat, & S. Gregorius ante quingentos ad Archiepiscopum Ravennatem scribens Clericis ejus Ecclesiæ usum Manipuli prohibet utpote qui Clero Ecclesiæ Romanæ in signum prærogativæ unice concederetur. Verba ipsa asseri merentur: *Illud vero quod pro utendis a Clero vestro Mappulis scripsistis, id a nostris Clericis est fortiter obviatum, dicentes nulli hoc unquam alii cunlibet Ecclesiæ concessum fuisse . . . Sed nos primis Diaconibus vestris in obsequio dumtaxat tuo Mappulis uti permittimus, alio autem tempore, vel alias personas hoc agere vehementissime prohibemus*.

Tom. 1. p. 146.

Qua quæso ratione hæc cum Epochis D. de Vert congruunt? Sic vide-

(a) Panorm. in 5. Decr. c. 1. de Cler. non ordin. citat S. Thomam in 4. Sent. dist. 34. Ego tamen nihil in illo reperi.

(b) *Quantum Sacerdotis indumentum Mappula sive Manilis est, quod vulgo sanorum vocant*, Raban. Maurus.

videlicet absque examine omnia effluit, quæ illi in mentem, cogitationemque veniunt. Quis dein fidem citationibus illius tribuat?

§. XXXV.

Error D. de Vert circa Mithram Episcoporum.

Quæ D. de Vert de Mithra Episcoporum detexisse arbitratur, haud sane prioribus suis disquisitionibus sunt accuratiora. Sentit enim, nihil aliud fuisse, quam pilleolum rotundum communem omnibus nationibus, feminis æque ac viris, qui undecimo adhuc seculo eam formam præferebat quam nunc nocturna capitis tegmina, & decimo primum seculo ab Ecclesiasticis, præcipue vero Episcopis tanquam proprius adscitus fuerit. Id quidem, quod pilleolus ab Episcopis solemnibus cæremoniis gestatus decimo demum seculo hodiernam formam fuscipere, & Mithra appellari cæperit, non multum a veritate abhorret. Verum an ignotum D. de Vert esse potuit, quod Episcopi a primis jam Ecclesiæ seculis certa coronarum specie in signum dignitatis redimiti fuerint. Eusebius Episcopos Tyri ad dedicationem Ecclesiæ congregatos ita alloquitur. *O amici Dei, o pontifices, qui portatis sanctam tunicam, & caelestem coronam gloria, qui habetis unctionem divinam, & vestem Sacerdotalem Sancti Spiritus.* (a) ad quem locum D. Abbas Fleury in Historia sua notat: quod verba hæc videantur indicare Episcopos jam tum saltem in Ecclesia certa ornamenta gessisse, præsertim cum de coronis sæpe mentio occurrat. Et certo de iis loquuntur S. Hieronymus, (b) S. Augustinus, (c) S. Paulinus, (d) S. Leo, (e) & Concilium Tarraconense. (f) Verum rem magis adhuc expressam accipe. Ammianus Marcellinus (g) narrat Tyrannum Mascizelum, ut benevolentiam Theodosii se infinuaret, ei militaria insignia, & coronam Sacerdotalem, quam Christianis abriperat, remisisse. S. Gregorius (h) Nazianzenus de die, qua in Pontificem unctus est, disserens, de cidare capiti suo in signum dignitatis imposito mentionem facit. Ordo (i) Romanus de Coronis scribit, quas Clerici gestabant, & Evangelii tempore in obsequium sacrificio debitum deponebant. Denique Constantini donatio, (k) quæ de ornamentis imperialibus, & diademate ab hoc Imperatore S. Sylvestro donatis loquitur, licet concedatur apocrypha, id tamen evincit septi-

(a) Euseb. lib. 10. Hist. cap. 1.

(b) S. Hieronymus Epist. ad August. Precor coronam tuam.

(c) August. Epist. 247. Donatistas alloquitur: Per coronam vestram vos adjuvant vestri, per coronam vestram vos adjuvant vestri.

(d) S. Paulinus Epist. ad Alipium: Ad venerandum scilicet coronam tua scripsimus.

(e) Epist. Paschasius scribens S. Leoni: Jubere dignaris esse coronam vestram.

(f) Concilium Tarracon. scribens Papæ Hilario: Debetis esse coronam vestram obsequia.

(g) Ammianus Marcellinus l. 29, Militaria

insignia, & coronam Sacerdotalem cum exte-
ris quæ interceptas, nihil custodius restituit, ut
præceptum est.

(h) Greg. Naz. Idcirco Pontificem ungit, ut
potero cingis, capitiq; cidare impo-
sit. Orat. 5.

(i) Ordo Romanus. Hora Evangelii omnes
baculos deponunt, & coronam.

(k) Donatio Constantini T. 1. Concil. p. 1537.

Dilectam videlicet coronam capitis vestri, simul-
que Phœreum, id est Mithram, necnon & su-
perhumeralia, videlicet lorum, quod imperiale
circumdare assolet collum.

septimo jam seculo (eo enim conficta communiter censetur) Papam aliquam diadematis speciem gestasse. Et hæc vera Mithræ Pontificalis origo, quam D. de Vert ignorare minime debebat.

§. XXXVI.

Error D. de Vert circa Pallium.

PAUCA adhuc de falsis D. de Vert inquisitionibus circa Pallium adnotemus. *Fascia hæc (inquit) tanquam casula ornatus fuerat, cum quo videtur Pallium fuisse confusum. Cum Pallium ipsum eruditiorum quorundam sententia, nihil aliud fuisse censeatur, quam ornamentum ipsius vestis, quæ Pallium appellabatur, a qua tractu temporis separatam fuit &c. Quidquid horum sit, id constat, casulam antiquitus a pectore ad humeros in gyrum fascia Crucibus perseminata ornatas fuisse. Hincque apparet Pallium ante ducentos annos nequaquam distinctum existisse a fasciis, seu ornamentis casulae.* Itaque, ut hæc probet, casulam describit cujusdam Episcopi Auxonensis, & aliam casulam sepulcro insculptam Antistitis Sylvæctani mortui anno 1227. Interea non animadvertens Episcopus Auxodunensis, & Sylvæctanos Pallium numquam tulisse prosequitur ulterius. *Pallium harum fasciarum, seu fimbriarum locum obtinebat, neque alia fimbria, vel fascia in antiquis casulis cernuntur, quibus Pallium ipsum adnexum est.* Inflatus perbellis his, & felicibus inventis licitum, fasque sibi arbitratur ritui huic illudere: *Quamvis enim (ait) Pallium plurimi a nobis fiat, quamvis insignibus, prærogativis hoc ornamentum condecorans de eo tractantes scriptores, tamen nulli tanti aestimatur, quanti Roma saltem si formalitates consideremus, quæ in eo petendo, concedendo, & transmittendo observantur. Notum namque est Pallium per expressos, nuncios primo instantur, secundo instantur, tertio instantissime postulandum esse &c.*

Pulchra profecto, & admiratione digna res Presbyterum Ecclesiæ Romanæ tam facete de Religiosissimo hoc more cavillari! Verum neque illud minorem habet admirationem, quod homo tam eruditus antiquitatem hujus ornamenti penitus ignoraverit. Quinto enim jam seculo Pallii usus notus fuerat, & Isidorus de Damiata hujus figuram non solum describit, verum etiam ait: quod ab Episcopo Evangelii tempore deponeretur. In Occidente præterea inter sacra numerabatur indumenta, quorum usus non nisi Summorum Pontificum concessione permittebatur. Testimonium hujus exhibet Pallium a Symmacho Papa S. Cæsario Arelatensium Archiepiscopo, & a S. Gregorio Magno Syagrio Augustodunensi Antistiti concessam cumque anno 537. Paulus Alexandriæ Patriarcha ob fordatam criminibus vitam ab Episcopali Cathedra dejectus fuisset, dempsit illi pariter Pelagius Apostolicæ Sedis nuntius Pontificis jussu Patriarchale Pallium (a). De quibus historiis probe instructus, ac vetustorum gestorum peritus vir quo quæso animo, qua mente intue-

M

bitur

(a) Liberat. in Breviar. cap. 12. *Et auferentes Paulo pallium, deposuerunt eum, & ordinaverunt pro illo Zeilum.*

bitur D. de Vert audaciam, qui Pallium cum casulæ fasciis, fibriisque confundere non veretur, nobisque obtrudere audet hunc morem vix ducentos abhinc annos in desuetudinem abiisse? Num D. de Vert se veritati satis consuluisse arbitratur, dum aliqua Historiæ Ecclesiasticæ fragmenta adducit, quæ antiquissimam Pallii originem adstruunt? Additiones hæc invito fortasse animo adnexæ satisne sunt ad evellendas novas opinionēs quas scripta sua legentium animis indiderunt, adnotationes suæ (opinor) facile obliterabunt, quæ tanta solertia, tantoque conatu paulo ante statuere connixus est: nimirum octavo, aut nono demum seculo casulam, quæ olim promiscuum omnium fuerat indumentum, inter religiosos adscitam fuisse vestes, ac proinde ipsum Pallium utpote induenti illius partem institutionis esse casulæ ipsi multo posterioris?

Sed longius disquisitionibus his a primo meo instituto abripior. Cum tamen ad causæ meæ defensionem mirifice conferant, spero me digressionis hujus veniam facile impetraturum. Accedit quod vix fieri queat, ut qui hominem a recta semita sæpissime deficientem persequitur, non ipse pariter quandoque ultra præstitutos sibi limites evagari cogatur, ad propositum itaque revertamur iter. Verum est, Ecclesiam a communi consuetudine quasdam Ministrorum suorum vestes assumere potuisse: at nec minus verum censeo jam tribus primis Ecclesiæ sæculis attributa Sacerdotibus fuisse certa quedam ornamenta quorum causa non alia, quam religio, & cultus extitit. Locus Eusebii in Concilio Tyri superius a me allatus omni exceptione majus in rem hanc testimonium exhibet. Cui adjungere possem Theodoretum de Constantino scribentem, quod Princeps hic Macario Hierosolymitano *Vestem* seu *Stolam* dederit auream, qua in impertiendo Sancti Baptismatis lavacro uteretur. Necnon præclare ad institutum meum facit auctoritas S. Hieronymi qui c.44. (a) in Ezechielem nos docet, quod ministri Altaris in obeundis sacris muniis diversis a communi usu, iisque candidis induti fuerint vestimentis.

Temporum decursu Ecclesia, indumenta sua ornatu augustiora reddidit, sensus tamen symbolicos continuo adjunxit. Utque hos perpetuos redderet, ac Sacerdotum mentem ad altiora elevarer, preces constituit, quæ significationes mysticas exponerent, atque explanarent. Invaluit harum usus octavo, aut certe nono jam sæculo. Ut videre licet in veteri fragmento ejus ævi Liturgiæ, quod Illyricus celebris inter Protestantes Author non sine magno suorum dolore in publicam lucem edidit. Sique ulterius regredi lubet, suppeditabit nobis S. Chrysostomi Liturgiæ locum, qui benedictionem universi hujus ornatus, antequam usui inserviat, præcipit.

Denique ipsa hæc Ecclesia ultimo suo in Concilio sancivit, atque declar-

Existat in Bona
Rer. Liturg.

(a) *Discimus non quotidianis, & quibuslibet pro usu vite communis politis vestibus nos ingredi debere in Sancta Sanctorum, sed mundi conscientia & mundis vestibus tenere Domini Sacramenta. . . . vestibus lineis utuntur Ægyptii Sacerdotes non solum intersecis, sed & ceteris secus. Porro Religio Divina alterum habitum in*

ministerio, alterum in usu viteque commun. in c.44. Ezech.

Et lib. 1. adversus Pelagium c.9. *Episcopus, Presbyter, Diaconus, & ceteris ordo Ecclesiasticus in administratione Sacramentorum cum candida veste procedunt.*

claravit, hanc ei semper in usu sacrorum vestiam fuisse mentem. Nunc quid amplius restat ad convincendum virum religiosum, quod ornatus sacri, ut hodie cernuntur, non alteri rei, quam magnificentie cultus, Sacerdotumque & populi instructioni inserviant? ac licet concedatur stolam fuisse vestem promiscuam, casulam pallium, manipulum stropholum, hæc tamen nihil amplius commune cum sensu illo habent, quem nobis hodierna ætate de his efformare debemus. Nunc enim tamquam res Sacre, ac Symbolicæ habendæ sunt nec casu, aut consuetudine quadam ad hanc dignitatem pervenerant, verum Ecclesia ipsa sapientissimo consilio effecit, ut etiam hæc ornamenta ad augendam Divini cultus maiestatem inservirent. Adjunxit ideas mysticas ad instruendos Fideles suos filios, quas a Sanctis Patribus pie inventas adoptavit, & in preces suas transtulit, sicque ita suas, ita proprias sibi effecit, ut non amplius licitum sit eas tamquam arbitraria quorundam mysticorum inventa considerare. Neesse est eas universalibus illis Ecclesiæ ritibus adnumerare, quos contemnere S. Augustinus dementissimæ esse ait insanie. Idemque prorsus de ritibus origine sua quidem promiscuis, atque ab Ecclesia deinde inter suas cæremonias mysteriaque relatis sentiendam, quod de homine humili genere nato, quem Princeps quispiam primis regni sui honoribus, & dignitatibus condecoraret.

§. XXXVII.

Secunda propositio. Ecclesiæ mysteria, & symbola iis etiam cæremoniis adnectit, quæ necessitate sua deinde conserventur.

Propositionis hujus probatio.

MEa quidem sententia Ecclesiæ mens nequaquam tam arctis includitur limitibus, ut necessitate introductos ritus ob necessitatem solam conservet: addit quoque sensum mysticum, atque illos sic ad dignitatem symbolorum elevat. Sunt equidem haud paucæ cæremoniæ, quæ usu receptæ retinentur ob necessitatis, commodi, aut decori causas. Verum fidenter assero, atque hic demonstrare conabor etiam in his cæremoniis Ecclesiam præcipue ad sensum allegoricum respicere: attollit quippe per eas animos nostros ad sublimem rerum altissimarum cognitionem, profundissimorumque mysteriorum nos quotidie admonet. Quæ cum causas naturales, & physicas intactas, inviolatasque relinquant, pietatem simul nostram nutriunt, perficiuntque: atque Ecclesiæ hanc esse mentem, non mysticorum tantum esse affirmo; Ecclesiam namque universæ hunc mysteriorum amorem, huncque symbolorum genium tribuo, quem D. de Vert in ignobile, & in frequens omni authoritate, assensuque destitutum quorundam consortium, quod *corpus mysticum* appellat, rejicit. Clarissime mihi Ecclesiæ mens ex duabus, quæ unice in hac materia usurpari possunt, invidiis probationibus innotescit. E Patrum videlicet omnium retroactorum seculorum authoritate, & receptis ubique locorum Ecclesiæ precibus. De quibus duobus argumentis, si juxta effatum Vincentii Lirinensis: *quod ubique, quod semper, quod ab omnibus* judicare volu-

mus, conveniendus profecto cum veteri hoc Authore, eodem illa robore in Ecclesia pollere, quo solemnissimum quodque decretum.

Primum itaque argumentum ex Patribus desumitur. De quibus audacter mihi affirmare licet, nullum inter illos extitisse, qui non aliquam caeremoniarum symbolico sensu explicaverit, nec eas quidem ex harum numero demendo, quæ rationibus naturalibus, & physicis nituntur. Cui sententiæ facile quisque adstipulabitur, si in mentem revocaverit suam cunctos illos sacros Scriptores, quos tantis in locis attuli, quorumque auctoritates superius in unum congeffi. Adjungere his possem sexcentos alios, quos afferre nullum prorsus mihi gigneret negotium, inter cæteros Erychium, (a) qui contendit sacrosanctæ Eucharistiæ reliquias post Officium ideo cremari, ut veteris legis Symbolum expleretur, in qua victimarum residua flammis consumi debebant. S. Hieronymus vero ait, Jesum Christum vinum ea de causa in Eucharistiæ Sacramentum elegisse, quod rubens ejusdem color sanguinem suum melius effigureret. Fulsibus nos edocet, fontes ad Ecclesiarum januas constitutos fuisse, ut intrantibus se abluendi occasionem præberent, simulque de cordis puritate admonerent. S. Leo altarium ornatum symbola esse dicit, quæ fideles ad exornandum virtutibus animum incitent. Facundus (b) Hermianensis in caeremonia Catchenumenorum ante baptismi suscriptionem vestes deponentium se imaginem ejus spoliationis reperisse credit, qua veterem hominem una cum actibus internis exuere debemus. Innocentius I. osculum pacis in Missa dari solum tanquam tesseram intuetur, qua consensus in omnes sacrificii preces declaratur: S. Chrysostomus autem mutui obsequii, & venerationis testimonium arbitratur, quod sibi Christiani ob honorem a templo Dei in eos redundantem exhibent. Isidorus de Damiatina lintea, quibus in altari oblationis tempore utimur, inter symbola linteorum in sepultura Jesu Christi adhibitorum numerat.

Hic communis sermo omnium SS. PP. qui primis quinque Ecclesiæ sæculis floruerunt; ex industria enim horum auctoritate usus sum. Quod si ad sextum, posterioraque adhuc sæcula descendere vellem, quam ampla non mihi se aliorum SS. PP. offerret seges? Imo nec unus quidem tota temporum serie, diversisque Ecclesiæ ætatibus sese offert, qui nos non de aliqua significatione mystica ritibus nostrarum Ecclesiarum adnexa instruat. Si igitur Sancti Patres, iique omnes ita fermocinantur decetne, eos tanquam mysticos arguere, qui genio suo indulgeant, sequedem mere arbitrariis abripi sinant? Annon illi Ecclesiæ Doctores, & Interpretes? quid autem est Ecclesiæ interpretem esse nisi ipsius Jesu Christi mentem assequi eamque Christianis explanare? Cui quæso in firmando sponse suæ mente judicio adhærebo? An unanimi Sanctorum Doctorum consensui? an D. de Vert, ejusque adnotationibus, circa consuetudines ignotorum quorundam virorum, ut sunt: Caudebec, Montivilliers, Paillois, Gergeau, Gallardon concessit? Hæ quippe præclare illæ autho-

rita-

(a) Lib. 2. in Levit. cap. 8. Floruit circa annum. 400.

(b) Facundus Hermian. Lib. 1. primis tribus Capitulis. *Levono generatious alendi* *Nihil ibi oblatum, nihil absconditum fuit*

Expositio denique corporis Magnum illud fidelis percipimus, & servare spontimus Sacramentum, & non sola voce, verum etiam habim corporis proficimus Eonisse nos hominem veterem cum actibus.

ritates sunt, quibus plusquam universæ traditioni tribuere videtur.

At forte clariorem adhuc totius Ecclesiæ consensum sibi demonstrari exoptat, ex quo inconcussè probetur, ritibus necessitat, aut decoro suadente retentis mysticas semper adjunctas fuisse significationes? Reperiet illum in precibus, quas Ecclesia cæremoniis suis addidit, quæque iis fere semper sensum mysticum, allegoricum, & symbolicum applicant. Superfedeo ab afferendis exemplis, cum res aliunde ita omnibus pateat, ut omnem confirmationem tanquam supervacaneam excludat. Neque ipse D. de Vert dissentiat. Quinimo, ut duriora Operis sui loca leniat ideas has comprobare, vel tolerare videtur, quamquam eas semper sub *idearum jatis arbitrariorum* nomine inspiciendas præbeat; quæque consensu Ecclesiæ nequaquam stabilitæ, & fixæ sint: sed sciscitor, cum hæc idææ, applicationesque mysticæ clarissime e receptis in universa Ecclesia precibus eluceant, nonne a tota Ecclesia censendum est illas approbari, decerni, ac consecrari? Nam quid magis ab universa Ecclesia approbatum dici valet, quam quod in ore omnium Sacerdotum, & totius populi ubique, & omni tempore versatur? quod quotidie sæpius in omnibus mundi partibus reiteratur, ubi altaris nostri sacrificium offertur, Sacramentaque administrantur? quod in cunctis Missalibus, Ritualibusque, Pontificalibus, Sacramentalis aliisque Libris divino ministerio destinatis exstat? si igitur universa Ecclesia, ita loquitur, ita se exprimit, ac sermonem suum figuris, cæremonias mysteriis permiscet, qui id D. de Vert non recognovit? qua ratione asserere potuit *omne hoc esse arbitrium*? quomodo ausus est redarguere eos, quos *corpus mysticum* appellat, quosque inter maleficos rituum deturpatores collocat? S. Augustinus invenit sane in precibus Ecclesiæ solidissima Fidei nostræ argumenta. D. de Vert nullam in iisdem precibus rationem symbolicam agnoscere valet.

Fig. 216.

§. XXXVIII.

Confirmatio præcedentis propositionis Ecclesia eodem tempore duos principales fines in institutione, & usu complurium suarum cæremoniarum respexit. Quod D. de Vert perperam inficiatur.

Ubi quæso locorum D. de Vert legit, quod Ecclesia nequiverit sibi simul duos fines in ordinatione suarum cæremoniarum præfigere, duasque rationes fundamentales, physicam unam, & naturalem, symbolicam alteram, & moralem earum institutionis habere? Probe (inquit) cavendum est, ne tribuamus eidem cæremonia binas causas immediatas, & specificas . . . : quæ tamquam motiva partialia suæ institutionis proponantur. Unam scilicet causam, quæ ipsi essentia physica, & materiali cæremonia conveniat, alteram vero, quæ figuratum ejusdem sensum respiciat. Illico tamen sententiam mutare, atque nobis consentire videtur dummodo *traditio firma, constans, ac uniformis, & testimonia irrefragabilia, ac optima notæ adsint*. Verum quis non videt hæc aut ob causæ suæ diffidentiam, aut ad leniendam propositionis asperitatem

Fig. 216.

tem

tem ab illo afferri? Quid enim huc confert, quod se assensurum promittat *traditioni*, aut *testimoniis irrefragabilibus*, & *optima nota*, dum omni momento se paratum promptumque demonstrat ad rejicienda quæcumque validissima testimonia, & traditiones mirifice sibi cohærentes? Et sane quæ *traditio magis constans*, quam illa, quæ nobis mysteria in antiquo baptizandi ritu figurata detegit? Quæ testimonia magis valida, quam Sanctorum Patrum, & præcipue S. Cypriani, qui nos edocet aquam sacro calici infundi ob rationes symbolicas? Hæc tamen illæ traditiones sunt, quas D. de Vert (a) respuit nihili prorsus faciens clarum, patentemque sermonem, quo S. Cyprianus se exprimit, adjungit contemptui calumniam, dum Patrem huic mysterii, de quo nec Ecclesia, nec Jesus Christus unquam cogitavit, inventorem accusat. Qui eo audaciæ pervenit, satis irrisorie nobis spondet se assensurum traditioni, & Sanctorum Patrum testimoniis.

Non concedit itaque nobis D. de Vert (b) Ecclesiam duo simul motiva habuisse, alterum ut comodo & necessitati inserviret, alterum, ut symbola mystica fidelium pietati suppeditaret? Verum anne in verba ejus jurandum contrariæque opinionis auctoribus minor fides habenda erit? Nulline ritus, & cæremoniæ exstant, in quibus duo hæc motiva clarissime inter se connexa exhibentur? Sublevantur extremitates casulæ Sacerdotis celebrantis, dum aram thymiamate incensat, aut sacram hostiam, & calicem extollit. Cujus cæremoniæ licet necessitas in causa sit ut videlicet Presbyter subveniatur, qui ornamenti hujus, quod olim gravissimum, maximeque incommodum erat, pondere premebatur, brachisque impedita habebat. Quis tamen non simul advertit id etiam ob venerationem, honoremque fieri, quem Ministro Jesu Christi debemus. Sicut in proceribus evenit, in quibus honorandis, sublevandisque ne minimam quidem prætermittimus occasionem. Et quidem non necessitatem solam cæremoniæ huic originem dare, verum suam etiam hic partem obtinere obsequium consecratori Corporis Jesu Christi debitum argumentum illud est; quod servitium hoc, & solatium Diaconis, & Subdiaconis iisdem quasi casulis indutis minime exhibeatur.

An rem amplioribus exemplis confirmare necesse est? Quid obest, quin Ecclesia quæ decoris causa præcepit, ut deformis altarium nuditas (c) impolitique lapidis asperitas tegatur, non etiam præcepit ob aliquam causam mysticam ut ornamenta quæ tegendis altaribus adhiberentur essent quam fieri posset, pretiosa, & magnifica, ut videlicet venerationem erga Sanctissimum Jesu Christi Corpus exprimeret, cujus sedes profecto eadem ornamenta meretur, quibus throni terræ Regum splen-

(a) Tom. 1. e pagine 268. usque 280. præcipue que in hac ultima.

(b) D. de Vert in Epistola sua ad Jurium anno 1680. scripta aperte concedit Ecclesiam simul hæc duo motive in usu suam cæremoniam habere potuisse. En verba illius *Non video, quid me vetet dicere, quod sicut Spiritus Sanctus diversos sensus Catholicos in Scriptura Sacra respiciat potest, ita pariter Ecclesia in usu cæremoniarum suarum præter causas institutionis sibi etiam differentes sensus spirituales præfigere; quæ a Patribus, & Mysticis Auctoribus cæremoniis allegantur.* Tom. 4. p. 349. En evidentem contradistinctionem.

(c) Tom. 3. p. 307. & 355. p. 316. & præf. p. 12. videtur condemnare magnificum altarium apparatus, universaque tamquam cortinas, & velæ ad tegenda sanctorum ossa contemplantur.

(b) Tom. 3. p. 307. & 355. p. 316. & præf. p. 12. videtur condemnare magnificum altarium apparatus, universaque tamquam cortinas, & velæ ad tegenda sanctorum ossa contemplantur.

splendescunt? Dum campanas ob utilitatem adscivit, quid vetat, ne diversum, & harmonicum earum concentum ad declarandam suarum festivitatum sollemnitatem significatione morali traducere potuerit? Id quidem D. de Vert minime patitur, ut postea nobis constabit; verum an recte videamus. Si ad veterem legem ~~re~~grediamur, & originem horum instrumentorum in tubis, quibus Moyses in annunciandis festorum dierum sollemniis usus est, indagemus, reperiemus ternas a Deo ipso ritus hujus dictatas rationes, easque ipsi præcepto annexas. Primam, ad convocandos statim precum horis ad templum Judæos; secundam, ad corroborandos eos præliorum, & conflictuum tempore; tertiam, ad excitandam festis diebus lætitiā, sicque augendam eorum pompam, ac sollemnitatem (a).

Spiritus sane Domini suis in ideis infinitus, non tam arctis, ut uoster Adversarius, constringitur limitibus. Novit ille ex unica causa complures educere effectus, in uno remedio sexcentas reperire utilitates, atque unicam rem ad perficienda quamplurima providentiæ suæ consilia adhibere. Quod ille abunde in Veteris Testamenti historiis, sacrificiis, cæremoniis, vaticiniis, ac universa Scriptura Sacra demonstravit. Cunctæ illæ significationes admirandæ, & magnificæ non equidem intendæ sunt ut idem SS. Expositorum, verum ut idem ipsius Sancti Spiritus, qui judicio sapientissimi cujusdam hujus sæculi Præfulis diversos hos sensus prævidit, & Ecclesiæ suæ inspiravit. Quæ igitur difficultas, ut agnoscamus, eandem hanc Ecclesiam a Spiritu Sancto didicisse, quæ ratione cultum, & cæremonias instituire deberet, quæ eodem tempore & necessitati, circumstantiisque locorum, ac temporis satisfacerent, & debita obsequii Divinæ majestati reddendi testimonia præstarent ut doctrina symbolica rudium ignorantie, & aliorum fidelium pietati consuleretur.

Hucusque in id incubui, ut certa collocarem principia, quibus ducti de Ecclesiæ mente circa institutionem, & usum suarum cæremoniarum judicium ferre possemus. In quo ita versatus sum, ut nihil attulerim, quod non præcis scripturæ testimoniis, Ecclesiæ universalis precibus, constanti, & unanimi Sanctorum Patrum doctrinæ innitatur. Has quippe regulas sequi soleo securus me his ducibus nunquam a veri tramite aberraturum. Abunde quoque ac minutim me demonstrasse arbitror, quantum D. de Vert alios duces sequens a justâ deflexerit semita. Verum ne sic quidem ad detegendos omnes systematis sui errores me satis præstitisse confido, si non ad accuratorem perquisitionem complurium errorum descendero, in quos eum suus genius justo plus simplici & literali sensui addictus abripuit, quibusque refutandis mihi hucusque nec locus nec potestas extitit.

Fin.

(a) L. Numer. c. x. v. 10. Si quando habebitis quæsit, ut sint vobis in recordationem Dei vestri. Epulum, & dies festos, canetis tubis super holocaustis, ut sint vobis in recordationem Dei vestri. D. Bossuet Episcopus Meidenis.

§. XXXIX.

Enumeratio, & confutatio complurium errorum quas D. de Vert in suo opere passim disseminavit. Commentatio scandalosa, quam Auctor supra sanationem Evangelici illius a nativitate cæci instituit.

Non alium hîc ordinem mihi præfigam, quam paginarum primorum duorum D. de Vert voluminum. Quod antequam præstem iusto accendore zelo indignam huius Auctoris commentationem perstringendi, quam de duobus Jesu Christi miraculis instituit altero a nativitate cæco, & altero muto surdoque quem Jesus Christus a dæmonis potestate liberavit. Occasionem de duabus his naturæ vires excedentibus operationibus fermocinandi captat, dum illi sermo est de saliva, quæ in exorcismis Baptismum præcedentibus adhibetur, atque ex industria videtur hunc sibi aditum aperuisse, ut horum miraculorum vim infringeret? *Scitur*, inquit postquam ambas narrasset historias, *Scitur, paululum terra saliva conglutinata fuisse unguenti, aut cataplasmati speciem, quam veteres infirmis membris applicabant.* Citat hîc Plutarchum, & Plinium, atque ita prosequitur: *Filius itaque Dei verosimiliter saliva usus est tanquam medicina, quæ forsitan eo tempore ad curandas oculorum, aurium, & linguæ infirmitates inserviebat. Notum quippe est unum ex liquoris huius ad salvedinem deflendentis effectibus esse humectare linguam, ejusque motum liberiores reddere, salivam denique collyrium ad oculos curandos existere, & promptissimum, & maxime naturale.* Ultimo peregrinam hanc margini adscribit notam: *Prohibitum fuerat Sabbato cataplasmate hoc uti. De Imperatore Vespasiano circumferebatur ab eo semel hoc remedio cæcum sanatum fuisse.*

En duo Jesu Christi miracula, atque inter omnia ea, quæ omnipotentiam ejus apud Judæos quammaxime manifestarunt, præcipua, a dignitate sua dejecta, & intra limites simplicis medicamenti redacta. An nobis non gemendum, dum similem saniam e calamo Catholici Scriptoris stillare cernimus? An nobis non inclamandum cum Sancto illo, quem Historia Ecclesiastica narrat, iusto dolore contra hæretici cuiuspiam blasphemias accensum exclamasse: *Bone Deus ad quæ tempora reservastis nos?* Quid igitur? Prodigium illud quod tantum stuporem Judæis, tantamque confusionem eorum malitiæ injectit; prodigium, quod omni conatu, omni arte, frustra tamen debilitare studuerunt; iudicio D. de Vert considerari debet ut sanatio naturalis proveniens a *Collyrio ad oculos curandos, & promptissimo, & maxime naturali.* Hoc ipsum prodigium comparatur, cum fabula illius cæci, quem Imperator Ethnicus, infami libidine, omnique luxuria culpandus sanavisse fingitur. Rem inauditam, peregrinam meditationem, quæ neque perditissimo cuiquam hæretico nequam in mentem venit! Quam nullus audacissimorum, & supra modum etiam temerariorum criticorum vel innuere ausus fuit, quæque vix apud paucos quosdam Rabbinos extremorum temporum reperitur;

T. 1. pag. 46. & 47. 51. & 52.

S. Polycarpus.
Euseb. Hist. Eccl.
Lib. 5. c. 29.

Drusius citat Rabinum Levi.

tur; qui gloriam Jesu Christi impugnantes, ejusque divinitatis inimici invidia, incredulitateque abrepti similia effutire præsumperunt.

Qui autem fieri potuit, ut non intelligeret D. de Vert ab ipsa scriptura futes hæc stultissimasque commentationes refutari? Si enim rem accurate perpendamus, surdus ille, & mutus Evangelii Dæmonis malicia hoc morbo laborabat. Ad sanandum igitur illum nequaquam sufficere potuit: *liquor salinus proprius ad reddendum motum linguæ*. Tortorem Dæmonem fugare necesse fuit, aliquid in saliva naturalis, & specifica virtus fugandi Dæmones? Quod vero ad cæcum illum a nativitate attinet; si lutum oculis illitum cataplasmatis vices apud Judæos obtinuit: atque *collyrium hoc promptissimum, atque maxime naturale oculorum curandorum remedium*, apud ipsos erat, cur quæso tanta eos incesit admiratio de valetudine restituta *virtute specifica* medicinæ efficacia, & *naturalis*? Cur illis opus in vulgus spargere cæcum hunc aut non semper hac ægritudine affectum, aut valetudinem illius nequaquam desperatam fuisse? Cur modo parentes, modo ipsum advocabant, atque in eorum responsis perquirebant, si quid ad infringendam tam illustri miraculi gloriam elicere possent? Quid illis metuendum, cum pensio in promptu erat, qua miraculum penitus enervarent: *salinam videlicet collyrium esse promptum, & efficacem curandis oculorum morbis*, hujusmodi medium ab Jesu Christo adhibitum eos præstitisse effectus, qui in similibus circumstantiis a quocumque Medico præstari potuissent. Dixissent equidem hæc, si vel umbram ea dicendi habuissent: eorum silentium igitur firmissimo nobis argumento est eos omni prorsus id asserendi desitutos fuisse verisimilitudine: hæc tamen somnia indignus D. de Vert commentarius affirmare non veretur. Commentarius vehementer discrepans a SS. Patrum mente, qui clare in miraculum hoc adnotarunt Jesum Christum non solum nullum ad restituendum cæco visum adhibuisse collyrium, verum ea usum fuisse materia, quæ ad tollendum, non reddendum oculorum lumen ex natura sua comparata videretur. Ita S. Augustinus, ita S. Chrysostomus. Huic D. de Vert insistendum viæ. Verum SS. PP. auctoritatem tanti non facit, ut sibi eorum vestigiis insistendum putet. Cæterum quid non audeat impostorem, qui intam absonos errores ultro prolabitur? En aliam hallucinationem prioribus non dissimilem.

§. XL.

Error D. de Vert circa consecrationem Eucharistiæ, præsentiamque Realem.

Quis unquam crederet D. de Vert præsentiam Realem Jesu Christi in eorum mysteriorum numerum collocare potuisse, quæ ratione simplici, & physica, & naturali explicari queunt? Qua in re, ut accurate procedamus, argumenta judicandi ab ipso Auctore sumamus. Postquam adstruxisset consecrationem præsentiam Realem Jesu Christi in hoc mysterio producere, adjungit: *Namque consecratio hic sumitur non*

N

pro

pro simplici caeremonia &c. Verum eadem significatione, qua Ethnici hoc verbo utebantur videlicet ad significandam certam formulam, quæ (ut ait Minister la Roque) Ethnicorum sacrificii utebantur ut Divinitas ab ipsis adorata suo simulacro præsent fieret, constabat autem hac formula certis quibusdam statisque verbis, quæ efficacissima ad attrahendam, imaginibusque ad id efficiis conjungendum numinum falsorum præsentiam opinabantur Cum itaque consecratio eo sensu intellecta, quo Ecclesia eam apud Ethnicos tum reperit, cum primum hac voce usa est operetur Realem, veram, & corpoream præsentiam, cur quæso D. de Roque post factam pronuntiationem formulæ consecrationem symbolis vini, & panis præsentiam hanc denegat? Anne possibile Ecclesiam terminum consecrationis alio sensu addibituram fuisse, quam illo, qui tum communis erat apud Ethnicos si enim hujus vocis significationem ad alium sensum detorssisset Ecclesia, decepti fuissent recens conversi Gentiles, qui termini hujus naturali significationi assueti, illico præsentiam Realem & veram intulissent Cum e converso Ecclesia mutata nominis vi, & significatione nihil præter merum signum agnosceret.

Quam exotica Doctrina? Consecratio Corporis Jesu Christi eandem obtinet significationem, quam consecratio idolorum. Ecclesia non alio sensu usurpare potuit. Primi fideles crediderunt Jesum Christum eo modo in Eucharistia fuisse præsentem, quo idololatria labe adhuc infecti divinitates idolis præsentibus arbitrabantur. Si aliud quidpiam intellexisset Ecclesia, Ethnicos recens ad fidem conversos decepisset. Non commorabor in his confutandis, cum per se Catholico Lectori, cui hic meam navo operam horrorem incutiant. Nec digna sint quæ Theologicis debellentur ratiocinationibus; sed quæ auctoris sui oblitterentur, & deleantur lacrymis. Videtur ille ipse pudore temeritatis suæ ductus additiones illas, & correctiones adjunxisse, quibus asperitatem idearum suarum lenire conatur. Verum anne sic errori suo satisfactum arbitratur? Annon potius adnotationem tam perversam, tamque parum sibi constantem evellere, æternæque oblivioni tradere debuisset? Equidem non video, quid aliud in excusationem suam proferre valeat, quam exiguum suam in Theologia peritiam. Et profecto facile apparet eum perquam leviter hac scientia tinctum fuisse, dum auctaster assertit: *in omni administratione Sacramentorum assuetam spiritualem contrahi inter conferentem, & recipientem*. Formam Sacramentorum mutatam fuisse ab Ecclesia, nec excepto quidem baptismo. Episcopum tonsuræ non insignitum incapacem beneficii dignitati suæ annexi futurum. Nulla Episcoporum unctionis ante septimum sæculum reperiri vestigia: hæcque verba: *Accipe Spiritum Sanctum* ordinationi Diaconorum a quadringentis solum annis annexa inveniri. Differentiam Sacrorum Ordinum non aliunde quam ex diversis Classibus dyptichorum, seu tabularum Ecclesiasticarum deduci. Solemnem Abbatum benedictionem decore solum inniti, neque discernere per benedictionem, quæ in Claustris Lectori mensæ, & in matutini Cantori Lectionum conceditur. Et hæc est præstans illa D. de Vert Theologia. Ex qua haud difficulter nobis constat, eum minus, quam mediocrem huic scientiæ navasse operam. Sin hic Theologiæ, defectus ali-

76. T.2 p.70.
463. T.2 p.415.
472. T.2 p.413.
211. T.1. p.201.

T.2. p. 219. 50.
51. 52.

T.1. p. 42. &
395. 366. in Sup.
plemento. 364.
Tom. 2. p. 221.
& seqq.

aliqua excusatio est; diffiteor D. de Vert ex hoc capite facile excusari posse.

§. XLI.

*Error D. de Vert circa modulationem vocis
in precibus, & Canone Missæ.*

NEquè silentio præterire ea, quæ D. de Vert tam prolixè differit; de tenore vocis quo Missæ ac præsertim privata olim celebrabatur quaque ratione eam hodie celebrari deceret, apparet sane luculenter, sibi displicere quod Canon submissa voce recitetur, & cupere videtur ut aliæ rubricæ immutentur, aut imposterum negligantur. Veretur quidem id apertis declarare verbis, ambagibus tamen, & subtili circuitu mentem suam non obscure explicat. Operam lnderem, si sermocinationes suas asserrem. Excerptum mihi foret, quod ille in centum & amplius paginis sat inutiliter de re hac disceptat; quod si facere cuperem, nullum prope modum nostra hæc refutatio habitura esset. Sufficiat mihi inde occasionem capere adnotandi quæpiam circa rem, quæ in usu quotidiano versatur quæque omnium Sacerdotum altari ministrantium utilitati inserviat. Quod quidem eo magis necessarium existimo, quo certius mihi constat, nonnullos hodierno die existere, qui propria auctoritate præscriptæ a rubricis normæ viam derogent. Sunt & aliqui inter hos tante temeritatis, ut se in reformatores rituum erigere, & neglecto Concilii Tridentini anathemate usum submissa voce Canonem recitandi tanquam primis sæculis contrarium condemnare non vereantur, atque sub prætextu veteri Ecclesiæ se conformandi novis suis commentis hodiernam Ecclesiæ unitatem conturbare audeant.

Abs re hic esse arbitror disquirere an Canon olim alta voce recitatus fuerit, quo tempore hic ritus desierit, quaque ratione consuetudo contraria apud nos invaluerit. Neque ad examen revoco omnes illas inductiones, & consecutiones, quas D. de Vert ex suis probationibus elicere contendit. Ut antiqua consuetudo hodiernæ præferatur; licet enim veræ essent allatæ rationes, id unice probarent, quod Pastoribus Ecclesiæ causæ adesse possent mutandarum rubricarum, novæque præscribendæ methodi non vero quod privatis quibuscumque Presbyteris, Procerum Cappellanis, aut Monialium confessoribus fas sit auctoritate propria ordinem in Romana, cæterisque ejus communionis, Ecclesiis constitutum pervertere. Quam enim in his ritibus de se indifferentibus normam, sequi debemus quam quæ ab ipsa Ecclesia præscribitur? Ecclesia autem nullam profecto aliam in libris auctoritate Episcoporum confirmatis, & sub eorum conspectu, præsidio aut nomine in lucem editis nos edocet de rubricis, ritibusque in celebratione Sacrarum cæremoniarum observandis. At quid hæ rubricæ, quid hi libri edisserunt? Non audet quidem D. de Vert eorum dicta inficari, verum cupet ut verba *secreto*, vel *submissa voce* diverso sensu intelligeremus, neque arbitremur ea idem significare, quod verba *secreto*, & *submissa voce* naturali

sensu exprimunt. Imo nos quasi persuadere contenderet orationem *submissa voce*, & *secreta* recitare idem esse, ac eam elata voce, atque ad distinctum omnium intellectum proferre, nisi impossibilitate rei se præpeditum cerneret, ac evidentissime ex privatæ Missæ rubricis constaret aliquas elata aliquas preces submissa voce recitandas esse. Itaque apertissimus rubricæ sensus eum huic opinioni insistere prohibuit. Quid igitur dicendum? Descendene rubricæ, quod eæ a primorum sæculorum usua recesserint? Verum enim vero si rubricæ hodierno die rituum nostrorum norma non sunt, neque voluntatem Ecclesiæ nobis declarant quos duces, quas leges, quæ principia uniformitatis in celebratione factorum mysteriorum sequemur? Si vero rubricarum auctoritas hac in re destruitur, cujus ponderis cæteri ab illis præscripti ritus erunt, qui non alteri superstruuntur fundamento quam obsequio, quod auctoritati, a qua emanarunt, debemus?

At vero nullo consilio sed casu quodam hic ritus in Ecclesiam inventus est? Esto; sed cum eum postea Ecclesia adoptaverit ac suis legibus confirmaverit, anæ minori veneratione suscipiendus erit? Sed nequaquam casus fortuitus eum introduxit. Concilium quippe Tridentinum nos certos reddidit piam matrem Ecclesiam sapientissima providentia ad maiestatem tanti sacrificii commendandam instituisse, ut *quædam submissa voce, alia vero elatiore* in Missa pronuntiarentur. Neque obijciat D. de Vert verbis his *submissa voce* Concilium intelligere, orationis illius cantari non debere. Concilium namque loquitur juxta morem in privatæ Missis illa ætate receptum, etenim etiam tunc Canon submississima recitabatur voce. Atque hic ille mos fuerat, quem hæretici damnabant, quemque cum reformatoribus hodiernis a consuetudine primitivæ Ecclesiæ alienum clamitabant. Nec tamen Concilium frivolis his rationibus permoveri potuit, quin imo anathema contra illos statuit, qui ritum hunc damnandum esse dixerint. Quis jam nunc dubitet rubricam (a) tanto robore fultam, sanctam inviolabilemque esse debere.

Sancta equidem, inviolabilisque ea nobis esse debet, neque nobis amplius concessum de SS. Conciliorum Canonibus judicium ferre, eorumque justitiam, & æquitatem disquirere; nihil nos magis decet, quam nos eorum decretis obsequiosa illa simplicitate submittere, quæ tam raro invenitur apud illos, qui vana inflati scientia, & æruginosa vetustatis inquisitione superbientes omnem in fallaci sæpe antiquitatis cognitione collocant gloriam. Quispiam igitur, qui argutis suis ratiocinationibus se ab Ecclesiæ decretis eximere, ac ejus decisiones subtili argumentatione declinare studet, sciat, quacumque demum scientia polleat, se charitate destitui, quæ edificat, & spiritu submissionis carere, qui nos edocet in minimis etiam Ecclesiæ decreta venerabundo obsequio suscipienda, eique doctrinam nostram, ex eaque natas dubitationes, ac difficultates humili sacrificio offerendas esse.

Verum si de ritu, qui in quæstione est, prolixius differere vellem, multo solidiora mihi suppetere argumenta ad hodiernam Ecclesiæ consue-

(a) Si quis dixerit Ecclesiæ Romanæ ritum, orationis præferuntur, damnandum esse, anathema submissa voce post Canonis, & verba consue-
thema sit Can. 9. Sess. 22.

fnctudinem defendendam, quam quæ a reformatoribus afferuntur ad illam condemnandam? Nam licet D. de Vert concederem olim totum Canonem alta voce recitatum fuisse, annon ipse agnoscit tum Ethnicos, & Catechumenos celebrationi mysteriorum non interfuisse, eosque ante orationem *Secretam* extra-Ecclesiam missos discedere debuisse? Quæ quidem oratio consistente ipso D. de Vert ita appellata fuerat, quia ab ea celebratio nostrorum mysteriorum, quæ infidelibus *Secreta* tenebantur, inchoabat. His vero extra templum dimissis confideret, atque alta voce omnes sacræ preces dicebantur, cum certi essent neminem præter vere fideles in Conventu adesse. Ast, quum procedente tempore, non eadem diligentia Catechument, Hæretici, Judæi, atque Ethnici, ab Ecclesia removeri potuerint, & aucta fidelium, Locorum Sanctorum multitudo cautelas has quas impossibiles reddiderit, sicque in assidentis populi frequentia non raro prophani latere potuerint, inde opinor, consuetudo orta est preces submissa voce recitandi ne videlicet mysterium omnibus indiscriminatim pateret, quorum præsentia vitari nequiverat.

T. I. p. 176.

Sed indubitatum, & inconcussumne est, omnes preces, quæ Missam nostram hodie conficiunt, olim alta voce pronuntiatas fuisse? Nullæ extant, quæ ipsa in origine secreto recitabantur? Ultimum hoc admittere videtur D. de Vert de orationibus, quas ille consuetudine, & privata Sacerdotum devotione introductas contendit eas nimirum, quæ in ascensu altaris dicebantur: *Aufer a nobis &c. Oramus te Domine &c.* aut ante Evangelium: *Munda cor meum &c.* aut ad finem Missæ: *Placeat tibi Sancta Trinitas &c.* Hæ orationes, cum necdum lege confirmatæ fuerint, sed a devotione Sacerdotum pependerint, summissa solum recitabantur voce, ne privatæ pietatis preces cum publicis lege, & consuetudine corroboratis Ecclesiæ orationibus confunderentur. His positis, certum evidensque est morem, quo preces hæc perpetuo submissa voce fundebantur, nunc nequaquam innovari, mutarique oportere.

Ast inter alias antiquioris adhuc institutionis preces, annon fuerunt & aliquæ, quæ decreto Ecclesiæ submississimæ, & inintelligibili voce recitarentur? Vel maxime; neque fas erat D. de Vert eas ignorare. Non enim enim latere debuit Canon 19. Concilii (a) Laodicensis anno 360. congregati, quo Sacerdotibus præscribitur post pœnitentium dimissionem tres orationes recitare. Primam in silentio, secundam & tertiam elata voce; nec vetus Constitutionum Apostolicarum auctor, qui de oratione ante præfationem submissa voce recitata mentionem facit; nec antiquæ Græcorum Liturgiæ, & præcipue Liturgia S. Chrysostomi in qua preces habentur, quæ peremptoriam contra ipsum ferunt sententiam *ΜΥΣΤΙΚΑ* enim appellantur quod submississima voce, ac secreto recitandæ sint. Accedit, quod innuente eadem Liturgia, dum Sacerdos certas preces fundit, Diaconus elata voce, aut cantores alias conciunt.

L. 2. c. 16.

(a) *Pœnitentibus ascendentibus tunc fideles &c. tertia per pronuntiationem, Et tunc demum orare debent, quorum tres orationes fient, una æsculum pacis dari debet. quidem id est prima per silentium, secunda vero*

nunt. Quid? quod Missa Ambrosiana antiquitate celeberrima oratione secreta inchoatur quam Sacerdos antequam ad altare (a) accedat, submissa voce recitat. Denique ignorare non debuit nobis præter clarissima hæc antiquitatis vestigia alias præclarissimas rationes suppetere, quibus Ecclesia ad recitandum secreto Canonem determinari potuerit. Silentium hoc compluribus altiori voce recitatis precibus interruptum nescio quid majestatis, ac mysterii præferat, quod majorem venerationem conciliat, quod sacrum quemdam horrorem excitat, quod devotam cordis compunctionem inspirat, quodque vivo pietatis sensu adstantium animos penetrat. D. de Vert militem nobis prodncit, qui apparatu cæremoniarum, quæ in ordinando Sacerdote adhibentur, tanquam re nova & sibi ignota percussus melius se huic Missæ, quam aliis interfuisse credit. Et ego S. Basilium assero, qui nos edocet nihil magis proprium ad augendam mysteriorum majestatem, & venerationem esse, quam ut verba consecrationis interventia velentur, ne scilicet mysteria hominibus ipsa familiaritate vilescant. Assero ritus antiquos Veteris legis, in qua Sacerdotes Sanctuarium intrantes secreto precabantur præsolante interrim in silentio populo orationis finem. Assero omnes Theologos, qui Concilii Tridentini de hac re doctrinam contra Hæreticorum calumnias strenue defenderunt. Etiam asserere possem viros pietate, & scientia quamplures illustres, qui non sine scandalo, & interna animi commotione quorundam Sacerdotum audaciam contemplantur, qui effreni temeritate abrepti leges Ecclesiæ infringere, & Missam in historiæ modum eodem semper tono, æqualique modulatione celebrare non verentur, alioquin qui sincere confitentur, sacrum illum & majestatem ac mysterio plenum silentium fervidis quandoque interruptum precibus mirum in modum eorum attentionem excitare, & eorum pietatem, zelumque inflammare.

Quis denique aptior Missæ sacrificium offerendi modus, quam ille, quem ipse Dei filius in Crucis sacrificio observavit. Totis illis tribus horis, quibus Cruci affixus fuit, quanquam ab orando cessavit: verum preces illius fere omnes fuere secretæ, & internæ, nec nisi ad pauca monumenta interruptæ. Ecclesia igitur anne pulchrius, anne præstantius ministris suis exemplum, quod imitentur, proponere potuit? Quæ rationes licet sint validissimæ, omnique exceptione majores, illud tamen cætera sperat, quod ita autoritate Ecclesiæ in libris suis liturgicis, novissimoque suo Concilio decum sit. Univerfum itaque ordinem evertit, qui auctoritates hujusmodi negligit Ecclesiæque decretis obsequium denegat. His bona fide insistendum, maximeque cavendum est, ne populus inutilibus, temerariisque ratiocinationibus assuescat, ritus Ecclesiæ ad subtilem, curiosamque trutinam revocet, eorumque immutationem expetat; hoc præsertim seculo, quo spiritus obsequii nescius, novarumque rerum, & singularium opinionum cupidus plus æquo dominatur: quem augere plus periculi, quam utilitatis habet.

§. XLII.

Error D. de Vert de silentio Religiosæ a Regula S. Benedicti præscripto.

De Vert tomo secundo de silentio loquitur, quod *labia a completorio usque ad Matutinum claudit*; quodque Regula S. Benedicti sancte hoc tempore observandum præcipit. En quam hujus rationem author noster producit: *Quia nempe Completorium immediate ante decubitum recitandum erat noctisque tempus quietem postulat. Quæ utique fermocinationibus, & confabulationibus turbaretur in hujus rei confirmationem Ovidii versum apportat.*

T. 2. p. 78.

Tempus erat quo cuncta silent, & alium Virgilio.

Metam. 4.

Georg. l. 1.

Intempesta silet nox ad probandum, quod nocturno tempore *universi requie, & silentio fruuntur*. Damnat denique zelosorum Præsidum, & Superiorem querelas, qui inique ferunt a Monachis eorum curæ commissis silentium post Completorium contra statas leges infringi: quorum in solatium præclarum sane remedium adjungit, quo illi *silentii religionem in tuto collocare possint*: videlicet, Completorium producendum, atque immediate ante decubitum cantandum esse; ita ut *inter hæc duo exercitia nullum intervallum relinquatur*. Loquitur etiam alibi de silentio, quod certo diei tempore præcipitur; illudque sapienti, & a natura ipsa dictatæ cautelæ adscribit, qua admonetur ne privati studii incumbentes loquacitate nostra interturbemus.

T. 2. p. 101. 109.

Non equidem hucusque in animum induxeram meum Metamorphoses Ovidii, aut Virgilio Georgica ad commentandas S. Benedicti Regulas facere. Minus vero adhuc credissem Monachum, & Ordinis sui Visitatorem generalem, qui ex Instituto suo solitariam sequitur vitam, cujusque muneris & officii maximam partem silentium, & secessus explet, non aliam de silentio habuisse opinionem, quam quæ a comodo, & utilitate privata hauritur, enimque necessitatem sanctæ hujus taciturnitatis a cautela non interrompendæ quietis somnique nocturni, ac ne interturbarent diurna studia dextruxisse. Nunquam denique cogitasset remedium promptius, nullum facilius, ut a monachis fervetur silentium, adesse remedium, quam ut statim post Completorium decumbant, & in lectulos suos se conferant, sicque in fomuo modum observandæ magnæ, & salutaris hujus regulæ reperiant.

Ea certo mea semper extiterat opinio, silentium solitariis præscriptum fuisse tanquam rem, in qua exercendæ pœnitentiæ occasionem, & perficiendi animi adjumentum Monachi reperirent. Memini etiam me in Capitulo illo Regularum S. Benedicti, quod D. de Vert commentario suo tam egregie illustrare tentavit, hæc verba sectionem inchoantia legisse: *Monachi omni tempore silentio studere debent*: legeram in S. Basilii Regulis, qua cura, & sollicitudine Monachis suis silentium tanquam præsentissimum ad sui perfectionem remedium commendat. Legeram in libro, qui præcepta ad Monachos directæ continet, & propriis S. Hieronymi

Cap. 42.

nymi verbis conscriptus inter ejusdem opera numeratur, Patres deserti omni cura silentium observasse, utpote sanctarum meditationum & principium, & causam, & nutrimentum. Didiceram ex S. Joanne (a) Climaco absque silentio religiosam disciplinam nullam prorsus esse; & ab alio sancto (b) Anachoreta perceperam frequentiore silentii interruptionem fructus contemplationis, fervoris, ac internæ animorum quietis disperdere, ut hypocaustum fenestris, portaque patentibus omnem calorem amittit, etiam a Pithagoræ discipulis silentium observabatur, tanquam medium quo ad scientiarum, & sapientiæ penetralia perveniretur, nec sine voluptate apud S. Ambrosium legi; hanc Philosophum e Scriptura Sacra, & præcipue a Davide qui Phitagora multo est antiquior hanc saluberrimam legem habuisse (c). Cumque post hæc omnia silentii utilitatem, ac necessitatem multo accuratius, expressiusque in S. Benedicti Regulis sancitam invenissem; in eam equidem sententiam discessem silentium vespertinum ad evitandas tentationes institutum, quas *dæmonium perambulans in tenebris* in animo, sensibusque religiosi confabulatoris, loquaculi, & varias in nugas distracti excitare facile potest.

Verum aspicere Visitatorem generalem Ordinis in Ecclesia celeberrimi, atque ad firmandam, conservandamque monasticam disciplinam, in hac dignitate restitutum, qui opiniones has nostras utpote æquo plus mysticas reformare conatur. Silentium illius judicio non aliter posthac considerandum veniet, quam naturale medium, debitumque concedendi quietum somnum illis, quibuscum commoramur, ac vivimus. Itaque dum olim vox cælestis S. Arsenium admonuit, ut relicta anxia *in solitudinem fugeret*, ibique *silentium custodiret*; Angelus Domini non aliam ob causam hæc ad eum locutus est, quam ut sciret non esse excitandos eos, qui post Completorium somno indulgerent. Vigilabatne dum hæc litteris traderet an dormiens hujusmodi somnia conscripsit? Promittit quidem nobis litterales in S. Benedicti Regulas Commentarios; at si illi ejusdem futuri sunt furfuris, faxit Deus ut nunquam in lucem prodeant. Ego certe, qui silentium somni tempore custoditum non magni aestimo, non plaris dno virtutem Monachi, qui his solum inductus taciturnitatem observat, aut regulam, quæ commodi solum, ac necessitatis naturalis rationem habet. Namque si tacere commodum aliquando est, longe plures occurrunt occasiones, ubi loqui multo est commodius.

§. XLIII.

Error D. de Vert circa unctionem, quæ in consecratione Episcoporum obtinet.

Tom. III p. 156.
& seqq.

D De Vert prolixè de unctione in consecratione Episcoporum adhibita disserit. Quem quidem in omnibus refellere nunc non est in animo; ad trutinam solum revocabo rationem illam, quæ Auctorem hunc

(a) Joannes Climac. Grad. 11.

(b) Diadoch. de perfect. Spirit. capit. 7. tom. 3.

Biblioth. Patrum.

(c) S. Ambros. C. de Offic. 1. Cap. 12.

hunc permovet, ut e numero rituum, quæ originem suam significationi mysticæ debent, unctionem hanc eliminet.

Omni certe tempore hæc fuit fidelium opinio: unctionem mysticam animabus Sacerdotum, & Episcoporum gratiam instillare. Communis hic semper loquendi modus, atque ipse D. de Vert in hanc sententiam vel invitus descendere debet, ut S. Gregorium Nazianzenum, & S. Leonem ita de consecratione Episcoporum loquentes explicet. Accedit quod Sacerdotes scripturæ stylo *Unti Domini* appellentur, & Jesus Christus Sacerdotum dux, & *Princeps pastorum* juxta nominis *Christi* Etymologiam Unctus per excellentiam dictus fuerit. Il igitur, qui ejusdem Sacerdotii participes fuere, omni quoque tempore tanquam ejusdem unctionis spiritualis participes considerari debuerunt. Hujusmodi sensus licet mystici, licet symbolici perpetuo tamen, & ubique obtinuerunt, quod communi Sanctorum Patrum consensu clarissime evincitur.

Dubitari ne poteit quin Ecclesia, cum in Episcoporum consecratione Sacrum Christma adhibere æquum duxerit, illud etiam præ oculis habuerit, ut unctione illa sensum hunc mysticum exprimeret, qui cum ad conciliandam apud populum Sacerdotibus venerationem tum ad declarandam Sacerdotibus & ipsis Episcopis sanctitatem Sacerdotii, & effectus communicatæ sibi gratiæ mirifice conducit profecto nimis ruditer se gessisset Ecclesia, si neglecta felici hac applicatione mystica, verbis solum his unctionis, aut *unguenti* quæ in consecrationis precibus reperiantur, inducta fuisset ad adhibendam unctionem, ut hoc gestu significationem illarum vocum litteralem exprimeret: hæc enim est rudis illa atque humilis opinio, quam nobis D. de Vert de ritus hujus institutione venditat. Verba illius audiamus: *In principio verborum horum* (inquit) *completa Sacerdote tuo ministerii tui summa, & ornamentis totius glorificationis instructum, celestis unguenti rore sanctifica; unctiones super caput electi Episcopi fiunt* Id est, secundum systema, sententiamque nostram, ad reddendam magis sensibilem, clariusque exprimendam hujus vocis unguenti significationem, *Untio* Episcopis impertiebatur, eaque in capite occasione istorum verborum; hoc copiose in caput ejus infuit ad his vero voces *unguentum in capite*, quod descendit in barbam &c. illis inungebantur manus hand absque verisimilitudine ob verbum descendit, quod in causa esse potuit, cur *superfluum capiti oleum* ad manus usque deductum fuerit. Et in margine occasione balsami sacri ad unctionem adhiberi ait: *Hæc aromata ac thymiamata profecto sunt utilia, & non raro necessaria, præsertim in magnis solemnitatibus, cæremoniis, numerosis conventibus, actionibusque extraordinariis, ut sunt consecrationes Pontificum, & Imperatorum.* Non difficile divinare licet, quem sensum D. de Vert sub incensurum, & aromaticum in numerosis conventibus necessitate abscondat. Sed quis nobis vitio vertat, si indignamur tam proterve sanctissimas nostras cæremonias deturpari, tamque audaacter dignitate sua, mysteriisque spoliari? Præsertim cum ex precum illis ab Ecclesia adjectarum serie constet, illam in institutione hujus cæremoniæ respexisset ad hoc ipsum mysterium, atque id unice præ oculis habuisse, ut hac externa actione sensus symboli.

T. 2. p. 156. 166.
& seqq.

cus apertius exprimeretur, & facilius ab omnibus intelligeretur, ut ex ferie, & collectione illa pulcherrimarum & prolixarum precum, quæ D. de Vert captum suggerunt, intelligi facile potest. Et unde quæso melius nobis Ecclesiæ mens eluceſcet, quam ex precibus ab illa fidelium usui traditis? Unde melius cæremoniarum medulla eruitur, & earum abscondita deteguntur, quam ex sensu orationum quæ cæremonias concomitantur. Sin itaque mysticus est precum sensus, dubitari ne potest an cæremoniæ ipsæ sint mysticæ?

Verum concedamus D. de Vert duo illa principia, quibus ianitur, quibusque tam vehementer confidit. Unum videlicet, quod ob hæc præcipue verba: *Unguenti celestis rore sanctifica* unctio instituta sit, alterum vero, quod Ecclesia in memoriam Unctionis, quæ in veteri lege Sacerdotibus impertiebatur, eandem cæremoniam in novam pariter legem introduxerit. At ex his præcipue fundamentis arma desumam, quibus mysticam Ecclesiæ in institutione huius ritus mentem tuebor.

Primo enim, cum Ecclesia actione aliqua, seu gestu verba hæc *Unguenti celestis rore sanctifica* exprimere voluerit, sequitur eam verborum horum sensum, & significationem exprimere voluisse, quis autem inficias eat verba hæc non alio quam mystico sensu intelligenda esse. Cum consistente ipso D. de Vert non de alia, quam de unctione gratiæ ibidem sermo sit? Sed hæc unctio est mystica: igitur Ecclesia per actionem hanc nihil aliud quam rem mere mysticam exprimere studuit.

Secundo: D. de Vert iudicio Ecclesia pro scopo sibi præfixit hoc in ritu antiquam Judæorum consuetudinem renovare. Verum hæc cæremonia an apud Judæos symbolo, & mysterio destituta fuerat? Annon potius actionem mere figurativam expresserat, quæ consecrationem interiorum, & Unctionem cælestem gratiæ novæ legi destinatam indicaret? Affirmare fortasse liceret ritum hunc institutum fuisse ad instruendum de officiis, & muneribus suis Sacerdotem ex proprietatibus scilicet symbolicis olei & thymiamatum in ejus consecratione adhibitorum. Si igitur cæremonia hæc origine sua mystica est: dicendum ne erit, quod Ecclesia crassam solum, & informem actionis huius adoptaverit materiam, spiritualem vero, puram, & mysticam ejus significationem rejecerit? Atque ita veteri Synagoga rudior ea, quæ in veteri lege minus perfecta reperiebantur, neglectis perfectioribus selegerit, ac sensus suaviter titillantis susceperit, spiritum vero & animam nutriente respuerit. Nemo profecto, nisi rudis, & agrestis plane ingenii homo, Ecclesiæ tam contemnendas atque humiles ideas assignere potest.

§. XLIV.

Error D. de Vert circa unctionem Regum, & scepsorum originem.

D De Vert unctionem etiam illam, qua Reges consecrantur, certis verborum expressionibus, quæ precibus in eorum coronatione adhibitis concluduntur, tribuit. Verum non solidioribus hæc opinio in-

hæret

hæret fundamentis, quam cæteræ illius conjecturæ. Certum enim, indubitatumque est, ex sensu orationum, quas Ecclesia in hunc ritum adscivit, & in quibus unctio Regum veteris Testamenti mentionem facit; cæremoniam hanc mere esse symbolicam, ut symbolica revera fuit in antiqua lege atque in ipsa sua institutione.

Æque absurda sunt quæ antea scriptis de sceptro, quod solemnī coronationis die regibus tradebatur nec aliunde melius elucescit, quam ex illis atque oscitanter D. de Vert Historiæ studuerit quantaque temeritate falsissimas quasque conjecturas lectori propinare audeat. Illius etenim sententia si unctio originem suam his verbis debet: *Accipiat unctio nem sanctificationis tuæ, & istæ Lapsi manum porrigere Cæremoniæ Regibus sceptrum, & justitiæ, virgam tradendi originem præbuerunt.* Inde hanc adnotationem de sceptro loquens subiungit: *Fuerat illud baculus rotundus ejusdem prope cum Regis statura altitudinis bastam apprimere exprimens, & virga appellatus, ut ex his Sacramentarii Ratoldi verbis patet. Tunc datur ei virga, accipe virgam virtutis, & aequitatis.* Adducit dein Pontificale Senonense, & Romanum, quæ idem asserunt.

Hic adnota Ratoldum non ante decimum vixisse sæculum. Quis jam cum D. de Vert credet decimo sæculo nihil aliud fuisse sceptrum, quam baculum, aut hastam, dum aurea sceptrā jam Estheris, & Aperi tempore in Regum manibus rutilasse, dumque luculenter constat jam a Romanis Imperatoribus complura ante Ratoldum sæcula hoc ornamentorum genus cum diademate ad augendam dignitatis suæ majestatem additum fuisse, ut antiqua numismata apprimè testantur. Trifan de S. Aman. in suis Commentariis Historicis de nummo Constantini loquitur, in quo Princeps hic sceptrum in extremitate liliis exornatum gerit addita hac epigraphe: *Constantinopolis.* Ego vero in Museo Regio ejusdem Imperatoris monetam æream maximi moduli, ubi ille sceptrum altera manu gerit, altera vero prostratam ante se mulierem elevat, adjecta inscriptione: *Restitutor Reipublicæ*, ac numisma aureum vidi in honorem Septimii Severi a Soromate Thraciæ Rege percussum, in quo Imperatoris hujus cum filio Caracalla effigies sceptrum flore insignitum tenens effingitur. Facile brevis hujus digressionis veniam impetrabo, erit enim operæ pretium paucis demonstrare quam D. de Vert veræ antiquitatis cognitione careat, ut nemo posthac vano illo eruditionis furo decipiatur, nec confidenter sese a temerariis conjecturis atque opinionibus hominis ad omnem passum aberrantis in infinitas errorum ambages abduci sinat.

Monitus ad
no 266.

§. XLV.

Error D. de Vert circa varios Vestitus diversarum Ecclesiæ dignitatum.

Cum jam viderimus D. de Vert tantam infumpisse operam, ut Sacra Sacerdotum indumenta, quibus in mysticis suis muneribus utuntur, villia, & contemnenda redderet; non multum mirabimur, si eum simili errore in disquirendis privatis Ecclesiasticorum vestibus adduci

deprehenderimus. Offensus auctor noster videtur distinctione illa, qua Papa, Cardinales, Episcopi, Sacerdotes particulari vestitu cuiuslibet ordini proprio secernuntur. Sicut enim illius sententia vestes in hominum consortium non ob alias quam phycas & naturaks rationes introductæ sunt ita præsumere videtur, ut promiscuus colorum usus omni hominum conditioni concedatur.

Ideirco nobis persuadere connititur Ecclesiasticos ultimis etiam sæculis se passim, & promiscue rubro candido violaceo, aut nigro colore vestiisse, donec ex miseria & egestate hæc inter Præsules & reliquum Clerum differentia irrepperit. *Ostro colorum omnium pretiosissimo soli Cardinales, ac purpura soli Episcopi utuntur, dum interim reliquus clerus paupertate pressus a duobus circiter sæculis ad nigrum colorem se reduitum cernit, utpote colorem omnium maxime atrum, simplicem, & vilem.* Ac quasi invidia commotus ægre ferat se candido Papæ, rubro Cardinalium, aut violaceo Præsulum colore uti non posse, ut se ulciscatur longam, & affectatam Ecclesiarum illarum enumerationem contexit, in quibus purpureus, & violaceus color puerulos choro intervenientes exornat; ne aliquid magnum sibi videantur esse qui hisce coloribus nunc utuntur.

At vero neque splendor, neque pretium muricis in causa fuit cur Cardinales purpureum galorum, reliquumque ejusdem coloris indumentum assumerent sed ratio mere symbolics. Quippe constat Concilii Lugdunensis tempore Innocentium IV. a Friderico Imperatore proterve cum sua Ecclesia vexatum rubros Cardinalibus impertiisse pileos: *Ut per hoc innueret, ait vetus hujus rei scriptor, quod in persecutione Fidei & justitie, Romana Ecclesia, qua caput est omnium aliarum, præ cæteris debeat caput apponere, si necesse fuerit, cruentandum.*

Quod vero Episcopos spectat; etsi casus fortuitus, consuetudo, aut opulencia iis hoc vestimenti genus conciliaffet, an propterea mos iste damnandus foret? Anne ab æquitate alienum, ut illi, quos potestas a Deo accepta supra alios evexit, aliquo dignitatis & auctoritatis suæ signo a subditis suis secernantur? Cur ergo non eadem maledicentia persequitur D. de Vert togas Magistratum, Ducum, & Præsidum ornatus Regum purpuras, & solium. Purpura, dicet aliquis, Imperatoribus ob raritatem solum reservata fuit; verum an propterea apud veteres minus sacra habebatur? Thronus, & eum cooperiens phrygium tegmen originem suam necessitati, commodo, & elegantie debet; sed anne ideo minus honor hic solis Principes decet? Sciat igitur D. de Vert, distinctiones illas, de quibus tantas querelas instituit, non solum non sperandas esse, verum omni bene ordinato statui convenire, ut quilibet hominum ordo certis, ac propriis dignoscatur insigniis: sique tam vehementer, ut omni occasione demonstrat; ei Judæorum, & Ethnicorum mores, meminerit apud utramque gentem Pontifices certis honorum insigniis, & vestibus tam privatim, quam publice distinctos fuisse.

Nangius ad an-
num 1252.

§. XLVI.

*Error D. de Vert circa ornamenta Pontificalia
Episcoporum.*

PArvi momenti res esset, si D. de Vert uſibus tantum Societatis civilis cenſuram inuſſiſſet. Aſt ulterius ille ad laceſſendos ſacros amictus, quibus Epſcopi in celebrandis myſteriis induuntur, progreditur. Non ſuffecerat illi Antiltitum mitras, & pallia indignis abiectiſſimiſque ſuis explicationibus aliorum contemptul exponere; ornamenta etiam illorum Pontificalia eadem via aggreditur: *Ad demonſtrandum* (inquit) *quod neque caliga, neque crux peſtoralis, neque tunica, neque Dalmatica ſint ornamenta Epſcopis, eorumque dignitati cum excluſione inferiorum miniſtrorum annexa, illud ſufficit, quod ea in ſolemni conſecratione non recipiant, & iis ſe ipſi libere veſtiant.* Ubi adnota eum non de præterlapſis ſæculis, ubi necdum hæc differentia tam accuratè obſervata fuerat, verum de hodierno tempore, & Eccleſiæ ſtatu loqui. Quamquam autem de hac re Eccleſiaſtica leges in Pontificali deſcriptæ ſint, quamquam ita ſerat conſuetudo, quæ in hiſce rebus etiam deficienti lege juriſ vim obtinet vellet ut ornamenta hæc omnibus Sacerdotibus communia redderentur: quod ut ſtabiliat, ſupponit, ornamentiſ ſine ulla cæremonia conſecrationis die Epſcopos veſtiri. Quasi vero Pontificalia non exactiſſime Epſcopis ſolis præſcriberet & tempus, & locum, & modum, & preces in aſſumendis hiſ ornamentis obſervandas. Profeſſo (cogor enim ſæpius actum agere) unde nobis melius conſtabit de mente Eccleſiæ, niſi ex Pontificalibus, Ritualibus, & aliis hujus generis libris publicis, qui ſub Summorum Pontificum conſpectu conſcripti & eorum auctoritate muniti fuerunt? Imo non horum ſolum, ſed & ſecumenici (a) Concilii auctoritate; quod omnes hoſ ritus ſanctè ſtabilitos animadvertens, eoſ ſeu contemni, ſeu omitti, ſeu immutari ſub anathematis pœna prohibet.

Sciat igitur, & agnoſcat tandem D. de Vert, quod etiamſi non omnes ritus, quibus Epſcopi in Sacrorum myſteriorum exercitio ab inferioris ordinis Miniſtris diſcernuntur, eandem præſerant antiquitatem, complures tamen ſatis antiqui ſunt, et inde judicium de antiquæ Eccleſiæ mente ac diſciplina ferri poſſit. Sermonem de eorum Mitris, ſeu coronis ſecimus, quæ Concilii Tyrenſis tempore jam innotuerant. Nequaquam harum uſus ea ætate Preſbyteris conceſſus fuerat; nec veteres per Sacerdotum, ſed per Epſcoporum coronas jurare ſolitos legimus; nequaquam Sacerdotibus pallium imperitum; quod imperiale ornamentum ab Imperatoribus ad augendam Pontificiæ dignitatis venerationem Sanctis Pontificibus olim communicatum (b) nunc ſolis fere Archie-

Tom. 1, p. 116.

(a) Concil. Trid. ſeſſ. 7. Can. 13. *ſic ut diverſe receptæ, & approbatæ Eccl'e ritus in ſolemni Sacramentorum adminiſtratione a Miniſtris ſolent, aut contemni, aut ſine peccato a Miniſtris pro li-*

bito omitti, aut in novos alioſ per auctoritatem Eccl'e Pontificis mutari poſſe, anathema ſit.

(b) Thom. ſi. in part. 4. Lib. 1. tom. 2. C. 39.

chiepiscopis reservatur. Verum non solo vestitu sed quamplurimis aliis ritibus Antifites ab inferiori clero distinguebantur. Teste enim S. Ambrosio (a) solus Episcopus salutatione hac: *Pax vobis*: populum excipiebat; & Sacramentarum S. Gregorii nos edocet, Episcopis omnibus diebus Dominicis, & festis, Presbyteris autem Paschate solum Hymnum: *Gloria in excelsis* recitandi facultatem fuisse. Concilium vero Carthaginense IV. Canone 36. præcipit ut Episcopus in Ecclesia in consensu Presbyterorum sublimior sedeat. Et Synodus Cloveshovienfis Canone 12. de Missæ ritibus agens expresse cavet, ne a Sacerdotibus quidpiam usurpetur, quod dignitati, eminentiæque Præsulum reservatum est; atque hæc honorum, Officiorumque distinctio in inferioribus etiam Clericorum ordinibus observabatur. Sic Subdiaconus Epistolam legens vetabatur supremum Ambonis gradum, qui Diacono Evangelium recitanti proprius erat, ascendere; & teste S. Lupo (b) Trecenti Antifite in sua ad Thalasinm Episcopum Epistola solis Diaconis osculum pacis in altari accipere concessum, Subdiaconis illud ad infimos gradus expectantibus, nec ad altare licebat ascendere nisi cum pallam Diacono exhibebant in hoc tamen a Minoribus Ordinibus secernebantur, quod isti osculum pacis extra Sanctuarii limites excipiebant. His quoque a Concilio Carthaginensi (c) severe prohibitum fuerat per *Dominus vobiscum*, quod Superioribus solum ordinibus competeat, populum salutare. En clare, ut opinor, solideque contra D. de Vert demonstratum, quæ mens, quod studium Ecclesiæ omni tempore fuerit in distinguendis a se invicem ecclesiasticorum ordinibus, & extollenda præsertim, particularibus ornamentis, ritibus, cæremoniis Episcopali dignitate.

§. XLVII.

Error D. de Vers circa Religiosorum ordinum vestitum.

Eodem prorsus spiritu D. de Vert ducitur in ferendo de Religiosorum utriusque sexus Ordinum vestitu, neque temperare mihi possum, quin nugæ suas in lucem proferam. Profecto si hoc tantum asseruisset, quod *Religiosorum vestimenta non nisi ex majori modestia ab artificum, plebisque indumentis distinguebantur*, non equidem in eo attentius examinando laborassem; aut si quidpiam operis impendere voluissem, id totum unica additione confecissem; asserta videlicet sua ex parte vera esse, si recentiores Mendicantium Ordines spectemus, primos tamen solitarios, & Monachos primis statim institutionis suæ incunabulis particularem sibi vestitum sumxisse. Cujus rei veritas, quamquam non multum ad rem nostram faciat, facile contra D. de Vert demonstrari posset: quid enim contra apertam Cassiani (d) auctoritatem reponat, qui nobis singillatim describit; quam Monasticarum vestium forma cæteris differret; qui de singulis vestium partibus rationes mysticas tradit, ac expresse declarat,

eas

(a) *Pronunciat Episcopus ad populum dicens:**Pax vobis.*

(b) S. Lupo an. 459.

(c) Conc. Carth. III. Can. 4. 387.

(d) Insl. Cassian. Toto Libro primo de habitu Monachorum.

CIRCA SACRARUM CÆREMONIARUM USUM. I I I

eas non solum ad tegendum corpus, sublevandasque humanitatis necessitates inservisse, verum etiam symbolorum locum obtinuisse, quæ morum simplicitatem, innocentiamque effigarent. Quid quæso Concilio Aurelianensi respondeat, quod Canone 21. de pallio loquitur tamquam de vestitu Monachis proprio, & initæ vitæ rationis characteristicum signum enuntiat, quo semel assumpto nefas sit matrimonium contrahere? Quid auctoritati Theodorici (a) Cantuariensis opponet, qui de Monastica professione scribens ait: *Septem dies velet caput suum cuculla sua, & septimo die Abbas tollat velamen sicut in baptismo Presbyter septimo die velamen infantium abstollit . . . quia secundum baptismum est, & omnia peccata dimittuntur sicut in baptismo*. Verum non ulterius historica hujus disquisitionis puncto immoror. Longius enim D. de Vert progreditur, & illius vestigiis inhaerere necesse est. Ac videtur imprimis distinctionem illam, quæ hodierno die inter Religiosorum nostrorum vestimenta cernitur, damnare. *Quid igitur?* Inquit de loco quodam vitæ S. Benedicti loquens, in quo Biographus vestitum a Solitario quodam Sancto huic Patri traditum ambiguis his verbis exprimit: *Sanctæ conversationis habitum: quid igitur? ideone quia claustralibus placuit ad conciliandam tunicæ cucullæque, quæ olim communem omnium secularium profanissimorumque hominum vestitum efficiebant, singularem venerationem & dignitatem eas sanctæ Religionis habitum appellare, nos hisce præjudicatis opinionibus innixi monasticas vestes sanctæ conversationis habitum appellabimus?* Et alibi de Scapulari loquens, quod unice conservandis inter laborandum ab immunditie detritioneque vestibus ab initio destinatum, dein vero ob deponendi reassumendique tædium semper retentum fuisse contendit, ita ait: *Hoc in causa est, cur scapularis tantum præcipua, & essentialis vestitus Monastici pars consideretur*. Dein addit: *Si tamen quidpiam essentialis in aliquo vestitu esse potest, qui non minus Monachis, quam cæteris mortalibus ob hanc solum rationem datus est, ut corpus tegat, aerisque injurias arceat*.

Sed quid? Anne hic vestitus iis non etiam tributus est in signum vitæ generis, quod profitentur, testimoniumque pœnitentiæ? An Monachi non aliam ob rationem se indumentis his tegunt, quam ad depellendam cœli intemperiem? Annon se etiam iudunt cilicio ad compefcendam carnem, & sacco ad humiliandum animum? Non equidem inficior omnem vestem comparatam esse ad tegendum corpus; verum simul etiam contendendo aliam præterea respici posse finem, honorandi videlicet, aut humiliandi eum, qui illo induitur, vel ejus dignitatem, conditionemque declarandi. Sic Reges olim purpura, Magistratus prætexta, Philosophi pallio insigniti procedebant; sic scæminæ diversa vestium forma diversum indicant sexum. Ea prorsus ratione & indumenta quæpiam reperiuntur, quæ ob incommodam configurationem, eadem texturam: vilitatemque suam tanquam pœnitentiæ, paupertatisque vestes considerari queunt. Hujusmodi sunt sacculus, & cilicia a Monachis adoptata. Quorum differentia licet non sint *Essentiales*, si essetiam physicum vestium, qui est tegere, & ab aeris inclementia tueri, spectemus; sunt tamen *Essentia-*

Ann. 611.

Don. 2. p. 471.

Tom. 3. p. 371.

(a) In punct. de profess. Monach. n. 3.

sentiales, si effectum moralem, qui est distinguere vitæ statum & conditionem, perpendamus. Jam monasticæ vitæ conditio omnibus delictis minidique vanitatibus, non solum corde, verum etiam moribus, in ipso vestitu nuntium remittit. Hoc vitæ institutum secum fert; hoc monachorum statui *Essentiale* est. Utque huic fini vestitus eorum correspondeat *Essentiale* est, quidquid D. de Vert objiciat, ut sit habitus pœnitentiæ, & humilitatis, atque a seculari molliæ ac vanitate longissime distet. Quid ergo mirum si Monachi vestimenta ista sibi propria adseverint? Quid mirum si boni, probique Monachorumque nomine digni Monachi id vestium genus amaverint, quod eis paupertatem, & pœnitentiam, quam profitebantur, continuo in memoriam revocabat? Quid mirum si ardenti zelo erga indumentum, quod eos consecrationis suæ admonerat, exciti, illud habitum sanctum, habitum sanctitatis, *habitu sanctæ conversationis appellaverint*? Profecto, si quidpiam hinc admiratione dignum occurrit, illud est, quod Religiosorum inventur aliquis, qui similia aut ignoret, aut despiciat, aut conqueri audeat, quod socii fratresque sui, hac ratione scapulari, cuculleque venerationem, dignitatemque conciliare studuerint.

§. XLVIII.

Error D. de Vert circa velum Sacrarum Virginum.

SI *Essentiale* vestitui Monachorum est, ut statum illum pœnitentiæ, & humilitatis, quem amplexi sunt, ipsa externa sua conformatione connotet; Non minus vitæ conditioni Deo devotarum Virginum *Essentiale* arbitramur certa vestium speciei puritatem, & modestiam, quam profitentur, exprimere. Itaque semper aut ex peculiari vestium forma aut velo a secularibus fœminis, profanoque vulgo fecerantur. Scio equidem novam hinc quoque mihi litem a D. de Vert moveri: qui placita sua de Religiosis Viris ad Religiosas pariter fœminas extendit, quod licet nihilo solidioribus argumentis, non minori tamen temeritate conatur. Religiosi, ait, *discipulis suis vestitum cum impertiti sunt, quo communiter pauperes in provinciis suis utebantur*. Cui illico, absque ulla distinctione, limitationeque subjungit: *Idem quoque apud Moniales obtigit*. En universa asserti hujus fundamenta: *Constat, exempli gratia, Virgines S. Mariæ, aliàs Visitationis, dictas, nihil aliud cultu externo, quam modestarum Matronarum habitum, qui initio nrisimæ sæculi viguit, usurpare*. Atque dein: *Universum velum, fascia, vieta, cingulum &c. annos vestendi ratio est, quæ antiquiorum temporum fœminis passim communis erat*. Alibi dixerat: *Rusticæ virgines fere ubique, imo quibusdam in locis etiam muliercula caput suum candenti tela obnubunt*. . . . Item apud novitias in Monialium Claustris observatur, quæ ad indicandam conditionis differentiam velo albo utuntur, cum e contrario professæ nigro tegantur qui mos pluribus in locis apud matresfamilias obtinet. Unde deducitur novitias usum veli candidi ad imitationem Virginum secularium, & professas velum nigrum ad exemplum Matronarum retinuisse.

Ve-

Tom. I. p. 489.
Ibid. pag. 490.
Ibid. p. 341.

Verum quæ hîc D. de Vert in causæ suæ subsidium adducit, evidenter falsitate laborant; cum supra centum jam annos Moniales discrepantem à profano vestitum gestent. (a) S. Theresia ipsa de se narrat, quod dum Hispalim ad fundandum ibidem Monasterium perrexisset, velum, pallium candidum, & sandalia, quibus vestiebatur, omnium oculis Cordubæ, quæ ei transire necesse fuerat, propter rei novitatem in se convertisse. Sed, quid argumentis tam recentibus utimur, cum nobis præstantissima alia ab ultima antiquitate petita abunde suppetant?

Silenti prætereo colorem fuscum, qui omnibus pietatem, & castitatem prostentibus communis evaserat. S. Hieronymus (b) sexcentis in locis de eo sermocinatur, ut ex adjunctis in calce citationibus elucet. S. Chrysostomus (c) in suis Homiliis eorum induimentorum mentionem facit, ubi Virgines coarguit, quæ in componendo sacro hoc vestitu profanum quemdam affectabant fastum. Verum modestia hæc in vestibus observata eas tantum respiciebat, quæ licet particulariter se pietati addixerint, in sæculo tamen adhuc morabantur. Fuerunt & aliæ Virgines, quæ solemnî ritu Deo consecrabantur. Hæc singulare quoddam velum portabant, quo & a ceteris in sæculo degentibus virginibus discerniebantur, quodque statim quibuscumque cæremoniis imponebatur. Anne justum æquinoque nos a D. de Vert constringi ad rem probandam, quæ ipsa sui veritate in omnium incurrit oculos? S. Hieronymus (d) scribens Virgini Demetriadi, ei in memoriam revocat velum illud castitatis, quod cum Episcopali benedictione receperat. S. Ambrosius (e) loquitur de filiabus, quæ proximis & civitatibus, & magis etiam distitis provinciis, Mediolanum consuebant, ut Divino Numini se consecrarent, & sacrum velamen ex ejus manibus susceperent. S. Optatus (f) compluries de velo

P illo

(a) S. Theresia de Fundatione Hispalensi c. 13.

(b) Hieronym. Ep. ad Marc. de laudibus Abbatum: *Tunicam fustivam induta se reputans Domino consecravisti, ut intelligeres universa cogitatione non posse aliud ei extorqueri, quæ jam sacrum damnavisset in vestibus.*

Idem Ep. ad eundem de egrot. Beßilim: *Puelle tunicæ mians cum dani jacuerit sordidatur, facies vilior auratum pretium salutorum agentibus largitur: singulum nam auro gemmisque distictum, sed laeneum.*

Id. Epist. ad Gaud. de Pacatula: *Silenti quendam cum furtivum Virgineum sponderint, nulla tunicæ cum induere, & furtivo operire pallia, auferre linteamina.*

(c) S. Chrysost. homil. 3. in Ep. 1. ad Timothe. (d) Hieronym. Epist. ad Demetriadem. Scio quod ad imprecationem Pontificis flammæ virginale sanctum operit caput.

(e) S. Ambros. lib. 1. de Virg. Idem ad Virg. laph. c. 5. *Non es memorata diei sanctæ resurrectionis, in quo divina altari se elevasti velandæ, in tanto itaque solemnî conventu Ecclesiæ Dei exitu sacro velamine vesta es.*

Idem Exort. ad Virg. *Præter paschæ diuersa te quoque Rationis Sacramenta celebrantur, velantur sacra Virgines.*

Auth. Vit. S. Genovesi. c. 21. *Interna Sacerdos*

gressum diveritis ad Ecclesiam maxime popolorum agmina prosequente, ibique inter distictissimæ psalteriorum concentus, ac psallam actionis continuationem B. Germanus dextera super caput Virginis indefessè tenuit.

Canon. Ecclesiæ Africæ. Cap. 9. *Ut præbyter inconsulto Episcopo Virgines non consecraret.*

(f) Optat. Milevit. lib. 1. post medium loquens de Felice Episcopo Donatista. *At ex comprehensa puella, cui mirram ipsi immolaverat, a qua paulo ante pater vocabatur, nefarie incestare minime dubitavit.*

Lib. 6. paulo post initium: *Tam illud quam finitum est, ut jam dictum præfata signa voluntatis, capitibus postea vobis inventis immutarent, ut mitella alias proscirent, & alias acciperent. Tum referens Consilium Pauli de Virginibus: Hæc sunt verba consilii, nec ulla sunt præcepta conjuncta, vel de qua lana mitella fuerit, aut de qua purpurea pingeretur. Non enim hoc nunc potest virginibus adiuvanti non inde componatur animi Or. res inventa est ad signum capitis, non ad romedum existisset. nullo die deus capite jam velata de quibus professione detrahitur indicia, eam contra vapores aut detritum videatur inventa: in mitella indicium est voluntatis, ut rem jam Deo devotam nec qui consuebat profunderet potere, aut ne raptus audiat violare.*

illo mentionem facit, quod Deo devotis Virginitibus impertiebatur; quodque Mitram appellat, ac e lana purpurei coloris contextum fuisse nos edocet. Conqueritur hic de Donatistis, qui virginibus Christianis vela in Ecclesia Catholica suscepta dempserant, iisque alia substituerant, scilicet pius dein repetit velamenta hæc sacra in signum puritatis, quam Virgines iis redimitæ profitebantur, data esse. Velum itaque hoc ut Virgines Deo consecratæ a secularibus distinguerentur; assumptum fuit, atque in signum diversi vitæ generis *Essentialiter* destinatum. Aliunde velum istud certa vestimenti species est, quæ omnium maxime in oculos incurrit. Qui igitur D. de Vert id seu ignoravit, seu tacuit? Aut cur indumentum hoc non exemit a generali illa thesi, in qua asserit Moniales æque ac Monachos nulla alia adhibuisse vestimenta, quam quibus vel pauperes, vel devotæ Mulierculæ uterentur? Qua ratione tam indubie affirmare valuit: *velum partem fecisse vestimentorum, quæ profanis & in Mundo degentibus feminis quoque in usu fuerant?*

§. XLIX.

Respondetur argumentis quibus D. de Vert systema suum confirmat. Quidquid eruditi sentiant; periculosum est omnia naturaliter, ac simpliciter explicare.

Circa septem capita Doctrinam D. de Vert singillatim confutandam suscepi, quamquam enim plura sint quæ censuram flagitent, tamen superfedendum est, ne hoc opus præter modum excreseat. Itaque ad institutam disputationem revertor. Non quidem, ut nova cumulem argumenta, ulteriorique confirmatione comprobem ea, quæ de mente Ecclesiæ in institutione, & usu cæremoniarum asserui. Sat enim solida, factisque multa me ad systema meum opinionibus D. de Vert contrarium stabiliendum adduxisse, arbitror, illudque tamquam verum Ecclesiæ Catholicæ systema respicio, imo vero contendo me argumentis meis demonstrationis geometricæ vim, & evidentiam addidisse. Nihilominus nondum mihi satisfecisse videor, ni antea fundamenta, quibus D. de Vert innititur, penitus evertam, argumentaque, quibus conjecturas suas comprobare conatur, funditus convellam.

Discussio hæc, quæ alteram iusti operis partem efficere posset, paucis absolvetur. Fundamenta enim, & argumenta D. de Vert huiusmodi sunt, ut uno verbo tota illis expediri, opinionumque suarum infirmitas, & exilitas demonstrari queat. Quapropter spero me paucis in paginis, quidquid est negotii, confectorum, & ingeniis etiam difficillimis, maximeque recalcitrantibus satisfacturum.

Sua itaque argumenta repetit; Primo ab amore simplicitatis quam eruditio quibusque acceptissimam esse ait; Secundo a verisimilitudine conjecturarum; Tertio ab inductione; quam ex plurimis Ritualibus, Missalibus, & Sacramentariis deduxit. Verum amor omnia simpliciter ac naturaliter explicandi cui & eruditi, & ipse D. de Vert præter modum indulget; nimis infirma probatio est in materia in qua non privata nostra
flu-

studia, sed Ecclesiæ sententiam ex suis precibus, Ritibus, Conciliorum decretis, SS. PP. testimoniis notis patefactam sequi debemus. Frustra adferat D. de Vert, hunc amorem nimis naturalem esse, atque Ipsius plebis atque hæreticorum animis inhærere. Sed quæso, an naturam, an de rudi plebe homines, an Hæreticos sequemur circa mysteria quæ ab illis aut tolerari, aut intelligi nequeunt? At vero *Hic amor* Addit D. de Vert, *hodiernis diebus invaluit, & eruditis doctisque viris mirum in modum placet, qui nunc demum in omni scientiarum, & litterarum genere pulchram illam naturæ simplicitatem quarunt*. Haud equidem inficior, quod hujusmodi amor nostrorum eruditorum animos obsederit atque ubique dominatur. Verum nil magis mihi atque omnibus vere fidelibus lacrymas elicit: ad simplicem quippe naturam recurritur, & sub specioso hoc prætextu fides audacter subfoditur, mysteria proterve deturpantur. Tantum abest ut ad veritatem perveniat. Infelix hæc semita heu plusquam necessit, teritur. Increduli Athei, obdurati religionis cavillatores, Sociniani, Critici turmatim in eam convolant, licet nihil aliud præsent, quam ut sectatores suos in funestissima deturbent præcipitia. An non igitur mirandum quod D. de Vert non metuerit se tam periculosa viæ committere, tantisque naufragiis infame æquor fulcare?

Profecto omni ex parte deteguntur in fidem machinationes, undique temerarii erumpunt Auctores, qui universo Christiano Orbi incredulitate sua, immoderataque criticandi audacia scandalum præbent. Hi omnes cum D. de Vert in normam, & regulam periculosam hoc simplicitatis, ut ajunt, principium proponunt, & sub specioso titulo omnia naturali, & sensibus congrua ratione explicandi, majoremque rectus fidem conciliandi, absque ulla discretionem cuncta rejiciunt, quæ vel exigua ex parte prodigium, symbolum, figuram mysticam, aut miraculum redolent. Hoc falsum principium D. Simonem in sua novi Testamenti explicatione scellit. Commentarii SS. PP. nimium figurati, mysticque ei videbantur. Volens itaque simpliciora afferre, rudissima quæque, indigestissima, atque humillima attulit. Atque adlaborans omnia ad naturales rationes reducere, deturpavit profundissima religionis mysteria, & argumenta, quæ ad comprobandam Jesu Christi divinitatem quam maxime faciunt, elanguia, & debilliora reddidit. Hoc principium, Vandalium & cum eo Scriptorem Gallum styli elegantia percelebrem in errorem induxit. Uterque, dum cuncta naturali simplicitati, humanæque fidei magis conformare studet, universa temere, & absque fundamento rejicit, quæ constans Patrum traditio, ipsa meliorum profanæ Historiæ Scriptorum autoritas, omnium sæculorum, nationum, populorum, hominum unanimis persuasio nos de potestate Dæmonum in reddendis oraculis edocuerat. Falso hoc principio abreptus est vir ille (a) qui non erubuit, parvo abhinc tempore, in conspectu totius Orbis, non sine summo universæ Christianitatis scandalo publicis in thesibus propaginare, Crucem portentosum, quæ Constantino in aere apparuit, eique igneis literis victoriam contra Maxentium Tyrannum augurata est, nihil miraculosi in se

(a) Joan: Albertus Fabricius Professor Hamburgensis in Thesibus, quas publice anno 1706. propagandas proposuit.

continuisse, nihilque aliud quam parelium fuisse, effectum videlicet naturalem Solis radiorum nube quapiam reflexorum. Hoc denique falsum principium, Spinofam, Tolandum (a) Clericum, & sexcentos alios contumacis incredulitatis viros, vulgè spiritus fortes dictos, fecellit, qui specie conciliandi majorem fidem Historiæ exitus Israelitarum ex Ægypto, omnia ea susceperunt, quæ in transitu Maris rubri, aliisque populo Judaico a Deo exhibitis prodigiis, miraculosa reperiuntur. In vanum hi vires suas in id intenderunt, ut cuncta hæc naturali, & sensibili ratione explicarent, & quamquam infirmitatem conatus sui probe cognoverint, non tamen veriti sunt contra apertissimos Scripturæ locos conjecturas suas ut temeritate plenas, ita soliditate destitutas in Lucem publicam proferre.

Omnes hi Auctores heu nimium quantum in omni litterarum generè simplicitatem, & naturam secuti sunt, sed an propterea veritatem sunt affecuti? Ipsorum mens falsis hisce opinionibus illecta in errorem acta est, & error hic toti Ecclesiæ scandalo exitit. Quo igitur animo D. de Vert funestum hoc persuadere audet principium, quod illos in transversos duxit tramites? aut nobis tam periculosas ad sequendum proponi semitas? aut ipse huic viæ pergit insistere? Illum equidem homini comparo qui circa profundissimi barathri marginem Terram fodit. An forsitan exemplo suo nos ad eandem fortunam tentandam perducere credit?

Quamquam hoc principium non modo periculosum est, sed etiam falsitate laborat? Id D. de Vert nequaquam comprehendit nec tamen tanto ratiocinio opus est ut comprobetur, aut comprehendatur. Quid enim nostra Religio aliud est, ut jam supra innui, quam Religio mystica, in qua Deus non nisi sub profundo symbolorum velo se visendum præbet, in qua gratiam suam invisibilibus viis diffundit, in qua Evangelium nobis non nisi obscura proponit, in qua denique spes nobis non alia bona promittit, quam quæ captum nostrum effugiant. Itaque cultum nostrum merito ex symbolis constare necesse est, cum ille spei, fidei, sanctificationique nostræ correspondere debeat. Verum quidem est, spiritus illos fortes tenebras has averfari. Omne mysticum necessario etiam obscurum est, nec satis horum curiositati facit, quæ omnia intime perferutari, examinare, comprehendere cupiunt. Impediti enim ab innata sibi superbia, ne Intellectum suum ad insensibilia credenda constringant, unice rebus quæ sub sensus cadunt evidenteseque sunt fidem præstant, nos vero quæ captivamus intellectum in obsequium fidei hæc nostra simplicitate gaudemus. Amor sensibilibus, & naturalium rerum vos nequaquam eo abripit, ut quidpiam fidei, quam docti Ecclesiæ debemus, officiat. Quidquid fidei prononat, mysteria, symbola, miracula, omnia denique ab illa proficiscentia, credibilia nobis fiunt, atque sic securius longe et si per obscuras ducti semitas procedimus, quam dum fatuos illos ignes, fallaciaque lumina sequimur, quæ noster intellectus nobis offert. Hanc sententiam de hoc amore omnia simpliciter, ac naturaliter explicandi de quo D. de Vert tantum gloriatur, ferre debemus. Videamus nunc, quid de verisimilitudine suarum conjecturarum sentiendum sit.

§. L.

(a) Tolandus in originibus Judaici Ritui,

§. I.

Secundum D. de Vert argumentum. Verisimilitudo suarum conjecturarum. Hæ conjecturæ quæcumque verisimilitudinis speciem præferant, sæpius Historiarum testimonio consulantur.

Verisimilitudo hæc conjecturarum alterum Vertii efficit argumentum. Verum neque hoc magis securum magisque concludens præcedenti est. Non equidem ignoro conjecturas suppetere, quæ aliquando tantam verisimilitudinis speciem præferunt, quæque tam proxime ad veritatem accedunt, ut incautos facile in errorem abducant. Fallax quidem splendor assensum eorum extorquet, qui veritatem penitus penetrare nequeunt, & absque magno negotio persuadentur, ut conjecturam aliquam pro vera suscipiant, quia est verosimilis. Hoc ipsum D. de Vert fecellit, qui aliunde ab omni mystico sensu abhorrebat. Sic cerei meridiano Sole accensi illi præter modum displicebant, nec patiebatur eos usurpâri in signum obsequii erga Deum, aut in symbola charitatis, quæ lucida semper, & ardens in cordibus Fidelium flagrare debet. At, cum illi affirmatur luminum usum ad dispellendas tenebras fuisse introductum a necessitate, promptus ad hanc amplectendam sententiam advolat. Crederes illum e tenebris ad clarum lucem exiisse, ita sibi in fallaci hoc invento gloriatur, ita sibi arridet. Atque novam hanc veritatis, ut ille arbitrat, indagandæ viam, omnibus tanquam certissimam semitam proponit, quæ ducti cæteras etiam Ecclesiæ cæremonias explicare facile possint; verum fundamentum hoc quo systema suum innititur eo facilius prosternebam, quo clarius illi monstravero conjecturas suas vanas, falsas, insufficientes, imo nonnunquam ridiculas esse.

Primo assero, quemcumque demum veri fucum, quamcumque certitudinis speciem conjecturæ hæc præferant, iis non esse fidendum. Cum jactata hæc verisimilitudo haud raro a veritate Historica refellatur, & lucidissimus ille splendor sæpe imo sæpiissime a viris accuratius rem indagantibus satuum lumen esse deprehendatur. Quid de Veteris Testamenti cæremonis dici non posset uti vellem, si D. de Vert principiis facile omni mysterio spoliari posset, atque naturaliter explicari, quam quidem rem ipse D. de Vert jam sufficienter præstitit circa thymiamata, ac laceruarum usum, circa impositionem manuum, & effusionem olei a Jacobo in modum sacrificii peractam? Quantas non & ego alias cæremonias explicare eadem ratione possem?

Quid enim obstaret, ne dicam, Ideo præceptum fuisse, ut ignis in usum altaris incensorum ab altari holocaustorum sumatur, quia sibi sue-re proxima, sicque commodi rationem habitam? Ideo Agnum Paschalem mense Nisan ab Israelitis comestum fuisse, quia eo anni tempore animal istud magis obvium? Ideo assatum, quia ita præparatum magis sapit? Ideo prebram ablutionem institutam, quia mundities sanitati conducit? Ideo

Sacer-

Sacerdotes vestes laneas portasse, quia indumenta hæc & magis communia, & temporibus illis magis accommodata? Ideo denique Supremum Pontificem cæteris pretiofiora, auroque & purpura vestimenta intertexta gestasse, quia cæteris sacrificulis ditior, ac opulentior fuerat? Verum neque mæx, neque D. de Vert conjecturæ solidæ sunt, & utræque a veritate quam maxime discedunt. Quod Historia lux temporum, & passim occurrentes S. Scripturæ abunde demonstrant. Nihilominus universæ hæc conjecturæ speciem quamdam verisimilitudinis præferunt, ut vix dubitandum sit, eas avide ab illis abreptum iri, qui cum D. de Vert omnia mysteria e medio tollere cupiunt, omnesque explicationes symbolicas averfantur.

Idem prorsus sentiendum est de ritibus Ecclesiæ Jesu Christi, & de conjecturis, quæ eos ad originem simplicem, & naturalem reducere videntur. Quamcumque demum veri speciem conjecturæ hæc præbeant, quantumvis probabilia argumenta appareant, quæ ad novas institutionis rationes effingendas faciunt, sæpissime tamen a veritate quam maxime abhorrentia esse, tum accuratiori indagine, tum Historiarum certissimo testimonio evincitur. Atque ut rem exemplo illustrem: In nostris Ecclesiis Psalmi alternis vicibus, ac duplici choro cantantur. Hujus consuetudinis causam dum mecum perpendo, primum mihi occurrit, id verisimiliter fieri, ut cantores sibi mutuo solatio sint; cum alias meturandum foret, ne continuato labore exhausti deficiant, atque ante præstitutum precum tempus absolutosque Hymnos psallendi finem facere cogantur. Nihil profecto hac conjectura argutius, nihil verisimilius, quam etiam D. de Vert ambabus manibus suscepit, atque sic nullam aliam consuetudinis hujus causam proferre necesse duxit. Nihilominus, si Ritus hujus originem accuratius perscrutati fuerimus, conjecturam hanc esse falsissimam experiemur; cum Historia Ecclesiastica toto cælo diversam, ac dignitate multo nobiliorem rationem suppeditet. Socrates quippe nos edocet S. Ignatium Episcopum Antiochenum in ecclasiâ abreptum Angelos Dei laudes alternis choris modulantes vidisse, indeque permotum, ut in terris imitandum præciperet, quod in cælis fieri observasset. Hæc in Ecclesia Græca reciproci, mutuique cantus origo extitit, indeque Sancti Ambrosii tempore in Occidentem hæc consuetudo traducta. Cujus jam antea in Veteri Testamento exemplum Cherubini a Propheta visi exhibent, qui alternis vicibus verba hæc: *Sanctus, Sanctus, Sanctus Dominus Deus exercituum* suscipiebant. Ast cælestes Spiritus hac requie, mutuoque solatio opus habuisse nemo certe contendet. Cæterum ad ævum usque Sancti Ignatii in Oriente, & S. Ambrosii in Occidente nulli unquam mortaliū occurrit cantorum lassitudini alterna hac modulatione subvenire. Unde manifestum est, hanc psallendi consuetudinem nequaquam a necessitate se mutuo sublevandi introductam fuisse; Itaque omnis conjectura evanescit quæ quamquam verisimillima videatur, tamen a veritate longissime abest.

In pedes, nos Missæ tempore erigimus, dum Diaconus Evangelium legit, imo ab altari nos ad Lectionis suggestum convertimus. Quid magis ad rem hanc explicandam aptius, quam ut dicamus, naturalem rem

To. 1. pag. 84.

Socrates lib. 6.
cap. 8.

rum ordinem exigere, ut oculos, corpusque in eum convertamus, quem audire cupimus, necesseque esse, ut erigamur, si cupiam proximiores fieri volumus? Adde his unum, alterumve duodecimi, aut decimiquinti sæculi rituale, quod eandem, licet ineptam, hujus rei rationem profert, Geometricam D. de Vert subministrabis demonstrationem. Nihilominus, si consuetudinis hujus originem accuratius indagaverimus, conjecturæ falsitas clare elucebit.

Author Constitutionum Apostolicarum, qui inter vetustissimos, qui nobis suppetunt, Scriptores merito numeratur, aliam nobis longe causam innuit. Id enim ob venerationem fieri ait; & profecto si aut necessitatis, aut commodi ratio habita fuisset, idem in audiendis Epistola, Lectionibus, & Prophetiis, quæ pariter in elsto quopiam loco, & sæpe in eodem, quo Evangelium legi consueverunt, obtigisset. Verisimilitudo igitur conjecturarum nequaquam firmum veritatis præstet argumentum, neque his temere, & absque metu solidaque trutina inhærendum, cum tam sæpe in errorem inducant.

Lib. 2. cap. 37.

§. II.

Conjecturæ, quacumque veri specie præditæ, nequaquam ad explicandas nostras cæremonias sufficiunt.

Assero secundo loco, conjecturas D. de Vert, in quibus sibi tantum placet, raro, imo vix unquam ad explicandas nostras cæremonias sufficere.

Profecto plures usurpantur cæremoniæ, quas quocumque conjecturarum adminiculo penitus explanare nequivimus. Non inficior quidem earum subsidio aliquas circumstantias explicari, quinimo concedam nonnullis hac ratione satisfieri. Verum sepiissime hæret aqua, cum hujusmodi conjecturæ a docti adversarii aggressionibus tuendæ sint, qui superficiem solum, & corticem sectantes medullam negligunt, neque rem intime perscrutari curant. Verisimile D. de Vert videbatur aquam solum non vero vinum in Missæ sacrificio benedici, quoniam in recitands oratione -- *Deus qui humana* &c. To hujus quod in his verbis reperitur -- *Da nobis per hujus aquæ, & vini* &c., ac Sacerdotem ad designandam crucis signo prædictam materiam determinat, tunc pronanciatur aqua in vinum jam calici infusum immittitur. Itaque (ait) determinatur Sacerdos ad benedicendam solam aquam, cum jam vinum sit adhibuit. Hæc illius conjectura est: aut sciscitor ab eo, cur in Missis Mortuorum neque vinum, neque aqua benedicatur? Hoc velim ut suis his conjecturis fretus huic questioni respondeat.

Campanarum usum D. de Vert pari ratione a sola necessitate adsciscit, neque iis assentitur, qui eas in signum mœstitiæ, aut lætitiæ, vel ad amplificandam festivarum solemnitatum pompam adhiberi credunt. Si vero queratur cur pulsantur, congregato jam fidelium cœtu, ut sit, dum Hymnus *Te Deum* canitur in fine Matutinal, aut tempore Antiphonarum O. vulgo appellatarum, D. de Vert nequaquam titubabat, sed prom-

To. 1. pag. 43.

To. 2. pag. 87.

plus

ptus respondet, id fieri, ut primo in casu Fideles *ad Laudes*, secundo vero *ad Completorium* invitentur. En conjecturam, quam verisimilem arbitrat, quæ tamen re ipsa veritate caret. Si enim ideo ad *Te Deum* Campanæ pulsantur, ut *Laudes* populo annuntientur, id semper, etiam cum Hymnus ille intermittitur, in fine Matutini fieri deberet. Si propterea ad Antiphonas Adventus O. campanæ resonant, ut Christiano gregi ingroens Completorium innotescat, id pariter post Nativitatem, dum Antiphonæ eæ absunt, proxime ante Completorium usueniret. Cæterum cur in solemnioribus Missis campanæ ad *Gloria in Excelsis* pulsantur, cur æris hic clangor magis certis quibusdam aut officiis, aut diebus festis, quam in aliis frequentatur? Cur major notarum sonitus, crebriorque harmonia festivis, quam Feriarum diebus? Hic certe rationes a physica, & necessitate ductæ hærent, omnesque conjecturæ collabuntur. Recurrendum ad rationes morales est, quidquid D. de Vert obstrepat, ac renitatur.

Ita de plurimis aliis ritibus dicendum est ad quos explicandos conjecturæ seu a necessitate, commodo, decore, seu a Judæorum, aut Ethnorum ritibus desumptæ, nihil lucis asferre possunt. Torqueamus licet ingenium nostrum curiosis speculationibus, nihil tamen inveniemus, quod nobis satisfaciât. Et ipsi D. de Vert, qui omnia se perscrutari posse arbitrat, quantæ non se obtulere cæremoniæ, quæ ipsum fateri coegerunt, omnia in iis ita obscura, ita tenebris obsita esse, ut propriis opinionibus diffidat, & in iis indagandis non nisi *palpitando*, ipsius verba sunt, procedat? Quamvis sexcentas infirmissimas conjecturas nobis obtrudere non dubitaverit, quot tamen adhuc myriades cæremoniarum intactas reliquit? Non aliam ob rationem, quam quod conjecturarum suarum fontem exhaustum viderit, atque sic certissimum nobis præbet argumentum asserendi, hunc suum ratiocinandi modum nequaquam ad explicandas nostras cæremonias sufficere.

§. LII.

Conjecturæ a D. de Vert allatæ nequaquam veri speciem, ut ille arbitrat, præferunt. Quindecim selecta harum conjecturarum Exempla, e quibus earum ridicula absurditas elucescit.

Quod nos a conjecturis, quibus D. de Vert tam vehementer sibi gloriatur, magis adhuc deterrebit, sunt absurdissimi illi, imo vero & ridiculi errores in quos prolapsus est, qui cum omnem fidem excedant operæ pretium aliqua exempla in medium proferre, neque credi possunt, nisi eorum exempla asseram. En quindecim accipe ex cæteris selecta, quæ clare demonstrabunt, eum quæcumque in mentem sibi venerint effutisse, nulla habita veritatis, probabilitatis, aut verisimilitudinis ratione.

D. de Vert crediderat, levissimo pulsandi innixu fundamento, usum pul-

pulsandi Campanas pro defunctis, nequaquam eorum causa introductum fuisse, sed in gratiam agonizantium, at deinde consuetudinem sensim invaluisse, ut pro mortuis pulsarentur Campanæ, quæ antea non nisi pro morientibus pulsabantur. *Redeamus*, inquit, *ad veterem usum campanas pulsandi pro morientibus, eumque hodiernæ consuetudini substituiamus, & constabit, hunc morem primo institutum fuisse ut Fideles ad fundendas pro agonizantibus preces excitarentur.* Verum an mortuis nullæ suffragiorum est necessitas? an non æquum, ut Fideles ad dicendas pro eorum requie orationes invitentur?

Tom. 1. Prefat.
p. 16.

2. Ab antiquissimis temporibus Nativitatis Dominicæ festivitate, quemcumque in diem incidat, carnibus vescimur; cujus consuetudinis rationem Hoborius III. P. M. ab Episcopo Pragensi interrogatus reddit, dignitatem videlicet, & excellentiam diei. Displicet moralis hæc causa D. de Vert, qui suo iudicio carnem manducari arbitrat ob allusionem ad Incarnationem Verbi, quod Caro factum est. Vadem sententiæ producit Matthæum (æ) Parisiensem, quem auctorem? Virum videlicet & scientia rituum Ecclesiasticorum, & ordine temporum hoc Pontifice longè inferiorem.

Tom. 2. p. 111

3. Candelarum solemnitate, vulgo Purificationis die, incensi in processione portabantur cerei. Hanc cæremoniā D. de Vert a verbo *Lumen* quod in Simeonis cantico legitur proficisci credit. Id ille absque ullo altero, quam sui ipsius testimonio obtrudere audet: cum tamen nobis constet festivitatem hanc a quinto jam sæculo eadem accensarum cereorum solemnitate in Ecclesia Hierosolymitana obtinuisse. Eo vero tempore hæc allusiones nequaquam in usu fuerunt, & S. Eligius, qui septimo sæculo floruerat; nos clare edocet cereos hos Purificationis die assumptos fuisse, ut ethnica Lupercalium superstitio, quæ necdum penitus aboleri potuerat, sacris his cæremoniis obliteraretur. Credebant enim ethnici se ardentibus his candelis, quas in honorem Panis, & Febræ circumferebant, a criminum suorum labe purificari.

Tom. 2. p. 141

4. Quarta Quadragesimæ Dominica majori quadam solemnitate celebrari solet. In quo D. de Vert nullum aliud mysterium reperit, cui singularia hæc lætitiæ signa adscribi queant, quam verba Lætare Hierusalem, quibus introitus inchoatur. Equidem, si majori antiquitatis scientia præditus fuisset, longè aliam gaudii, & solemnitatis causam attulisset. Non ignorasset enim medium Quadragesimæ tempus olim diem fuisse lætitiæ, ut etiam nunc apud Græcos sub nomine *Mesonyssimi*. Scivisset eandem solemnitatem a Latinis in proximam Dominicam translatam fuisse; atque ex hinc multo aptius, quam fecit, veram rationem solemnitatis, & lætitiæ hujus diei intulisset. Accedit huc quod festo hoc die aurea Rosa a Summo Pontifice certo ritu benedicatur. Quæ cæremonia, cum jam ab undecimo sæculo invaluerit, non parum ad augendam hujus festivitatis solemnitatem omnibus illis Ecclesiis contribuere debuit, qui ritus suos Romanæ Sedi conformant.

5. Arbitratur D. de Vert non aliam ob rationem in benedictione Cerei Paschalis ei thus, seu incensum inferi, quam ob perperam intellecta

Tom. 1. p. 30.
& 104.

Q

ver-

(æ) Math. Paris. Historia Angliæ ann. 1155. Honorius mortuus est anno 1157.

verba: *Suscipe Domine incensi hujus sacrificium*, contendit ignorantia, & inadvertentia Rubricariorum, temporibus illis Gothicis, velut nono saeculo, factum fuisse, quod verbum *incensum*, quod hoc in loco nil nisi cereum accensum significat, pro thure sumperint. Hæc ille quidem, verum nullo suffultus argumento, nulla auctoritate, nulla ratione, quis vero tam leviter tanti erroris, & ignorantiae Ecclesiae Rubricas accuset? Annon hoc est Hæreticis occasione manifestissimam nos insultandi præbere? Hæreticis inquam, qui nihil elabi sinunt, quod illis ad exponendas omnium cachinnis Ecclesiae rubricas inservire queat? Id D. de Vert præstat, eoque magis culpabiliter, quo certior est suam conjecturam incertissimam, imo falsissimam esse. Legentibus enim Orationem *Exultet*, unde prædicta verba deprompta sunt, clare patet, Ecclesiam nequaquam de Cereo, qui tum necdum accensus est, loqui velle, verum de incenso, quod in ejus consecratione adhibetur. En ipsa verba: *Suscipe, Sancte Pater, incensi hujus sacrificium vespertinum*, quod tibi in hac cerei oblatione per Ministrorum manus de operibus opum sacrosancta reddit Ecclesia. Tolle jam vocem *incensi*, ac cereum *incensum* ut placet de D. Vert in antiquæ vocis locum substitue, quem quæso sensum ex hac Oratione elicies? Hic videlicet, *suscipe Sancte Pater incensi hujus cerei sacrificium*, quod tibi in hoc cerei sacrificio Sancta reddit Ecclesia. Tam belle D. de Vert nostras caeremonias interpretari solet, quamquam & in eo fallitur quod incensum sæculo nono Cereo Pascali adsignatum sit: constat enim hanc consuetudinem multo esse vetustiore, & sæculo octavo nequaquam juniorem, quod vero institutionem hujus cerei symbolici spectat, hæc multo majori pollet antiquitate, & ad principium sexti sæculi referenda est; ut ex duabus ejus benedicendi formulis, quas nobis Eanodius Ticinensis reliquit, eruitur.

6. Obtinuit in Ecclesia usus, ut supra infantes, infirmos, aliasque id postulantes personas Evangelium S. Joannis recitetur; quod dum peragitur, Sacerdos eorum canibus stolam imponit. Nobilem hujus ritus originem scire cupis? audi Vertium: *Sacerdos* (inquit) *olim Evangelium extremitati stolæ affigebat; nuda naturali ordini maxime congruum erat ut genuflexus antea se personarum capitibus stolam ad legendum commodius Evangelium imponeret*. Cujus conjecturæ, licet neque testem, neque vadem, neque argumentum ullum, etiam si a cujuscunque demum auctoritatis Missalis desumptum proferat; arbitratur tamen eam tam felicem, tam elegantem, tam eximiam esse; ut ob solam verisimilitudinem, quam ei inesse credidit, adoptari debeat.

7. Cur, quæso, Pater, & Credo in Baptismate recitantur? Fortasse dies hoc vigiliam esse antiqui moris, cum Catechumenis tempore sui Catechumenatus oratio Dominica, & Fidei symbolum tradebatur. Tum enim ab initiandis postulabatur ut preces has memorie manerent & ante Baptismum recitarent. Hoc reddere symbolum dicebatur; & æquum profecto erat, ut illis symbolum sibi instructum esset, quam publice profiteri vellent. Verum longe aliter D. de Vert de hoc disserit: *antiquitus hæc preces nequaquam in administratione hujus Sacramenti recitata fuerunt; verum Ritualia, adjungit ille, munus Patrinorum indicavere; quo*

quo ad docendos *Pater*, & *Credo* filiolos obligabantur. Hæc verba *Pater*, & *Credo* in Ritualibus attramento scripta intra Rubricam cernebantur. Unde Sacerdos ob pigritiam Rubricam legere negligens, & afluens recitare, quiddam attramento in Rituali descriptum est usum fortasse invenit has duas preces recitandi *Pater*, & *Credo*. En conjecturam D. de Vert. Novam sane, & inauditam, atque ita illi propriam; ut non credam aliquem futurum, qui hujus inventi gloriam ei eripere cupiat. Sed alias accipe non minus ingeniosas.

8. Recens electus Pontifex majori altari ad S. Petrum imponitur; ubi Cardinalium obsequia pedum osculo suscipit. Accipe Vertii in huc ritum commentationem: *Dici posse (ait) id fieri, ut pedes Pontificis in justam altitudinem elevatus eo commodius exosculari possint.*

Tom. 1. p. 187.

9. Eodem tempore Pontifex vilioris pretii monetam in populum spargit, quam actionem juxta Ordinem Romanum his S. Petri verbis: *Argentum, & aurum non est mihi comitari debet.* Inferret hic aliquis, munificentiam hanc, in profanis etiam Regum coronationibus usurpatam; ritu hoc in Ecclesiam sanctiori sane ratione introductam esse; ut videlicet recordaretur Pontifex paupertatis Apostolicæ, & rerum mundanarum contemptus, sicque cognitum haberet, quod si nihil possidere liberum ei non sit, obstructum se tamen esse, ea, quæ possidet, profuse in pauperes elargiri. Verum omnia hæc, Vertii judicio, mysticos sensus redolent, atque ideo non sunt ferenda. Absque hoc verborum furore hæc verba (ait) *versimiliter nihil aliud expriment, quam Pontificem dum elemosinam hanc elargitur, non tenere manibus solidos ex auro & argento nummos, sed minoris pretii solum nummulos, qui vulgo parva moneta nomine comprehenduntur.*

Tom. 1. p. 191

10. Notum est omnibus in fine cujusque Nocturni Chorum, qui lectionum tempore federat, ad ultimum Responsorium dum *Gloria Patri* canitur, assurgere: cur vero? Id esse, respondet D. de Vert, abundi indicium; olim quippe post quolibet Nocturnum discessionem factam fuisse, cumque *Gloria Patri* Nocturnum finiat necesse erat eo momento assurgere, ut orantes prompti post Ejus recitationem abire possent: verum S. Benedictus (a) in sua Regula longe aliam hujus Ritus rationem affert; id scilicet fieri in honorem, & venerationem SS. Trinitatis, cujus gloriæ dokologia hæc consecrata est. En originem hujus cæremoniæ, ejusque rationis moralis a non contemnenda antiquitate repetitam. Nihilominus D. de Vert, cui mens Ecclesiæ sexti sæculi notior est, quam ipsi Sancto Benedicto, persuasum habet S. hunc Patrem falli, ac ab eo perperam morem hanc dilucidationem ritui adjunctam fuisse. Nihili authoritatem S. Ordinis sui Patriarchæ ducit, ac mordicus conjecturæ suæ, licet nulla solida ductus ratione inhaeret.

11. Videmus per sæpe de crucibus in processione portari solitis, flammas quasdam, seu vela candida pendere; quæ etiam in antiquis tabulis Pontificum baculis addita cernimus. Opinabar ego id fieri, ut quemadmodum olim apud Romanos insignia militaria velis quibusdam ornabantur, & id hodie in bellicis nostris vexillis observatur, ita pariter

apud

apud Christianos Crucis signum, quod publicis in processionibus circumferretur, & Ecclesiae militantis vexillum est, exornaretur. Credideram ornamentum hoc ob similitudinis rationem ad pastorem Abbatum baculum traductum fuisse. Verum D. de Vert aliam longe hujus moris causam reperit, Velum quippe istud strophium fuisse asserit seu Cruciferorum, seu Abbatum, qui illud Cruci aut pastorali Lituo non invenientes commodiorem locum alligabant, ut sic emungendis naribus, aut tergendis ori praesto esset. Quo vero argumento id comprobet, audi. Viderat nempe in Grosfensi Abbatia lituum, cui exiguus uncinus annexus fuerat; atque hic uncinus, licet de se nihil ad rem faciat, abunde illi ad hanc conjecturam formandam sufficit, neque erubuit frivolo, ac elangni huic fundamento innixus veterum pietati ridiculum, & indecentem usum affingere exponendi publica in processione totius populi oculis fordidum, & nauseandum Cruciferi alicujus sudariolum.

12. Non minus praclare, nec minus digne de ornatu ratiocinatur, qui anteriorem Altarium nostrorum faciem tegit. Eum olim nihil aliud fuisse contendit, quam suspensum virgae ferreae ante Sanctorum Lipsana, quae sub ara requiescebant, velum; ut sic eorum Sarcophagus operiretur, & a pulvere alisque injuriis defenderetur. Adjungit, tractu temporis factum, ut vela haec primò phrygio labore, purpura, aureis, argenteisque Limbis decorarentur, donec tandem inter altaris ornatus adnumerata sunt atque ne illum vane, atque inutiliter haec adstruere arguamus, en quod conjecturae suae argumentum profert: ait se vidisse Galardoni exiguò Chartrensis Provinciae viculo simile annulis virgae ferreae insertis suspensum velum, idque anno 1689. Perbellam sane, & rarissimam antiquitatem! Verum nescio quo malo fato huic ingenioso commento duplex evidentissimum ecclesiae historiae testimonium refragatur. Primis Ecclesiae temporibus altaria pretiosis tapetibus ob debitam sacris Mysteriis venerationem ornari consueverant. S. Chrysostomus (a) Theodoretus, (b) & Synesius (c) de velis cultui ararum destinatis loquuntur; Gregorius (d) Turonensis testatur altarium tegumenta e serico, aliisque pretio conspicuis pannis confecta fuisse; Anastasius (e) Bibliothecarius ait, Constantinum altari pallium auro contextum obtulisse; quae ornamenta vulgato illis temporibus nomine altarium pallia, vel vestes nuncupabantur. PP. Zachariam, & Adrianum Primum huiusmodi pallia auro contexta Ecclesiae donavisse legimus quodque magis magnificentiae studium declarat quod tum Fidelium animis infidebat, Pulcheria (f) Imperatrix Ecclesiae Constantinopolitanae altare ex puro auro celatum, ac gemmis refulgens dono dedit. Alterum testimonium quod D. de Vert conjecturam evertit, ex antiquo Martyres sub Altaribus collocandi ritu desu-

(a) S. Chrysost. hom. 69. ad populum Antiochenum, & Homil. 22. in Acta.

(b) Theodoretus lib. 5. Hist. cap. 31.

(c) Synesius Epist. 97.

(d) Gregor. Turon. lib. 7. Hist. C. 37. Cumque iam altarium cum oblativibus pallii serice operum esset.

(e) Anst. Bibl. in Vital. Obtulit super altare illius pallium auro serice, & celsitate sunt

Missa. Idem de Zachar. Peris vestem super altare S. Petri auro sericam. Idem de Adrian. Peris vestes duas super altare, unam ex auro.

(f) Sozom. lib. 9. Hist. C. 1. Visior Vit. 1. 1. persequ. Vand. Loquendo de legato Genserici Vandalorum Regis ait: Tunc capaci manu de pallio altaris, proci usus? Camisias sibi, & femoralia sibi.

defumitur. Corpora enim sancta sub ipso altari terræ mandata, altare ipsum pro sepulcro habebant, neque ulli hominum aspectui patebant. Cum vero pia Fidelium devotione e sinu terræ extrahi, & in pretiosas urnas ad augendam illorum venerationem transferri cœpissent, non amplius sub altari, sed in expositis omnium aspectui locis, aut post aram, aut super columnas, aut in certis ad id præparatis Armariis, loculisque collocata fuere. Dubito profecto D. de Vert multa in antiquitate exempla reperisse quibus probet sarcophaga Sanctorum, ea ratione, quæ sibi fingit, in propatulo sub aris reposita fuisse. Ego quidem haud magno negotio comprobabo scripto primum sæculo obtinuisse, ut Sanctorum Martyrum corpora e terra educerentur, velamina autem pretiosa, quibus altaria operiebantur, musco antea in usu fuisse. Id quod testimoniis supra a nobis allatis, ac maxima ex parte ante septimum sæculum exaratis, satis, superque confirmatum censeo.

13. En aliam conjecturam ab Historia veritatis teste æque, ut priorem, confutata. Intervallum illud unius anni, quod inter singulos Ordines suscipiendos observatur, & communi nomine Interitium appellatur, Vertii iudicio inde derivatur, quod ante Simplicii Papæ ætatem solus mensis Septembris ordinationibus faciendis præstitutus fuerit, ac proinde oportuerit ad Presbyterium aspirantes, cum non nisi gradatim ad hanc dignitatem aditus pateret, per integri anni spatium singulos ordines præstolari. Simplicius, inquit ille, primus fuit qui antea præstitutum tempus corripuit, & aliis quoque anni temporibus Ordines impertiri cœpit; quod dein ab aliis quoque susceptum fuit. Ad hanc itaque Epocham revocandus est mos ordines eodem anno suscipiendi. Ubi velim observes Simplicium anno Christi 483. è vivis decessisse.

Profecto non satis demirari queo quam confidenter D. de Vert in rebus manifestissimis nobis imponat. Evidens quippe est Papæ Simplicii tempore neque ordinationem annuam interstitiorum mensuram, neque interstitia ad Augustini tempus restricta fuisse. Quod clare ex Decretalibus Siricii, & Zosymi prædecessorum Simplicii, ac e Gelasio ejusdem post Felicem III. successore comprobatur. Zosymus enim præcessit Simplicium quadraginta novem annis, & Siricium (a) fere novaginta; jam hic statuit, ut qui a tenera infantia ad clericalem statum enutriti sunt, ante decimum quartum ætatis annum ad Lecturatus ordinem promoveantur a decimo quarto vero anno usque ad trigesimum non alios Ordines suscipere, nec alia munera obire possint, quam Acolythi, & Subdiaconi; inde ad Diaconatum promoti alios quinque annos Presbyteratus ministerium expectandum sit, atque hoc officio decennio sanctis tum primum Episcopalem dignitatem consequi liceat. Quod vero eos attinet, qui ætate jam proveciori se Ecclesie Dei voveant, intervalla restringit, & duos annos ante Subdiaconatum, & quinque ante Diaconatum præscribit.

Papa Zosymus (b) qui annis quinquaginta Simplicium antecessit, superiorem legem universam amplectitur, nihilque in ea immutat, nisi quod

(a) Siric. Epist. ad Him. tom. 3. Concil. pag. 331. num. 9. 10. 13.

(b) Zosym. Ep. 1. ad Esich. Salonit. tom. 2. Concil. p. 1557. n. 3.

quod viginti annorum ætatem pro suscipiendo Acolythatu, & Subdiaconatu statuat, atque provectioribus quatuor annorum interstitia pro suscipiendo Diaconatu præferbit.

Gelasius I. (a) qui decennio post Simplicii mortem ad Romanam Sedem evectus est, antiqua confirmavit statuta, eorumque observantiam sanctam haberi voluit. Quamquam non inficiat eum concessisse, ut urgente necessitate, atque Ecclesia Clericorum penuria laborante e sanctioris vitæ Monachis illi, qui præclara vitæ probæ, morumque illibatiorum specimina dederunt, seligantur, atque servato solum trimestri inter singulos Ordines interstitio ad sacras promoveantur dignitates. Verum specialis hæc gratia, quæ nunquam ante illum obtinuerat, nequaquam in exemplum trahi poterat. *Priscis* (inquit) *pro sui reverentia manentibus constitutis; quæ ubi nulla, vel rerum, vel temporum perurget necessitas, regulariter convenit custodire. Quo jam bella illa D. de Vert conjectura ad conspectum tam sincerorum, tam evidentium testimoniorum dilabitur?* An etiam nunc persuadere nobis conabitur ante Simplicii Papæ tempora interstitia unius solum anni fuisse, ejusque sub regimine contrata fuisse; quod Pontifex ordinationum tempora auteverterit?

14. Ea, quæ D. de Vert de Antiphonis O appellatis, ac ultimis Adventus diebus cantari solitis assert, indigna arbitror, ut serio resutentur. Attribuit D. de Vert Antiphonarum harum intonationem Capitulorum dignioribus membris ob allusionem, quam ipse deprehendit in primis Antiphonarum vocibus, cum nomine aut munere capitularium dignitatum. Sic Decanus cantat Antiphonam *O Aduai* ob similitudinem hujus vocis cum illa *Decanus*. Thesaurario obvenit Antiphona *O Clavis David*, quia nempe claves thesauri illius custodiæ concredita sunt. Cantor intonat illam, quæ per *O Radix Jesse* inchoatur, ob baculum suum in succuli formam effictum. *Radix enim farculum* significat &c.

15. Aliam tantum non minus ridiculam conjecturam pari brevitate attingam: agitur in ea de processione Ascensionis, in qua compluribus in locis cistulæ cum Sanctorum lipsanis circumferuntur. Quam ceremoniam D. de Vert deducit ab eo, quod dictum est in Evangelio de Jesu Christo: *Ferebatur in caelum*. Vocem autem *Ferebatur* aliquam similitudinem habere dicit cum *Pierre*, quæ vetusto sermone idem ac cistulam significat, atque hinc defluxisse ritum solemnem hæc festivitate cistulas Reliquiarum circumferendi. Inanes hæc, & pueriles nugæ nec consultationem merentur, cum propria infirmitate concidunt, & abuterer Lectorum patientia, si in earum discussione vel mediocri tempore morarer. Verum necesse fuit eas in medium proferre ut eo sanius judicare possent quantum conj. Sturis D. de Vert fidendum sit; quantum ipsis momenti ab hac jactata verisimilitudine acceat; & quam bene fundata D. de Vert spes sit, dum harum solo præfatio fretus, nec ullo alio solido argumento adjutus, Lectores in suam sententiam descensuros esse confidit. Hæc enim secundum systematis sui fundamentum efformant. Fundamentum sane caducum, & ruinæ proximum, quamquam & tertium, quod in collectione certorum ritualium, & Missalium omni in pagina productio-

Tom. 3. p. 56.

(a) Gelas. Ep. 9. ad Episc. Lucan. 2. 1. 2. & 3. tom. 3. Concil. p. 1188.

duktorum collocat, non majoris est firmitatis; ut statim una, alterave adnotatione demonstrabo.

§. LIII.

Tertium fundamentum systematis Vertiani. Missalia, & Ritualia a Vertio collecta, & confectiones, quas ex illis deducit. Fundamentum hoc non sufficere ad sustinendum Auctoris hujus systema.

Prima adnotatio D. de Vert persæpe in rem suam ritualium, & Missalium privatarum Ecclesiarum, ex quibus quæcumque suo systemati favere videbantur improbo labore excerptit, fidem adducit. Verum quid Missalia hæc edisserunt? Profecto maximam partem nihil prorsus horum, quæ D. de Vert ab illis dici cuperet, aut quæ ad confirmandas ejus conjecturas dicere deberent. Quod si aliquid in ejus sententiam testari videntur, id tamen neque firmum, neque concludens est. Omni autem exceptione majorum eorum testimonia esse oporteret, ut ad immutandas Fidei opinioniones, ad convellendum sensum mysticum ab Ecclesiæ precibus adjunctum, & non raro ad confutandas SS. Patrum sententias aliquid conferre possent. Reperit quidem nonnunquam aliquid in iis argumentum, quod ad factorum a se allegatorum confirmationem faciat, verum confectionum abhinc petitarum, & illatarum inductionum in hujusmodi factis nullum apparet vestigium. Quinimo ex ipsis a se adductis factis, confectionibus suis quam maxime oppositas haud magno labore depromere possem. Sed operam perderem, si asserti mei exempla afferrem; cum librum ejus pervolventibus id obscurum esse nequeat.

Secunda adnotatio. Non inficior, imo lubens concesserim aliquam sat feliciter a D. de Vert detecta, & conjecturas nonnullas verisimilitudine sua utiles in libro ejus comprehendere; & mirandum sane esset, si in duobus tam eximie molis voluminibus nihil prorsus boni contineretur. Verum inter Vertiana inventa, paucissima sunt, quæ soliditatem aliquam præferant. Quod vero illa attinet, quæ aliqua verisimilitudine confirmantur, quis quæso ullam illis amplius fidem adhibebit; postquam evidentem verisimilitudinum harum falsitatem tam solidis argumentis demonstravi. Si igitur feliciora D. de Vert inventa, quæ tamen paucas solum respexere cæremonias, tam parvo concluduntur numero, quid quæso judicandum, si ingentis illius a se prætermissarum cæremoniarum numeri ratio habeatur? Qua ratione, licet omnibus suis ritualibus, & Missalibus stipatus, id probare posset de omnibus cæremoniis, aut saltem de majori earum parte, quod omni conatu, omnibus viribus, omni-que eruditione sua, vix de paucissimis probare potuit?

Tertia adnotatio. An judicium de vera Ecclesiæ circa cæremonias mente, earumque origine ab iis Missalibus, ritualibusque desumendum est, quæ vulgo pluribus sæculis post sanctorum horum rituum institutionem

nem

nem conscripta sunt? Quæstio in eo vertitur, ut cognoscamus mentem Ecclesiæ circa institutionem caeremoniarum maxime solemnum, & antiquarum; quarum vestigia in tertio, quarto, quinto, imo nonnunquam in secundo, & primo Ecclesiæ sæculo exstant. An non antiquissimorum horum Auctorum, qui caeremoniarum institutionibus synchroni vixere, iudicio standum? Minime quidem, si Vertio credimus, qui *omnes Sanctos Patres vehementer in allegorias propendisse* ait. Quocirca etiam eos nihil æstimat, magisque Missalium suorum, quam istorum fidem amplectitur. Quam vero antiquitatem testimonia sua præferunt? Mediocre sane. Cum plurima decimo quinto, & decimo sexto sæculo conscripta sint, quæque antiquissima inter ea reperiuntur, ad decimum quartum, & decimum tertium sæculum spectent, nullum autem, ut ipse confitetur, duodecimum antecedit (a).

Quarta adnotatio. Si hæc Missalia parvi propter vetustatem; minoris certe propter qualitatem æstimanda sunt. Quæ enim hæc sunt? An Ecclesiæ Romanæ, an Græciæ, an Orientis? An sub Apostolorum nomine, ac a quarto jam sæculo cognita? An a Basilio, Chrysostomo, Ambrosio, aut aliis primorum sæculorum Pontificibus composita? Minime quidem præstantes hos, tantique nominis Patres vix unquam D. de Vert afferre dignatur, ac persæpe nobis suspensionem inicit, hos multis in locis nequaquam a se consultos fuisse. Ut silentio præteream hos non raro ab eo oppugnari specioso *mysticas* eorum explicationes refellendi titulo. Delicias ejus faciunt Liberculi quarundam obscuri nominis Ecclesiarum, distitarum Abbatiarum, aut incognitorum vicinorum: ut sunt Daoulas, Essome, Gergean, Montivilliers, Creil, Caudebec, Avalon, Gallardon, Paloiseau, aut alii similes his nihil neque dignitate, neque antiquitate suarum Ecclesiarum illustriores. Quid præterea ex hisce tam pretiosis voluminibus delegit atque excerptit? Ritus maxime rudes, & aggresses, qui ætatem illam qua primum instituti sunt ex toto redolent. Ignorantia illorum temporum, quæ a Vertio ipso rustica, & Gothica appellantur, facile in Ecclesias privatas introducere potuit, & etiam introduxit quidquid nimia simplicitas, & stupida pietas, aliquando etiam error, aut superstitionis comminisceretur. Hoc ignorantie tempore sufficere populo videbatur, si gestulationibus litteralem sensum caeremoniarum exprimeret, nec sibi necesse arbitrabatur mysticos rituum indagare sensus. Non ulterius simplicium, & rudium horum temporum processit ingenium; & si quando mysticus caeremoniarum sensus non tam facile omnium intellectui patet, explicandus esset: primæ quæque absque ulla trutina suscipiebantur pie meditationes, quæ animo sese offerebant nec accuratius perpendebant an eæ solidæ, mentique Ecclesiæ conformes essent.

Harumne igitur & exiguarum, & privatarum Ecclesiarum iudicio quæ ab ignorantia, simplicitate, & nonnunquam superstitione obidebantur, de universali ab Oriente in Occidentem diffusa Ecclesia decidentum

(a) Secundum D. de Vert vetustissimum horum Missalium est Ordinarium Metensis ann. 1105. Ita ille tom. 2. pag. 479. ubi errore typi annus

1505. legitur, quem corrigere oportet ex pag. 100. tom. 1. in qua recte legitur annus 1105.

dum est? De Ecclesia, inquam, a divino Spiritu perpetuo illuminata; de Ecclesia sponsa Jesu Christi? Justumne, ut ei tribuamus cæremonias illas non raro indecentes, & majestate Divini cultus indignas, quas D. de Vert in medium protulit, quæque potius occultaendæ erant quam in apertam lucem protrahendæ? Æquumne, ut Sanctæ huic Ecclesiæ rude hoc cæremoniarum chaos, & ineptas significationes, quas Vertus e privatis suis Ritualibus depromit, imputemus? Dum ea nobis in precibus, & Sanctorum Doctorum libris clarissime mentem suarum cæremoniarum exponit? Illamne ream arguemus omnium illorum rituum perverforum, quos rudis & superstitiosa Ecclesiarum illarum pietas introduxit, ant Commentariorum ineptorum, quibus verum cæremoniarum antiquarum sensum deturpaverunt? Non approbat illa quorundam Mysticorum æstrum, qui piis suis meditationibus ultra, quam oportuerat, abrepti sunt; eamque plumbeis quorundam ignorantium opinionibus stultissimisque commentis assentiri credemus, qui sanctum piuniquæ arbitrabantur multiplicare gestulationes, ineptissimisque inhærere allusionibus, & qui bene factum credebant ad vocem *Moab* clamorem attollere, aut ad verba *In Excelsis* turrim conscendere? Perverse hæc consuetudines sere semper obscuræ permanere, nec ultra nativitatis suæ locum vagatæ. Quod si tamen & aliis se communicarunt, Ecclesiæ illæ fuerunt nec multæ, nec magni nominis, nec ultra Provinciam extensæ. Verum demus eas se in integram etiam nationem insinuassee, an hoc sufficit ad ferendum de mente universalis Ecclesiæ judicium? Ut hoc recte feratur judicium inspicendum est, quid in ea traditum, quid observatum fuerit omnibus in locis, omni tempore, ab omnibus Sanctis Pontificibus, & Doctoribus; ac ut Vincentius Lirinensis ait: *Quod ubique, quod constanter, quod ab omnibus*. Hanc ego regulam amplector, quam sequutus sentio, Ecclesiam non alium, quam sensum mysticum, & symbolicum suis cæremoniis indidisse, hancque illius esse circa ritus mentem. Quod vero putidas illas & obtusas cæremoniarum significationes attinet, quas Vertius Ecclesiæ menti affigit, eæ, una cum peregrino suo systemate ab eadem regula convelluntur.

Incasum igitur testimonia illa ex privatarum Ecclesiarum consuetudinibus excerpta conglomerat. Possunt eæ quidem aliquando non inutilem in indaganda quarundam cæremoniarum origine, & detegenda circa ipsorum institutionem Ecclesiæ mente præstare operam: dummodo cum iis vetusta quæque Religionis consulantur monumenta; dummodo auctoritatis SS. Patrum ratio habeatur, nec mysticarum significationum ab illis nobis traditarum contemnatur fides; dummodo in privatis his cæremoniis, & ritualibus rite secernatur illud quod ignorantia quorundam sæculorum, & crassioris ingenii hominum introduxit, ab eo, quod Ecclesia, quæ mystico spiritu animatur, in universo Christiano orbe obtinere voluit. Qui aliter negotium hoc aggreditur, ipse sibi erroris causa est, atque universas Ecclesiæ cæremonias ad rudem informemque molem reducit, cultum illius deturpat, ac contemnendum reddit; Hæreticis amplam occasionem suppeditat cæremonias nostras deridendi, insulsoque illos jocos, quibus religiosos nostros ritus, sanctas-

que sacrorum mysteriorum caeremonias exhibitant, aliqua verisimilitudinis specie exornandi. Imo vero ex ipsorum Fidelium animis exactam illum, ac obsequiosam observantiam, quam, erga sanctissimos nostros ritus hucusque tenuerunt, eradicat. Atque cum hac annotatione, quæ ob veritatem, & soliditatem suam omitti minime debuit huic opellæ suam impono.

§. LIV.

Conclusio hujus operis. Quantum systema D. de Vert ad enervandam Fidelium erga Ecclesiæ caeremonias venerationem, observationemque conferre valeat.

QUOS effectus jam produclurum putas apud catholicos hujusmodi systema, si unquam infausta sorte inter eos fidem aliquam obtineat? Quæ horum futura est opinio, postquam ea perlegerint, quæ Vertus de nostris caeremoniis concessit: de caeremoniis, inquam, & veneratione, & sanctitate dignissimis? Qua veneratione eas prosequuntur, si in eandem cum D. de Vert discesserint sententiam, ritus videlicet nostros non alteri fundamento, quam utilitatis, commodi, necessitatis innixos esse, nec alio sustineri fulcro, quam allusionum frivolarum, ac persæpe puerilium, aut consuetudines quasdam esse Ethnicas, vel Hebræas absque ullo delectu ob inveteratum solum morem retentas? Ad hoc etenim probandum tota Vertiani systematis vis inclinatur. Qua, inquam, veneratione fuscipient caeremonias, quæ a tam indignis repetuntur principiis? Qua tenacitate retinebunt, & qua religione observabunt sacras hæc consuetudines, quarum *necessitas, commodum, aut utilitas* unica institutionis juxta Vertium causa fuit, quæque cum mutatis temporum circumstantiis nec commodæ nec utiles esse in præsens videantur, & commodius, & utilius foret penitus eliminare, iisque alias substituere? *Qua* non audacia, & licentia fas sibi arbitrabuntur privata etiam auctoritate omnia pro libito permutare?

Frustra nobis promittimus sic præoccupatos animos memoria rationum mysticarum, & symbolicarum retentum iri. Hæ rationes vimne aliquam ad movendos homines habebunt, quos D. de Vert in suam pertraxit sententiam, quibusque persuasit *rationes has esse arbitrarias*, post earum primam institutionem inventas, *genio cujusque sæculi conformes*, & vix non semper male fundatas? In vanum etiam eos frænatumiri credimus auctoritate Ecclesiæ, & Liturgiæ rubricis, quæ apud nos legis vim obtinent. Hanc enim auctoritatem labefactari cernimus omnibus iis animadversionibus quas Vertius suis in libris effudit? Contemnit in his quæcumque Ecclesiæ circa caeremonias adhibet verba, sermones, symbola, allusiones; atque sic exemplum funestissimum aliis præbet eadem temeritate universa hæc despiciendi. Sperandumne igitur ut ullus amplius Ecclesiæ legibus honor habeatur? Annon Ipse Vertus documentum clarissimum exemplo suo exhibuit excutiendi harum legum in rubricis latorum jugum, dum Episcopis ornamenta, quibus a privatis Presbyteris discernun-

nuntur, eripere, ac promiscue cuilibet hoc jus asserere conatur; dum Missæ Canonem, & secretas elata voce recitandas docet, nihili pendens auctoritatem nostrorum Missalium decisioni ultimi Concilii Generalis innixam? Cernimus jam non sine mœstitia perverſæ hujus doctrinæ effectus, videmus undique impendens Religioni periculum, & nefandum illum libertatis, novitatis, independentiæ, & innovationis æstrum late diffundi dolemus: Jam unusquisque privatorum se in Magistrum, in Doctorem erigit, & sibi auctoritatem cæremonias ab universa Ecclesia aut præscriptas, aut receptas, pro libito reformandi, & iminutandi audaçter vendicat. Ipsa Sacramentorum administratio criticorum horum libertatem effugere nequii; inventi sunt tam effrontis temeritatis homines, qui ea vulgari sermone administrare, & Canonicum Officium Gallica lingua solemniter decantare ausi fuerint. Quid itaque tum eventurum est, si Orbi Christiano persuaferimus omnes rubricas, & cæremonias *nullas alias institutionis habere rationes, quam necessitatis, quarumque maxima jam pars exolevit; rationes mysticas, & fines symbolicos esse arbitrarior, & insulsos, plus gratiæ, quam soliditatis habere, omnia in iis perpetuis subiecta esse vicissitudinibus, atque in rituum origin. nullam mysteriis habitam fuisse rationem*. Ego quidem pro certo habeo æternum Deum, qui Ecclesiam suam diligit, eamque ad sæculorum finem proteget, nunquam concessurum, ut opiniones hæc & fidei, & cultui, & gloriæ suæ tam perniciose in Fidelium animis prædominentur. Si olim passus non est, ut in Tabernaculum antiqui Testamenti profanus ignis importaretur, non ferat, ut in Sanctuarium novæ legis spiritus ille profanus, aggressis, & repens, quem D. de Vert inspirare studuit, introducatur.

F I N I S.



I N D E X

P A R A G R A P H O R U M.

§. I	Necessitas hujus Operis, & justa indignatio, qua concipitur ex lectione libri D. de Vert.	Pag. 15
§. II.	Sententia D. de Vert. clarissime e numero rationum propter quas in- stituta sunt caeremonia rejicit omnem sensum mysticum.	18
§. III.	Continuatio ejusdem materiae. Nihil est, quod Auctoris propo- sitiones justo universales emelliat.	21
§. IV.	Totius Operis Typus.	22
§. V.	Caeremonia cuncta ex prima sua institutione sunt Symbolica. Ar- gumentum ductum a lege naturalis.	25
§. VI.	Ejusdem argumenti continuatio. Resutantur D. de Vert. circa Ja- cobi sacrificium conjectura.	27
§. VII.	Argumentum ad confirmandam rei hujus veritatem ex lege Mo- saica deductum.	28
§. VIII.	Argumentum ad eandem veritatem probandam a cultu dolorum, omniumque populorum consensu desumptum.	31
§. IX.	Continuatio ultimarum duorum argumentorum. Refutatio D. de Vert. Et vera fuisse origo.	33
§. X.	Responsio ad auctoritatem S. Thomae.	35
§. XI.	Alius a D. de Vert. error prolatus confutatur. Prima luminum in cultu divino adhibitorum institutio; quae ex universo Symbolica asseritur.	36
§. XII.	Consequenter argumentorum praecedentium. Mens Legis na- turalis, & Moisaica praevisum de mente Ecclesiae judicium praes- tat.	39
§. XIII.	Novum argumentum Symbolica in caeremoniarum usu mentis; ductum a persona, moribus, & vita ordine lesa Christi.	40
§. XIV.	Confutatio novorum D. de Vert. errorum, quem sanus mystico- rum in actionibus Jesu Christi caeremonialibus sensus latuit.	42
§. XV.	Idem Apostoli de mente symbolica, & mystica senserunt.	45
§. XVI.	Ejusdem argumenti continuatio. Mens mystica S. Pauli circa Baptismatis caeremonias. Exotici D. de Vert. errores.	47
§. XVII.	Confutatio praecedentium errorum D. de Vert. circa Baptis- matis mysteria.	50
§. XVIII.	Continuatio ejusdem refutationis. Baptismus minime a ne- cessitate, tanquam ab origine sua repeti potest.	52
§. XIX.	Ultior ejusdem rei prosequutio. Baptismus originem suam nequaquam ab Hebraeorum consuetudine desumpsit.	54
§. XX.	Novi Domini de Vert. errores circa extremam Unctionem can- vulsi.	57
§. XXI.	Mens Ecclesiae saeculi Apostolos consequitur circa sacras caeremo- nias. Haec mens est symbolica, & symbola sunt nutrimentum, & effectus Fidei.	59
	§. XXII.	

- §. XXII. *Mens Ecclesie circa caeremonias, traditione, & omnium Sanctorum Patrum suffragio confirmata.* 61
- §. XXIII. *Demonstratur vera Ecclesia mens ad singulas descendendo caeremonias. Diversi errores D. de Vert convelluntur. Et de Ritibus Baptismi, ac veste Neophytorum caudida differitur.* 63
- §. XXIV. *Ejusdem tematis prosecutio. De unitionibus in Baptismo receptis. Pendenda D. de Vert sententia.* 65
- §. XXV. *Ejusdem rei prosecutio. De cereo accenso, qui Neophytis in Baptismo datur.* 68
- §. XXVI. *De usu cereorum in Ecclesia Jesu Christi. Confutatio D. de Vert, & caterorum, qui originem ejus necessitati adjudicant.* 69
- §. XXVII. *Continuatio ejusdem confutationis. Sententia D. de Vert suis ipsius armis oppugnatur; deinde de cereo Paschali, & institutione ejus prae mystica differitur.* 71
- §. XXVIII. *Confectura de prima cereorum in Ecclesia origine rationi minus conformiores iis, quas D. de Vert attulit.* 74
- §. XXIX. *Eadem principia ad thymiamatum in Ecclesia Jesu Christi usum traducta. Confutatio D. de Vert.* 76
- §. XXX. *Respondetur D. de Vert argumento. Quidquid de suo explicandi caeremonias systemate gloriatur, nulla tamen exin utilitas ad repellendos Haereticos enascitur.* 77
- §. XXXI. *Ejusdem rei prosecutio. Explicationes litterales D. de Vert haereticorum causam meliorem potius, quam deteriore reddunt.* 80
- §. XXXII. *Alia dua propositiones, quae probant mentem Ecclesiae esse symbolicam, & mysticam. Prima propositio: Ecclesia ob rationes mysticas eas etiam caeremonias retinuit, quae originem suam necessitati debent.* 81
- §. XXXIII. *Ultior ejusdem rei confirmatio. Error D. de Vert circa sacra Sacerdotum ornamenta.* 83
- §. XXXIV. *Error D. de Vert circa Manipulum.* 85
- §. XXXV. *Error D. de Vert circa Mirram Episcoporum.* 88
- §. XXXVI. *Error D. de Vert circa Pallium.* 89
- §. XXXVII. *Secunda propositio. Ecclesiae mysteria, & symbola iis etiam caeremoniis adnectit, quae necessitate sanante conservantur. Propositionis hujus probatio.* 91
- §. XXXVIII. *Confirmatio praecedentis propositionis. Ecclesia eodem tempore duos principales fines in institutione, & usu complurium suarum caeremoniarum respexit. Quod D. de Vert perperam inficitur.* 93
- §. XXXIX. *Enumeratio, & confutatio complurium errorum quas D. de Vert in suo opere passim disseminavit. Commentatio scandalosa, quam Auctor supra sanationem Evangelici illius a natiuitate caci instituit.* 96
- §. XL. *Error D. de Vert circa consecrationem Eucharistiae, praesentiamque Realem.* 97
- §. XLI. *Error D. de Vert circa modulationem vocis in precibus, & Canone Missae.* 96
- §. XLII.

§. XLII. Error D. de Vert de silentio Religiosis a Regula S. Benedicti prescripto.	103
§. XLIII. Error D. de Vert circa unctionem, qua in consecratione Episco- porum obtinet.	104
§. XLIV. Error D. de Vert circa unctionem Regum, & sceptrorum ori- ginem.	106
§. XLV. Error D. de Vert circa varios Vestitus diversarum Ecclesie di- guitatum.	107
§. XLVI. Error D. de Vert circa ornamenta Pontificalia Episcoporum.	109
§. XLVII. Error D. de Vert circa Religiosorum ordinum vestitum.	110
§. XLVIII. Error D. de Vert circa velum Sacrarum Virginum.	112
§. XLIX. Respondetur argumentis quibus D. de Vert systema suum con- firmat. Quidquid cruditi sententia; periculorum est omnia natu- raliter, ac simpliciter explicare.	114
§. L. Secundum D. de Vert argumentum. Verisimilitudo suarum conse- cratarum. Haec conjectura quamcumque verisimilitudinis speciem praefertunt, sapientis Historiarum testimonio confutantur.	117
§. LI. Conjectura, quaecumque veri specie praedita, nequaquam ad ex- plicandas nostras caeremonias sufficiunt.	121
§. LII. Conjectura a D. de Vert allata nequaquam veri speciem, ut ille arbitratur, praefertunt. Quindecim selecta harum conjecturarum Exempla, e quibus earum ridicula absurditas elucescit.	120
§. LIII. Tertium fundamentum systematis Vertiani. Missalia, & Ritua- lia a Vertio collecta, & consequentiones, quas ex illis deducit. Fundamentum hoc non sufficere ad sustinendum Auctoris hujus sy- stema.	127
§. LIV. Conclusio hujus operis. Quantum systema D. de Vert ad enervan- dam Fidelium erga Ecclesiae caeremonias venerationem, observatio- nemque conferre valeat.	129



MAA
1528904

17.

14.

6.

